

60  
20





FRANCISCI  
BARONIS  
DE VERULAMIO,  
*Aurhois Tamph*  
VICE-COMITIS  
SANCTI ALBANI,  
DE DIGNITATE ET  
AVGMENTIS SCIEN-  
TIARVM.  
AD REGEM SUUM.  
LIBRI IX. *Cexmisi.*

Nunc denuo editi, cum Indice Rerum ac Verboe  
rum locupletissimo.



*Nondre  
copijus*


ARGENTORATI.

Sumptibus Hæredum LAZARI ZETZNERI,

ANNO M. DC. XXXV.

+  
esta expurgado fielmente con-  
forme al expurgatorio del Año  
de 1747. y lo firmo en la Pontifa-  
cial Univ. de Hirache el  
Agosto de 1748.

Placido Bayo



GUILLELMUS  
RAVVLEY 8NDNB VBBBD-  
BDBB BRDBB88DR , ILLUSTRISSI-  
MI DOMINI D. FRANCISCI BARONIS de  
Verulamio, Vice-Comitis SANGTI AL-  
BANI Sacellanus,

LECTORI S.



UM *Domino* meo placuerit,  
eo me dignari honore , ut in  
edendis *operibus* suis , operâ  
mê usus sit; non abs re fore  
exitimavi , si *Lectorem* de ali-  
quibus, quæ ad hunc *Primum*  
*Tomum* pertinent,breviter moneam. Tracta-  
tum istum, de *Dignitate & Augmentis Scientia-  
rum*, ante Annos Octodecim, edidit Domi-  
natio sua,Linguâ Patriâ, in duos tatummodò  
Libros distributum , & Regie sue Majestati di-  
cavit , quod & nunc facit. Non ita pridem  
Animum adfecit, ut in Latinam Linguam  
verteretur. Inaudierat siquidem illud apud

*Ad Lector.*


Exteros expeti : Quinetiam solebat subinde dicere, *Libros Modernis Linguis conscriptos, non ita multò post Decocturos*. Ejus igitur *Translationē*, ab insignioribus quibusdam Eloquentiæ Viris elaboratam, propriâ quoque Recensio- ne castigatam, jam emittit. Ac *Liber Primus* certè, quasi mera *Translatio* est; in Paucis admodum mutatus. At reliqui *Octo*, qui *Parti- tiones Scientiarum* tradunt; atq[ue] unico antè Libro continebantur, ut *Novum Opus*, & nunc primùm editum, prodit. Causa autem præcipua, quæ Domihationem suam movit, ut Opus hoc retractaret, & in plurimis amplifi- caret, ea fuit; *Quod in Instaurazione Magnâ* (quam diu postea edidit) *Partitiones Scientiarum*, pro primâ *Instauracionis* Parte constituit; quam sequeretur *Novum Organum*, dein *Hi- storia Naturalis*, & sic deinceps. Cùm igitur reperiret Partem eam de *Partitionibus Scien- tiarum* jam pridem elaboratam, (licet minùs solide quam Argumenti Dignitas postularet) optimum fore putavit, si retractaretur, & re- digeretur in opus justum & completum. At- que hoc pacto, Fidem suam liberari intelligit, de primâ Parte *Instauracionis* præstitam. Quan- tum ad *Opus ipsum*, non est Tenuitatis meæ, de eo

*Ad Lectorem.*

de eo aliquid præfari. Præconium ei , quod  
optimè conveniat, existimo futurum illud,  
quod Demosthenes interdum dicere solebat  
de rebus gestis Atheniensium veterum ; Lau-  
datorem iis dignum esse solummodo Tempus.  
*Deum Opt. Max.* obnixè precor, ut pro *Digni-*  
*tate Operis*, Fructus Uberes, diurni-  
que, & *Auctori*, & *Lectori*  
contingant.



Partitiones Scientiarum.



PARTITIONES SCIEN-  
TIARUM, ET ARGUMENTA  
Singulorum CAPITUM.

L I B. I I.

C A P. I.

**D**icitio Universalis Doctrinæ Huma-  
næ, in Historiam; Poesim; Philo-  
sophiam: Secundum tres Facultates Intel-  
lectus; Memoriam; Phantasiam; Rationem;  
Quodque eadem Partitio competit etiam Theo-  
logicis.

C A P. II.

Partitio Historiæ in Naturalem, & Civilem:  
Ecclesiasticā, & Literariā, sub Civili comprehen-  
sis: Partitio Historiæ naturalis, ex Subjecto suo,  
in Historiam Generationum; Præter- Genera-  
tionum; & Artium.

C A P. III.

Partitio Historiæ Naturalis, Secunda, ex Uso  
& Fine suo, in Narrativam; & Inductivam;  
Quodque Finis Nobilissimus Historiæ Naturalis  
sit, ut ministret, & in ordine sit, ad condendam  
Philosophiam, quem Finem intuetur Inducti-  
va. Partitio Historiæ Generationum, in Histo-  
riam cœlestium; Historiam meteororum, hi-  
storiam

*Partitiones Scientiarum.*

storiam Globi Terræ & Maris: historiam maf-  
farum, *sive* Collegiorum majorum, & historiā  
specierum, *sive* Collegiorum minorum.

CAP. IV.

*Partitio historiæ civilis, in Ecclesiasticam, li-  
terariam: & (qua generis nomen retinet) civi-  
lem: Quodque historia literaria desideretur, Ejus  
conficiendæ præcepta.*

CAP. V.

*De dignitate, & difficultate historiæ civi-  
lis.*

CAP. VI.

*Partitio prima historiæ civilis (specialis) in  
memorias, Antiquitates, & historiam justam.*

CAP. VII.

*Partitio historiæ justæ, in Chronica tempo-  
rum, vitas personarum, & relationes actionū:  
earum partium explicatio.*

CAP. VIII.

*Partitio historiæ temporum, in historiam  
Universalem, & particularem. Utriusq; com-  
moda, & incommoda.*

CAP. IX.

*Partitio secunda historiæ temporum, in An-  
nales, & acta diurna.*

*Partitiones Scientiarum.*

C A P. X.

*Partitio secunda historiæ civilis (specialis,) in  
meram, & mixtam.*

C A P. XI.

*Partitio historiæ Ecclesiasticæ; in Ecclesia-  
sticam specialem; historiam ad Prophetias, &  
historiam Nemeseos.*

C A P. XII.

*De Appendicibus historiæ, que circa verba  
hominum (quemadmodum historia ipsa circa fa-  
cta) versantur: Partitio earum in orationes, epi-  
stolas, & apophthegmata.*

C A P. XIII.

*De secundo membro principali doctrinæ hu-  
manæ, nempe Poesi. Partitio Poeseos in narrati-  
vam, dramaticam, & parabolicam. Exempla  
parabolicæ tria proponuntur.*

---

L I B. III.

C A P. I.

*Partitio scientiæ in Theologiam, & Philo-  
sophiam. Partitio Philosophiæ in doctrinas  
tres: De Numinе, De Naturâ, De Homine. Con-  
stitutio Philosophiæ primæ, ut Matris communis  
omnium.*

C A P.

*Partitiones Scientiarum.*

C A P. I I.

*De Theologiâ Naturali: & doctrinâ de Angelis & Spiritibus, quæ ejusdem est Appendix.*

C A P. I I I.

*Partitio Naturalis Philosophiæ, in speculativam, & operativam: quodq; illæ due, & in intentione tractantis, & in corpore, tractatus, segregari debeant.*

C A P. I V.

*Partitio doctrinæ speculativæ de Naturâ, in Physicam, ( specialem, ) & Metaphysicam: Quarum Physica causam efficientem, & materiam: Metaphysica causam finalem, & formam, inquirit. Partitio Physicæ ( Spec: ) in doctrinas de principiis rerum, de fabricâ rerum, sive de mundo, & de varietate rerum. Partitio doctrinæ de varietate rerum, in doctrinam de concretis, & doctrinam de abstractis: Partitio doctrinæ de concretis, reicitur ad easdem Partitiones, quas suscipit historia naturalis. Partitio doctrinæ de abstractis, in doctrinam de Schematismis materiæ, & doctrinam de motibus. Appendices due Physicæ speculativæ: Problematia naturalia, placita antiquorum philosophorum. Partitio Metaphysicæ, in doctrinam de formis, & doctrinam de causis finalibus.*

*Partitiones Scientiarum.*

C A P. V.

*Partitio operativæ doctrinæ de naturâ, in Mechanicam, & Magiam: Quæ respondent partibus speculativæ: Physicæ Mechanica, Metaphysicæ Magia: Expurgatio vocabuli Magiæ. Appendices duæ operativæ: Inventarium opum humanarum, & Catalogus Polychrestorum.*

C A P. VI.

*De magna Philosophiæ Naturalis, tam speculativæ, quam operativæ, Appendice Mathematicâ: Quodq[ue] inter Appendices potius poni debet, quam inter scientias substantivas. Partitio Mathematicæ, in puram, & mixtam.*

---

L I B. I V.

C A P. I.

*Partitio doctrinæ de homine, in Philosophiam humanitatis, & civilem. Partitio Philosophiæ humanitatis, in doctrinam circa corpus hominis, & doctrinam circa animam hominis. Constitutio unius doctrinæ generalis de naturâ, sive de statu hominis. Partitio doctrinæ de statu hominis, in doctrinam de personâ hominis, & de foedere animi & corporis. Partitio doctrinæ de personâ hominis, in doctrinam de miseriis hominis, & de prærogativis. Partitio doctri-*

*Partitiones Scientiarum.*

doctrinæ de fœdere, in doctrinam de indicationibus, & de impressionibus. *Asignatio physiognomiae, & interpretationis somniorum naturalium, doctrinæ de indicationibus.*

C A P. II.

*Partitio doctrinæ circa corpus hominis, in Medicinam, Cosmeticam, Athleticam, & voluptariam. Partitio Medicinæ in officiatria; viz. in cōservationem sanitatis, curationem morborum, & prolongationem vitæ Quodq[ue] pars postrema de prolongatione vitæ disjungi debeat à duabus reliquis.*

C A P. III.

*Partitio philosophiæ humanæ circa animam, in doctrinam de spiraculo, & doctrinā de animâ sensibili, sive producta. Partitio secunda ejusdem Philosophiæ, in doctrinam de substantia, & facultatibus animæ, & doctrinam de usu, & objectis facultatum. Appendices due doctrinæ de facultatibus animæ, doctrina de divinatione naturali, & doctrina de fascinatione. Distributio facultatum animæ sensibilis, in motum, & sensum.*

---

L I B. V.

C A P. I.

*Partitio doctrinæ circa usum & objecta facultati-*

*Partitiones Scientiarum.*

cultatū animæ humanæ, *in Logicam*, & *Ethicam*. *Partitio Logicæ*, *in artes inveniendi, judicandi, retinendi, & tradendi*.

CAP. II.

*Partitio inventivæ, in inventivam artium & argumentorum: Quodq[ue] prior harum ( quæ eminet ) desideretur. Partitio inventivæ artium, in experientiam literatam, & organum novum. Delineatio experientiæ literatae.*

CAP. III.

*Partitio inventivæ argumentorum, in promptuariam, & topicam. Partitio topicæ, in generalem, & particularem. Exemplum topicæ particularis, in inquisitione, de gravi & levi.*

CAP. IV.

*Partitio artis judicandi, in judicium per inductionem, & per syllogismum. Quorum prius aggregatur organo novo. Partitio prima judicii per syllogismum, in reductionem rectam, & inversam. Partitio secunda ejus, in analyticam, & doctrinam de Elenchis. Partitio doctrinæ de Elenchis, in Elenchos sophismatū, Elenchos Hermeniacæ, & Elenchos imaginum, sive idolorum. Partitio idolorum, in idola tribus, idola specus, & idola fori. Appendix artis judicandi, viz. De Analogia demonstrationum pro Natura subjecti.*

CAP.

*Partitiones Scientiarum.*

C A P. V.

*Partitio artis retinendi sive retentivæ, in doctrinam de adminiculis memoriae, & doctrinam de memoria ipsa. Partitio doctrinæ de memoria ipsa, in prænotionem, & emblema.*

---

L I B. VI.

C A P. I.

*Partitio traditivæ, in doctrinam de organo sermonis, doctrinam de methodo sermonis, & doctrinam de illustratione sermonis. Partitio doctrinæ de organo sermonis, in doctrinā de notis rerum, De locutione, & descriptione. Quarum due posteriores Grammaticam consti-tuunt, ejusque partitiones sunt. Partitio doctrinæ de notis rerum, in Hieroglyphica, & Characteres reales. Partitio secunda Grammaticæ, in literariam, & philosophantem. Aggregatio Poeseos quoad metrum, ad doctrinam de locutione. Aggregatio doctrinæ de ciphris, addoctrinam de scriptione.*

C A P. II.

*Doctrina de methodo sermonis, constitui-tur ut pars traditivæ substantiva & principalis. Nomen ei inditur prudentia traditivæ. Enume-rantur*

*Partitiones Scientiarum:  
merantur methodi genera diversa, & subjunguntur eorum commoda, & incommoda.*

C A P. III.

*De fundamentis & officio doctrinæ de illustratione sermonis, sive Rheticæ. Appendices tres Rheticæ, que ad promptuariam tantummodo pertinent: Colores boni & mali, tam simplicis, quam comparati, antitheta rerum formulæ minores orationum.*

C A P. IV.

*Appendices generales duæ traditivæ, critica, & paedagogica.*

---

L I B. VII.

C A P. I.

*Partitio Ethicæ, in doctrinam de exemplari, & Georgicā animi. Partitio exemplaris ( scilicet boni ) in bonum simplex, & bonum comparatum. Partitio boni simplicis, in bonum individuale, & bonum communionis.*

C A P. II.

*Partitio boni individualis, vel suitatis, in bonum activum, & bonum passivum. Partitio boni*

*Partitiones Scientiarum.*

boni passivi, in bonum conservativum, & bonum perfectivum. *Partitio boni communio-*  
*nis, in officia generalia, & respectiva.*

CAP. III.

*Partitio doctrinæ de cultura animi, in do-*  
*ctrinam de characteribus animorum, De affe-*  
*tibus, & de remediis, sive curationib. Appen-*  
*dix doctrinæ ejusdem, de congruitate inter bo-*  
*num animi, & bonum corporis.*

---

L I B. VIII.

CAP. I.

*Partitio doctrinæ civilis, in doctrinam de*  
*conversatione, doctrinam de negotiis, & do-*  
*ctrinam de Imperio, sive Repub.*

CAP. II.

*Partitio doctrinæ de negotiis, in doctrinam*  
*de occasionibus sparsis, & doctrinam de am-*  
*bitu vitæ. Exemplum doctrinæ de occasionibus*  
*sparsis, ex parabolis aliquibus Salomonis. Pra-*  
*cepsa de ambitu vitæ.*

CAP. III.

*Partitiones doctrinæ de Imperio, sive Re-*  
*bup.*

*Partitiones Scientiarum.*

bup. omittuntur : Tantùm aditus fit ad desiderata duo : Doctrinam de proferendis finibus Imperii, & doctrinam de justitiâ universalî, sive de fontibus juris. Exempla utriusque.

---

L I B. I X.

C A P. I.

*Partitiones Théologiæ inspiratæ omittuntur : Tantùm aditus fit ad desiderata tria : doctrinam de legitimo usu rationis humanæ in divinis, doctrinam de gradibus unitatis in Civitate Dei, & emanationes scripturarum.*



FRAN.

FRANCISCI  
BARONIS DE  
VERULAMIO,  
VICE-COMITIS SANCTI  
ALBANI  
*De Dignitate & Augmentis Scientiarum,*  
LIBER PRIMUS.



Ub Veteri Lege , Rex Optime , erant &  
spontaneæ Oblationes , & quotidiana Sa-  
acrificia ; Hæc ex rituali cultu , illæ ex piâ A-  
lacritate profectæ . Arbitror equidem de-  
beri tale quidpiam Regibus à Servis suis ;  
ut scilicet quisque non solum Muneris sui Tributa , sed  
& Amoris Pignora deferat . Atque in prioribus illis ,  
spero me minimè defuturum ; In posteriori autem ge-  
nere dubitavi , quid potissimum sumerem : Satius autem  
visum est , hujusmodi aliquid deligere , quod potius ad  
Personæ tuæ Excellentiam , quam ad Negotia Coronæ  
spectaret .

Ego sapissimè de Majestate tuâ , ut debeo , cogitans  
(missis aliis sive Virtutis , sive Fortunæ tuæ Dotibus )  
magnâ prorsùs afficior admiratione , cùm intueor Ex-  
cellentiam earum in te Virtutum , Facultatum q; , quas  
Philosophi Intellectuales vocant : Capacitatem Ingenii  
tot&tanta complexam , Firmitudinem Memoriae , Pre-  
hensionis Velocitatem , Judicij Penetrationem , Elocu-  
tio nisq;

tionisq; Ordinem, simul & Facilitatem. Subit profecto Animum quandoq; Dogma illud Platonicum, quo asseritur, Scientiam nihil aliud esse, quam Reminiscientiam; Animumq; naturaliter omnia cognoscere, nativæ luci, quam specus corporis obumbraverat, subinde redditum. Certè hujus rei, (si in quo alio) relucet in Majestate tuâ Exemplum insigne; cui adeò prompta est Mens ad concipiendam Flammam, ubi vel levissima eam excitaverit objec̄ta Occasio, vel minima alienæ Cognitionis scintilla affulserit. Quemadmodùm igitur, de Regum sapientissimo, Sacra perhibet Scriptura, *Cor illi fuisse, tanquam Arentam Maris;* cuius quanquam Mæssa prægrandis, Partes tamen minutissimæ; sic Mentis in didit Deus Majestati tuæ crasim planè mirabilem, quæ cùm maxima quæque complectatur, minima tamen prehendat, nec patiatur effluere: Cùm perdifficile videatur, vel potius impossibile in Naturâ, ut idem Instrumentum, & grandia Opera, & pusilla aptè disponat. Quantum ad Elocutionem tuam, occurrit illud Cornelii Taciti de Augusto Cæsare; *Augusto, inquit, profluens, & quæ principem virum deceret, eloquentia fuit.* Sanè si rectè rem perpendamus, omnis Oratio aut laboriosa, aut affectata, aut Imitatrix, quam vis alioquin excellens, nescio quid servile olet, nec sui juris est. Tuum autem dicendi genus verè Regium est, profluens tanquam à Fonte, & nihilominus, sicut Naturæ Ordo postulat, Roris diductum suis, plenum facilitatis felicitatisque, imitans neminem, nemini imitabile. Atque sicut in Rebus tuis, quæ tāmi ad Regnum, quam ad Domum tuam spectant, Virtus videtur cum Fortunâ certare; Mores scilicet optimi cum felici Regimine; Spes tuæ olim patienter & piè cohibitæ. cum fausta & opportuna speratorum adeptione; Thori Conjugalis sancta fides, cum fructu Conjugii

*Liber Primus.*

9

jugii beato, in Sobole pulcherrimâ; Pia, & Principe Christiano dignissima ad pacem propensio, cum simili vicinorum Principum inclinatione, in idem votum feliciter conspirantium; sic & in intellectu tui Dotibus non levior exoritur lis & æmulatio, si eas, quæ à Naturâ ipsâ præbitæ sunt & infusæ, cum instructissimâ gazâ multiplicis Eruditionis, & plurimarum Artium Scientiâ committamus. Neque verò facile fuerit Regem aliquem post Christum natum reperire, qui fuerit Majestati tuæ, Literarum Divinarum & Humanarum varietate, & culturâ comparandus. Percurrat, qui voluerit, Imperatorum & Regum seriem, & juxta mecum sentiet. Magnum certè quiddam præstare Reges videntur, si delibantes aliorum Ingenia ex compendio sapient, aut in Cortice Doctrinæ aliquatenus hæreant, aut denique literatos ament, evehantq;. At Regem, & Regem natum, veros Eruditionis Fontes hausisse, imò ipsum met Fontem Eruditionis esse, propè abest à Miraculo. Tuæ verò Majestati, etiam illud accedit, quod in eodem Pectoris tui Scrinio, Sacrae Literæ cum profanis recondantur, adeò ut cum Hermete illo Trismegisto, triplici gloriâ insigniatis, Potestate Regis, Illuminatione Sacerdotis, Eruditione Philosophi. Cùm igitur alios Reges longè hâclaude (propriè quæ tua est) superes, æquum est, ut non solum præsentis Seculi famâ, & admirazione celebretur, aut etiam Historiarum lumine posteritati transmittatur, verùm ut solido aliquo in Opere incidatur, quod & Regis Magni potentiam denotet, & Regis tam insigniter Docti Imaginem referat.

Quare (ut ad Incepturn revertar) nulla potior mihi visa est Oblatio, quam Tractatus aliquis eò spectans. Hujus Argumentum duabus constabat Partibus. In priori (quæ levior est, neque tamen ullo modo præter-

mittenda) de Scientiæ, & Literarum per omnia excellētiā agendum est; & simul de Merito eorum, qui in iisdem provehendis operam strenuè, & cum judicio impendunt. Posterior verò Pars (quod Caput rei est) proponet, quid in hoc genere, hucusque actum sit, & perfectum; insuper & ea perstringet, quæ videntur desiderari; ut quamvis non ausim seponere, aut deligere, tuæ quod præcipuè Majestati commendem, tamen multa & varia repræsentando, Regiastuas Cogitationes excitare possim, ut proprios Pectoris tui Thesauros excutias, atque inde pro magnanimitate tuâ, atq; sapientiâ, optima quæque, ad Artium & Scientiarum Terminos proferendos, deponas.

In ipso Vestibulo prioris Partis, ad purgandam viam, & quasi indicendum silentium, quo melius audiantur Testimonia de Dignitate Literarum, absque Oblatratione tacitarum Objectionum, statui primo loco liberare literas opprobriis, & vilipendiis, quibus impedit eas Ignorantia, sed Ignorantia sub non uno schemate: modò in Theologorum Zelotypiâ, modò in Politico-rum supercilio, modò in ipsorum Literatorum erroribus sese ostentans, & prodens. Audio primos dicentes, Scientiam inter ea esse, quæ parcè cantèq; admittenda sunt; Scientiæ nimium. Appetitum fuisse primum Peccatum, unde Hominis lapsus; hodieq; hærere Serpentinum quid in eâ, siquidem Ingrediens tumorem inducit; Scientia inflat: Salomonem censere: *Faciendi libros nullum esse finem, multamq; lectionem carnis esse afflictionem;* & alibi, *In multâ Sapientiâ multam esse indignationem;* & *Qui auger scientiam, augeret & dolorem;* D. Paulo monitum esse, *Ne decipiatur per inanem philosophiam:* Quin & experientiâ notum esse, doctissimos Viros Hæretico-rum Coryphaeos, doctissima Secula in Atheismum proclivia

clivia fuisse; Contemplationem denique Secundarum Causarum, authoritati Primæ Causæ derogare.

Utigitur Falsitatem hujus Dogmatis, Fundamentaque ejus malè jacta aperiamus, cuius obviam est istos non percipere, Scientiam, quæ Lapsum peperit, non fuisse puram illam, primigeniamq; Scientiam Naturalem, cuius lumine Homo Animalibus in Paradiso aductis, Nomina ex Naturâ imposuit, sed superbam illam, *Boni & Mali*, per quam excute re Deum, sibiq; ipse legem figere ambivit: Neque certè vis ulla Scientiæ, quanta quanta sit, inflat mentem, cùm nihil implere Animum, nedum distendere possit, præter Deum, Dei q; contemplationem: Quare Salomon de duobus palmaris Inventionis sensibus, (Vilu atque Auditu) loquens, ait, *Oculum videndo, aurem audiendo non satiari*: quod si non sit Impletio, sequitur Continens majus esse Contento. Haud aliter de Scientiâ ipsâ, Animoq; humano (cui Sensus sunt tanquam Emissarii) definit his verbis, quæ Calendario suo, Ephemeridique, omnium rerum tempora describenti, subnectit, ita cotiudens; *Omnia Deus condidit, ut unumquodq; pulchrum sit in tempore suo. Mundum quoque ipsum indidit Cordi eorum: inventire tamen Homo non potest opus, quod operatus est Deus, ab initio usq; ad finem. Quibus verbis haud obscurâ innuit, Deum fabricatum esse Animum humanum instar speculi, totius Mundi capacem, Ejusq; non minus sitientem, quam oculum Luminis: neque gestientem solum conspicere varietates, vicissitudinesq; Temporum, verum etiam perscrutandi, explorandiq; immotas, atque inviolabiles Naturæ Leges, & Decreta ambitiosam. Et quamvis innuere videatur, summam illam Naturæ œconomiam (quam appellat Opus, quod operatus Deus, ab initio usq; ad finem) non posse inveniri ab Homine; hoc*

non detrahit captui humano , sed in impedimenta Doctrinæ reiiciendum ; qualia sunt Vitæ brevitas, Studio- rum divortia, Scientiarum traditio prava & infida, plurimaque alia incommoda , quibus humana conditio irretitur. Siquidem nullam Universi partem , ab humana disquisitione alienam esse , satis clarè alibi docet, inquiens , *Spiritus hominis est tanquam lucerna Dei , quā intima arcana explorat.* Quare si tanta sit amplitudo captus humani, manifestum est, nullum esse periculum à quantitate Scientiæ, ut ut diffusâ, ne aut tumorem inducat, aut excessum : sed à qualitate tantum, quæ quantulacunque sit , si absque Antidoto suâ sumatur , malignum quid habet, atque venenosum, flatuosis symptomatis plenissimum. Hæc Antidotus, sive Arôma , ( cuius mixtio temperat Scientiam , eamque saluberrimam efficit, ) est Charitas, quod etiam priori clausulæ subiungit Apostolus dicens , *Scientia inflat, charitas autem edificat.* Cui consonum est, quod alibi docet, *Si, inquit, linguis loquar Angelorum, vel hominum, charitatem autem non habeam , factus sum velut æs resonans , aut cymbalū tinniens.* Non quin eximum quid sit loqui Linguis Angelorum & Hominum, sed quia si segregetur à Charitate, neque ad commune Humani Generis bonum dirigatur, potius inanem gloriam exhibebit , quam solidum fructum. Censuram quod attinet Salomonis, de Excessu legendi scribendique Libros, & cruciatu spiritus è Scientiâ oriundo ; Monitumq; etiam Paulinum , *Ne decipi amur per inanem philosophiam;* si rectè explicitur ea loca, optimè ostendent veros cancellos, & limites , quibus humana scientia circumsepitur , ita tamen ut liberum sit ei, absque omni coarctatione universam rerum naturam amplecti. Sunt enim limites tres. Primus, ne ita felicitatem collocemus in Scientiâ, ut interim Mortalitatis no-

stræ Oblivio subrepatur. Secundus, ne sic utamur scien-  
tiæ, ut anxietatem pariat, non animi tranquillitatem.  
Tertius, ne putemus posse nos, per Naturæ contempla-  
tionem, Mysteria Divina assequi. Nam quantum ad  
primum, optimè in eodem Libro alibi se Salomon ex-  
plicat, *Satis*, inquit, *perspexi Sapientiam tantum recedere à  
stultitia, quantum Lucem a Tenebris. Sapientis oculi in capite  
eius, stultus in tenbris oberrat; sed simul didici moriendi ne-  
cessitatem utriq; esse communem.* De secundo certum est,  
nullam Animi anxietatem, aut perturbationem oriri è  
Scientiæ, nisi tantum per accidens. Omnis enim Scientia,  
& Admiratio (quæ est semen Scientiæ) per se jucun-  
da est; cum autem Conclusiones inde deducuntur, quæ  
obliquè rebus nostris applicatae, vel infirmos metus gi-  
gnunt, vel immodicas cupiditates, tum demum nasci-  
tur Cruciatus ille, & Perturbatio mentis, quâ de loqui-  
mū: tunc enim Scientia, non est amplius Lumen siccum,  
(ut voluit Heraclitus ille obscurus, *Lumen siccum optima  
anima*) sed fit Lumen madidum, atque humoribus Af-  
fectuum maceratum. Tertia regula accuratiorem paulò  
disquisitionem postulat, neque siccō pede prætereunda  
est. Si quis enim ex Rerum Sensibiliū, & Materiata-  
rum intuitu, tantum Luminis assequi speret, quantum  
ad patefaciendam Divinam Naturam, aut Voluntatem  
sufficiet, n.e iſe decipitur per inanem philosophiam. Etenim  
Contemplatio Creaturarū, quantum ad Creaturas ipsas,  
producit Scientiam; quantum ad Deum, Admiratio-  
nem tantum, quæ est quasi abrupta Scientia. Ideoq; sci-  
tissimè dixit quidam Platonicus: *Sensus humanos solem  
referre, qui quidem revelat terrestrem globum, cœlestem verò  
& stellas obsignat; sic sensus referant Naturalia, Divina  
occludunt. Atque hinc evénit, nonnullos è doctiorum  
manipulo in hæresin lapsos esse, quum ceratis sensuum*

alis innixi, ad Divina evolare contenterent. Namque eos, qui autumant nimiam Scientiam inclinare mentem in Atheismum, Ignorantiamq; Secundarum Causarum, Pietati erga Primam obstetricari, libenter compellarem Jobi quæstione, *An oporteat mentiri pro Deo, & ejus gratia dolum loqui conveniat, ut ipsi gratificemur?* liquet enim Deum nihil operari ordinariò in naturâ, nisi per Secundas Causas, cuius diversum credi si vellent, impostura mera esset, quasi in gratiâ Dei, & nihil aliud, quam Authori veritatis immundam mendacii hostiam immolare. Quin potius certissimum est, atque experientiâ comprobatum, leves gustus in Philosophiâ movere fortasse ad Atheismum, sed pleniores haustus ad Religionem reducere. Namq; in limine Philosophiæ, cum secundæ causæ, tanquam sensibus proximæ, ingrant se Menti Humanæ, Mensque ipsa in illis hæreat, atque commoretur, Oblivio Primæ Causæ obrepere possit, si quis ulteriùs pergit, Causarumque Dependentiam, Seriem, & Concatenationem, atque opera providentiaæ intueatur, tunc secundum Poetarum Mythologiam facile credet Summum Naturalis Catenæ Annulū Pedi Solii Jovis affigi. Ut semel dic, Nemo male applicatæ sobrietatis, moderationisq; famâ captans, posse nos nimium progredi, in libris sive Scripturarum, sive Creaturarum, Theologiâ aut Philosophiâ, existimet; quinimò excitent se Homines, & infinitos profectus audacter urgeant utrobique & persequantur; carentes tantum ne Scientiâ utantur, ad tumorem, nō ad charitatem, ad ostentationem, non ad usum; & rursus, ne distinctas illas Theologiæ Philosophiæq; doctrinas, carumq; Latices imperitè misceant ac confundant.

Accedamus nunc ad Opprobria, quibus literas aspergunt Politici. Illa ejusmodi sunt: Artes emollire animos,

mos, Militarique Gloriæ ineptos reddere : tum in Politicis quoque corrumpere Ingenia, quæ vel nimis curiosa efficiunt ex Varietate Lectionis; vel nimis pertinacia ex Rigore Regularum, vel nimis tumida ex Magnitudine Exemplorum, vel nimis extravagantia ex Dissimilitudine Exemplorum ; quin saltem utcunque averttere & alienare Animos à Negotiis, & Actione, Otij ac Secessus amorem instillantes : dein Rebus pub. inducere Disciplinæ Relaxationem, dum unusquisq; promptior est ad Disputandum, quam ad Obtemperandum. Unde Cato Censorius, cum primis Mortalium sapiens, ubi juventus Romana ad Carneadem Philosophum, qui venerat Romam Legatus, dulcedine atq; Majestate Eloquentiæ ejus capta undique confluenter, frequenti Senatu Author fuit, ut expeditis Negotiis, primo quoque tempore dimitterent Hominem, ne Civium Animos inficeret, & fascinaret, & nec opinantibus Morum Consuetudinumq; patriarchum mutationem induceret. Hoc etiam permovit Virgilium, (dum Studia sua Patriæ existimationi post haberet,) ut Artes Politicas à Literariis segregaret, illas Romanis vendicans, has Græcis relinquent, in versibus illis decantatis.

*Tu regere imperio populos Romane memento,  
Hæ tibi erunt artes.* -----

Videmus etiam Anytum Socratis Accusatorem, pro criminis ei objecisse, quod vi & veritate Sermonum ac Disputationum suarum, Authoritatem & Reverentiam Legum, Consuetudinumque patriarchum, apud Adolescentes imminueret; quodq; Artem profiteretur perniciosa, & periculo plenam, quæ quis instructus, deteriorem causam meliorem faceret, veritatemq; ipsam Eloquentiæ apparatu obrueret.

*Verum hæ Criminationes, cæteræq; ejusdem farinx,*  
A 5 potius

potius Personatam Gravitatem præ se ferunt, quam Veritatis Candorem. Testatur enim Experientia, sicut unnos atque eosdem Homines, sic una eademq; Tempora & Rerum Bellicarum, & Optimarum Artium gloriâ floruisse. Viros quod attinet, exemplo sit Nobile pars Imperatorum, Alexander Magnus, & Julius Cæsar Dictator, alter Aristotelis in Philosophiâ Discipulus, alter Ciceronis in dicendo Rivalis. Aut si quis requirat potius Literatos, qui in claros Imperatores evaserūt, quam Imperatores, qui insigniter docti fuerunt, præstò est Epaminondas Thebanus, aut Xenophon Atheniensis, quorum ille primus fuit, qui fregit potentiam Spartaniorum, hic autem primus, qui stravit viam ad eversiōnem Monarchiæ Persarum. Istud verò Armorum, Literarumque quasi Conjugium, clarius adhuc in Temporibus, quam in Personis elucescit, quantò nimirum Seculum Homine Objectum grandius est. Ipsa quippe eademque Tempora, apud Ægyptios, Assyrios, Persas, Græcos, Romanosque, quæ propter Bellicam Virtutem maximè celebrantur, etiam & Literis plurimùm fuerunt nobilitata; adeò ut gravissimi Authores Philosophique, & clarissimi Duces atque Imperatores, eodem seculo vixerint. Nec sanè aliter fieri potest, quando quidem ut in Homine, Vigor Corporis Animique, simul ferè maturescunt, nisi quod ille hunc paulò antevertat: sic in Rebus pub. Militaris gloria Literataque (quarum illa Corpori respondet, hæc Animo) aut coeva sunt, aut se proximè consequuntur.

Jam verò, Eruditionem politicis impedimento esse potius quam adjumento, nil minus probabile. Fatemur omnes temerarium quiddam esse, Empyricis Medicis Corpus, & Valetudinis curam tradere, qui solent pauca quædam Medicamenta, quæ illis videntur Pancreta,

Ven-

Venditare, quorum fiduciā nihil non audent tentare, cùm tamen neque Causas Morborum, neque Ægrotorum Habitus, neque Symptomatum Pericula, neque veram Sanandi Methodum calleant. Videmus pariter errare eos, qui ad Causas & Lites suas expediendas adhibent Legulejos, in Practicā potius, quam in libris Juris Versatos, quibus os facilè oblitus, si quid novum, aut extra Experiētiæ suæ calles tritos occurrat: consimiliter non potest non esse periculosisimum, quoties Summa Rerum Empyricis Consiliariis præcipue mandatur. E contrà, vix Exemplum adduci possit Reip. infeliciter administratæ, ad clavum sedentibus Viris Eruditis. Quamvis enim in more sit Politicis, Literatos Pedantiorum nomine elevare; Historia tamen *Veritatis Magistra*, in plurimis fidem facit, Pupillares Principes Adultis longè præstítisse, non obstante ætatis incommodo, eà ipsâ de causâ, quam Politici fugillant, quod scilicet, tunc temporis à Pædagogis administratum sit Imperium. Quis ignorat per decennatum illud Quintuennium Neronis, onus rerum incubuisse Senecæ Pædagogo? Quin & Gordianus Junior Decennium laudis, Misitheo Pædagogo debuit. Neque infeliciū Imperium gessit Alexander Severus, dum minor fuit, quo tempore omnia procurabant Mulieres, sed ex consilio Præceptorum. Imò convertamus oculos ad Regimen Pontificium, ac nominatim Pii Quinti, vel Sixti Quinti, nostro seculo, qui sub initiis suis habitu sunt, pro Fraterculis rerum imperitis: reperiemusque, Aëta Paparum ejus generis, magis esse solere memorabilia, quam eorum, qui in negotiis civilibus, & Principū Aulis enutriti, ad Papatum ascenderint. Quamvis enim, qui in Literis vitam maximè traduxerunt, minus solertes sint atque versatiles in Occasionibus prensandis, atque accommo-

commodandis Rebus, quò spectant ea, quæ ab Italís *Ragioni di Stato* dicuntur, quorum nomen ipsum aver-satus est Pius Quintus, solitus dicere, *Esse mera malorum Hominum Commenta, quæ opponerentur Religioni, & virtutibus Moralibus*, in eo tamen abundè fit compensatio, quod per tutum, planumque iter Religionis, Justitiæ, Honestatis, Virtutumque Moralium, promptè atque expeditè incedant: quam viam qui constanter tenuerint, illis alteris remediis non magis indigebunt, quàm *Corpus sanum Medicinâ*. Porrò autem Curriculum vitæ in uno Homine, suppeditare non potest Exemplorū Copiam, ad regendos eventus vitæ, etiam in uno Homine. Sicut enim interdum fit, ut Nepos, vel Pronepos, Avum, vel Proavum magis referat, quàm Patrem: eodem modo haud raro evenit, ut Negotia præsentia magis quadrent cum Exemplis vetustioribus, quàm cum Recentioribus. Postremò unius Ingenium tantum cedit Amplitudini Literarum, quantum privati Redi-tus Ærario.

Quod si detur, depravationes illas & impedimenta, quæ à Politicis imputantur literis, aliquid virium habere & veritatis, attamen simul monendum, Eruditio-nem in singulis plus Remedii, quàm mali afferre. Esto enim, Literæ Tacitâ quadam vi Animum reddunt incertum, atque perplexum; at certè liquidò præcipiunt, quomodo cogitationes sint expediendæ, & quousque sit deliberandum, quando demùm statuendum, imò o-stendunt, quomodo res interim absque periculo trahi possint, & suspendi. Esto etiam, Animos efficiunt ma-gis pertinaces, & difficiles; at simul docent, quæ Res Demonstrationibus, quæ Conjecturis innituntur; neq; minùs Distinctionum, & Exceptionum usum, quàm Canonum, & Principiorum constantiam proponunt.

Esto

Esto rursus, seducunt, & detorquent Animos Exemplorum vel imparitate, vel dissimilitudine, nescio; sed satis novi, eas, tam circumstantiarum efficacias, quam comparationum errores, & applicationum Cautiones, explicare, adeo ut in universum magis corrigant Animos, quam corrumpant. Hæc autem Remedia insinuant undequaque Literæ, magnâ vi, & varietate Exemplorum. Perpendat quis Errores Clementis Septimi, à Guicciardino, qui ei fuit quasi Dœmesticus, tam luculentè depictos; aut vacillationes Ciceronis, in epistolis ad Atticum, manu propriâ ad vivum resectas; omnino Inconstantiam, & crebras Consiliorum Mutationes vitabit: Inspiciat Errores Phocionis, Pervicaciam exhorrebit: Fabulam Ixionis legat, & nimias Spes, & hujusmodi Fumos, ac Nebulas dispellet. Intueatur Catonem Secundum, neq; unquam migrabit ad Antipodas, & contraria præsenti Seculo vestigia figet.

Jam qui putant Literas Desidiæ Amicas esse, Otiique, & Secessus dulcedine perfundere Animum, mirum præstabunt, si quæ assuefaciunt Mentem perpetuæ Agitationi, Socordiæ Patronas ostendant: cum contrà verè affirmari possit, inter omnia Hominum genera, nullum Negotia amare propter ipsa Negotia, præter Literatum. Alii enim Res, & Negotia diligunt Quæstus gratiâ, ut Conduxit opus propter mercedem: Alii Honoris ergo; etenim dum resgerunt, vivunt in oculis Hominū, existimationiq; suæ inserviunt, alioqui evanituar: Alii propter Potentiâ, & Fortunæ prærogativâ, ut Amicos remunerare, Inimicos ulcisci possint: Alii ut Facultatem aliquam suam, quam adamant, exerceant, ac sibi ipsis hoc nomine sæpiùs gratulentur, & arrideant: Alii denique ut alios suos Fines consequantur. Adeo ut, quod de Gloriosis dici solet, eorum Fortitudinem

nem sitam esse in spectantium Oculis , sic hujusmodi Hominum Diligentia & Strenuitas, hoc videtur agere, aut ut alii plaudant, aut ut ipsi intra se gestiant. Soli Literati Negotiis , & Occupationibus delectantur, tanquam Actionibus Naturae consentaneis, & non minus salubribus Animo, quā Exercitatio est Corpori, ipsam Rem , non Emolumētūm intuentes: ita ut omnium minimē sint defatigabiles, si modō res sit hujusmodi, ut Animum pro dignitate ejus impleat, & detineat. Quod si reperiantur interdum nonnulli , in legendo strenui, in agendo cessatores ; non hoc à Literis ortum habet, sed ab imbecillitate, & mollitie quadam Corporis, Animive; quales notat Seneca , *Quidam*, inquit, *tam sunt umbratiles, ut putent in turbido esse, quicquid in luce est.* Usuvenire poterit fortassē, ut hujusmodi ingenii sibi consciī , se dent Literis ; Eruditio autem ipsa , hujusmodi Ingenia minimē indit , aut progignit. Quod si quis illud nihilominus mordicus teneat, Literas nimium absumere temporis, quod alias rectius impendi possit; ajo, neminem adeò distingi negotiis, quin habeat sua Otiū intervalla, donec Agendi Vices, atque Aestus refluant, nisi aut admodūm hebes sit in expediendis Negotiis, aut parūm cum dignitate ambitiosus in Negotiis cuius cunque generis captandis. Restat igitur quærendum, quā in re, & quomodo , has subsecivas horas collocare oporteat; Studiis an Voluptatibus, Genio an Ingenio indulgendum? Sicut recte respondit Demosthenes Aeschini, homini voluptatibus dedito, qui cum per contumeliam objecisset, *Orationes ejus lucernam olere : Pol, inquit, multum interest inter ea, quæ ego, ac tu ad lucernam facimus.* Quare neutquam metuendum, ne Literæ eminent Negotia; quin potius vindicant animum ab Otio, & Voluptate, quæ alias sensim , ad utriusque da-

mnum,

mnum, & Negotiorum, & Literarū subintrare solent.

Dein, quod oggerunt, Literas Reverentiam Legum, atque Imperii convellere; calumnia mera est, nec probabiliter ad criminandum inducta. Nam qui *cætam obedientiam* fortius obligate contenderit, quam Officium oculatum unā operā afferat cœcum manu ductum certius incedere, quam qui Luce, & Oculis utitur. Imò citra omnem controversiam, Artes emolliunt mores, tenueros reddunt, sequaces, cereos, & ad Mandata Imperii duiles: Ignorantia contrà, contumaces, refractarios, seditioneos: Quod ex historia clarissimè patet, quandoquidem tempora maximè indocta, inculta, barbara, tumultibus, seditionibus, mutationibusque maximè obnoxia fuerint.

De Catonis Censoris iudicio, hoc dictum esto, meritissimas eum, blasphemiae in Literas luisse pœnas, cum septuagenario major, quasi repuerascens, Græcam Linguam cupidissimè addisceret: ex quo liquet, priorem illam censuram Græcæ Literaturæ, ex Affectata potius gravitate, quam quod ita penitus sentiret, fluxisse. Ad Virgilii verò Carmina quod attinet, utcunque illi libitum fuerit, Universo Mundo insultare, Romanis asserendo Artes Imperandi, cæteras tanquam Populares aliis relinquendo; in hoc tamen manifestò tenetur, Romanos nunquam Imperii Fastigium conscendisse, donec ad Artium Culmen simul pervenissent. Namque duobus primis Cæsaribus, viris imperandi peritissimis, contemporanei erant, Optimus Poëta ille ipse Virgilius Maro, Optimus Historicus Titus Livius, Optimus Antiquarius Marcus Varro, Optimus aut Optimo proximus Orator Marcus Cicero; Principes certè, ex omni memoriâ in sua quique Facultate. Postremò, quantum ad Socratis Accusationem, id dico tantum; recordemur tempo-

temporum, quibus intentata est; nimis sub Triginta Tyrannis, Mortalium omnium crudelissimis, sceleratissimis, Imperioque indignissimis: qui Rerum, & Temporum Orbis, postquam circumactus esset, Socrates ille, (flagitiosus scilicet) Heroibus annumeratus est, & memoria ejus omnibus tam Divinis, quam Humanis Honoribus cumulata: quin disputationes ejus tanquam Corruptrices Morum prius habitæ, pro præsentissimis Mentis Morumque Antidotis, ab omni Posterioritate celebrabantur. Atq; hæc sufficient ad respondendum Politicis, qui superciliosa severitate, aut fucata gravitate, ausi sunt literas incessere contumeliis; quæ tamen confutatio impræsentiarum, nisi quod nesciamus an ad posteros permanaturi sint labores nostri, minùs necessaria videatur; ~~Tudor Muggotar, & Henr. duval in noua editione Minerviana, Elizabetha Reginae, & Anna Regis filie, in primis Octobris 1609 Nellynais, Muydordi Sidonio, & successore apud regiam officinam Mfuit Sampan, excoeculante episcopatu[m]~~

Nunc ad tertium Vituperationum genus pervenimus, quod à Literatis ipsis in Literas redundant, altiusque cæteris solet habere. Eæ vel à Fortuna, vel à Moribus, vel à Studiis ipsorum Originem ducunt. Quarum prima extra potestatem ipsorum est, secunda extra rem, ut tertia sola propriè in disquisitionem venire videatur. Quia tamen, non tam de vero Rerum Pondera, quam de Vulgi æstimatione, sermo instituendus est, haud abs refuerit, etiā de alteris duabus, pauca quædam innuere.

Quapropter dignitatis Imminutiones, & quasi Dehonestamenta, quæ à Literatorum Fortuna Literis imponuntur, sumuntur aut à paupertate & inopia ipsorum, aut à Vitæ genere obscuro & umbratili, aut ab occupationum, in quibus versantur, subiecto non admodum nobili.

Quantum

Quantum ad paupertatem pertinet, quodque frequenter usuveniat, ut literati inopes sint, & tenui plerunque origine, neque tam properè ditescant, ac alii, qui quæstui solùm inhiant: consultum foret huc locum, de laude paupertatis, fratribus mendicantibus (pace eorum dixerim) exornandum tradere; quibus Machiavellus non parùm tribuebat, cùm diceret, *Iam dudum actum esset de regno sacerdotum, nisi reverentia ergo fratres ac Monachos, Episcoporum luxum & excessum compensasset.* Pariter dicat quis, felicitatem & magnificentiam Principum & nobilium, jam olim recidere potuisse in barbariem, & sordes, nisi deberent literatis istis pauperibus, civilis vitæ culturam & decus. Sed missis his laudum aucupiis, notatu dignum est, quām sacra atque veneranda res, per aliquot apud Romanos secula, paupertas ipsa habita fuerit; quæ tamen Respub. nihil trahebat ex Paradoxis: Sic enim præfatur T. Livius: *Aut me amor negotiis suscepit fallit, aut nulla unquam Resp. nec major, nec sanctior, nec bonis exemplis ditor fuit, nec in quam tam sero avaritia luxuriaque immigraverint, nec ubi tantus, ac tamdiu paupertati ac parsimonio honos fuerit.* Quin etiam postquam Roma jam degenerasset, legitimus cùm Cæsar Dictator, collapsam Remp. instauraturum se profiteretur, quendam ex amicis ejus prompsisse sententiam, nihil tam expeditum esse ad id, quod ageret, quām si divitiarum honos quoquo modo tollebatur. Verum (inquit) hec, & omnia mala, pariter cum honore pecuniae desineant, si neque magistratus, neque alii vulgo cupienda, venalia erunt, deniq; quemadmodum vere dictum est, Ruborem esse colorem virtutis, licet quandoq; oriatur ex culpa; ita recte statuas, paupertatem esse virtutis fortunam, quamvis interdum à luxu &

incuriâ accersatur. Salomonis certè hæc est sententia, *Qui festinat ad divitias, non erit insensus: & præceptū, Veritatem eme, & noli vendere similiter scientiam & prudenteriam;* quasi æquum judicet, opes impendendas, ut doctrina paretur, non doctrinam eō vertendam, ut opes congerantur.

Quid attinet dicere, de vitâ illâ privatâ & obscurâ, quam literatis obiiciunt? Adeò tritum Thēma est, atque ab omnibus jactatum, otium, & secessum (modō absint desidia & luxus) præponere vitâ forensi, & occupatæ, propter securitatem, libertatem, dulcedinem, dignitatem, aut saltem ab indignitatibus immunitatem, ut nemo tractet hunc locum, quin benè tractet: ita humanis conceptibus in experimendo, & consensibus in approbando consonat. Hoc tantum adiiciam, eruditos latentes in Rebuspl. & sub oculis hominum minimè degentes, similes esse imaginibus Cassii & Bruti, de quibus, in elatione Iuniorum non gestatis, cum aliæ plurimæ ducerentur, Tacitus, *Eo ipso, inquit, præfulgebant, quod non viserantur.*

De occupationum, quæ literatis committuntur, vilitate, illud occurrit, quod demandetur iisdem, puerorum ac juniorum institutio, cuius ætatis contemptus, in Magistros ipsos redundat. Cæterum, quam injusta sit hæc obtrœctatio, si non ex vulgi opinione, sed ex fano judicio res perpendatur, inde licet aestimare, quod diligentiores sint omnes, in imbuenda testâ recenti, quam veteri; magisq; solliciti sint, quam admoveant terram teneræ plantæ, quam adultæ: unde liquet præcipuam curam, circa rerum & corporum initia versari. Rabbinis, si placet, porrige au-rema, lavenes vestri visiones videbunt, & senes somnia bunt somnia.

somnia. Ex hoc textu colligunt, juventutem esse ætatem digniorem ; quanto nimis revelatio accedit clarior, per visiones, quam per somnia. Illud vero notatu omnino dignum, quod licet paedagogi, velut Simile Tyrannidis, scena sunt ludibria, & temporum incuria in delectu iplorum veluti obdormierit, vetus tamen querela sit, inde usque ab optimis & prudenterissimis seculis deducta, Resp. circa leges quidem nimium satagere, circa educationem indiligentes esse. Quæ nobilissima pars præscæ disciplinæ, revocata est aliquatenus quasi postliminiò in Jesuitarum Collegiis; quorum cum intueor industriam soleriamque, tam in doctrinâ excolendâ, quam in moribus informantibus, illud occurrit Agesilai de Pharnabazo, *Talis cum sis, utinam nos sit effe.* Atque hactenus de opprobriis è literatorum fortunâ & conditione defumptis.

Quod ad literatorum mores, res est ista, potius ad personas, quam ad studia spectans. Reperiuntur præculdubio inter eos, quemadmodum in omnibus vitæ ordinibus & generibus, tam mali, quam boni; neque propterè non verum est, (quod asseritur,) *abire studia in mores, atque literas, nisi incident in ingenia admidum depravata, corrigere prorsus naturam, & mutare in melius.*

Veruntamen diligenter mihi atque ingenuè rem æstimanti, nullum occurrit dedecus, literis, ex literatorum moribus, quatenus sunt literati, adhærens, nisi fottè hoc vitio vertatur (cujus Demosthenes, Cicero, Cato secundus, Seneca, plutesque alii insimulantur) quod cum plerunque tempora, de quibus legunt, illis, in quibus vivunt, & quæ præcipiuntur, illis, quæ aguntur, meliora sint; ultra quam par est

contendant, morum corruptelas, ad præceptorum & dogmatum honestatem retrahere, & prisca severitatis mores, temporibus dissolutis imponere: De quo tamē abundè è propriis fontibus admoneri possunt. Solon enim interrogatus, an optimas civibus suis dedisset leges? Optimas, inquit, ex illis, quas ipsi voluissent accipere. Ita Plato, videns corruptiores suorum civiū mores, quām ut ipse ferre posset, ab omni publico munere abstinuit, dicens, *Sic cum patria agendum esse, ut cum parentibus, hoc est, suas, non violentia; obtestando, non contestando.* Atque hoc ipsum cavit ille, qui à Consiliis Cæsari. Non, inquit, ad vetera instituta revocans, quæ jam pridem corruptis moribus ludibrio sunt. Cicero etiam hujus erroris arguit Catonem secundum, Attico suo scribens. *Cato optimè sentit, sed nocet interdum Reip. loquitur enim, tanquam in Repub. Platonis, non tanquam in fece Romuli.* Idem Cicero molli interpretatione excusat Philosophorum dicta, & decreta duriora: *Isti, inquit, ipsi præceptores, & magistri videntur fines officiorum, paulò longius, quām natura vellet, protulisse, ut cùm ad ultimum animo cōtendissimus, tibi tamen, ubi oportet, consisteremus.* Ipse met tamen potuit dicere, *Monitus sum minor ipse meus:* quippe qui in eundem lapidem ipse, licet non tam graviter impegerit.

Aliud, quod eruditis non immerito fortasse obiicitur vitium, hujusmodi est, quod honori, aut emolumento patriarcharum suarum, aut dominorum, proprias fortunas, aut præsidia postposuerint. Sic enim Demosthenes Atheniensibus suis, *Mea, inquit, consilia; si recte attendatis, non sunt ejus generis, per quæ ego inter vos magnus, vos inter Græcos despiciui sitis; sed talia, ut mihi sapenumero, ea haud tutum sit dare, vobis autem semper utile amplecti.* Haud aliter Seneca, postquam quinq-

quennium illud Neronis, æternæ eruditorum magistrorum consecrasset gloriæ, dominum suum, omnibus jam flagitiis inquinatissimum, liberè atq; fidenter monere non destitit, magno suo periculo, ac postremo præcipitio. Neque aliter potest se habere res; siquidem humanam mentem doctrina irabuit vero sensu fragilitatis suæ, instabilitatis fortunæ, dignitatis animæ, & muneris sui; quarum rerum memores, nullo modo sibi persuadere possunt, fortunæ propriæ amplitudinem, tanquam præcipuum sibi bonorum finem statui posse. Quare sic vivunt, tanquam rationem reddituri Deo, & Dominis post Deum, siue Regibus, siue Rebus p. hâc formulâ, *Ecce tibi lucrefeci*, non autem illâ, *Ecce mihi lucrefeci*. At politicorum turba, quorum mentes in doctrinâ officiorum, & in contemplatione boni universalis, non sunt institutæ, & confirmatae, omnia ad se referunt; gerentes se pro centro mundi, ac si omnes linea in se, suisque fortunis, debeant concurrere; de Reipub. Navi, licet tempestatibus jactata, neutiquâ solliciti, modò ipsis in scapha rerum suarum receptus detur & effugium. At contrâ, qui officiorum pondera, & Philautia limites didicerunt, munia sua, stationesque, licet cum periculo, tuentur. Quod si fortè in columnes permaneât, in seditionibus, & rerum mutationibus, non id artibus, aut versatili ingenio, sed reverentiaz, quam probitas etiam ab hostibus extorquet, tribuendum. Cæterum, quod atinet ad fidei constantiam, & officiorum religionem, quas certè animis hominum inserit eruditio, utcunq; eæ quandoq; à fortuna mulctentur, aut ex male sanis politicorum principiis condemnentur, tamen palam scilicet apud omnes laudem referent, ut in hac re, longa defensione non sit opus.

Aliud vitium literatis familiare, quod facilius excusari potest, quam negari, illud nimis, quod non facile se applicent, & accommodent, erga personas, quibus cum negotiantur, aut vivunt: qui defectus est duabus oritur causis: Prima est animi ipsius magnitudo, propter quam aegre se demittere possunt ad observantiam unius alicujus hominis. Amantis verba sunt, non sapientis, *Satis magnum alteri theatrum sumus.* Neque tamen inficias ibo, illum, qui aciem animi, instar oculi, non possit aequè contrahere, ac dilatare, insigni facultate ad res gerendas esse orbatum. Secunda vero causa est probitas morum & simplicitas; quae tamen delectum judicii, non defectum in illis arguit. Veri enim, & legitimi observantiae erga aliquam personam limites, non ultrà porrigunt se, quam ita nosse illius mores, ut absq; offensione cum eo versari, eumque consilio, si opus sit, juvare, nobisque interim ipsis, in omnibus cavere possimus; verum alienos affectus rimari, eo fine, ut illum infletas, verses, & ad libitum circumagias, hominis est parum candidi, sed potius astuti, & bifidi; id quod in amicitia vitiosum fuerit, erga Principes etiam inofficium. Mos enim orientis, quo nefas habetur oculos in Reges defigere, ritu quidem barbarus est, sed significatione bonus: neq; enim subditos decet, corda Regum suorum, quae sacræ Scripturæ inscrutabilia docent, curiosius rimari.

Supereft etiamnum aliud vitium, (quo cum hanc partem concludam) literatis sèpius imputatum, videlicet quod in rebus exiguis, & externis, (vultu, gestu, incessu, sermonibus quotidianis, & hujusmodi) deficiant in observando decoro; unde homines imperiti, ex istis minutis, leviculisque erroribus, quanti sint

sint in rebus majoribus tractandis, conjecturam capiunt. Verum fallit eos plerunque hujusmodi iudicium; imò sciant responsum sibi esse à Themistocle, qui cùm rogatus esset, ut fidibus caneret, arroganter satis ipse de se, sed ad præsens institutum perquām appositè respondit: *se quidem fidium rudem esse, sed quo pacto oppidum parvum, in civitatem magnam evadere posset, satis nosse.* Et sunt procul dubiò multi politicarum artium apprimè gnati, quibus tamen in communi vita, & quotidianis reculis nihil imperitius. Quin et jam hujusmodi sugillatores amandandi sunt, ad Platonis Elogium, de Præceptore suo Socrate, quem haud absimilem dixit pharmacopolarum pyxidibus, quæ exteriùs inducebantur simiis, ululis satyrisque, intùs vero pretiosos liquores, & nobilia medicamenta recondita habebant: Fatendo scilicer, quod ad vulgi captum, & famam popularem, præ ferret non nullalevia, atque etiam deformia, cum tamen animi interiora, summis tamen facultatibus, quām virtutibus essent repleta. Atque de moribus literatorum hæc haec tenus.

Interim monere placet, nos nihil minus agere, quām ut patrocinemur, quibusdam professorum institutis abjectis, & sordidis, quibus & seipso, & literas de honestârunt: quales erant apud Romanos, seculis posterioribus, philosophi quidam in familiis divitum, mensarumque eorum aſſeclæ, quos haud absurdè dicas *Barbutos Parasitos.* Cujus generis quendam lepidè describit Lucianus, quem matrona nobilis, catulum suum Melitæum in r̄hedâ gestare voluit: quod cum ille officioſe, sed indecenter faceret, Pusio subsannans, Vereor, inquit, ne philosophus nosceret Stoico ſat Cynicus. Ante omnia verò, nihil tam offe-

cit literarum dignitati, quām crassa & turpis adulatio, ad quam multi, neque hi indocti, & calamos, & ingenia submisere, *Hecubam in Helenam, Faustinam in Lucretiam*; (ut ait Du-Bartas) transformantes. Neq; verò nimis laudo morem illum receptum, libros patronis nuncupandi, cùm libri, præsertim qui hoc nomine dignandi, in veritatis tantum, & rationis clientelam se dare debeant. Melius veteres, qui non aliis, quām amicis, atque æqualibus scripta sua dicare solebant, aut etiam nomina ejusmodi amicorum tractatibus suis imponere: quod si fortè Regibus, aut magnatibus opus nuncuparent, tum demum hoc factum est cùm argumentum libri personæ tali conveniret. Hæc autem, & similia reprehensionem potius merentur, quām defensionem.

Neque hoc dico, quasi literatos culpem, si ad beatos, & potentes viros quandoque se applicent: rectè enim Diogenes cuidam cum irrisione roganti, *Qui fieret, quod philosophi divites sectarentur, non divites philosophos?* respondit non sine morsu, *Hoc ideo fieri, quod philosophi, quibus rebus indigeant, probè intelligent, divites non item.* Huic affine est illud Aristippi, cui nescio quid petenti cùm non attenderet Dionysius, ille adorantis more abjecit se ad pedes ejus, qui tum demum auscultans petitioni annuit: Sed paulò post, quidam dignitatis philosophiæ assertor, increpuit Aristippū, quod demittendo se, ad pedes Tyranni, pro tantillâ re philosophiam ipsam contumeliâ affecisset: cui ille, *Suam id culpam non fuisse respondit, sed Dionysii, qui aures gestaret in pedibus.* Quin prudens ille, non pusillanimis habitus est, qui in disputatione quādam cum Hadriano Cæsare, vinci se passus est, excusans factum, *Quod æquum esset ei cedere, qui triginta imperaret Legionib[us].*

nibus. Atque propterea non sunt damnandi viri doctri-  
ni, ubi, cum res postulat, aliquid de gravitate suâ re-  
mittant, sive imperante necessitate, sive impetrante  
occasione; quod quamvis humile videatur atq; ser-  
vile primo intuitu, tamen verius rem aestimanti, cen-  
sebuntur non persona, sed tempori ipsi servire.

Pergamus nunc ad errores, atque inania, quæ in  
studiis ipsis virorum doctorum interveniunt, iisque  
se immiscent, id quod præcipue & propriè spectat ad  
præsens argumentum. Quâ in re, non est instituti no-  
strî erroribus ipsis patrocinari, sed per eorum censu-  
ram & secretionem, excutere quod sanum, & soli-  
dum est, atque à calumniâ vindicare. Videmus enim  
in more, præsertim apud invidos, esse, propter ea,  
quæ depravata sunt, etiam ea, quæ impolluta, & in  
statu suo manserunt, fugillate; quemadmodum Eth-  
nici in primitivâ Ecclesia, Christianos hæreticorum  
vitiis aspergere solebant. Neq; tamen consilium est  
mihi examen aliquod accuratius instituere, de erro-  
ribus, & impedimentis literarum, quæ interiora, &  
à captu vulgi remotiora; sed de illis tantum verba fa-  
cere, quæ cadunt sub communi, & populari obser-  
vatione, & nota, aut saltem ab ea non longè rece-  
dunt.

Quare tria præcipue deprehendo vana & inania  
in literis, quæ ansas præcipue præbuerunt ad obtre-  
ctandum. Eas enim res pro vanis ducimus, quæ aut  
falsa sunt, aut frivole; in quibus scilicet, aut veritas  
deficit, aut usus: Illos etiam homines vanos & leves  
existimamus, qui aut ad falsa creduli, aut in rebus  
exigui usus curiosi. Curiositas autem, aut in rebus  
ipsis versatur, aut in verbis; quando nimirum, aut in  
febus inanibus opera insumitur, aut circa verborum

B 5 delicias

delicias nimium insudatur. Quocircà, non certæ magis experientiæ, quām rectæ etiam rationi consonum videtur, ut tres ponantur doctrinarum intemperies. Prima est doctrina phantastica, secunda doctrinalitigiosa, tertia doctrina fucata & mollis: vel sic vanæ imaginationes, vanæ altercationes, vanæ affectationes. Ac quidem ordinar ab ultima.

Intemperies ista, in luxurie quadam orationis sita, (licet olim pervices in pretio habita fuerit) circa Lutheri tempora, miris modis invaluit. In causa præcipue fuit, quod fervor & efficacia concionum tunc temporis, ad populum demulcendum & allicendum maximè vigebat: Illa autem populare genus orationis poscebant. Accedebat odium & contemptus, illis ipsis temporibus, ortus erga Scholasticos, qui stilo, & scribendi genere utebantur valde diverso, verba licenter admodum cudentes nova & horrida, de orationis ornatiū & elegantia parùm solliciti, dum modò circuitiōnē evitarent, & sensus ac conceptus suos acutè exprimerent; atque hinc factum est, ut paulò postea, major apud plurimos cœperit haberi verborum cura quām rerum; plerisque magis comptam phrasim, teretem periodum, clausularum rythmos, troporum stellulas; quam pondus rerum, rationum nervos, inventionis acumen, aut judicii limam affectantibus. Tum demùm floruit Osorii Lusitani Episcopi luxurians, & diluta oratio. Tunc Sturmius in Cicerone Oratore & Hermogene Rhetore, infinitam & anxiam operam consumpsit. Tunc Carrus & Ascamus apud nos, prælectionibus & scriptis suis, Ciceronem & Demosthenem usque ad cœlum evehentes; Juvenes ad politum hoc & florens doctrinæ genus, invitarunt. Tunc Erasmus arripuit ansam introducendi ridiculam illam Echo, Decem annos

*consumpsi in legendo Cicerone: cui Echo respondit, one, asine. Scholasticorum verò doctrina despiciunt propter haheri cœpit, tanquam aspera & barbara: Denique ut semel dicam, præcipua illorum temporum inclatio, & studium, potius ad Copiam, quam ad pondus deflexit.*

Hic itaque cernere est primam literarum interiem, quū, ut diximus, verbis studetur, non rebus, cujus et si è citimis tantum temporibus protulerim exempla, tamen secundum majus & minus, & olim placuerunt ejus generis ineptiæ, & deinceps placebunt. Jam verò fieri non potest, quin hoc ipsum, multum faciat ad doctrinæ existimationem minuendam & elevandam, etiam apud vulgus imperitum, cum videant doctorum scripta, tanquam primam literam diplomatis, quæ quamvis variis calami ductibus, & flosculis variegata sit, litera tamen est unica. Ac mihi sanè videtur per apposita hujuscce vanitatis adumbratio, & quasi Emblema Pigmaleonis illa insania; quid enim aliud sunt verba, quam imagines rerum, ut nisi rationum vigore animata sint, adamare illa idem sit, ac statuam deperire?

Neque tamen temerè damnandum est, si quis philosophiæ obscura & aspera, verborum splendore illustret & expoliat: Hujus enim rei magna adsunt exempla in Xenophonte, Cicerone, Seneçâ, Plutarcho, ipsoque etiam Platone: nec minor est utilitas. Quamvis enim diligentem veti cognitionem, atq; acre studium philosophiæ, res hæc non nihil impedit, quoniam præproperè mentem cōsopit, atque ulterioris disquisitionis sitim & ardorem restinguat; si quis tamen doctrinam ad usus civiles adhibeat, (sermocandi videlicet, consulendi, suadendi, argumentandi, &

di, & similium) omnia, quæ cupiat præparata & adorna in hujusmodi authoribus reperiet. Veruntamen hujusce rei excessus adeò justè contemnitur, ut quæ admodum Hercules, cùm videret in templo statuam Adonidis (Veneris deliciarum) indignabundus dixit, *Nil sacri es;* ita omnes Herculei literarum pugiles, id est, laboriosi atque constantes indagatores veritatis, hujusmodi delicias & lautieas, tanquam nil divini spirantes, facile spreverint.

Paulò sanius est aliud stili genus, neq; tamen ipsum omnino vanitatis expers, quod copiæ illi, & luxuriæ orationis, tempore ferè succedit. Illud totum in eo est, ut verba sint aculeata, sententiae concisæ, oratio deniq; potius versa, quam fusæ quo fit, ut omnia per hujusmodi artificium, magis ingeniosa videantur, quam revera sint. Tale invenitur in Senecâ effusius, in Tacito & Plinio secundo moderatius; atque nostri temporis auribus cœpit esse non ita pridem accommodatum. Verum hoc ipsum mediocribus ingenii grattam esse solet, adeò ut dignitatem quandam literis conciliet, attamen à judiciis magis limatis meritò fastiditur, & poni possit pro intemperie quâdam doctrinæ, cùm sit verborum etiam, & eorum concinnitatis auctoripum quoddam. Atque hæc de primâ literarum intemperie dicta sunt.

Sequitur ea intemperies in rebus ipsis, quam possumus medium, & *litigiosæ subtilitatis* nomine designavimus. Estq; illa, de quâ modò diximus, aliquanto deterior. Ut enim rerum dignitas verborum cultui præcellit, sic è contrario odiosior est vanitas in rebus, quam in verbis! Quia in re, increpatio illa Paulina, non magis ad suâ ætatem referri, quam ad sequentia tempora deduci potest; neq; Theologiam tantum, sed

Hæc inutilis subtilitas sive curiositas duplex est: & spectatur aut in materiâ ipsâ, qualis est inanis speculatio.

latio, sive controversia; cuius generis reperiuntur, &  
in Theologiâ, & in Philosophia, haud paucæ: aut in  
modo, & methôdo tractandi; hæc apud scholasticos  
ferè talis erat. Super unaquaque re proposita forma-  
bant objectiones, deinde objectionum illarum solu-  
tiones, quæ solutiones, ut plurimùm distinctiones  
tantùm erant; cùm tamen scientiarum omnium ro-  
bur, instar fascis illius senis, non in singulis bacillis,  
sed in omnibus vinculo conjunctis consistat. Etenim  
symmetria scientiæ, singulis scilicet partibus se invi-  
cem sustinentibus, est, & esse debet, vera atque expe-  
dita ratio refellendi objectionis minorum gentium:  
Contrà, si singula axiomata, tanquam baculos fascis  
seorsim extrahas, facile erit ea infirmare, & prolibi-  
to, aut flectere, aut frangere: ut quod de Senecâ di-  
ctum erat, verborum minutis rerum frangit pondera; ve-  
rè de scholasticis usurpari possit, quæstionum minutis  
scientiarum frangunt robur. Num non in aulâ spatio-  
sa consultius foret, unum accendere cereum, aut ly-  
chnuchum suspendere, variis luminibus instructū,  
quo omnia simul perlustrentur, quam in singulos  
angulos quaquaversus exiguum circumferre lucer-  
nam? At qui non absimilis est eorum ratio, qui non  
tam veritatem perspicuis argumentis, authoritati-  
bus, comparationibus, exemplis illustrare nituntur;  
quam in hoc solum incumbunt, ut minutos quosq;  
scrupulos eximant, & captiunculas expediant, & da-  
bitationes solvant; hoc pacto quæstionem ex quæ-  
stione gignentes; quemadmodum sit in superiori si-  
militudine, ut lucerna in unum aliquem locum de-  
lata, alios circumquaque destituat, & obscureret. Adeò  
ut Scyllæ fabula, ad vivum exprimat, hoc genus phi-  
losophie

Iosophia; cuius os & pectus virginem formosam pre-  
ferebant, infra vero fuisse ajunt,

*Candida succinctam latrantibus inguina monstros.*

Sic generalia quædam apud scholasticos invenias,  
quæ pulchra sunt dictu, & non perpetuam inventa;  
ubi autem ventum fuerit ad distinctiones, decisio-  
nesque, pro fæcundo utero, ad vitæ humanae com-  
moda, in portentosas, & latrantes quæstiones de-  
nunt. Itaque minimè mirum, si hoc genus doctrinæ,  
etiam apud vulgus hominum contemptui obnoxium  
fuerit, qui ferè solent, veritatem propter controversias  
circa eam motas aspernari, atque existimare eos  
errare omnes, qui nunquam inter se conveniant;  
cumque videant doctos homines inter se digladiari,  
de rebus nullius momenti, facile illud Dionysii Sy-  
racusani arripiunt, *Verba ista sunt senum otiosorum.* Ni-  
hilominus certissimum est, si modo scholastici, ad in-  
explebilem sitim veritatis, & continuam agitationem  
ingenii, varietatem, & multiplicatatem lectionis, &  
contemplationum adjunxisserint, insignia profecto il-  
li extitissent lumina, omnesque artes, & scientias mi-  
tificè provexissent. Hactenus de secunda literarum  
intemperie.

Ad tertiam quod attinet, quæ ad falsitatem, & men-  
daciū spectat; una hæc omniū turpissima est, quippe  
quæ ipsam naturam, animamque destruit scien-  
tiæ, quæ nihil aliud est, quam veritatis imago. Nam  
veritas esendi, & veritas cognoscendi, idem sunt; nec  
plus à se invicem differunt, quam radius directus, &  
reflexus. Hoc vitium itaque duplex, vel potius dupli-  
catum est, impostura & credulitas; hæc decipitur, il-  
la decipit; quæ licet videantur discrepantis naturæ,  
alteraque à calliditate quadam, altera à simplicitate

pro-

*De Augmentis Scientiarum;*  
profecta plerunque tamen coëunt. Ut enim in cat-  
mine habetur,

*Percontatorem fugito, nam garrulis idem est.*  
innitendo, qui curiosus est, eudem esse & futilem; pa-  
riter fit, ut qui facile credat, idem libenter decipiatur.  
*Quemadmodum quoque fieri videmus in fama, ru-  
moribus, ut qui citò iisdem fidem habeat, pari facili-  
tate eos auxerit, quod Tacitus prudenter innuit his  
verbis *singunt simul creduntque*, adeò finitimæ sunt,  
voluntas fallendi, & facilitas credendi.*

Hæc credendi, recipiendique omnia (licet levi au-  
thoritate munita) facilitas, duorum generum est pro-  
ratione subjectæ materiæ: aut enim creditur narrati-  
onи, sive facto (ut loquuntur Jurisconsulti) aut dō-  
gmati. In priori genere videmus, quanto dignitatis  
detrimento, hic error afficerit ex Ecclesiasticis histo-  
riis nonnullas; quæ nimis faciles se præbuerunt, in  
prodendis transcribendisq; miraculis, à martyribus,  
eremitis, anachoretis, & aliis sanctis viris; atque ab  
eorum reliquiis, sepulchris, facellis, imaginibus, edi-  
tis. Eodem modò in naturali historia, videmus multa  
temerè, ac parùm cum delectu, aut judicio recepta, &  
descripta; ut liquet ex scriptis Plinii, Cardani, Alber-  
ti, & plurimorum ex Arabibus, quæ commentitiis &  
fabulosis narrationibus passim scatent, iisque non  
solum incertis, & neutram probatis, sed perspicue  
falsis, & manifestò convictis: ingenti Philosophiæ  
naturalis dedecore, apud homines graves, & sobrios.  
In quo sanè eluiscit Aristotelis sapientia, & integri-  
tas, qui cum diligentem scriperit, atque accuratam  
historiam animalium, tam parcè facta, aut fabulosa  
ad miscuerit: quin potius *auditiones admirandas*, quas  
memoratu dignas judicavit, in unum commentario-  
lum.

Ium conjecturam prudenter perpendens, perspicue vera, (quæ tanquam basis experientiae solida, Philosophia & scientiis substerni possint) haud temerè esse cum rebus suspectæ fidei miscenda: & rursus etiam rara, atque insolita, quæ plerisque incredibilia videntur, non omnino esse suppressa, neque memoriae posterorum deneganda.

At illa altera credulitas, quæ non historiæ, aut narrationibus, sed artibus & opinionibus tribuitur, duplex est: aut cum artibus ipsis, aut cum authoribus in arte nimium credimus. Artes ipsæ, quæ plus habent ex phantasiâ, & fide, quam ex ratione, & demonstratiōnibus, sunt præcipue tres, *Astrologia*, *Naturalis Magia*, & *Alchimia*, quarum tamen fines non sunt ignobiles. Profitetur enim *Astrologia* superiorum in inferiora, influxum & dominatum recludere. Magia si bi proponit naturalem Philosophiam, à varietate speculationum, ad magnitudinem operum revocare. Chymica in se suscipit, partes rerum Heterogeneas, quæ in corporibus naturalibus latent & implicantur, separare & extrahere: corporaque ipsa, inquinata deputare, impedita liberare, immatura perficere. Sed viæ, atque rationes, quæ ducere putantur ad hos fines, tam in Theorij illarum artium, quam in praxi, erroris, & nugarum plenæ sunt. Neque adeò traditio ipsarum, ut plurimum, candida est, sed artificiis & latebris munita. Chymicæ tamen hoc certè debetur, quod verè comparati possit agricolæ apud *Æsopum*, qui è vitâ exiturus, dixit filiis, Se illis vim magnam auri in vineâ, nec satis meminisse quo loco defossem, reliquise: Qui cum vineam diligenter ligonibus ubique invertissent, atrium quidem repererunt nullum, sed tamen vindemiam in sequentis anni propter

fossilibus circa radices vitium, tulerunt longe uberimam : circa aurum conficiendum, haud paucis nobilibus inventis, & experimentis, tum ad reseradam naturam, tum ad usus vitae apprimè idoneis, quas si faciem accenderunt.

Illa autem credulitas, quæ certos scientiarum autores, dictatoriâ quadam potestate munivit, ut edificant, non senatoriâ ut consulant, ingens damnum scientiis intulit; tanquam præcipua causa, quæ tanto pere illas afflixit & depresso, ut absque insigni aliquo augmendo, exangues jacerent. Hinc nempe factum est, ut in artibus Mechanicis, primi inventores pauca excogitaverint, tempus reliqua suppleverit, & perficerit; at in scientiis, primi autores longissimè penetraverint, tempus plurima detriverit, & corruperit. Sic videmus Tormentariam, Nauticam, Typographiam, sub initiis imperfectas, & propemodùm informes fuisse, & exercentibus onerosas, temporis verò progressu, expolitas, & accommodas. At contrà Philosophiæ, & Scientiæ Aristotelis, Platonis, Democriti, Hippocratis, Euclidis, Archimedis; in ipsis illis authoribus viguerunt, tractu temporis degenerarunt, potius & non minimum splendoris amiserunt: Cujus rei non est alia ratio, quam quod in artibus Mechanicis, ingenia multorum in unum coierunt, in artibus, & scientiis liberalibus, ingenia multorum sub uno succubuerunt; quem tamen ipsum sapienter sequaces sui, potius depravârunt, quam illustrârunt. Ut enim aqua non ascendet altius, quam caput fontis, à quo promanat; ita doctrina ab Aristotele deducta supra doctrinam Aristotelis nunquam assurget. Ideoque et si non displiceat regula, oportet discentem credere: huic tamen conjungendum est, oportet iam edocimus

*edictum iudicio suo uti.* Discipuli enim debent Magistris temporariam solum fidem , judiciiq; suspensio- nem, donec penitus imbibenterint artes; non autem plenam libertatis ejurationem , perpetuamque ingenii servitutem. Quare, ut absolvam hanc partem , hoc tantum adiiciam ; magnis authoribus suis sic constet honor, ut authori authorum, & veritatis parenti tempori, non derogetur.

Explicavimus tandem tres doctrinæ intemperies, sive morbos; præter quos nonnulli sunt, non tamen morbi confirmati, quam vitiosi humores; qui tamen non adeò occulti sunt, aut latentes, quin in multorum sensum, & reprehensionem incurant, ideoquæ neutrquam prætermittendi.

Horum primus est immodicum studium duorum extremorum , antiquitatis & novitatis : Quà in re tempotis filia male patrissant: ut enim tempus problem devorat, sic hæc se invicem , dum antiquitas novis invideat augmentis, & novitas non sit contenta recentia adiicere, nisi vetera prorsùs eliminet, & reiciat. Certè consilium Prophetæ vera in hac re norma est: *State super vias antiquas, & videte quænam sit via recta, & bona, & ambulate in eā.* Antiquitas eam mereatur reverentiam, ut homines aliquandiū gradum si- stere, & supra eam stare debeant, atque undequaque circumspicere, quæ sit via optima : quum autem de viâ benè constiterit, tunc demum non restitandum, sed alacriter progrediendum. Sanè, ut verum dicamus, *Antiquitas seculi, juventus mundi.* Nostra profectio sunt antiqua tempora, cùm mundus jam senuerit, non ea, quæ computantur ordine retrogrado, initiū sumendo à seculo nostro.

Alius error è priori oriundus, est suspicio quedam

& diffidentia , quæ nihil nunc posse inveniri autū-  
mat, quo mundus tam diù carere potuit : ac si illa ob-  
jectio conveniret erga tempus, quā Lucianus impedit  
Jovem, cæterosque Ethnicorum Deos: Miratur enim,  
cur tot olim genuerint liberos, nullos autem suo seculo? in-  
terrogatque jocans, ecquid septuagenarii jam essent, aut le-  
ge Pappiā contra senum nuptias latā constricti sic viden-  
tur homines subvereri, ne tempus effectum jam fa-  
ctum sit, & ad generationem ineptum. Quin potius  
levitas hominum , atque inconstantia, hinc optimè  
perspici potest, qui donec res aliqua perfecta sit, eam  
mirantur fieri posse; postquam facta semel est, iterum  
mirantur eam jam pridem factam non fuisse. Ita A-  
lexandri expeditio in Asiam, habita est initio pro va-  
sto, & arduo admodum negotio; quam tamen poste à  
placuit Livio in tantū elevare, ut diceret de Alexan-  
dro, Nil aliud, quām benē ausus est vanā contemnere. Idē  
Columbo evenit circa Occidentalem navigationem.  
Sed in rebus intellec̄tualibus, hoc fit multò frequen-  
tiū, ut videre est in plerisque propositionibus apud  
Euclidem , quæ antequam demonstrantur, miræ vi-  
dentiur, & quibus quis non facilè assenserit; post de-  
monstrationem autem factam , arripit eas mens per  
retractionem quandam ( ut loquuntur Jureconsul-  
ti) tanquam antè perspectas & cognitas.

Alius error superiori affinis, est eorum, qui omniū  
seccarum , atque Hæresium veterum , postquam ex-  
cussæ fuissent, & ventilatae , optimam semper obti-  
nuisse, posthabit is aliis, existimant. Itaque putant, si  
quis de integro institueret inquisitionem, & examē,  
non posset non incidere in aliquas ex reiectis op-  
inionibus, & post rejectionem amissis, & obliteratis:  
quasi verò multitudo, aut etiam sapientes multitudi-  
nis de-

nis deliniendæ gratiâ, nō illud sæpè probârint, quod populare magis, atque leve sit, quâm quod solidum, atque altè radices agens. Tempus siquidem simile est fluvio, qui levia atque inflata ad nos devehit, solidâ autem, & pondus habentia submergit.

Alius error à reliquis diversus, est præmatura atq; proterva reductio doctrinarum in artes, & methodos; quod cùm sit, plerunque scientia aut parùm, aut nihil proficit. Nimirū ut Ephebi, postquam membra & lineamenta corporis ipsorum, perfectè efformata sunt, vix amplius crescunt: sicut scientia quamdiu in Aphorismos, & observationes spargitur, crescere potest, & exurgere; sed methodis semel circumscripta, & conclusa, expoliri forsitan & illustrari, aut ad usus humanos edolari potest, non autem porrò mole augeri.

Alius error succedens ipsi, quem postremò notavimus, est, quod post singulas scientias, & artes, suas in classes distributas, mox à plerisque, universali rerum cognitioni, & Philosophiæ primæ renūciatur; quod quidein profectui doctrinarum inimicissimum est. Prospectiones fiunt è turribus, aut locis præaltis, & impossibile est, ut quis exploret, remotiores, interioresq; scientiæ alicujus partes, si stet super plano eiusdem scientiæ, neque altioris scientiæ veluti speculam conscedat.

Alius error fluit ex nimiâ reverentiâ, & quasi adoratione intellectus humani; unde homines abduxere se à contemplatione naturæ, atque ab experientiâ, in propriis meditationibus, & ingenii commentis susque deque volutantes. Cæterum præclaros hos opinatores, & (si ita loqui licet) Intellectualistas, qui tamen proximâ sublimibus, & divinis philosophis

haberi solent, recte Heraclitus perstrinxit, *Homines, inquit, querunt veritatem in Microcosmū suis, non in mundo majori.* Respuunt enim quasi Abecedarium naturæ, primumq; in operibus divinis tyrocinium: quod si non facerent, potuissent fortassis gradatim & sensim, post literas simplices, & deinceps syllabas, ad tex-tum & volumen ipsum creaturarum expeditè legendum ascendere. At illi contrà, jugi mentis agitatio-ne, urgent & tanquam invocant suos Genios, ut vaticinentur eis, edantque oracula, quibus meritò & sua-viter decipiuntur.

Alius error huic posteriori sinitimus est, quod ho-mines saepius imbuant, & inficiant meditationes, & doctrinas suas, opinionibus quibusdam, & concepti-bus propriis, quos potissimum in admiratione ha-bent; aut artibus, quibus maximè addicti, & conse-crati sunt; cætera omnia illis deliciis insipientes, & quasi intingentes, licet fuko admodùm fallaci. Sic suæ Philosophiæ immiscuit Plato Theologiam, Ari-stoteles Logicam, secunda Schola Platonis, (Proclus scilicet & reliqui) Mathematicas. Iotas enim artes solebant illi, tāquam filiolos suos primogenitos sua-viari. At Chymici è paucis experimentis, ad foculum & fornacem, novam Philosophiam excuderunt. Et Gilbertus popularis noster Philosophiam aliam ex Magnete elicuit. Sic Cicero, cùm varias opiniones de naturâ animæ recésens, tandem in Musicum incidis-set, qui animam esse Harmoniam statuebat, facetè dixit, *hic ab arte suā non recessit.* Sed de hoc genus erro-ribus, appositè & prudenter, ait Aristoteles. *Qui re-spiciunt ad panca, de facili pronunciant.*

Alius error est impatientia dubitandi, & cœca fe-stinatio decernendi, absque debitâ, & adultâ suspen-sione

fione judicii. Nam bivium contemplationis, non est dissimile bivio actionis, à veteribus sapientiis memorato: cuius altera via, initio plana & facilis erat, fine autem imperuia; altera ingredienti aspera erat, & confragosa, ubi paulo processeris, expedita, & aquabilis; haud secus in contemplationibus, si quis à certis ordinatur, indubia desinet; sin à dubiis incipiat, eaq; aliquando patienter toleret, in certis exitum reperiet.

Similis error se ostendit in modo tradendi doctrinam, qui, ut plurimum, est imperiosus & Magistralis, non ingenuus & liberalis, ita demum compositus, ut potius fidem imperet, quam examini subiiciatur. Non negaverim in summaris libellis, ad praxin destinatis, hanc formulam scribendi retineri posse, verum in iustis tractatibus de scientiis utrumque extremitum vitandum censeo, tam Vellei Epicurei, nil tam metuentis, quam ne dubitare de reali videtur: quam Socratis, & Academiæ, omnia in dubio reliquentium. Candori potius studendum, resque majeure aut minore contentione tradendæ, prout rationū momentis parciūs, aut pleniūs sint probatae.

Alii errores sunt in scopis, quos homines praesigunt sibi, & in quos conatus suos, & labores dirigunt. Cum enim diligentiores literarum Coryphæi, ad id collimare debeant precipue, ut arti, quam profitentur, aliquid præclarum adjicant: hi contra in secundis tantummodo consistere sat habent, vel subtilis interpretis, vel antagonistæ vehementis & neruosi, vel methodici abbreviatoris nomen ambientes: unde reditus & vestigalia scientiarum augeri possunt, patrimonium & fundus minimè.

Omnium autem gravissimus error in deviatione ab ultimo doctrinarū fine consistit. Appetunt enim

homines scientiam , alii ex insitâ curiositate , & irrequietâ : alii animi causâ , & delectationis , alii existimationis gratiâ : alii contentionis ergô , atque ut in differendo superiores sint : plerique propter lucrum & victum : paucissimi , ut donum rationis divinitus datum in usus humani generis impendant . Planè , quasi in doctrinâ quæreretur lectulus , in quo tumultuans ingenium , & æstuans requiesceret : aut Xystus sive Porticus , in quo animus deambularet liber , & vagus : aut Turris alta , & edita , de quâ mens ambitiosa , & superba despectaret : aut arx , & propugnaculum ad contentiones , & prælia : aut officina ad quæstum , & mercatum : Et non potius locuples armarium , & Gazophylacium , ad opificis rerum omnium gloriâ , & vitæ humanæ subsidium . Hoc enim illud est , quod reverâ doctrinam , atque artes condecoraret , & attolleret , si contemplatio , & actio , arctiore , quam adhuc vinculo copularentur . Quæ certè conjunctio talis foret , qualis est supremorum duorum Planetarum Syzygiæ cùm Saturnus quietis , & contemplationis Dux , cum Jove Duce Societatis , agendique conspiret . Quanquam cum de praxi , atq; actione loquor , nullo modo ad doctrinam professoriam , & lucrosam innuo : Neque enim me fugit , quantopere hoc ipsum , progressionem doctrinæ , & amplificationem moretur : perinde quidem , ut aureum malum , antè oculos Atalantæ projectum , quod ut tollat dum flectit se , cursus interea impeditur .

*Declinat cursus , aurumque volubile tollit .*

Neque rursus mihi in animo est , quod de Socrate dictum erat , Philosophiam devocare de cœlo , ut tantummodo versaretur in terris ; hoc est , Physicam seponi , ut Moralis Philosophia , & Politica celebraretur sola :

sed

sed quemadmodum cœlum & terra simul conspirat,  
& consentiunt; ad hominum tuendam vitam , atque  
juvandam; ita sanè hic finis esse debet utriusque Phi-  
losophiæ, ut reiectis vanis speculationibus , & quic-  
quid inane, ac sterile est , conservetur quicquid soli-  
dum est, ac fructuosum; ut hoc pacto, scientia non sit  
tanquam scortum ad voluptatem , aut tanquam an-  
cilla, ad quæstum, sed tanquam sponsa, ad genera-  
tionem, fructum, atque solatium honestum.

Jam explicasse video, & quasi dissectione quâdam  
aperuisse, vitiosos illos humores, aut saltem eorum  
præcipuos, qui non solum obstatere profectui litera-  
rum, verùm etiam culpandis iisdem ansam dedere.  
Quod quidem si nimis ad vivum fecerim, meminisse  
oportet, *Fidelia vulnera amantis, sed dolosa oscula mali-  
gnantis.* Ut cunque, hoc certè mihi video, affecutus,  
ut merear fidem in sequenti præconio , cum in supe-  
riori censurâ tām liberè egerim. Neque tamen in ani-  
mo est mihi, Panegyricum literarū scribere, aut hy-  
mnū Musis præcinere, licet forsitan diu jam sit, ex  
quo sacra eatum ritè celebrata sint: sed consilium est  
absque pigmentis , & hyperbolis, vetum doctrinæ  
contra alias respondus, excipere & perpendere, ve-  
rumque ejus valorem & pretium, ex testimoniois di-  
vinis atque humanis exquirere.

Prīmò igitur quæramus dignitatem scientiæ in ar-  
chetypo, sive exemplari; id est in attributis , atq; actis  
Dei , quatenus revelantur homini, & sobriè indagari  
possunt. Quâ in re non competit appellatio doctrinæ,  
cum omnis doctrina sit scientia acquisita: nulla  
autem cognitio in Deo acquisita est, sed originalis.  
Itaque aliud quærendum est nomen, *Sapientia* scili-  
cket, ut sacræ scripturæ eam indigant.

Sic autem se res habet: in operibus creationis, duplarem virtutis divinæ emanationem videmus, quam una ad potentiam refertur, altera ad sapientiam: Illa præcipue cernitur in creandâ mole materiæ, hæc in pulchritudine formæ disponendâ. Hoc posito notandum est, nihil in creationis historiâ obstat, quin fuerit confusa illa cœli terræque massa, & materia, unico temporis momento creata, cui tamen disponendæ, digerendæque sex dies fuerunt attributi: ad. ò signanter Deus opera potentia, ac sapientia discriminavit. Cui accedit, quod de materia creatione, memoriæ proditum non sit, dixisse Deum, *sicut cœlum & terram*, sicut de sequentibus operibus dictum est: sed nudè atque actualiter, *Deus creavit cœlum & terram*: ita ut materia videatur, tanquam manu facta, formæ vero introductio stilum habeat legis, aut decreti.

Pergamus à Deo ad angelos, quorum natura dignatione est Deo proxima. Videmus in ordinibus Angelorum ( quatenus fides adhibenda cœlesti illi Hierarchiæ, quæ Dionysii Areopagitæ nomine evulgatur ) primum locum obtinere *Seraphim*, Angelos scilicet amoris; secundum *Cherubim*, Angelos illuminationis: tertium autem locum, & sequentes, *Thronis*, *Principatibus*, ceterisque Angelis potentia, & ministerii concedi: ut ex hoc ipso ordine, ac distributione clarum sit, Angelos scientia, & illuminationis, angelis imperii & potentia præponi.

A spiritibus, & intelligentiis, ad formas sensibiles & materias descendentes, legimus primam formarum creatarum fuisse lucem; quæ in naturalibus & corporeis, scientia in spiritualibus atque incorporeis respondet.

Sic in distributione dierum, videmus diem, quâ requie-

requievit Deus, & contemplatus est opera sua, benedictam fuisse supra omnes dies, quibus creata est, & disposita fabrica universi.

Post creationem absolutam, legimus hominem collocari in Paradiso, ut illic operaretur: quod quidē opus, aliud esse non poterat, quām quale pertinet ad contemplandum; hoc est, cuius finis, non ad necessitatem aliquam, sed ad delectationem, & activitatem sine molestiā, referri possit: cū enim tunc temporis, nulla potuerit esse creaturæ reluctatio, nullus *sudor vultus*, necessariò sequitur actiones humanas, ad voluptatem, & contemplationem, non ad laborem, aut opus comparatas fuisse. Rursus primæ hominis actiones, quas in Paradiso exercuit, duas summarias scientiæ partes complexæ sunt: haec erant, in specie creaturarum, & impositio nominum. Nam scientia illa, quæ lapsum introduxit (quod & ante monuimus) non erat naturalis scientia circa creaturas, sed moralis scientia de bono & malo; ex hac suppositione, quod Dei mandata, aut vetita, non essent principia boni & mali, sed quod alias haberent illa origines; quorum cognitionem affectavat homo, scilicet ut totaliter à Deo desiceret, & sibi ipsi, suoque arbitrio prorsus inniteretur.

Veniamus ad ea, quæ statim post lapsum contingere. Videmus (ut innumera sunt sacrarum scripturarum Mysteria, salvâ semper veritate historicâ & literali) imaginem duarum vitarum, contemplativæ nimirum & activæ, in personis Abelis & Caini, in quo eorum institutis, & primitivis vivendi rationibus delineatam: quorum alter Pastor erat (qui propter otium & quietem, liberumque cœli aspectum, typus est viæ Theoricae) alter agricola (laboribus scilicet fatigatus,

gatus, & aspectu in terram defixus.) Ubi cernere est, favorem, electionemque divinam, ad pastorem accessisse, non ad agricolam.

Sic ante diluvium, sacri fasti, inter paucissima, quæ de eo seculo memorantur, dignati sunt memoriae prodere, inventores Musicae, atque operum metallorum. Sequenti seculo post diluvium, gravissima poena, quâ Deus humanam superbiam ultus est, fuit confusio linguarum, quâ doctrine liberum commercium, & literarum ad invicem communicatio maximè interclusa est.

Descendamus ad Mosem leglatorem, & primum Dei Notarium, quem scripturæ ornant hoc elogio, quod gnarus & peritus esset omnis doctrina Ægyptiorum. Quæ quidem gens inter vetustissimas mundi scholas numeratur. Sic enim Plato inducit Ægyptium sacerdotem dicetem Soloni; *Vos Greci semper pueri estis, nullam vel scientiam antiquitatis, vel antiquitatem scientie habentes.* Perlustremus cæremonialem legem Moses, reperiemusque præter Christi præfigurationem, distinctionem populi Dei à gentibus, exercitium obedientiæ, aliosque ejusdem legis usus sacros, non nullos doctissimorum Rabbinorum, haud inutilem circa eam navasse operam, ut sedulò eruerent, quandoque naturalem; quandoque moralem sensum ceremoniarum, & rituum. Exempli gratiâ, ubi de lepra dicitur, *Si effloruerit discurrens Lepra, homo mundus erit, & non recludetur: si caro viva in eo erit, immundus condemnabitur, & ad sacerdotis arbitrium separabitur.* Ex hac lege colligit unus eorum axioma in naturâ; *Patredivem pestilentiem esse, ante, quam post maturitatem.* Alius morale documentum elicit, *homines flagitiis undigè cooperatos, minus corrūpere publicos mores, quam mediocri-*

diocriter, & ex parte tantum malos: adeo ut ex hoc, & similibus locis ejus legis, præter sensum Theologum, haud pauca ad Philosophiam spectantia spargi videantur.

Si quisetiam eximium illum Jobi librum, diligenter evolverit, plenum eum, & tanquam gravidum, naturalis Philosophiæ Mysteriis deprehendet Exempli gratiâ; circa Cosmographiam, & rotunditatem terræ, illo loco, *Qui extendit Aquilonem super vacuum,*  
*& appendit terram super nihilum Ubi pensilis terra, po-*  
*lus Arcticus, & cœli convexitas in extimis, haud ob-*  
*scurè insinuantur. Rursùs circa Astronomiam, &*  
*Asterismos, illis verbis, Spiritus ejus ornavit cœlos, &*  
*obstetricante manu ejus educitus est Coluber tortuosus. Et alio*  
*loco, nunquid conjungere valebis micantes stellæ Pleia-*  
*das, aut gyrum Arcturi poteris dissipare? ubi immota cō-*  
*figuratio stellarum fixarum; paribus intervallis sem-*  
*per inter se distantium, elegantissimè describitur.*  
*Item alio loco, qui facit Arcturum, & Orionem, & Hyadas,*  
*& Interiora Austræ. Ubi iterum innuit depressionem*  
*antarcticæ poli, eamque designat nomine interiorum*  
*Austri, quia Australes stellæ nostro Hemisphærio nō*  
*cernuntur. Circa generationem animalium: Annon*  
*sicut lac mulisti me, & sicut caseum coagulasti me? &c.*  
*Circa rem metallicam, habet argentum venarum sua-*  
*rum principia, & auro locus est in quo conflatur ferrum de*  
*terra tollitur, & lapis solutus calore in æ vertitur. Et se-*  
*quentia in eodem capite.*

Pariter & in personâ Regis Salomonis, videmus donum sapientiæ, tum in petitione ipsius, tum in cōcessione divinâ, omnibus terrenæ, & temporalis felicitatis bonis prælatum. Virtute cuius doni, & confessionis, Salomon egregiè instructus, non solum scripsit

scripsit insignes illas Parabolas, sive Aphorismos de divinâ, atque morali Philosophiâ; verum etiam composuit naturalem historiam omnium vegetabilium, *Acedro super montem, usq; ad muscum super murum,* (qui nihil est aliud, quād rudimentum plantæ putredinis & herbæ medium) omniumque etiam, quæ resplicant, & moventur. Imò idem Rex Salomon, quāvis excelluerit opibus, magnificentiâ ædificiorū, classe, famulitio, nominis celebritate, & reliquis quæ ad gloriam pertinent, nihil tamen, ex isto gloriæ segete, sibi ipsi decerpit, aut assumit, præter decus inquirendi, & inveniendi veritatem. Sic enim disertè ait; *Gloria Dei est celare verbum, & gloria Regis investigare sermonem.* Ac si divina Majestas innoxio illo, & benevolo puerorum ludo delectaretur, qui ideo se abscondunt, ut inveniantur: quasique etiam nihil esset honorificentius Regibus, quam Dei collusores esse in eodem ludo; præsertim cum tot ingenios imperent, tantisque opes præstò habeant, quibus omnis secreti investigatio absolvi possit.

Nec verò aliter hæc dispensavit Deus, postquam Salvator noster in mundum venisset. Ille enim priùs, potentiam ostendit suam, in profligandâ ignorantia, ubi cum doctoribus, & sacerdotibus dissereret in Templo, quam in subjugandâ naturâ, tot & tantis editis miraculis. Adventus quoque spiritus sancti, præcipue adumbratus, atque expressus fuit in similitudine, ac dono linguarum, quæ sunt duntaxat *vehicula scientiæ.*

Ita in feligendis illis instrumentis, quæ adhibuit Deus ad fidem disseminandam, initio homines evocavit planè indoctos, & illiteratos, præterquam quod Spiritus Sancti afflatu instructi fuissent; quo eviden-

tius virtutem suam immediatam , & divinam declararet, omnemque humanam sapientiam deprimiceret. Quamprimum autem consilium suum in hac parte perimpletum esset, mox in proximâ successione temporum, divinam veritatem suam, aliis doctrinis veluti pedissequis comitatam , in mundum immisit. Itaque D. Pauli calamus, ( qui inter Apostolos solus literatus fuit) in scripturis Novi Testamenti, præcipue à Deo adhibitus est.

Sic & novimus complures ex antiquis Episcopis & patribus, egregiè fuisse in omni Ethnicorum eruditione versatos. Adeò ut edictum Juliani , quo cautum est, ne Christiani ad Scholas , & Gymnasia mitterentur, perniciösior machina, ad expugnandam fidem Christianam, quam cruentæ superiorum Imperatorum persecutions, habitum fuerit. *Quare lo-  
gistica, Episcopi Recensio ( per ea eni: agogia)  
etiam & ratione, & scientie, quae illuc in eundem locis  
solenniter tradidit, & priori ratione, & scientie, quae  
bonum pfectum, & circa quadragesima & postea receptarunt.*  
Quinimò sola Christiana Ecclesia , inter inundationes Scytharum à plagis Septentrionalibus, & Sarracenorū ab Orientalibus, pretiosas gentilis eruditio- nis reliquias, jamjam funditus perituras , sinu & gremio suo conservavit. Nuper etiam intueri licet Jesuitas, ( qui partim studio proprio, parum ex æmulatione adversiorum , literis strenue incubuerunt ) quantum subsidiī , viriumque, Romanæ sedi repa- randæ, & stabiendi attulerint.

Quare ut absolvam hanc partem , duo sunt præcipua officia, & ministeria præter ornatum, & illustratiōnem , quæ fidei religionique humaniores literæ persolvunt. Unum, quod efficacia sint incitamenta,

ad divinam gloriam exaltandam, & celebrandam: sicut enim Psalmi, & aliæ scripturæ, crebro nos invitant ad contemplationem, prædicationemq; magnificorum, & admirabilium operum Dei; ita, si tantum in eorum specie externâ, sic ut sensibus nostris seexhibent, hæreremus; eandem faceremus injuriam Majestati divinæ, ac si de opulentia, & copiâ nobilissimi Gemmarii, ex iis quæ palam exponuntur in pægulâ, judicaremus. Alterum, quod singulare remedium, antidotumque exhibeat Philosophia, contra infidelitatem & errores. Nam Salvator noster inquit, *Erratis nescientes scripturas & potentiam Dei.* Vbi duos libros, ne in errores incidamus, proponit nobis evolvendos: primò volumen scripturarum, quæ voluntatem Dei, dein volumen creaturarum, quæ potentiam revelant: Quorum posterior, veluti clavis est prioris, non solum intellectum nostrum aperiens, ad genuinam scripturarum mentem, ex generalibus regulis rationis, & legibus sermonis expromedam; Sed porrò etiam præcipue fidem nostram referans, ut in seriam ingrediamur omnipotentiae divinæ meditacionem, cuius characteres maximè insculpti eius operibus, & incisi sunt. Tantum de divinis testimoniosis, ac judiciis, pro vera dignitate, & pretio doctrinæ, dicendum est.

Quantum ad humana testimonia, & argumentata, tam latus aperitur campus, ut in tractatu hoc brevi, & presso, delectum potius adhibere deceat, quam copiam. Primò itaque summus apud Ethnicos honoris gradus fuit, divinam venerationem, cultumque consequi: (Quod quidem Christianis est tanquam fructus vetitus:) Nunc verò loquimur separatim de iudiciis humanis. Itaque (ut cœpimus dicere) apud Ethnias

Ethnicoſ ille quem Græci Apotheoſin, Latini Relatio-  
nem inter Divos vocarunt, ſupremus honor fuit, qui  
homini ab homine tribui poſſet: præſertim ubi non  
ex decreto, aut edicto aliquo imperii (ut Cæſaribus  
apud Romanos) ſed ex opinione hominum, & fide  
interna, ultrò deferretur. Cujus honoris tam excelsi,  
gradus quidam erat, & terminus mediusr. Quippe ſu-  
pra Hamanos honores, Heroici numerabantur, &  
divini; in quorum distributione hunc ordinem tenu-  
ere veteres. Rerum pub. conditores, Legiflatores, Ty-  
rannicidae, Patres Patriæ, quique in rebus civilibus  
optimè meruerunt, inſigniti ſunt titulo Heroum tā-  
tūm, aut Semideorum, quales fuere *Theseus, Minos, Ro-*  
*mulus, cæterique*: Ex altera parte, inventores & au-  
thores novarum artium, quique vitam humanam  
novis commodis, & accessionibus dotariunt, ſemper  
consecrati ſunt inter Deos ipſos majores, quod *Cere-*  
*ri, Baccho, Mercurio, Apollini, & aliis contigit*. Quod  
certè jure, & ſano cū judicio factum eſt. Nam priorū  
benemerita intra unius ætatis, aut nationis limites,  
ferè coercentur; nec abſimilia ſunt imbribus tempe-  
ſtivis, & benignis, qui quamvis frugiferi ſint, atque  
optabiles, tamen pro illa tempeſtate tantūm, qua de-  
cidunt, atque pro amplitudine tractus terræ, quam  
irrigant, utiles ſunt; posteriorum vero beneficia, ut i-  
pſius ſolis, & cœleſtium munera, temporibus perpe-  
tua, locis infinita ſunt: Illa rursus, cum contentione,  
& perturbatione, ut plurimum conjuncta ſunt; haec  
habent verum characterem divinæ præſentiæ, veni-  
untque in aurā leni, absque tumultu, aut strepitu.

Neque ſanè doctrinæ meritum in civilibus, & in  
reprimendis incommodis, quæ homo homini infert,  
multum cedit illi alteri, in ſublevandis humanis ne-  
cessi-

cessitatibus, quæ ab ipsâ naturâ imponuntur. Atque hoc genus meriti, optimè adumbratum fuit sub illâ fictâ narratione, de *Theatro Orphei*; ubi singulæ bestiæ, avesque congregatæ sunt, quæ appetitum suorum innatorum immemores, prædæ, ludi, pugnæ, amicè placidèque una stetere, Citharæ concentu, & suavitate captæ. Cujus sonus ubi aut cœllaret, aut majori sonitu obrueretur, omnes illicè animates ad ingenium redibant. Quâ in fabulâ elegantet describuntur ingenia, & mores hominum, qui variis, & indomitis cupiditatibus agitantur, lucri, libidinis, vindictæ: qui tamen quamdiu aures præbent, præceptis & suasionibus religionis, legum, Magistrorum, in libris, sermonibus, & concionibus, eloquenter & suaviter modulantibus, tam diu pacem colunt, & societatem; fin ista fileant, aut seditiones, & tumultus obstrepan, omnia dissiliunt, & in Anarchiam, atq; confusionem relabuntur.

Sed enim hoc clariùs cernitur, cum Reges ipsi, aut Magnates, aut Præfecti eruditione prædicti sint. Ut ut enim suis addicctus nitium partibus videatur, qui dixit, *tum demum Ress. fore felices*, cum aut Philosophi regnant, aut Reges philosophantur; Hoc tamen experientiâ notum est, sub eruditis Principibus, & custodibus Reipub. secula maximè felicia fuisse. Quamvis enim Reges ipsi, suos habeant errores & vitia, affectibus scilicet & pravis consuetudinibus pro more cæterorum hominum obnoxii; tamen doctrinarum si accedit lumen, anticipatæ quædam notities, religionis, prudentiæ, honestatis, retinent eos, & ab omni præcipiti, & immedicabili excessu, & errore refrænant; aurem semper vellentes, etiam cum Consiliarii, & Domestici silent. Quin Senatores ipsi, & Consiliarii, qui literis

literis exculti sunt, solidioribus innituntur principis, quām qui ab experientiā tantum edoēti sunt; illis ex longinquo prospicientibus pericula, & maturè propulsantibus, cūm isti tantum ex propinquō, & cominū sapiant, nihil videntes, nisi quod imminet, & tunc demū agilitate ingenii sui, se in ipso periculorum articulo, expedire, & eripere posse confidentes.

Quæ felicitas temporum sub eruditis Principibus (ut semper brevitati studeam, adhibens non nisi lectrissima quæque exempla, & maximè illustria) præcipue cernitur eo in seculo, quod à morte Domitianī Imperatoris, usque ad Imperium Commodi defluxit; successionem sex Principum eruditorum, aut certè eruditioni impensè faventium, complectente; omniumque, si temporalia bona spectemus, quæ unquam vidit Roma, totius orbis tunc Epitome, longè florentissimo. Id quod Domitiano, pridie ejus diei, quo interfectus est, in somnis præmoristratum erat. Quippe qui videre visus est, *Caput aureum sibi pone cervicem enatum esse*: Quod sanè vaticinium, aureis illis subsequentibus seculis, adimpletum est; De quibus sigillatim, sed brevissimè, verba faciam.

Nervus vir dictus fuit, Apollonii illius Pythagorei familiaris, & quasi discipulus, qui etiam ferè expiravit, in versu illo Homerī:

*Telus Phœbe tuus lachrymas ulciscere nosfras.*

Trajanus non ipse quidem doctus, sed doctrinæ admirator, & erga literatos munificus, Bibliothecarum institutor, & in cuius aulā (licet Imperatoris Bellicos) Professores & Pædagogos gratiosissimos fuisse, memorix proditum est. Adrianus curiosissimus mortalium, & inexplebilis omnis varietatis, & Secreti investigator. Antoninus subtilis & quasi Scholasticus,

undē etiam *Cymini* sēctor vocatus est. Ex *Divis Fratribus*, autem *Lucius Commodus* molliori literarum gene-  
re eruditus: *Marcus* etiam cognomine ipso Philo-  
phus. Hi Prīncipes, ut doctissimi, ita & optimi fue-  
runt. *Nerva* clementissimus Imperator, quiq[ue], si ni-  
hil aliud, orbi *Trajanum* dedit. *Trajanus*, omnium qui  
imperārunt, & belli & pacis artibus maximē florens:  
Idem Imperii fines longissimē protulit; Idem vim  
Dominationis modestissimē cohibuit: Maximorum  
etiam extructor operū, undē à *Constantino*, *Parieta-  
ria* per invidiam vocatus est, propter nomen ejus tot  
parietibus incisum. *Adrianus* temporis ipsius æmu-  
lus: Injurias enim & ruinas temporis, in quoquo ge-  
nere, curâ & munificentia suâ, reparavit. *Antoninus*,  
(ut etiam appellatus est) vir maximē pius, nativâ qua-  
dam & insita bonitate, omnibus ordinibus gratus,  
cujusque regnum (licet haud breve) omnis calamiti-  
tatis expers. *Lucius Commodus* fratri quidem bonitate  
cedens, reliquos Imperatores plurimos superans.  
*Marcus* vir ad exemplar virtutis compositus, cuique  
scurraille, in convivio Deorum, nihil habuit, quod  
obiiceret, præter patientiam erga mores uxoris In  
hac itaque continua sex Principum serie, videre cui-  
vis liceat, felicissimos fructus doctrinæ, in Imperio  
collocatæ, in maxima orbis terrarum Tabula depi-  
ctos.

Jam verò doctrina, non in civilia tantum, atque  
artes pacis, influxum habet, sed & in militari virtute  
exercet vim suam ac potentiam; ut clarè perspicitur  
in exemplis *Alexandri Magni*, & *Cæsaris Dictatoris*; Quorum anteā obiter meminimus, nunc verò ea  
paulò fusiūs retrahimur: horum virtutes milita-  
res, & res in bello gestas, supervacaneum esset nota-  
re, aut

re, aut recensere, cùm in eo genere mundi miracula extiterint: sed de amore ipsorum, & studio erga literas, nec non in iisdem excellentia propria, non alienum erit, si pauca subjungamus.

Educatus fuit Alexander, edoctusque ab Aristotele, (Philosopho certè magno) qui nonnullos è libris suis Philosophicis ei nuncupavit: à latere illius nunquam discedebat Callisthenes, aliique pererudit viri, qui castra sequebantur, & perpetui erant, omniū ejus itinerum & expeditionum comites: quo autem pretio literas habuerit, haud pauca liquido demonstrant: veluti invidia, qua dignam censuit Achillis fortunam, quod gestarum rerum, laudumque suarū, Homerum preconem invenerat Judicium de pretiosa Darii arcuла, inter reliqua spolia reperta, de qua cùm quæstio moveretur, quidnam potissimum dignum esset, quod in ea asservaretur, ipse, cùm alii alia dicerent, pro Homeri operibus sententiam tulit Epistola objurgatoria ad Aristotelem missa, postquam libros Physicorum edidisset, in qua expostulat, quod Philosophiæ Mysteria evulgasset; simulque rescribit, malle se omnibus doctrina & cognitione, quām potentia ac Imperio præcellere. Sunt & alia, quæ huc spectant. Ipse verò, quām egregiè animum excoluisse doctrina in omnibus ejus dictis, & responsis apparet, vel potius refulget, eruditione plenissimis; in quibus, licet numero pauca sint, quæ adhuc supersint, singularum scientiarum vestigia altè impressa reperias.

In Moralibus observetur primò Alexandri Aphthegma circa Diogenem, & adverte (si placet) si fortè non unam ex gravissimis quæstionibus moralis Philosophiæ constituat: *Vtrum qui fruitur externus bonis,*

*nis, felicior sit, an qui contemnit?* cùm enim Diogenem cerneret, tām parvo contentum, conversus ad circumstantes, qui ejus conditionem subsannabant, *Nisi essem, inquit, Alexander, optarem esse Diogenes.* At Seneca in haç comparatione Diogenem prætulit, cùm diceret, *plus erat quod Diogenes nollet accipere, quam quod Alexander posset dare.*

In naturalibus, observetur illud, quod crebro usurpabat, *In duabus se rebus, mortalitatem suam maxime percipere, somno & libidine:* quod sanè dictum ex intima naturali Philosophia depromptum est, non tam Alexandrum, quām Aristotelem, aut Democritum sapiens, cùm tam indigentia, quām redundantia naturæ, per illaduo designata, mortis sint tāquam Arthabones.

In Poëticis, observetur dictum illud, quum sanguine è vulneribus ejus effluente, accerferet unum ex adulatoribus, qui ei Divinitatem tribuere solebat, *Specula, inquit, hominius iste sanguis est, non talis liquor, quallem dixit Homerus Veneris è manu manasse, vulnerata à Diomede;* hoc dicto & Poëtas, & assentatores suos, & seipsum ridens.

In Dialecticis, accipe reprehensionem illam argumentiarum dialecticarum, circa reiicienda, & retorquenda argumenta, in dicto suo, quo perstrinxit Cassandrum, delatores patris sui Antipatri repellétem. Cùm enim Alexander fortè dixisset, *Numquid putas hos homines, tam longum iter suscepturos fuisse, nisi justam doloris causam habuissent?* Respondit Cassander, *Imo hoc ipsum animos eis dedit, quod sperabant longinquitatem vie obstituram, quo minus calunnia proderetur.* Euge, inquit Rex, *Strophas Aristotelis, rem pro & contra detorquentes.* Attamen hac ipsa, quam in alio carpebat, arte, cùm

cum res postularet, in commodum suum uti, probè noverat: Ita enim accidit, ut Callisthenes (quem odio clam habebat, quod novæ ejus inter Divos relationi refragaretur,) in quodam convivio rogatus esset, ab una discubētibus, ut oblectationis gratia, (cum esset vir eloquentissimus) Thēma aliquod pro arbitrio sibi sumeret, de quo subito diceret; ille autem annuens, & laudes gentis Macedonicae eligens, mirifico cum omnium applausu differuit: At neutquam hoc delectatus Alexander, subjecit, *In bonā causā, facile est cuilibet esse eloquenti, quin verte.* inquit, *stilum, & quid contra nos possumus audiamus.* Callisthenes negotium in se recepit, idque tam acerbè, tamque aculeatè prestat, ut Alexander interpellans diceret, *Etiam malus animus, & quē at bona causa indit eloquentiam.*

In Rhetoricis, ad quæ tropi, & ornamenta pertinent; ecce tibi elegantissimum Metaphoræ usum, qua Antipatrum imperiosum, & tyrannicum Præsidem perstrinxit. Cum enim amicus quidam Antipatri laudaret eum coram Alexandro, quod tam moderatus esset, neque in Persicum, prout alii Præfecti, luxum, usumque purpuræ, veteri Macedoniæ amictu exuto, degeneraret, *At intus,* inquit Alexander, *antipater est torus Purpureus.* Etiam & illa metaphora insignis: Cum Parmenio ad eum accederet, in Campis Arbellæ; eique ingentem hostium exercitum monstraret, qui oculis subiacēs noctu, proptet infinitum numetum ignium, veluti alterum firmamentum stellarum repræsentabat, ideoque consulseret, ut nocturno prælio illos invaderet, *Nolo,* inquit Alexander, *suffurari victoram.*

In politicis attinge gravissimam illam, & prudenter distingue distinctionem (quam omnis posteritas am-

plexa est) qua duos ex præcipuis ejus amicis, Ephesionem & Craterum discrevit, quum diceret, *Alterum Alexandrum amare, alterum amare Regem*: Diffimilitudinem maximi ponderis, etiam inter fidelissimos Regum servos constituens, quod alii magis Domini norum suorum personas vero affectu prosequantur, alii potius moveantur officio erga principatum ipsum. Spectetur etiam, quām eximie redargueret erorem, principum Consiliariis familiarem, qui plerunque consilia, pro modulo sui animi, & fortunæ, non Dominorum, suggesterunt. Cūm enim Darius magnas Alexandro offerret conditiones, Parmenio; *Ego, inquit, si essem Alexander, acciperem.* Subjecit Alexander, *Et ego quidem si essem Parmenio.* Postremò, excutiatur acre illud atque acutum responsum, ad amicos interrogantes, quid sibi reservaret, cūm tot & tanta donaret? *Spem,* inquit, quippe qui probè sciret, subductis rationibus, spem veram esse fortē, & tanquam hæreditatem, ad magna aspirantium. Hæc Julii Cæsaris fors, cūm proficiscens in Galliā, universas opes profusis largitionibus exhausisset. Hæc etiam fors Henrici Ducis Guisii, Nobilissimi Principis, licet nimium ambitionis, de quo illud increbuit, *Fæneratorem eum fuisse unum omnium Gallorum maximum, eò quod omnes opes in nominibus haberet, atque patrimonium universum, in obligaciones convertisset.* Cæterum admiratio hujus Principis, dum eum mihi, non ut Alexandrum Magnum, sed ut Aristotelis discipulum propono, longius fortasse me provexit.

Quantum ad Julium Cæsarem, non est opus, ut de præstantia eruditionis ejus, aut ex educatione, aut ex familiaribus, aut ex responsis suis, conjecturam facimus. Hæc siquidem eminet in ejus scriptis, & libris:

quo<sup>4</sup>

quorum alii extant, alii infeliciter desiderantur. Primum enim hodiè in manibus habetur, insignis illa bellorum suorum historia, cui nomen & titulum commentariorum duntaxat præfixit: In quo omnes posteri, solidum rerum pondus, & viva tam actionum quam personarum simulachra, cum castissima puritate sermonis, narrationisque perspicuitate eximia, conjuncta admirantur: quas quidem dotes, non à natura, infusas fuisse, sed à præceptis institutisque doctrinæ acquisitas, testatur liber ejus de *Analogia*; qui nihil aliud erat, quam Grammaticalis quædam Philosophia, in quo sedulò dedit operam, ut vox ad placitum, redderetur vox ad licitum; & consuetudo quoquo modo loquendi, ad congruitatem revocaretur emendatè loquendi; & verba, quæ sunt rerum imagines, rebus ipsis convenienter, non vulgi prorsùs arbitrium sequerentur.

Ita etiam veluti monumentum doctrinæ, non minus quam potentiae, emendatam ejus editio habemus computationem animi; quæ di fertè testatur, & que eum gloriae sibi duxisse, siderum in cœlis, leges per nosse, ac hominibus in terris leges dedisse.

Ex libro quoque, cui titulum præposuit Anti-Cato, facile constat, eum tanto studio accensum, ad victoriam ingenii, quanto belli & armorum obtinendam; certamen calami tum suscipiente, contra maximum eo tempore pugilem, Ciceronem Oratorem.

Rursus in libro Apophthegmatum, quæ collegit, videmus honorificentius sibi putasse, si seipsum tanquam in Tabellas, aut Codicillos mutaret, in quos prudentia aliorum dicta, graviaque referrentur; quā si dicta sua propria, velut oracula sacrarentur, sicut

inepti Principes nonnulli, adulatione corrupti, sibi fieri gestiunt. Attamen si recensere vellem, pleraque eius dicta, (ut feci in Alexandro) sunt ea certè hujusmodi, qualia notat Salomon, *Verba sapientum sunt tanquam aculei, & tanquam clavi in altum defixi.* Itaque tria hic tantum proponam, non tam elegantiā, quam vi & efficaciā mirabilia.

Primò igitur Magister sit, oportet, loquendi, qui unico verbo, seditionem in exercitu comprimere potuit. Sic autem se res habuit. Romanis mos fuit, cum exercitū duces alloquerentur, milites uti eos appellarent, cum Magistratus populum Quirites. Tumultabantur milites Cæsarī, ac missione in seditionē flagitabant; non quod hoc ipsi cuperent, sed ut hoc postulato, Cæsarem ad alias conditiones adigerent: Ille immotus atque inconcussus silentio facto sic exorsus est: *Ego Quirites:* Quo verbo, eos jam dimissos significabat. Eo perculsi milites, & planè obstupefacti concionantem deinceps perpetuo obturbabant, & postulato illo missionis posthabito, contrà obnoxie petebant, ut militum appellatio eis restitueretur.

Secundum fuit hujusmodi. Regis Nomen Cæsar summè affectabat: Itaque subornati sunt nonnulli, qui prætereuntem populari acclamatione Regem salutarent. Ille sentiens acclamationem tenuē fuisse, ac raram; Negotium ioco transmisit, ac si erratum esset in cognomine, *Non Rex sum, inquit, sed Cæsar.* Dictum sanè hujusmodi, ut si diligenter excutiatur, vigor ejus & pondus, vix exprimi possit: Primum enim recusationem nominis præ se ferebat, sed neutiquā seriam: Deinde ingentem quandam confidentiam, & magnanimitatem monstrabat; ac si Cæsaris appellatio, illustrior titulus esset, quam Regis, quod haud

secūs

secus evenit, & usque in hodiernum diem obtinuit. Sed quod illius maximè intererat, hoc dictum, summo artificio, finem suum urgebat; Hoc enim innuebat. S.P.Q.R. de re levi, hoc est nomine tantum (nam potestatem Regiam jam pridem habebat) secum contendere; ac tali nomine, quale complures etiam ex familiis obscuris gerebāt: Nam cognomen Regis multis Romanorum gentilium erat, quemadmodum & nos simile quiddam nostro idiomate habemus.

Ultimum quod hoc loco repetere placet, tale fuit, cùm Cæsar post bellum initum, Romam occupasset, atque sanctius Ærarium reclusisset, ut pecunias ibi congestas, in usus belli tolleret, restitit Metellus, ut pote tunc temporis Tribunus; cui Cæsar, si perstes, inquit, mortuus es. Dein reprimens se paulum subjecit, Adolescens, durius est mihi hoc dicere, quam facere. Dictum tam mirificè, ex terrore & clementia conflatum, ut nihil supra.

Verum ut Cæsarem mittamus; Perspicuum est eum probè sibi consciū suæ eximiæ eruditioñis fuisse; ut liquet ex eo, quod demilantibus nonnullis Lucii Syllæ consilium, in deponēdā Dictaturā, cavillans dixit, *Sylla nescivit literas, dictere non potuit.*

Nunc autem tempus videtur imponendi finē huic dissertationi de arcta conjunctione militaris virtutis, & literariæ (quid enim in hoc genere, post Alexandrum & Cæsarem afferri potest?) nisi quod moveor unius alterius exempli dignitate & insolentiā, eō quod tam subito transierit, à ludibrio ad miraculum. Est autem Xenophontis Philosophi, qui è Socratis ludo profectus est in Asiam, cum Cyro juntore, in expeditione contra Regem Artaxerxem: Hic Xenophon eo tempore peradolescens fuit, & nunquam aciem,

aciem , aut castra viderat , neque tunc Præfecturam aliquam in exercitu gerebat , sed tantum sponte , ob amicitiam Proxeni proficiscebatur . Aderat fortè fortunâ , cùm Falinus à Magno Rege Legatus ad Græcos veniret , postquam Cyrus in acie occubuissest , Græci autem ( Manipulus tantummodo hominum ) Duce orbati , in medio Provinciarum Persiæ , à patriâ suâ , plurimorum milliarium intervallis , & fluminibus maximis atque altissimis interclusi essent . Legatio huc spectabat , ut positis armis atque deditis , se Regię clementiæ submitterent : Cui legationi antequam publicè responsū esset , complures ex exercitu , familiariter cùm Falino colloquebantur , inter quos Xenophon ita fortè locutus est . *Imo , inquit , Faline , hæc duo tantum nobis jam supersunt , arma & virtus , si igitur arma dedamus , cui usui ( obsecro ) nobis erit virtus ? At* Falinus subridens , *Ni fallor , inquit , Atheniensis es ( adolescens ) & Philosophiæ incumbis , atq; bellula sunt , quæ discussed valde erras , si virtutem vestram Regis copiis parem esse arbitreri . Ecce ludibrium , sequitur miraculum . Novitus iste ex Scholâ , & Philosophus , postquam omnes Duces , & Præfecti proditione interempti essent , decem millia peditum , Babylone in Græciam reduxiri ; per medias Regis provincias , omnibus ejus copiis frustrà obnitentibus : Quo facto stuporem injecit omnibus . Græcis autem ab eo tempore , ingentes addidit animos , & spiritus , ad Persarum Regnum invadendum , & subvertendum . Quod & mox cogitavit sanè , & designavit Jason Thessalus ; temptavit , & inchoavit Agesilaus Spartanus ; perfecit demum Alexander Makedo , omnes literati istius prævii egregio facinore incitati .*

Pergamus ab Imperatoriâ , militarique virtute , ad mora-

moralem, & eam, quæ est hominum privatorum. Pri-  
mò, certissimum est illud Poetæ:

Scilicet ingenuas didicisse fideliter artes

Emollit mores, nec finit esse feros.

Eruditio siquidem humanas mentes, feritate atque  
barbarie exuit. Veruntamen opus est, ut accentus sit  
in voce illâ fideliter. Nam tum ultuaria cognitio fle-  
ctit potius in contrarium, eruditio, inquam, levita-  
tem, temeritatem, atque insolentiam tollit, dum o-  
mnia pericula & ambigua simul cum reipsâ sugge-  
rit, rationum & argumentorum pondera in utramq;  
partem librat, prima quæque quæ se offerunt animo  
eique arrident, pro suspectis habet, iterq; omne tan-  
quam explorato inire docet. Eadem admirationem  
rerum vanam & nimiam eyellit, radicē ipsam omnis  
infirmi consilii: quippe admiramur res vel quia novæ  
sunt, vel quia magnæ. Quantum ad novitatem, ne-  
mo est qui literas, & rerum contemplationem peni-  
tius imbibatur, quin illud cordi impressum habeat,  
*Nil novi super terram.* Neque enim puparum ludum,  
quisquam magnoperè mirabitur, qui pone aulæa ca-  
put inserens, organa, quibus moventur, & filamenta  
cernit. Quantum ad magnitudinem quemadmodū  
Alexander Magnus, ingentibus præliis, & victoriis in  
Asiâ assuetus, cùm interdum acciperet è Græciâ lite-  
ras, de expeditionibus, & dimicationibus quibusdam  
illic factis, quæ plerunque propter pontem aliquem,  
aut Castellum, aut ad summum, pro expugnatione  
oppidi alicujus suscipiebantur, dicere solebat, *videris*  
*sibi nuncium allatum, de ranarum & murium pugnâ, de*  
*quâ Homerus.* Sic certè, qui universitatem rerum, ejus-  
que fabricam intueatur, illi terræ globus, cum ho-  
minibus superstatisbus (si divinitatem animarum se po-  
nas)

nas) haud majus quidpiam videbitur: quam colliculus formicarum, quarum aliæ cum granis, aliæ cum ovis suis, aliæ vacuae, omnes hinc inde circa exiguum pulvisciuli acervum, reptant & cursitant. Porro eruditio aufert, aut saltem minuit timorem mortis, atq; adversæ fortunæ, quo nihil magis virtutibus moribusque officere solet. Si enim animus cujuspiam, contemplatione mortalitatis, & rerum naturæ corruptibilis imbutus fuerit, & intinctus, juxta cum Epicteto sentiet; qui, cum pridiè exiens, mulierculam ob fractam ollam ploratē cerneret, postridiè etiam exiēs, aliam mortuum filium deflentem conspiceret, dixit; *Heri vidi fragilem frangī, hodie vidi mortale mori.* Quare optimè, & valdè sapienter Virgilius, cognitionem causarum cum metū omnis profligatione copulavit, tanquam Concomitantia,

*Felix qui potuit rerum cognoscere causas,  
Quique metus omnes, & inexorabile fatum  
Subiecit pedibus, strepitumq; Acherontis avari.*

Nimis longum esset singula percurrere remedia, quæ singulis animi morbis doctrina suppeditat; aliquando vitiosos humores expurgans, nonnunquam obstructions aperiens, aliàs concoctionem juvās, aliàs appetitum excitans, non raro vulnera ejus & ulceras sanans, & similia. Quare concludam cum hoc quod videtur rationem habere totius, ita nimirū animū doctrinam disponere, & flectere, ut non quam protinus acquiescat, & tanquam congeletur in defectibus suis, quin incitet se semper, progressumq; spiret. Ne scit illiteratus, quid sit in se descendere, aut secum inire rationes, aut quām suavis vita sit, quæ indies sentit se fieri meliorem; si quā fortè virtute prædictus sit, eam venditabit scilicet, & ubique spectandam exposet,

het, cāque utetur forsitan commodè, quam tamen excolere, & augere negligit. Rursus, si quo vitio laborat, artem, atque industriam illud celandi atq; occultandi, minimè autem corrigendi adhibebit; tanquam malus messor, qui perpetuò demetiit, falcem autem nunquam exacuit, literatus contrà, non tantum utitur animo, virtuteque exercet, sed continuò emendat se, & in virtutem proficit. Imò ut in summâ dicam, pro certo est, veritatem & bonitatem distinguuntur, sicut sigillum, & impressionem, nam veritas bonitatem signat: Et contrà, vitiorum ac perturbationum procellæ, ex erroris & falsitatis nubibus erumpunt.

A virtute transeamus ad potentiam & Imperium, & dispiciamus, si uspiam inveniatur tanta potentia, & Regnum, quanta eruditio hominis naturam investit & coronat. Videmus dignitatem imperandi, sequi dignitatem ejus, cui imperatur. Imperium in bellis, & pecora, quale bubulcorum aut opilionū, res vilis: Imperium in pueros, quale Ludimastrorum, minus honorificum: Imperium in mancipia, potius dedecori est, quam honori: Neque multò præstantius est Imperium Tyrannorum, in populum servilem, atque animis, & generosâ indole exutum: unde hoc semper manavit judicium, honores in liberis Monarchiis, aut Rebus pl. suaviores esse, quam sub Tyrannis; quia Imperium honorificum magis supra volentes est, quam supra invitatos, & coactos. Ideoque Virgilius, cùm ex intimo artificio, inter humanos honores, longè vellet optimos extromovere, quos Augusto Cæsari assignaret, in hæc ipsa verba loquitur,

-----  
Victorque volentes  
Per populos dat jura, viamq; affectat Olympo.

Ast Imperium scientiae, longè celsius est quam Imperium in voluntatem, licet liberam, & non astrictam. Illa enim rationi, fidei & intellectui ipsi dominatur, qui est altissima pars animi, & voluntatem ipsam regit. Etenim nulla proculdubio terrena est potestas, quæ in spiritibus hominum, & animabus, eorumque cogitationibus, & phantasias, assensu quoque & fide, thronum, & quasi cathedram suam erigit, & collocat, præter doctrinam, & scientiam. Ac idcirco videamus detestabilem illam, & immensam delectationem, quam Hæresiarchæ, falsi Prophetæ, & impostores magni perfunduntur, & rapiuntur, postquam senserint in fide, & conscientiis hominum cœpisse se regnare: Tantam certè, ut qui eam semel degustaverit, nullis ferè persecutionibus, aut tormentis adigi possit, ut hoc regno se abdicet. Sicut autem, hoc illud est, quod in Apocalypsi dicitur, *Abyssus sive profunda Satanae*: ita è contrario, justus & legitimus, in animos hominum dominatus, veritatis ipsa evidentiâ, ac commendatione dulcissimâ stabilitus, sanè quam proximè, ad potestatis divinæ similitudinem accedit.

Quod ad fortunas, & honores spectat munificentia doctrinae, non sic regna integra, & Resp. locupletat, & ditat, ut non hominum etiam privatorum fortunas, & opes amplificet, & evehat. Vetus enim observatio est, homerum pluribus suppeditasse victimum, quam *Syllam*, *Cesarem*, aut *Augustam*, licet tot congiaria, tot donativa, tot agrorum assignationes largiti sint. Certè difficile dictu est, arma an literæ plurium fortunas constituerint. Quin si de summa potestate loquamini, videmus, si arma, aut jus hæreditatis Regnum contulerunt, at literarum sorti saepius cessit sacerdotium, quod regni semper fuit rivale.

Rursus,

Rursus, si delectationem, jucunditatemque scientiae intuearis, multū sanè illa voluptates alias omnes exuperat. Quid enim? num fortè affectuum voluptates tanto intervallo oblectamenta sensuum excedent, quanto voti assecutio felix, cantiunculam, aut cœnam: & non pari gradatione, intellectus voluptates, eas quæ sunt affectuum, transcendent? In cæteris oblectationibus satietas est finitima, & postquā paullò inveteraverint, flos ipsarum & venustas marcescit: quo docemur, non illas liquidas revera voluptates, ac sinceras fuisse, sed umbras tantum, & fallacias voluptatum, non tam qualitate suâ, quam novitate jucundas: unde & voluptuarii sèpiùs funt Monachi, & ambitiosorum principum senectus, tristior ferè est, & melancholiâ obsessa. Scientiæ autem non est satietas, verùm & fruendi, & appetendi, perpetuò & subinde recurrens vicissitudo; ut necesse sit hujus delectationis bonum, simplex esse, non ex accidente, aut cum fraude. Neque illa voluptas, quam depingit Lucretius, ultimum in animo locum sortitur.

*Suave mari magno turbantibus aquora Ventis, &c.*

Suave est spectaculum (inquit) stantem aut ambularem in littore, navem intueri tempestate in mari iactatam: suave itidem ex editâ turri duas cernere acies concursantes in planicie: at nil dulciss est homini, quam mens per doctrinam, in arce veritatis collocata, unde aliorum errores, & labores despicer posse.

Denique, ut mittamus vulgatio illa argumenta, quod per doctrinam scilicet, homo homini in eo præstet, in quo ipse brutus: Quod ope doctrinæ ascendat homo intellectu usque ad cœlos, quo corpore non potest, & alia similia: cum eo concludamus bono, hanc dissertationem de literarum excellentiâ, ad quod humana

mana natura ante omnia aspirat, hoc est, immortalitate, & æternitate. Huc enim spectant procreatio sibi, nobilitatio familiæ, ædificia, fundationes, monumenta, fama, ac denique humanorum votorum summa. At qui videmus monumenta ingenii, & eruditio[n]is, quanto diutius durent, quam ea, quæ opere, & manu facta sunt. Annon Homeri Carmina, virginis quinq[ue] annorum centurias, & supra, absque unius Syllabæ, aut literæ jacturæ, duraverunt? Quo spatio innumera Palatia, Templa, Castella, urbes collapsa sunt, aut diruta? Picturæ, ac Statuæ Cyri, Alexandri, Cæsaris, immò Regum & Principum multò recentiorū, nullo jam sunt modo parabiles: Archetypa enim ipsa, jam dudum confecta vetustate perierunt; exempla autem indies primigeniæ similitudine mulctantur. At ingeniorum imagines perpetuò integræ manent in libris, nullis temporum injuriis obnoxiae, ut pote quæ jugem renovationem recipere possunt: Quanquam nec imagines dici propriè possint, quia perpetuò generant quodammodo, seminaque sua in animos hominum spargunt, atque atatibus subsequentibus infinitas actiones, opinionesq[ue], suscitant & progignunt. Quod si navis inventum, res existimata tā nobilis, & admirabilis fuerit, quæ opes mercesque hinc inde transportat, Regiones locis disiunctissimas, participatione fructuum & commodorum consociat; quanto rectius literæ celebrari debent, quæ tanquam naves sulcantes Oceanum temporis, remotissima secula ingeniorum & inventorum commercio, & societate copulant? Porro videmus nonnullos Philosophorum qui maximè immersi erant sensibus, minimèque divini, atque immortalitatem animæ præfractè negabat; hoc tamē vi veritatis adactos

coh-

concessisse, quoscunq; motus & actus anima humana absque corporis organo præstare possit, eos etiam post mortem permanere probabile esse: quales nimirum erant intellectus, minimè autem affectuum motus. Ad eò scilicet scientia immortalis visa est res illis, atque incorruptibilis. Nos autem, quibus divina revelatio illuxit, conculcantes hæc rudimenta, atque officias sensuum, novimus non solum mentem, sed & affectus perpurgatos; neque animam tantum, sed etiam corpus ad immortalitatem assumptum iri suo tempore. Sed enim meminerint homines, & nunc & aliás ubi opus fuit, me in probationibus de dignitate scientiæ, inde ab initio se junxisse testimonia divina ab humanis; quam methodum constanter retinui, separatim utrumque explicans.

Quamvis verò hæc ita sint, nequaquam tamen hoc mihi sumo, neque me consequi posse confido, ut ullâ causâ hujus pro doctrinâ peroratione, aut actione, judicia rescindam, vel *Æsopici Galli*, qui granum hordei gemmæ prætulit; vel *Mide*, qui cùm arbiter factus esset inter Apollinem, Musarum & Panem, oviū m Præsidem, opulentia palmam detulit; vel *Paridis*, qui spretâ sapientiâ, ac potentiâ, primas voluptati & amori dedit; vel *Agrippinæ* elegantis, *Occidat matrem*, modo imperet, imperium licet cum conditione detestandâ præoptantis; vel *Vlyssis*, qui vetulam prætulit immortalitati, typi certè eorum, qui consueta optimis præponunt; plurimaque ejusmodi judicia popularia: Hæc enim antiquum obtinebunt: Verùm & illud etiam manebit, cui innixa est semper doctrina tanquam firmissimo fundamento, quodque nunquam labefactari poterit, iustificata est sapien-  
tia à filii suis.

FRANCISCI  
**BARONIS DE**  
**VERULAMIO,**  
**VICE-COMITIS SANCTI**  
**ALBANI,**  
*De Dignitate & Augmentis Scientiarum,*  
**LIBER SECUNDUS,**  
*AD REGEM SVVM.*

**C**onsentaneum videri possit, tametsi non raro se-  
 cùs eveniat, (Rex optime) ut qui Sobole nume-  
 rosâ aucti sunt, quique immortalitatem suam in po-  
 steris ipsorum quasi prospectant, præ cæteris morta-  
 libus sint solliciti, de statu futurorum temporum; ut  
 pote quibus, satis intelligunt, charissima illa sua tan-  
 dem debere pignora trâsmitti Elizabetha Reginæ, pro-  
 pter vitam cœlibem, hospes potius in mundo, quæm  
 incola fuit; ~~Quæd ex ijs per regiam & cetera~~  
~~describitur.~~ Enim verò tuæ Majestati, (cui Deus pro be-  
 nignitate suâ dedit tot suscipere liberos, dignos certè  
 qui te perpetuent, cujusque ætas vigens, & torus fœ-  
 cundus adhuc plures pollicetur) usquequaque con-  
 venit, non modò tuum (quod facis) seculum irradia-  
 re; verùm etiam ad illa curas tuas extendere, quæ  
 memoria omnis alat, quæque ipsa intueatur æterni-  
 tas. Inter ea autem (nisi studium meum erga literas  
 me fallit) nil dignius est, aut nobilius, quæm si dote-  
 tur Orbis terrarum, *Augmentis Scientiarum* solidis &  
 fructuosis. Quousque enim tandem, pauculos ali-  
 quos Scriptores, statuemus nobis tanquam *Columnas*

Hercu-

*Herculis, ne plus ultra in doctrinis progrediamur; cum habeamus Majestatem tuam, instar lucidi & benigni Sideris, quod nos inter navigandum conducat & fortunet?*

Ut igitur ad rem redeamus: Recolamus jam, & nobiscum perpendamus, quid Principes Viri, aliqui, hucusque ad literarum amplificationem attulerint, quid prætermiserint? Hoc autem pressè & distinctè excutiamus, sermone quodam Activo & Masculo, nusquam digrediendo, nil amplificando. Ponatur igitur illud ( quod quivis concedat ) opera quæque maxima & difficillima, vel præmiorum amplitudine, vel consiliorum prudentiæ & sanitatis, vel laborum conjunctione superari: Quorum primum conatum extimulat, secundum ambages & errores tollit, tertium mortalium fragilitati succurrit. At inter hec tria, meritò primastenet, *Consilii prudentia & sanitas;* hoc est, Monstratio, & Delineatio viæ rectæ & proclivis, ad rem, quæ proponit, peragendam: *Claudus enim,* (quod dici solet) *in via, antevertit Cursorem extra viam.* Et Salomon per appositiæ ad hanc rem; *Ferrum si retusum fuerit, viribus utendum majoribus:* quod vero super omnia prævalet, est *sapientia.* Quibus verbis innuit, medii prudentem electionem efficacius conducere ad rem, quam virium aut intentionem, aut accumulationem. Hæc ut dicam, illud impellit, quod ( salvo semper eorum honore qui de Literis quomodo docunque meruerunt ) perspicio atque animadverso, opera eorum atque acta pleraque, ad magnificentiam potius, & nominis sui memoriam, quam ad Scientiarum ipsarum Profectum & Augmenta spectasse: & literatorum potius numerum auxisse, quam artibus ipsis multum incrementi attulisse.

Actiones autem & opera, quæ ad literas amplificandas pertinent, circa tria versantur objecta: Circa literarum sedes; circa libros, & circa personas eruditorum. Quemadmodum enim aqua, sive ex cœlesti rore descendens, sive ex fontibus scaturiens, facile dispergitur & disperditur, nisi colligatur in aliqua receptacula, ubi per unionem & congregationem, se sustentare & fovere possit, ( quem in finem excoxitavit solertia humana Aquæductus, Cisternas, Stagna, eaque etiam variis ornamentis condecoravit, quæ Magnificentia & Dignitati, non minus quam Usui & Necessitati deserviant ) similiter liquor iste Scientiæ pretiosissimus, sive à Divinâ inspiratione destillet, sive è Sensibus exiliat, mox periret omnis, atque evanesceret, nisi conservaretur in Libris, Traditionibus, Colloquiis, ac præcipue in Locis certis his rebus destinatis, quales sunt Academiæ, Collegia, Scholæ, ubi & permanentes habeat sedes, & crescendi insuper, & se congregandi copiam, & facultatem.

Ac primò Opera, quæ ad Musarum sedes spectant, quatuor numerantur: Edificiorum structura; Preventuum Dotatio; Privilegiorum Concessio; Disciplinæ Lex & Institutio; Quæ omnia ad secessum, & otium ( ut plurimum ) conferunt, & ad vacationem à curis & molestiis: qualia sunt quæ ad Alvearia constituenda, in usum mellis, requirit Virgilius;

*Principio sedes apibus statioque petenda,*

*Quo neque sit ventis aditus. &c.*

At Opera circa Libros duo sunt præcipua: primum Bibliothecæ, in quibus tanquam Mausoleis, priscorum Sanctorum reliquiae, virtutis plenæ, conditæ

ditæ sunt. Secundò, novæ editionis Auctorum, emendationibus impressionibus, fidelioribus versionibus, utilioribus commentariis, annotationibus magis diligentibus, & hujusmodi famulitio, instruta & ornata.

Porrò opera, quæ *Literatorum hominum Personas* respiciunt (præterquam quod ipsi ornandi sint & promovendi) sunt etiam duo: Remuneratio & designatio Lectorum, in artibus jamdudum inventis, & cognitis; & remuneratio ac designatio scriptorum, circa eas doctrinæ partes, quæ non satis hactenùs exculatae, aut elaboratæ sunt.

Hæc summatim opera sunt & acta, in quibus inclitorum Principum, aliorumque illustrium virorum promerita, erga rem literariam claruerunt. De particulari alicujus commemoratione, qui de Literis benè meruit, cogitanti, occurrit illud Ciceronis, quod eum, post redditum suum, ad gratias promiscuè agendas impulit; *Difficile non aliquem, ingratum quenquam preterire.* Potius (ex scripturarum consilio) spatium intueamur, quod adhuc restat in stadio decurrendū, quam oculos reflectamus ad ea, quæ à tergo jam priudem reliquimus.

Primum igitur, inter tot totius Europæ Collegia, præclarissimè fundata, omnia illa certis Professionibus destinata esse demiror, nulla, liberis, atque universalibus artium, & scientiarum studiis, dedicata. Nam si quis judicet Doctrinam omnem referendam esse ad Usum & Actionem, rectè sapit; Veruntamen facile est isto modo prolabi in errorem illum, quem Fabula perantiqua perstringit; in quæ cætera Corporis Membra litem Ventriculo intendunt, quod neque motum præberet, ut artus, neque

sensum, ut caput: quamvis interea alimentum coctum atque confectum ventriculus ille in reliquum corpus divideret: Planè eodem modo, qui in Philosophiâ ac Contemplationibus universalibus, positum omne studium inane atque ignavum arbitratur, non animadvertis singulis Professionibus, & Artibus, exinde succum & robur suppeditari. Atque certè persuasum habeo, hanc ipsam haud minimam causam fuisse, cur felicior Doctrinæ progressus hucusque retardatus sit; quod opera hisce fundamentalibus sciètiis, navata sit tantùm in transitu, neque haustus pleniores inde epoti. Nam si arborem solito fructuosiorē fieri cupias, de ramis medicandis frustrè cogitaveris; Terra ipsa circa radicem subigenda, & gleba lætior admovenda, aut nihil egeris. Neque rursùs silentio prætermittendum est, hanc Collegiorum, & societatum, in usum tantummodo Doctrinæ Professoriae, Dedicationem, non solum scientiarum incrementis inimicam fuisse; sed etiam in Regnorum, & Rerum publ. detrimentum cessisse. Hinc enim fieri solet, ut Principes delectum habituri ministrorum, qui Rebus civilibus tractandis sint idonei; ejusmodi hominum miram solitudinem circa se reperiāt; propterea quod non habeatur Educatio aliqua Collegiata, in hos usus destinata, ubi scilicet homines à Naturâ ad hoc facti & comparati, (præter artes alias) Historiæ, linguis modernis, libris & tractatibus Politicis, præcipue incumbant; ut inde ad civilia munera, magis habiles, & instructi accedant.

Quoniam verò Fundatores Collegiorum plantant, Prælectionum verò rigant; sequitur jam ordine, ut dicam quid in publicis Lectionibus desideretur. Nimirum, Improbo vel maximè tenuitatem Stipendiorū,  
Præ-

Prælectoribus sive Artium, sive Professionum, (præsertim apud nos) assignatam. Interest enim in primis progressus in Scientiis, ut Lectores in unoquoque genere, ex optimis instructissimisque elegantur: ut pote quorum opera, non in usum transitorium, sed ad sufficiendam Sobolem Scientiæ in secula adhibeatur. Id fieri nequit nisi præmia, & conditiones tales constituantur, quibus eminentissimus quisque in eâ Arte, planè contentus esse possit; ut illi demum grave non sit, in eodem munere immori, neque Practicam cogitet. Quocirca Scientiæ ut florent, Militaris lex servanda Davidis; *Vt æqua esset pars descendenter ad preium, & manentes ad sarcinas;* Sarcinis male aliter prospectum erit. Sic Lectores in Scientiis sunt tanquam Conservatores, & Custodes totius Literarii apparatus, unde praxis & militia deinceps scientiarum instruatur: proinde æquum est, ut merces ipsorum lucra Practicorum exæquare possit. Aliter si patribus scientiarum præmia non constituantur fatis ampla, & luculenta, eveniet illud:

*Et patrum invalidi referent jejuniæ Nati.*

Defectum nunc notabo aliud, in quo Alchymista quispiam in auxilium advocandus foret; cum id genus hominum Studiosis authores sint, ut libros vendant, fornaces extruant, Mineruam ac Musas, (tanquam virgines steriles,) deserant, ac Vulcano se applicent. Fatendum est enim verò, tam ad penetralia contemplationis, quam ad operativæ fructum, in non nullis Scientiis, (præsertim naturali Philosophiâ, & Medicinâ) haud unica subsidia è libris petenda esse. Quâ in re neutiquam omnino cessavit munificentia hominum; quippe videmus non libros magis, quam Sphæras, Globos, Astrolabia, Mappas, & alia similia,

ut adminicula quædam Astronomiæ, & Cosmographiæ comparari, & studio præberi. Videmus etiam loca nonnulla, Medicinæ studio dicata, hortos habere pro simplicium cujusque generis inspectione, & notitiâ; nec usu mortuorum corporum ad observationes Anatomicas destitui. Cæterùm hæc ad pauca spectant. In genere, pro certo habeatur, magnos, in rebus naturæ abditis eruendis & referandis, progressus vix fieri posse, nisi ad experimenta, sive Vulcani, sive Dædali, (formacis scilicet, aut machinæ, vel cuiuscunq; alterius generis, sumptus abundè suppeditentur. Ideoque sicut principum secretariis, & emissariis, conceditur exhibere rationes expensarum pro diligentiis suis, in explorando, & eruendo res novas & arcana civilia; similiter & exploratoribus, ac speculatoribus naturæ, satisfaciendum de expensis suis; alijs de quampluriinis scitu dignissimis nunquam fiemus certiores. Si enim Alexander magnam vim pecuniæ suppeditavit Aristoteli, quâ conducebat venatores, aucupes, pescatores, & alios, quò instructior accederet ad conscribendam historiam animalium; certè majus quiddam debetur iis, qui non in saltibus naturæ pererrant, sed in Labyrinthis artium viam sibi aperiunt.

Defectus etiamnum alijs nobis observandus, (magni certè momenti,) neglectus quidam est; in Academiarum Rectoribus, consultationis, in regibus sive superioribus, visitationis; in hunc finem, ut diligenter consideretur, & perpendatur, utrum prælectio-nes, disputationes, aliaque exercitia scholastica, antiquitûs instituta, & ad nostra usque tempora usitata, continuare fuerit ex usu, vel potius antiquare, aliaq; meliora substituere. Etenim inter Majestatis tuæ Ca-

nones prudentissimos, illum reperio. In omni: vel con-  
suetudine, vel exemplo, tempora spectanda sunt, quando pri-  
mum res cœpta: in quibus, si vel confusio regnaverit, vel  
in scita: derogat illud in primis authoritati rerum, atque  
omnia reddit suspecta. Quamobrem, quandoquidem  
Academiatur instituta, plerunque originem traxe-  
rint à temporibus, hisce nostris haud paulò obscu-  
rioribus, & indoctioribus: eò magis convenit, ut ex-  
amini denuò subiiciantur. Exemplum in hoc gene-  
re, unum aut alterum proponam, in rebus quæ ma-  
xime obviæ videntur & familiares. Pro more rece-  
ptum est ( licet uti mihi videtur perperam ) ut litera-  
rum studiosi, Logicam, & Rhetoricam præproperè  
nimis addiscant; artes sane provectionibus magis  
convenientes, quam pueris, & tyronibys. Etenim ha-  
dux, si verè res perpendatur, sunt ex artibus gravissi-  
mis; cum sint artes artium, altera ad judicium, altera  
ad ornatum. Quinetiam regulam, & normam con-  
tinent, res & materiam subjectam, vel disponendi,  
vel illustrandi. Ideoque id agere, ut mentes rerum i-  
gnaræ, & rudes, ( quæque nondum id collegerunt,  
quod à Cicerone *Sylva*, vel *Supellex* appellatur, id est  
materiem, & copiam rerum, ) initium ab istis scien-  
tiis sumant; ( ac si quis discere vellet, ponderare, vel  
metiri, vel ornare ventum: ) haud aliud profectò pa-  
rit, quam ut harum artium virtus & facultas, ( quæ  
permagnæ sunt, & latissimè diffusa, ferè contemptæ  
jaceant; atque vel in puerilia sophismata, affectatio-  
nesq; ridiculas degeneraverint; vel saltem existima-  
tione suâ haud parum multatæ sint. Quinetia præ-  
matura, & intempestiva ad has artes accessio, dilu-  
tam earum, atque jejunam traditionem ac tractatio-  
nem, necessariò secum traxit, qualis nimis rūm captui  
puero-

puerorum adaptetur. Alterum exemplum (quod adducam) erroris, qui in Academiis jam diu inveteravit, ejusmodi est; quod scilicet inventionis, atq; memoriæ, in exercitiis scholasticis, fieri solet nimio plus noxiū divertium: Illic siquidem orationes pleræque, aut omnino præmeditatæ sunt, adeò ut conceptis verbis proferantur, & inventioni nihil relinquatur; aut planè extemporariæ, ut perparum relinquatur memoria: (cùm in vitâ communi, & praxi, rarus sit alterutrius istorum usus seorsim, sed potius mixturæ ipsorum; id est Notarum sive Commentarium, atque dictionis subitæ) ita ut hoc pacto, exercititia ad praxim hand sint accommodata, nec imago respondeat vita: Illud autem in exercitiis perpetuò tenendum est; ut omnia (quæ fieri potest) maximè repræsentent ea, quæ in vitâ agi solent; alioqui motus & facultates mentis pervertent, non præparabunt. Hujus autem rei veritas non obscurè cernitur, cùm Academici ad praxim suarum Professionum, vel alia civilis vitæ munia se accingant; quod cùm faciunt, hunc, de quo loquimur, defectum, ipsi in se citò deprehendunt; sed citius etiamnum alii. Cæterum hāc partem, de institutorum Academicorum emendatione, clausulâ illâ (ex Cæsar's quâdam ad Oppium, & Balbum Epistolâ desumptâ) concludam; *Hoc quemadmodum fieri possit, nonnulla mihi in mentem veniunt, & multa reperiri possunt; de iis rebus rogo vos, ut cogitationem suscipiatis.*

Alter defectus, quem observo, altius paulò quam præcedens ascendit. Quemadmodum enim doctrinarum progressio, haud parum in prudenti regimine, & institutione Academicarum singularum constitit; ita magnus ad hoc cumulus accedere possit, si

Aca-

Academiæ universæ, per totam Europam sparsæ, at-  
etiorem conjunctionem, & necessitudinem contra-  
herent. Sunt enim, uti videmus, multi ordines, & so-  
dalitia, quæ licet regnis, & spatiis longinquis disjun-  
cta sint, tamen societatem & tanquam fraternitatem  
inter se ineunt, & colunt; adeò ut habeant præfectos  
(alios provinciales, alios generales,) quibus omnes  
parent. Et certè, quemadmodum natura creat frater-  
nitatem in familiis; artes mechanicæ contrahunt fra-  
ternitatem in sodalitiis; unicò divina superinducit  
fraternitatem in regibus, & Episcopis; vota & regu-  
læ cōciliant fraternitatem in ordinibus: eodem mo-  
do fieri non potest, quin intercedat fraternitas illu-  
stris & generosa, inter homines, per doctrinas & il-  
luminationes, quandoquidem Deus ipse *Pater lumi-  
num nuncupetur.*

Postremò illud queror (de quo superiùs non nihil  
præmisī) quod vel nunquam, vel raro admodum, pu-  
blica aliqua extiterit designatio virorum idoneorū,  
qui vel scriberent, vel inquisitionem instituerent, de  
illis scientiarum partibus, in quibus satis adhuc non  
fuerit elaboratum. Cui rei illud inserviet quam ma-  
xime, si tanquam lustrum condatur doctrinarum; &  
census excipiatur; quæ ex illis locupletes sint, & ma-  
jorem in modum auētæ; quæ autem inopes, & desti-  
tutæ. Opinio enim copiæ, inter causas inopiae est; at-  
que multitudo librorum luxurie potius quam penu-  
riæ indicium quoddam præ se fert. Quæ tamen re-  
dundantia, (si quis rectè judicet) neutiquam delendis  
antehac scriptis libris, sed novis melioribus edendis  
tollī debet, qui ejus generis sint, ut tanquam *serpens*  
*Mosis, serpentes Magorum* devorent.

Horum, quos enumeravimus, omnium defectu  
reme-

remedia, præter illius postremi: quin etiam ejusdem postremi, quoad partem ejus activam, quæ spectat ad designationem scribentium, opera sunt verè Basiliæ: Erga quæ, privati alicujus conatus, & industria, ferè sic se habeat, ut Mercurius in Bivio: qui digitum potest in viam intendere, pedem inferre non potest. At speculativa illa pars, quæ ad examen doctrinarum (quid nimis in singulis desideretur) pertinet: etiā industriæ hominis privati patet. Mihi igitur in animo est, perambulationem doctrinarū, & lustrationē generalem, & fidelem aggredi, præcipue cum inquisitione sedulâ & accuratâ, quænam earum partes negliguntur in cultæque jaceant, hominum industriâ nondum subactæ, & ad usum conversæ; ut hujusmodi delineatio, & registratio, & publicis designationibus, & privatorum spontaneis laboribus facem accendat. In quo nihilominus consiliū est hoc tempore, omissiones duntaxat, & desiderata notare; non autem eratores, & infelicitates redarguere. Aliud enim est inculta loca indicare, aliud culturæ modum corrigere.

Quam quidem ad rem, cum me comparo, & accingor, non sum nescius, quantum opus moveam, quamque difficultem provinciam sustineam; etiam quam sint vires minimè voluntati pares: attamen magnam in spem venio, si ardenter meus erga literas amor, me longius provexerit, usurum me excusatione affectus; quia non simul cuiquam conceditur, *Amare & Sapere*. Nescius equidem non sum; eandem judicii libertatem aliis relinquendam, quam ipse usurpaverim. Equidem libenter & que acceperim ab aliis, ac impertiverim, humanitatis illud officium: Nā qui erranti comiter monstrat viam, &c. Prospicio etiam animo, complura ex illis, quæ tanquam omilla, & desidera-

siderata, in Registrum hoc nostrum referre visum fuerit, in diversas censuras incursura: Alia scilicet quod sunt dudum peracta, & jam extent: Alia quod curiositatem sapient, & fructum promittant perexi-  
lem: Alia quod nimis ardua existant, & ferè impossibili-  
bilia, quæ ab hominibus absolvantur. Ad priora duo  
quod attinet, res ipsæ pro se causam agent: circa po-  
stremum de impossibilitate ita statuo; Ea omnia pos-  
sibilia, &c præstabilia censenda, quæ ab aliquibus per-  
fici possint, licet non à quibusvis; Et quæ à multis cō-  
junctim, licet non ab uno; Et quæ in successione se-  
culorum, licet non eodem ævo; Et denique quæ pu-  
blicâ curâ & sumptu, licet non opibus & industriâ  
singulorum. Si quis tamen sit, qui malit Salomonis  
illud usurpare, *Dicit piger, Leo est in via;* quād illud Vir-  
gilii, *Possunt, quia posse videntur;* satis mihi erit, si labo-  
res mei, inter vota tantum sive optata melioris notæ  
habeantur. Sicut enim haud omnino rei imperitum  
esse oportet, qui questionem appositè instituat; ita  
nec sensus inops videatur, qui haudquam absur-  
da optaverit.

## C A P. I.

*Partitio universalis Doctrinæ humanae in Historiam, Po-  
esim Philosophiam, secundum tres Intellectus Facultates,  
Memoriam, Phantasiam, Rationem: quodq; eadem par-  
titione competat eis in Theologicis.*

**P**artitio Doctrinæ humanae ea est verissima, quæ su-  
mitur ex triplici Facultate Animæ Rationalis,  
quæ Doctrinæ sedes est. Historia ad Memoriam refert-  
tur, Poesis ad Phantasiam, Philosophia ad Rationem. Per  
Poesim autem, hoc loco intelligimus non aliud, quād  
historiam confitam, sive fabulas. Carmen enim stili  
quidam character est, atq; ad artificia orationis per-  
tinet, de quo suo loco.

*Historia* propriè individuorum est, quæ circumscribuntur loco & tempori. Etsi enim *historia naturalis* circa species versari videatur; tamen hoc sit ob promiscuam rerum naturalium, (in plurimis) sub unâ specie, similitudinem; ut si unam nôris, omnes nôris. Sicubi autem individua reperiantur, quæ aut unica sunt in suâ specie, veluti Sol & Luna; aut à specie insigniter deflectunt, ut monstra; non minus rectè constituitur narratio de illis in *historiâ naturali*, quam de hominibus singularibus in *historiâ civili*. *Hæc autem omnia ad Memoriam spectant.*

*Poësis*, eo sensu quo dictum est etiam individuorum est; confectorum ad similitudinem illorum, quæ in *historiâ verâ memorantur*; ita tamen ut modum sæpius excedat, & quæ in rerum naturâ nunquam conuentura, aut eventura fuissent, ad libitum componat, & introducat; quæadmodum facit & Pictoria. *Quod quidem Phantasia opus est.*

*Philosophia* individua dimittit; neque impressiones primas individuorum, sed notiones ab illis abstractas complectitur; atque in iis componendis, & dividendis, ex lege naturæ, & rerum ipsarum evidentiâ versatur. Atque hoc prorsus officium est, atque opificium *Rationis*.

*Hæc autem ita se habere, si quis intellectualium origines petat, facile cernet.* Individua sola sensum percellunt, qui intellectus janua est. Individuorum eorum imagines, sive impressiones à sensu exceptæ, figuntur in memoriâ, atque abeunt in eam, à principio tanquam integræ, eodem quo occurrunt modo: *Eas postea recolit, & ruminat anima humana; Quas deinceps aut simpliciter recenset; aut lusu quodam imitatur; aut componendo & dividendo digerit.* Itaque liquidò

Quid constat ex tribus his fontibus, *Memoriae, Phantasiae, & Rationis*, esse tres illas emanationes, *Poesios, & Philosophiae*; nec alias, aut plures esse posse. Etenim historiæ, & experientiam pro eadem re habemus; quemadmodum etiam Philosophiam & scientias.

Neque aliâ censemus ad *Theologica* partitione opus esse. Differunt certè informationes oraculi & sensus, & re, & modo insinuandi: sed spiritus humanus unus est, ejusque Arculæ, & Cellæ eadem. Fit itaque, ac si diversi liquores, atque per diversa infundibula, in unum atque idem vas recipiantur. Quare & *Theologia*, aut ex *Historia sacra* constat; aut ex *Parabolis*, quæ instar divinæ *Poesios* sunt: aut ex *Præceptis & dogmatibus*, tāquam perenni quādati *Philosophia*. Quod enim ad eam partem pertinet, quæ redundare videtur, *Prophetiam* videlicet, ea *Historia* genus est: quandoquidem *Historia Divina*, eā polleat supra humana Prærogativa, ut *Narratio factum præcedere*, non minus, quam sequi possit.

## C A P I T U L U M I I.

*Partitio Historiæ in Naturalem & Civilem, Ecclesiasticam & Literariam, & Civili comprehensam. Partitio Historiæ Naturalis in Historiam Generationum, Præter-Generationum, & Artium.*

**H**istoria aut *Naturalis* est, aut *Civilis*: In *Naturali*, Naturæ res gestæ, & facinora memorantur; in *Civili*, hominum. Elacent procul dubio *Divina* in utrisque, sed magis in *Civilibus*, ut etiam propriam *Historie* speciem constituant, quam *Sacram* aut *Ecclesiasticam* appellare consuevimus. Nobis verò etiam ea videtur *Literarum & Artium* dignitas, ut iis *Historia* propria seorsum attribui debeat; quam sub *Historia*

Partitionem *Historiae Naturalis* moliemur ex statu, & conditione ipsius Naturæ, quæ in triplici statu posita invenitur, & tanquam regimen trinum subit. Aut enim libera est natura, & cursu consueto se explicans, ut in cœlis, animalibus, plantis, & universo naturæ apparatu; aut à pravitatibus, & insolentiis materiæ contumacis, & ab impedimentorum violentiâ de statu suo detruditur, ut in Monstris; aut denique ab arte, & operâ humanâ constringitur, & fngitur, & tanquam novatur, ut in artificialibus. Sit itaque partitio *Historiae Naturalis*, in *Historiam Generationum*; *water-Generationum*; & *Artium*; Quam postremam, etiam *Mechanicam*, & *Experimentalem* appellare cōsuevimus Harum prima libertatem naturæ tractat: secunda errores, tertia vincula. Libenter autem *historiam artium*, ut historiæ naturalis speciem constitui-mus: quia inveteravit prorsus opinio, ac si aliud quippiam esset ars à natura, artificialia à naturalibus: unde illud malum, quod plerique historiæ naturalis scriptores, perfunctos se putent, si *historiam animalium*, aut *plantarum*, aut *mineralium* confecerint, omissis *artium mechanicarum* experimentis. Sed & illabitur etiam animis hominum aliud subtilius malum; nempe, ut ars censeatur solummodo, tanquam additamentum quoddam naturæ, cuius scilicet ea sit vis, ut naturam (sanè) vel inchoatam perficere, vel in deterius vergentem emendare, vel impeditam liberare; minimè verò penitus vertere, transmutare, aut in imis concutere possit. Quod ipsum rebus humanis præproperam desperationem intulit. At contrà, illud animis hominum penitus insidere debuerat; artif- cialia

alia à naturalibus, non formâ, aut essentiâ, sed effi-  
ciente solummodo differre; homini quippe in natu-  
ram, nullius rei potestatem esse, præterquam motus,  
ut scilicet corpora naturalia aut admoveat, aut amo-  
veat: ubi igitur datur admotio corporum naturaliū,  
aut remotio, conjungendo (ut vocant) activa passi-  
vis, omnia potest homo; ubi non datur, nihil: Neque  
interest, si responantur in ordine ad aliquem effe-  
ctum, utrum hoc fiat per hominem, vel absque ho-  
mine: aurum aliquandò excoquitur igne, aliquandò  
in arenulis purum invenitur, ministrante sibi ipsi na-  
turâ: Iris similiter fit ex nube roscidâ in sublimi; fit  
etiam per aspersionem aquæ, hic apud nos. Itaque  
natura omnia regit, subordinantur autem illa tria,  
*cursus naturæ; expatiatio naturæ; & ars,* sive additus  
rebus homo: Ideoque in historiâ naturali, tria illa com-  
prehendi par est; quod etiam C. Plinius magnâ ex par-  
te fecit; qui historiam naturalem solus pro dignitate  
complexus est; sed complexam, minimè, ut decuit,  
imò potius indignis modis tractavit.

Harum prima habetut mediocriter exulta: Se-  
quentes duæ ita tenuiter, & inutiliter tractantur, ut  
in desideratorum classe reponendæ sint. Neque enim  
reperias satis instructam, & locupletem collectionē  
operum naturæ eorum, quæ à cursu ordinario gene-  
rationum, productionum, & motuum aberrârunt,  
& deflexerunt: sive sint illa fœtus certarum regionū  
aut locorum singulares: sive temporum eventus in-  
soliti: sive casuum (ut ait ille) ingenia: sive proprieta-  
tum abditarum effectus: sive monodica naturæ in suâ  
specie. Non negaverim inventiri libros nimio plures,  
fabulosis experimentis, commentitiis secretis, & fri-  
volis imposturis, ad voluptatem, & novitatem, refer-

tos: Cæterū narrationem gravem, & severam de Heteroclitis, & mirabilibus naturæ, diligenter examinatam, ac fideliter descriptam, non, inquam, inventio: præsertim cum debitâ reiectione, & publicâ tanquam proscriptione mendaciorum, & fabularum, quæ invaluerunt. Nam ut res se nunc habet, si forte mendacia aliqua circa res naturales obtinuerint, & celebrata sint (sive quod tantum possit reverentia antiquitatis, sive quod illa denuo examini subiicere sit molestum, sive quod mirifica scilicet ornamenta putantur orationis, propter similitudines & comparationes) nunquam postea extermiantur, aut retractantur.

Finis hujusmodi operis, quod exemplo suo decoravit Aristoteles, nil minus est, quam ut curiosis, & inanibus ingenii gratificetur, sicut faciunt mirabiliarii, & prodigiastri: verūm duas ob causas, utramque seriam & gravem: Unam, ut axiomatum corrigitur iniquitas: quæ plerunque in exemplis tritis, & vulgatis fundamentum habent: Alteram, quod à miraculis naturæ, ad miracula artis expeditus sit transitus & pervius. Neque enim huic rei plus inest negotii, præterquam ut naturæ vestigia persequaris sagaciter, cùm ipsa sponte aberret: ut hoc pacto postea cùm tibi libuerit, eam eodem loci, deducere, & compellere possis. Neque vero præceperim, ut ex historia ista mirabilem, superstitione narrationes, de maleficiis, fascinationibus, incantationibus, somniis, divinationibus, & similibus, prorsus excludantur, ubi de facto, & re gesta liquidò constet. Nondum enim innotuit, quibus in rebus, & quonsque, effectus superstitioni attributi, ex causis naturalibus participant. Ideoque licet hujusmodi artium usum & praxim,

merito damnandum censeamus, tamen à speculatio-  
ne, & consideratione ipsarum, ( si strenue excutian-  
tur) notitiam haud inutilem consequemur, non so-  
lum ad delicta, in hoc genere reorum, ritè dijudican-  
da; sed etiam ad naturæ secreta ulterius rimanda. Ne-  
que certè hæsitandum de ingressu, & penetratione  
intra hujusmodi antra, & recessus, si quis sibi unicam  
veritatis inquisitionem proponat; quod & Majestas  
tua exemplo proprio confirmavit.<sup>¶</sup> Dehinc respondeo  
idem in illis eis quae res ipsa est in qua dicitur in libro  
de Mirabilibus cardinum et monachorum quod per  
proxima experientia et in actione reprehende-  
re ad impossibile existimatur inveniatur quan-  
dam. Ceterum illud monuerim, narrationes istas cum  
rebus superstitionis conjunctas, seorsum componi,  
neque cum puris, & sinceris naturalibus commisceri  
sopportare. Quod verò ad narrationes attinet, circa  
prodigia & miracula religionum; illa certè aut non  
utique vera sunt, aut nullâ ex parte naturalia; ideo-  
que ad historiam naturalem non pertinent.

Quantum ad historiam naturae subiecte, & factitiae,  
quam mechanicam appellare solemus; invenio sanè  
collectiones quasdam de agriculturâ, etiam de arti-  
bus compluribus mechanicis; sed, quod pessimum  
est in hoc genere, semper negliguntur & reiiciuntur  
experimenta, in artibus singulis familiaria & vulga-  
ta; quæ tamen ad interpretationem naturæ, & quæ aut  
plus faciunt, quam minus trita. Nam labes quædam  
literis aspergi videatur, si fortè viri docti se submit-  
tant inquisitioni, aut observationi rerum mechani-  
carum, nisi fuerit eorum, quæ pro arcanis artis, aut  
pro rebus admodum rarîs, aut subtilibus reputentur.  
Quod tam inanis, ac superciliosæ arrogantiæ vitium,

meritò irrisit Plato, quandò Hippiam Sophistam jas-  
et abundum inducit cum Socrate disputantem, sin-  
cero & solido veritatis investigatore: Qui, cùm de  
pulchritudine sermo institutus esset, pro vago suo, &  
soluto disputandi more, primùm intulit exemplum  
virginis pulchræ, dein equæ pulchræ, postremò ollæ  
fictilis pulchræ, & affabré factæ: Hoc ultimo exem-  
pli Hippias commotus, dixit: *Stomacharer certè, (nisi  
humanitatis ratio me eò adigeret,) cum quoquam disputa-  
re, qui exempla tam vilia, & sordida allegaret.* Cui So-  
crates, *Te quidem ita decet, cùm tam nitidis sis amictus  
vestibus, & pulchris calceis: & alia per Ironiam.* Enim-  
vero, illud pro certo asseri possit, grandia exempla  
haud optimam, aut tutissimam afferre informatio-  
nem. Id quod exprimitur non insulsè, in pervulgatâ  
illâ fabulâ de Philosopho: qui cùm stellas, sublatis  
œculis intueretur, incidit in aquam: Nam si oculos  
demisisset, stellas illicò in aquâ videre potuisset: ve-  
rūm suspiciens in cœlum, aquam in stellis videre nō  
potuit. Eodem modo sëpè accidit, ut res minutæ &  
hamiles, plus conferant ad notitiam grandiū, quam  
grandes ad notitiam minutarum. Benè siquidem no-  
tavit Aristoteles, *Cujusq; rei naturam in portionibus ejus  
minimi optimè cerni.* Quam ob causam, Reip. natu-  
ram perscrutatur primò in familiâ, & in simplicissi-  
mis combinationibus societatis, (mariti scilicet &  
uxoris, parentum & liberorum, Domini & Servi,) quæ  
in quolibet tuguriolo occurrunt. Simili planè  
ratione, natura hujusce magnæ civitatis, (universita-  
tis nimirum rerum,) ejusque dispensatio, in prima  
quaque symbolizatione, & minimis rerum portio-  
nibus investiganda est: uti fieri videmus, quod secre-  
tum illud naturæ, (habitum pro maximo,) de ver-  
ticitate

ticitate ferri, tactu magnetis exciti, ad polos, se conspiciendum præbuit, non in vectibus ferreis, sed in acubus.

Ego verò, si quod sit mei pondus judicii, sic planè statuo; *Historia Mechanicae* usum erga Philosophiam naturalem, esse maximè radicalem, & fundamentalem. Talem intelligo Philosophiam naturalem, quæ non abeat in fumos speculationum subtilium, aut sublimium; sed quæ efficaciter operetur, ad sublevanda vitæ humanæ incommoda. Neque enim ad præsens tantùm juvabit, nec tendo & transferendo observationes unius artis, in usum aliarum; & inde novas commoditates eliciendo, quod necesse est fieri, cùm experimenta diversarum artium, in unius hominis observationem, & considerationem venient; sed porrò ad causas rerum indagandas, & artium Axiomata deducenda, lucidiorem facē accendet, quām hactenus unquam affulsi. Quemadmodum enim ingenium alicujus, haud bene nōris, aut probaris, nisi eum irritaveris; neque Proteus se, in varias rerum facies, vertere solitus est, nisi Manicis arctè comprehensus, similiter etiam natura arte irritata, & vexata, se clariū prodit, quām cùm sibi libera permittitur.

Antequam verò hoc membrum historiæ naturalis, (quod mechanicum atque experimentale vocamus,) dimittamus, illud adjiciendum; Corpus talis historiæ, non solum ex artibus ipsis mechanicis, verùm & ex operativa parte scientiarum liberalium, ac simul ex Practicis compluribus, (quæ in artem nō coaluerunt) confici debere, ut nihil utile prætermitatur, quod ad informandum intellectum juvat. Atque hæc est *historia naturalis* partitio prima.

## C A P. III.

*Partitio Historiæ Naturalis secunda, ex Vſu ē Fine ſuo, in Narrativam, & Inductivam. Quodq[ue] Finis nobilissimus Historiæ Naturalis ſt. ut minifret ē in Ordine ſit ad condendam Philosophiam, quem Finem intuetur Inductiva. Partitio Historiæ Generationum in Historiam Cœleſtium: Historiam Meteororum: Historiam Globi Terræ & Maris: Historiam Maſſarum ſive Collegiorum Majorum: & Historiam Specierum ſive Collegiorum Minorum.*

**H**istoria Naturalis, ut Subiecto triplex ( quemadmodum diximus ) ita Vſu duplex eſt: Adhibetur enim, aut propter Cognitionem rerum ipsarum, quæ historiæ mandantur; aut tanquam Materia prima Philosophiæ. Atque prior illa, quæ aut Narrationum jucunditate deleat, aut Experimentorum uſu juvat, atque hujusmodi voluptatis, aut fructus gratiā quæfita eſt, longè inferioris notæ censenda, præ eā, quæ Inductionis veræ, & legitimæ ſylva ſit, atque ſupellex, & primam Philosophiæ mammam præbeat. Rursus itaque partiemur historiam naturalem, in Narrativam, & Inductivam: Hanc autem posteriorem inter Desiderata ponimus. Neque verò aciem mentis alicujus perstringant, aut magna antiquorum nomina, aut magna recentium volumina. Satis enim ſcimus, haberi historiam naturalem mole amplam, varietate gratam, diligentiā ſepius curiosam. Attamen ſi quis ex eā fabulas, & antiquitatem, & auctorum citationes, & inanes controvēſias, Philologiam denique, & ornamenta eximat ( quæ ad Convivales ſermones, hominumque doctōrum noctes, potius quam ad instituendam Philosophiam ſint accommodata, ) ad nil magni res recidet. Longè autem profecto abeſt ab ea historia, quam animo metimur. Primo enim desiderantur

rantur duæ illæ *historie naturalis* partes, ( de quibus in oddò diximus ) *Præter-Generationum*, & *Artium*, in quibus nos plurimum ponimus : Deinde, in tertia illa ( quæ reliqua est ) parte generali, nimirum de *Generationibus*, uni tantum, ex quinque partibus ejus, satisfacit. Siquidem *Historia Generationum* constituuntur partes subordinatae quinque : Prima *Cœlestium*, quæ *Phænomena ipsa* sincera complectitur, atque separata à dogmatibus : Secunda *Meteororum* ( annumerando etiam *Cometas* ) & *Regionum*, quas vocant, *Aëru* : Neque enim de *Cometis*, *Meteoris ignitis*, *Ventis*, *Pluviis*, *Tempestatibus*, & reliquis, invenitur aliqua *Historia*, quæ ullius sit pretii. Tertia *Terræ & Maris*, ( quatenus sunt *Universi Partes Integrales* ) mótiū, *Fluminū*, *Æstuariis*, *Arenarum*, *Sylvarū*, *Inſularum*, denique *Figuræ ipsius continentium* prout exporriguntur ; in his omnibus, potius *Naturalia inquirendo & observando*, quām *Cosmographica*. Quárdò, de *Massis Materie communibus*, quas *Collegia Majora* vocamus, ( vulgò *Elementa* dicuntur ; ) Neque enim de *Igne*, *Aëre*, *Aqua*, *Terra*; eorumque *Naturis*, *Motibus*, *Operibus*, *Impressionibus* Narrationes reperiuntur, quæ corpus aliquod *Historiæ justum* constituant. Quinta, & ultima, de *Collectionibus Materiæ exquisitus*, quæ à nobis *Collegia minora*, vulgò *Species* appellantur. In hac autem postrema sola, *industria*, *Scriptorum* enituit ; ita tamen, ut potius luxuriata sit in superfluis, ( *Iconibus Animalium*, aut *Plantarum*, & similibus intumescens ) quām solidis, & diligenteribus observationibus ditata, quæ ubique in *Historiâ Naturali* subnecti debeant. Atque, ut verbo dicam, omnis, quam habemus *Naturalis Historia*, tam inquisitione sua, quām congerie, nullo modo in ordi-

ne ad eum quem diximus finem, (condendæ scilicet Philosophiæ,) aptata est. Quare Historiam Inductivam desiderari pronunciamus. Atque de Naturali Historiâ hactenùs.

## C A P. IV.

*Partitio Historiæ Civilis, in Ecclesiasticam, Literariam, & (quæ Generis nomen retinet) Civilem: quodque Historia Literaria desideretur. Ejus confiende Praecepta.*

**H**istoriam Civilem in tres species rectè dividi putamus: Primò Sacram, sive Ecclesiasticam: deinde eam, quæ Generis nomen retinet, Civilem: Postremò Literarum & Artium. Ordiemur autem ab ea Specie, quam postremò posuimus, quia reliquæ duæ habentur, illam autem inter Desiderata referre vîsum est. Ea est Historia Literarum. Atque certè Historia Mundi, si hac parte fuerit destituta, non absimilis censeri possit Statuæ Polyphemi, eruto oculo; cum ea pars imaginis desit, quæ ingenium & indolem Personæ maximè referat. Hanc licet desiderari statuamus, nos nihilominus minimè fugit, in Scientiis particularibus Jure-consultorum, Mathematicorum, Rhetorum, Philosophorum, haberi levem aliquam mentionem, aut narrationes quasdam jejunas, de Sectis, Scholis, Libris, Auctoribus, & Successionibus hujusmodi Sciétiarum: Inveniri etiam de Rerum & Artium Inventoribus, tractatus aliquos exiles, & infructuosos; Attamen justam atque universalem Literarum Historiam nullam adhuc editam asserimus. Ejus itaque & Argumentum, & confiendi Modum, & Usus proponemus.

Argumentum non aliud est, quam ut ex omni Memoria repetatur, quæ Doctrinæ & Artes, quibus Mun-

Mundi æstatibus , & Regionibus floruerint. Earum Antiquitates, progressus, etiam peragrationes per diversas Orbis partes ( migrant enim Scientiæ, non se- cùs ac populi ) rursùs declinationes, obliviones, in- staurationes commemoretur. Observetur simul per singulas Artes, inventionis occasio & origo ; Tra- dendi mos & disciplina, colendi & exercendi ratio & instituta. Adjiciantur etiam Sectæ, & Controver- siæ maximè celebres, quæ homines doctos tenuerūt; Calumniaæ, quibus patuerunt ; Laudes & honores quibus decoratae sunt. Notentur Auctores præcipui, libri præstantiores, Scholæ, Successiones, Academiæ, Societates, Collegia, Ordines, denique omnia quæ ad Statum Literarum spectant. Ante omnia etiam id agi volumus ( quod Civilis Historiæ decus est, & quasi anima ) ut cum eventis causæ copulentur : videlicet, ut memorentur Naturæ regionum ac populorum; Indolesque apta & habilis, aut inepta & inhabilis ad disciplinas diversas; Accidentia temporum, quæ Sci- entiis adversa fuerint aut propitia ; Zeli & mixturæ Religionum; Malitiæ & favores Legum; Virtutes denique insignes, & efficacia quorundam virorum, erga literas promovendas, & similia. At hæc omnia ita tractari præcipimus, ut non Criticorum more, in laude & censura tempusteratur ; sed planè historicè res ipsæ narrentur, judicium parciùs interponatur.

De Modo autem hujusmodi Historiæ confiendæ, illud in primis monemus; ut materia & cōpia ejus, non tantam ab Historiis, & Criticis petatur, verùm etiam per singulas annorum Centurias, aut etiam minora intervalla, seriatim, ( ab ultima Antiquitate facto principio) libri præcipui, qui eo temporis spa- tio conscripti sunt, in consilium adhibeantur; ut ex eorum

corum non perlectione(id enim infinitum quiddam esset) sed degustatione & observatione Argumenti, Stili, Methodi, Genius illius temporis literarius, veluti incantatione quādam, à mortuis evocetur.

Quod ad *Vsum* attinet, hæc eò spectant; non ut honor Literarum, & pompa, per tot circumfulas imagines celebretur; nec quia, pro flagrantissimo, quo literas prosequimur, amore, omnia quæ ad earum statum quoquo modo pertinent, usque ad curiositatem inquirere, & scire, & conservare avemus: sed præcipue ob causam magis feriam, & gravem: Ea est (ut verbo dicamus) quoniam per talem, qualem descripsimus, Narrationem, ad Virorum doctorum, in Doctrinæ usu & administratione, prudentiam & soleritiam, maximam accessionem fieri posse existimamus; & rerum intellectualium, non minùs quam Civilium motus, & perturbationes, vitiaque & virtutes, notari posse; & Regimen inde optimum educi & institui. Neque enim B. Augustini, aut B. Ambrosii opera, ad prudentiam Episcopi, aut Theologi, tantum facere posse putamus, quantum si Ecclesiastica Historia diligenter inspiciatur, & revolvatur. Quod & Viris doctis, ex *Historia Literarum* obventurum non dubitamus. Casum enim omnino recipit, & temeritati exponitur, quod exemplis & memoriâ rerum non falcitur. Atque de *Historia Literaria*, hæc dicta sint.

## C A P. V.

*De Dignitate, & Difficultate Historiæ Civilis.*

**S**equitur *Historia Civilis* specialis, cuius dignitas atque auctoritas, inter scripta humana eminet. Hujus enim fidei, exempla Majorum, vicissitudines rerum,

rum, fundamenta Prudentiae Civilis, hominum denique nomen & fama, commissa sunt. Ad dignitatem rei accedit, difficultas non minor. Etenim animum in scribendo ad praeterita retrahere, & veluti antiquum facere, temporum motus, Personarum characteres, Consiliorum trepidationes, Actionum (tanquam aquarum) ductus, praetextuum interiora, Imperii Arcana, cum diligentia scrutari, cum fide & libertate referre, denique verborum lumine sub oculos ponere, magni utique laboris est, & judicii; præsertim cum antiquiora quæque incerta, recentiora periculo obnoxia reperiantur. Quamobrem & plurima Historiam istam Civilem circumstant vitia; dum plerique narrationes quasdam inopes, & plebeias, & planè dedecora historiarum conscribant; Alii particulares relationes, & Commentario los operâ festinatâ, & textu inæquali consarciant; Alii capita tantum rerum gestarum percurrent; Alii contrâ, minima quæque, & ad summas actionum nihil facientia persequantur; Nonnulli, nimia erga ingenia propria indulgentia, plurima audacter configant: Ast alii, non tam ingeniorum suorū, quam Affectuum imaginem rebus imprimant, & addant, partium suarum memores, rerum parùm fideles testes. Quidam Politica, in quibus sibi complacent, ubique inculcent, & diverticula ad ostentationem querendo, narrationem rerum nimis leviter interrumpant: Alii in Orationum, & Concionum, aut etiam Actorum ipsorum prolixitate, parùm cum judicio, nimii sint; Adeò ut satis constet, non inveniri inter Scripta hominum, rarius quicquam, quam Historiam legitimam, & omnibus numeris suis absolutam. Verum nos in præsenti, partitionem doctrinarum instituimus, ut omisa, non

sa, non Censuram, ut vitiosa notentur. Nunc partitiones *Historiae Civilis* persequemur, easque diversorum generum: Minus enim implicabuntur Species, si partitiones diversae proponantur, quam si una partitio curiosè per membra dederatur.

## C A P. VI.

*Partitio prima Historiæ Civilis, in Memorias, Antiquitates, & Historiam Iustam.]*

**H**istoria Civilis tripartita est, tribus picturarum, aut imaginum generibus non absimilis. Videamus enim ex picturis, & imaginibus, alias imperfetas, ut quibus ultima manus non accesserit; Alias perfectas; Alias vero vetustate mutilatas & deformatas. Historiam similiter Civilem, (quæ imago rerum, & temporum quedam est) in tres species, illis picturarum congruas, partiemur; Memorias scilicet; Historiam Iustam; & Antiquitates. Memoriae sunt Historia inchoata, aut prima & rudia Historiæ lineamenta; Antiquitates vero Historia deformata sunt, sive reliquæ Historiæ, quæ casu è naufragio temporum eruptæ sunt.

Memoriae, sive præparations ad Historiam duplicitis generis sunt; quorum alterum *Commentarios*, alterum *Registræ* vocare placet. *Commentarii* nudam actionum & eventuum seriem, ac connexionem propo-nunt, prætermisis causis rerum & prætextibus, initiis quoque earundem & occasionibus, consiliis itidem & orationibus, & reliquo Actionum apparatu. Talis enim est propria *Commentariorum* natura, licet Cæsari, per modestiam quandam cum magnanimitate coniunctam, præstantissima, inter eas, quæ extat Historiæ, *Commentariorum* nomen indere placuerit.

rit. At *Registra* duplicitur naturæ sunt: Complectuntur enim aut *Titulos Rerum & Personarum*, in serie temporum; quales dicuntur *Fasii*, & *Chronologiae*: Aut *Auctorum Solennitates*, cuius generis sunt, *Principum Edicta, Senatum Decreta, Judiciorum Processus, orationes publicè habitæ, Epistolæ publicè missæ, & similia*, absque narrationis contextu, sive filo continuo.

*Antiquitates*, seu *Historiarum Reliquiae* sunt (ut iam diximus) tanquam tabulæ naufragii, cum deficiente, & ferè submersâ rerum memoriâ, nihilominus homines industrii, & sagaces, pertinaci quâdam, & scrupulosâ diligentia, ex genealogiis, fastis, titulis, monumentis, numismatibus, nominibus propriis & stilis, verborum etymologiis, proverbiis, traditionibus, Archivis & instrumentis tamen publicis quam privatis *Historiarum fragmentis*, librorum neutram *Historicorum locis dispersis*; ex his, inquam, omnibus, vel aliquibus, nonnulla à temporis diluvio eripiunt, & conservant. Res sanè operosa, sed mortalibus grata, & cum reverentiâ quâdam conjuncta; ac digna certè, quæ deletis fabulosis nationum originibus, in locum hujusmodi commentitorum substituatur; sed tamen eò minus habens Auctoritatis, quia paucorū Licentia subiicitur, quod paucis curæ est.

In his *Imperfectæ Historiæ* generibus, defectum aliquem non puto designatidum, cum sint tanquam *Imperfectæ Miserias*, ut defectus hujusmodi sit ex ipsâ eorum Naturâ. Ad *Epitomas* quod attinet, (*Historiarum certè teredines, & tineas,*) eas exulare volumus; quod etiam cum plurimis, qui maximè sani fuerunt judicii, facimus; utpote quæ complura nobilissimarum *Historiarum*

C A P . VII.

*Partitio Historiæ Iusta in Chronica, Vitas, & Relationes;  
Eartumque partium explicatio.*

**A**T Historia Iusta trium est generum, pro ratione  
Objecti, quod sibi proponit representandum. Aut  
enim Portionem aliquam temporis repræsentat; aut Per-  
sonam singularem memoriam dignam; aut Actionem ali-  
quam sive rem gestam ex illustrioribus. Primum Chron-  
ica sive Annales appellamus; secundum Vitas; tertiu  
Relationes. Inter quæ, Chronica celebritate & nomi-  
ne excellere videntur; Vite autem fructu & exem-  
plis; Relationes rursus sinceritate & veritate. Chronica  
namque amplitudinem actionum publicarum, &  
personarum facies externas, & in publicum versas  
proponunt; Minora autem, quæ tum ad Res, tum ad  
Personas pertinent, omittunt, & silentio involvunt.  
Cùm verò id artificii divini sit proprium, ut *Maxima*  
è *minimis suspendat*, fit sæpenumero ut hujusmodi Hi-  
storia, majora tantum persecuta, negotiorum pom-  
pam potius, & solennia, quam eorum veros fomites,  
& texturas subtiliores ostendat: *Quinetiam*, et si *Có-*  
*silia ipsa addat*, atque immisceat, tamen granditate  
gaudens, plus gravitatis atque prudentiae, quam re-  
vera habent, humanis actionibus aspergat; ut *Satyra*  
aliqua possit esse veterior humanæ vitæ tabula, quam  
nonnulla ex ejusmodi Historiis. Contrà Vitæ, si dili-  
genter & cum judicio perscribantur (neque enim de  
Elogiis, & hujusmodi Commemorationibus jejunis  
loquimur) quandoquidem Personam singularem  
pro Subjecto sibi proponant, in quâ necesse est actio-  
nes,

nes, non minùs leves, quām graves, parvas quām grandes, privatas quām publicas, componi & commisceri; sanè magis vivas, & fidias rerum narrationes, & quas ad exemplum tutius & felicius transferre possis, exhibit. At *Relationes Actionum speciales*, (quia sunt *Bellum Peloponési*, *Expeditio Cyri*, *Conjuratio Catilinae*, & similia) omnino puriore & magis sincero veritatis candore vestiri par est, quām *Historias Iustas temporum*; quia argumentum in iis deligi, & summi potest habile, & definitum; atque ejusmodi, ut de eo notitia, & certitudo bona, & plena informatio haberri possit; cūm contrā *Historia temporis* (præsertim quæ ætate Scriptoris multò antiquior sit) necessariò in memoriam rerum səpiùs fatiscat, & veluti spatia vacua contineat; quæ ingenio & conjecturā occupari, & suppleri satis licenter consueverunt. Hoc tamen ipsum, quod de Relationū sinceritate dicimus, cum exceptione intelligendum est; nam fatendum certè est (cūm humana omnia ex parte laborent, & commoda cum incommodis ferè perpetuò conjuncta sint) hujusmodi relationes, præsertim si sub ipsa rerum gestarum tempora edantur, (cūm səpiùs vel ad gratiam, vel ad invidiam scribantur,) omnium narrationum meritò maximè suspectas esse. Sed rursus huic incommodo etiam illud connascitur remediū; quod illæ ipsæ *Relationes*, cūm non ex unâ parte solummodo, sed pro factionibus, & partium studiis, ex utraque parte semper ferè edantur, viam hoc pacto quandam veritati, tanquam inter extrema, aperiunt & muniunt; atque postquam contentiones animorū deferuerint, Historico bono & prudenti, non pessima historiæ perfectioris materia, & Sementis sunt.

Quod vero ad ea, quæ in his tribus historiæ gene-

ribus desiderari videantur; dubium certe non est, quin plurimae historiae particulares (detalibus loquimur quae esse possint) alicujus dignitatis, aut etiam mediocritatis, cum maximo Regnorum & Rerup. quibus debentur, honoris & nominis detimento, hucusque pratermissae sint, quas notare per longum es-  
set. Ceterum exterarum Nationum Historias, Exte-  
rorum curae relinquens (*ne forte sim in alienâ Rep. cu-  
riosus*) non possum non apud Majestatem tuam con-  
queri, de Historia Angliae, quae nunc habetur, vili-  
tate & indignitate, quatenus ad corpus eius integrum;  
nec non Historia Scotiae iniquitate & obliquitate,  
quatenus ad Auctorem ejus recentissimum & uber-  
rimum: Reputans mecum, honorificum admodum  
Majestati tue futurum, atque Opus posteritati gra-  
tissimum; si quemadmodum Insula haec magnæ  
Britanniæ, se nunc in unam Monarchiam coalitam,  
ad sequentes ætates transmittit; ita in unam Historia  
descripta, à præteritis saeculis repeteretur; eodem  
modo quo Historiam decem Tribuum Regni Israë-  
lis, & duarum Tribuum Regni Judæ, tanquam ge-  
mellam, Sacra Pagina dedit. Quod si moles hujus-  
modi historiæ, magna certe & ardua, quo minus ex-  
acte & pro dignitate prescribatur, videatur obfutu-  
ra, ecce tibi memorabilem multò angustioris tempo-  
ris periodum, quatenus ad historiam Angliae, nimi-  
rūm ab Unione Rosarum, ad Unionem Regnum;  
Spatium temporis, quod meo quidem judicio, majo-  
rem recipit eventum, quae raro se ostendunt, varieta-  
tem, quam in pari successionum numero, uspiam in  
Regno Hæreditario, deprehendere licet. Incipit e-  
nīm ab adēptione Coronæ mixtæ, partim Armis, par-  
tim Iure: Ingressum siquidem ferrum aperuit, stabili-  
men-

limentum attulerunt Nuptiæ ; Secuta igitur sunt  
empora illis initijs consentanea; simillima fluctu-  
tibus, post magnam tempestatem, tumores & agitatio-  
nes suas, sed absque aliquâ immani procellâ, retinen-  
tibus; atque gubernatoris prudentiâ , qui unus inter  
Anteceslores Reges consilio enituit, superatis. Ordi-  
ne proximus succedit Rex, cuius actiones, licet ma-  
gis impetu, quam consilio administratæ, non leve ta-  
men in Rebus Europæ momentum attulerunt, eas  
subinde librando, & inclinando, prout ipsæ propen-  
debant. Quo etiam regnante, cœpit fieri ingens illa  
Status Ecclesiastici mutatio , qualis raro admodum  
prodit in Theatrum. Secutus est Rex minor. Dein  
tentamentum Tyrannidis , licet illud brevissimum  
fuerit, instar febris Ephemeræ. Dein Regnum Fœ-  
minæ, extero Regi nuptæ. Rursus Regnum Fœmi-  
næ solitariæ, & cælibis. Hæc omnia demùm exceptit  
eventus iste faustus & gloriösus; nimirum hujusce  
Insulæ Britanniæ, à toto Orbe divisa, in se unio; per  
quam Vetus illud oraculum Æneæ redditum , quod  
requiem ei præmonstrabat,

---- *Antiquam exquirite matrem;*

Supra nobilissimas Gentes Angliæ & Scotiæ, in no-  
mine illo *Britannie*; *Antiquæ sua Matris*, jam conveniē-  
tes, adimpletum sit; in pignus, & tesseram metæ &  
exitus errorum, & peregrinationis, jam reperti. Ita,  
ut, quemadmodum corpora ponderosa jactata, ante-  
quam ponant & consistant, trepidationes quasdam  
experiantur; eodem modo probabile videtur, Divinâ  
Providentiâ factum esse, ut Monarchia ista, prius quā  
in tuâ Majestate, Regiâque tuâ Sobole (in quâ spero  
eam in perpetuum fore stabilitam) consisteter, &  
confirmata esset, has tamen varias mutationes, & vi-

De *Vitis* cogitantem, subit quædam Admiratio, tempora ista nostra, haud nosse bona sua; cùm tamen rara sit Commemoratio, & conscriptio vitarum, eorum, qui nostro sæculo claruerunt. Etsi enim Reges, & qui absolutum Principatum obtineant, pauci esse possint; Principes etiam in Rep. liberâ (tot Rebus p. in Monarchiam conversis) haud multi; utcunque tamen non defuerunt Viri egregii (licet sub Regibus) qui meliora merentur, quam incertam & vagam memoriæ suæ famam, aut elogia arida & jejuna. Etenim hâc ex parte, inventum cujusdam ex Poëtis recentioribus, quo antiquam fabulam locupletavit, non inelegans est. Fingit ille in extremitate fili parcarum, numisma quoddam, seu Monile pendere, in quo defuneti nomen impressum sit: Tempus autem cultrum Atropi præstolari, & statim abscisso filo, numismata eripere, eaque asportata, paulò post in fluvium Lethes, ex gremio suo proicere: Circa fluvium autem, magnam avium vim volitare, quæ numismata arripiunt, ac postquam in rostris ipsarum paulisper eadem circumtulerint, paulò post per incuriam in fluvium decidere permittant: Inter eas verò, Cygnos reperiri nonnullos, qui si numisma aliquod cù nomine prehenderint, illicè ad templum quoddam illud deferre solebant, immortalitati consecratum. Hujusmodi itaq; Cygni nostris temporibus ferè defecerunt. Namvis autem plurimi hominum, curis & studiis suis nimiò plusquam corporibus mortales, nominis sui memoriam, veluti fumum aut auram despiciant,

----- *Animi nil magna laudis egentes;*

*Quo-*

Quorum scilicet Philosophia & severitas ab eâ radice pullulat, Non prius laudes contempsimus, quam laudanda facere desivimus; Id tamen apud nos Salomonis iudicio nō præjudicabit, *Memoria justi cum laudibus, a⁹ impiorum nomen putrefacet*: Altera perpetuò floret, alterum aut in oblivionem protinus abit, aut in odo rem tetur computrescit. Ac propterea in eo ipso stilo, vel loquendi formulâ, quæ rectè admodum recepta est, ut defunctis tribuatur (*Felicitas memorie, pia memorie, bona memorie*) agnoscere videmur illud, quod Cicero (*mutuatus id ipsum à Demosthene*) protulit, *Bonam famam propriam esse possessionem defunctorum*. Quam quidem possessionem non possum non notare nostro ævo incultam ut plurimum, & neglectam jacere.

Quantum ad *Relationes*, optandum esset prorsùs, ut multo major circa eas adhiberetur diligentia. Quippe vix incidit aliqua actio paulò illustrior, cui non intersit calamus aliquis ex melioribus, qui eam excipere & describere possit. Quoniam autem is per paucorum hominum esse debet, qui Historiam justam pro dignitate conscribat, (ut ex paucitate Historiorum vel mediocrius satis liquet) idcirco si actiones particulares, sub tempore ipsum quo geruntur, tolerabili aliquo scripto memorie mandarentur; sperandum esset, exorituros quandoque, qui Historiam justam, ope & auxilio illarum *Relationum* conscribere possent. Illæ enim instar Seminarii esse possint, unde, cum usus foret, hortus amplius & magnificus consereretur.

## C A P. VIII.

*Partitio Historiarum Temporum: Historiam Universalem, & Particularem, & utrinque Commoda, & Incommoda.*

**H**istoria Temporum aut *Universalis* est, aut *Particula-*  
*ris*; Hæc alicujus Regni, vel Reip. vel Nationis res  
 gestas complectitur, illa *Universi Orbis*. Neque enim  
 defuerunt, qui *Historiam Mundi*, etiam ab Origine  
 scripsisse videri volunt; Farraginem rerum, & Com-  
 pendia narrationum pro Historiâ exhibentes: Alii  
 sui temporis res, per Orbem terrarum memorabiles,  
 tanquam *Justa Historia* complecti posse confisi sunt,  
 conatu profecto magnanimo, atque fructu haud ex-  
 iguo. Neque enim res humanæ ita Imperiis, aut Re-  
 gionibus divisæ sunt, ut non habeant multa conne-  
 xæ; Quare juvat certè fata, ali cui seculo, aut ætati de-  
 stinata, veluti unâ tabulâ contenta, & descripta in-  
 tueri. Fit etiam, ut plurima scripta non contemnen-  
 da (qualia sunt eæ, de quibus anteâ locuti sumus, *Re-  
 lationes*) alias fortè peritura, neque prelum sèpius  
 passura, aut saltem capita ipsorum, in hujusmodi *Hi-  
 storiam Generalem* recipiantur, atque hoc pacto figan-  
 tur, & conserventur. Veruntamen, si quis rem rectius  
 perpendat, animadvertiset tām severas esse *Historiæ Iu-  
 stæ Leges*, ut eas in tantâ argumenti yastitate exercere  
 vix liceat; adeò ut minuatur potius *Historiæ Majes-  
 tias* molis granditate, quām amplificetur. Fiet enim,  
 ut qui tām varia undequaque persequitur, is infor-  
 mationis Religione paulatim remissâ, & diligentia  
 suâ, quæ ad tot res extendit, in singulis elangescé-  
 te, auras populares, & rumores captet; & ex relatio-  
 nibus non admodum Authenticis, aut hujusmodi a-  
 liquâ levidensi materiâ, *Historiam* conficiet. Quin-  
 etiam necesse ei erit, (ne opus in immensum excre-  
 scat,) plurima relatu digna consultò prætermittere,  
 atque ad Epitomarum rationes sèpius delabi. In-  
 cumbit etiam aliud periculum non parvum, atque  
 utili-

utilitati historiæ universalis, ex diametro oppositum;  
Quemadmodum enim universalis historia, narratio-  
nes alias, quæ aliæ fortè fuissent periturae, conser-  
vat; ita contrà sèpenumero narrationes alias satis  
fructuosas, quæ aliter ficituræ fuissent, propter grata  
mortalibus rerum compendia, perimit.

## C A P I X.

*Partitio alia Historiæ Temporum, in Annales, & Acta  
Diurna.*

**E**Tiam Historia Temporum rectè dividitur in *Annales*, & *Diaria*: Quæ divisio, licet ex periodis tem-  
porum nomina sumat, tamen ad delectum rerum  
etiam pertinet. Rectè enim Cornelius Tacitus, cùm  
in mentionem Magnificentie quarundam structu-  
raturum incidit, statim subdit, *Ex dignitate populi Ro. re-  
pertum esse, res illustres Annalibus, talia diurnis urbis actis  
mandare*. Applicando Annalibus res, quæ ad Statum  
Reip. pertinent; Acta vero & Accidentia leviora,  
Diariis. Meo utique judicio, valere conveniret disciplinam quandam Haraldicam, in disponendis non  
minus librorum, quam personarum dignitatibus.  
Sicut enim nihil Rebus Civilibus magis detrahit,  
quam Ordinum & Graduum confusio, ita etiam Au-  
toritati historiæ gravis, haud parum derogat, si ad-  
misceantur Politicis res levioris momenti; quales  
sunt pompa, & solennitates, & spectacula, & hujus-  
modi. Atque sanè optandum esset, ut illa ipsa distin-  
ctio in consuetudinem veniret. Nostris vero tem-  
poribus, *Diaria* in navigationibus tantum, & expedi-  
tionibus bellicis in usu sunt. Apud Antiquos certè  
Regum honori dabatur, ut acta Palatii sui in *Diaria*  
referrentur; quod videmus factum fuisse sub Alhas-

vero Persarum Rege; qui cum noctem ageret insomnem, *Diaria* poposcit, ubi coniurationem Eunuchorum recognovit. At in Alexandri Magni *Diariis*, tam pusilla continebantur, ut etiam, si forte ad mensam dormiret, in acta reponeretur: Neque enim sicut *Annales* tantum gravia, ita *Diaria* tantum levia complexa sunt; sed omnia promiscue, & cursim *Diariis* excipiebantur, seu majoris, seu minoris momenti.

## C A P. X.

*Partitio secunda Historiae Civilis, in Meram, & Mixtam.*

**P**O STR E M ò verò *Partitio Historiae Civilis* ea sit; ut dividatur in *Meram*, aut *Mixtam*. *Mixturae* celebres duæ, Altera ex *Scientia*, *Civili*, Altera præcipue ex *Naturali*. *Introductum* est enim ab aliquibus genus scribendi, ut quis narrationes alias, non in serie historiæ continuatas, sed ex delectu auctoris exceptas conscribat: Deinde easdem recolat, & tanquam ruminet; & sumptâ ab ipsis occasione, de rebus Politicis dillerat. Quod genus *historia Ruminata* nos sanè magnoperè probatumus, modò hujusmodi Scriptor hoc agat, & hoc se agere confiteatur. *Historiam* autem *lustram* ex professo scribenti, *Politica* ubique ingerere, atque per illa filum historiæ interrumperem, intempestivum quiddam, & molestum est. Licet enim historia quæque prudentior, Politicis præceptis, & monitis, veluti imprægnata sit, tamen Scriptor ipse sibi obstetricari non debet.

*Mixta* etiam est *historia Cosmographica*, idque multipliciter: Habet enim ex *historia Naturali*, *Regiones* ipsas, atque earum *Situs*, & *Fructus*; Ex *historia Civili*, *Erbes*, *Imperia*, *Mores*: Ex *Mathematicis*, *Climata*, &

Con-

*Configurationes Cæli, quibus tractus mundi subjacet.  
In quo genere Historia, sive Scientiæ, est quod seculo  
nostro gratulemur: Orbis enim terrarum factus est,  
hac nostrâ ætate, mirum in modum fenestratus, at-  
que patens: Antiqui certè Zonas, & Antipodas no-  
verant,*

*( Nosq; ubi primus equis oriens afflavit anhelius,  
Illic serarubens accedit lumina vesper.)*

*Idque ipsum magis per demonstrationes, quam per  
peregrinationes: Verum ut Carina aliqua parva, cœ-  
lum ipsum æmularetur; atque universum globum  
terrestrem, magis etiam obliquo & flexuoso, quam  
cœlestia solent, itinere circumvierit, ea est nostri se-  
culi prærogativa: ita ut præsens ætas jure in Symbolo  
suo usurpare possit, non tantum illud Plus ultra, ubi  
Antiqui usurpabant Non ultra; atque insuper illud  
Imitabile fulmen, ubi Antiqui, Non imitabile fulmen,*

*Demens qui nimbos, & non imitabile fulmen;  
Verum & illud, quod omnem admirationem supe-  
rat, Imitabile Cœlum; propter navigationes nostras,  
quibus circa universum terræ ambitum, cœlestium  
corporum more, volvi, & circumagi sèpius conce-  
sum fuit.*

*Atque hac præclara, in re Nauticâ, atque Orbe  
perlustrando, felicitas, de ulterioribus etiam progres-  
sibus, & Augmentis Scientiarum, spem magnam fa-  
cere possit; præsertim cum divino videatur Consilio  
esse decretum, ut hac duo coæva sint: Sic enim Da-  
niel Propheta, de novissimis temporibus verba fa-  
ciens, prædictit, Plurimi pertransibunt & angebitur scri-  
tia; quasi pertransitus, sive perlustratio mundi, atq;  
multiplex Augmentum Scientiarum, eidem seculo  
destinarentur: Sicut magnâ ex parte jam comple-*

tum videmus; Quandoquidem tempora nostra, duabus illis prioribus doctrinarum periodis, aut revolutionibus, ( alteri apud Græcos, alteri apud Romanos) eruditione non multum cedant, eas verò in aliquibus longè superent.

## C A P. XI.

*Partitio historiæ Ecclesiastice, in Ecclesiasticam specialem,  
historiam ad Prophetias, & historiam Nemeseos.*

**H**Istoria Ecclesiastica in genere, easdem ferè cum *historia Civili* partitiones subit. Sunt enim *Chronica Ecclesiastica*, sunt *vita Patrum*, sunt *Relationes de Synodus*, & reliquis ad Ecclesiam spectantibus. Proprio verò nomine, rectè dividitur in *historiam Ecclesiasticam* (Generis nomine servato,) & *historiam ad Prophetias*, & *historiam Nemeseos* siye *Providentiae*. Prima Ecclesia militantis tempora, & statum diversum memorat; sive illa fluctuet, ut *Arca in diluvio*: sive itineretur, ut *Arca in eremo*: sive constat, ut *Arca in templo*, hoc est, statum Ecclesiae in persecuzione, in motu, & in pace. In hâc parte, defectum aliquem non invenio, quin superfunt in illa complura potius quàm desunt: Illud sanè optarem, ut massæ tām prægrandi, virtus quoque & sinceritas narrationum responderent.

Secunda pars, quæ est *historia ad Prophetias*, ex duobus Relativis constat, *Prophetiā ipsā*, & ejus *Adimpletione*. Quapropter tale esse debet hujus operis institutum, ut cum singulis ex scripturis Prophetiis, eveniūtum veritas conjungatur; idque per omnes mundi ætates, tum ad confirmationem fidei, tum ad instituendam disciplinam quandam, & peritiam, in interpretatione Prophetiarum, quæ adhuc restant cōplendæ. Attamen in hâc re, admittenda est illa latitudine, quæ

do, quæ Divinis vaticiniis propria est & familiaris; ut adimpletiones eorum fiant, & continenter, & punctualiter. Referunt enim Auctoris sui naturam, Cui unus dies tanquam mille anni, & mille anni tanquam unus dies; atque licet plenitudo, & fastigium compleimenti eorum, plerunque alicui certæ ætati, vel etiam certo momento destinetur; attamen habent interim gradus nonnullos, & scalas complementi, per diversas mundi ætates. Hoc opus desiderari statuo, verum tale est, ut magnâ cum sapientiâ, sobrietate, & reverentiâ tractandum sit, aut omnino dimittendum.

Tertia Pars, quæ *Historia Nemeseos* est, sanè in calamitos nonnullorum piorum virorum incidit, sed non sine partium studio; occupata est autem, in observandâ divinâ illâ convenientiâ, quæ nonnunquam intercedit, inter Dei voluntatem Revelatam, & Secretam. Quamvis enim tam obscura sint Consilia & Judicia Dei, ut *homini animali* sint penitus inscrutabilia, quinetiam scipius eorum oculis, qui prospiciunt è tabernaculo, se subducant; Divinæ tamen Sapientiæ visum aliquando per vices, ad suorum confirmationem, & confusionem eorum, qui tanquam sine Deo sunt in mundo, ea quasi majoribus characteribus descripta, sic proponere conspicienda, uti (sicut loquitur Propheta) *Quiris enim in cursu ea perlegere possit*; hoc est, ut homines merè sensuales & voluptarii, qui Judicia illa divina prætervehi festinant, neque cogitationes suas in ea unquam desigunt; tamen quævis properè currant, & aliud agant, ipsa agnoscere cogantur. Talia sunt vindictæ seræ & inopinæ; salutes subito affulgentes, & insperatae; Consilia divina per ambages rerum tortuosas, & stupendas spiras, tandem se manifestò expedientia; & similia: Quæ valent,

valent, non solum ad consolando animos fidelium,  
sed ad percellendas & convincendas conscientias  
improborum.

## C A P. XII.

*De Appendicibus historiæ: quæ circa Verba hominū (quemadmodum historia ipsa circa facta) versantur: Partitio  
earum in orationes, epistolas, & apophthegmata.*

**A**T non factorum solummodo humani generis, verum etiam dicatorum memoria servari debet. Neque tamen dubium, quin dicta illa quandoque *historia ipsa* inserantur, quatenus ad res gestas perspicue & graviter narrandas faciant, & deserviant. Sed dicta sive verba *Humanae* propriè custodiunt *Libri Orationum, Epistolarum, & Apophthegmatum*. Atque *Orationes* sanè virorum prudentium, de negotiis, & causis gravibus, & arduis habitæ, tum ad rerum ipsarum notitiam, tum ad eloquentiam multum valent. Sed majora adhuc præstantur auxilia ad instruendam prudentiam civilem ab *Epistolis*, quæ à viris magnis de negotiis seriis missæ sunt. Etenim ex *verbis hominum*, nil sanius aut præstantius, quam hujusmodi *Epistolæ*. Habet enim plus nativi sensus, quam *Orationes*; plus etiam maturitatis, quam colloquia subita. Eadem quandò cōtinuantur secundum seriem temporum, (ut sit in illis, quæ à Legatis, Praefectis Provinciarum, & aliis Imperii Ministris, ad Reges, vel Senatus, vel alios Superiores suos mittuntur; aut vicissim ab Imperantibus ad ministros,) sunt certè ad *historiam*, præ omnibus, pretiosissima supellex. Neq; *Apophthegma ta ipsa* ad delectationē & ornatum tantum profundunt, sed ad res gerendas etiam, & usus civiles. Sunt enim (ut aiebat ille) veluti *Secures* aut *Mucrones Verborum*,

qui

qui rerum & negotiorum nodos , acumine quodam secant, & penetrant : Occasiones autem redeunt in orbem, & quod olim erat commodum , rursus adhiberi, & prodesse potest; sive quis ea tanquam sua proferat, sive tanquam vetera. Neque certe de utilitate ejus rei ad civilia dubitari potest, quam Cæsar Dictator operâ suâ honestavit ; cuius Liber utinam extaret, cùm ea, quæ usquam habentur in hoc genere, nobis parùm cum delectu congesta videantur.

Atque hæc dicta sint de *Historiâ*, eâ scilicet parte *Doctrinæ*, quæ respondet uni ex *Cellis*, sive *Domiciliis Intellectus*, quæ est *Memoria*.

## C A P. XIII.

*De secundo Membro principali Doctrinæ, nempe Poësi. Parte Poëscos in Narrativam, Dramaticam, & Parabolam. Exempla Parabolicæ etia proponuntur.*

Am ad Poësin veniamus. Poësis est genus doctrinæ, verbis plerunque astrictum , rebus solutum & licentiosum; Itaque, ut initio diximus, ad *Phantasiam* refertur, quæ iniqua, & illicita prorsus rerum conjugia & divertia comminisci, & machinari solet. Poësis autem (ut supra innuimus) duplii accipitur sensu, quatenus ad *Verba*, vel quatenus ad *Res* respiciat. Priore sensu, *Sermonis* quidā *Character* est: *Carmen* enim stili genus, & elocutionis formula quædam , nec ad res pertinet: Nam & vera narratio carmine, & ficta oratione solutâ conscribi potest. Posteriore verò sensu, constituimus eam , ab initio , *Doctrinæ Membrum Principale*, eamque *juxtra Historiam* collocavimus, cùm nihil aliud sit, quam *Historia Imitatio ad Placitū*. Nos igitur in partitionibus nostris , veras doctrinarum venas indagantes, & persequentes ; neque consuetudini,

dini, & divisionibus receptis (in multis) cedentes; *Sætyras*, & *Elegias*; & *Epigrammata*, & *Odas*, & hujusmodi, ab instituto sermone removemus; atque ad philosophiam, & artes orationis rejicimus. Sub nomine autem *Poeſeos*, de *Historia ad Placitum conficta*, tammodo tractamus.

Partitio *Poeſeos* verissima, atque maximè ex proprietate, præter illas Divisiones, quæ sunt ei cum *Historiâ communes*, (sunt enim *facta Chronica*, *Vitæ factæ*, *factæ etiam Relationes*) ea est, ut sit aut *Narrativa*; aut *Dramatica*; aut *Parabolica*. *Narrativa* prorsùs historiam imitatur, ut ferè fallat, nisi quod res extollat sæpius supra fidem. *Dramatica* est veluti historia Spectabilis; nam constituit imaginem rerum tanquam præsentium, historia autem tanquam præteritarum. *Parabolica* vero est historia cum typo, quæ Intellectuā dedit ad sensum.

Atque de *Poefi Narrativa*, sive eam *Heroicam* appellare placet, modo hoc intelligas de *Materia*, nō de *Versu*, ea à fundamento prorsùs nobili excitata videatur, quod ad dignitatem humanæ naturæ in primis spectat. Cùm enim mundus sensibilis, sit anima rationali dignitate inferior, videtur *Poefis* hæc humanae Naturæ largiri, quæ *Historia* denegat; atque animo umbris rerum utcunque satisfacere, cùm solida haberi non possint. Si quis enim rem acutius introspiciat, firmum ex *Poefi* sumitur argumētum, magnitudinem rerum magis illustrem, ordinem magis perfectum, & varietatem magis pulchram, anima humanae complacere, quam in natura ipsa, post lapsum, reperire ullo modo possit. Quapropter, cùm res gestæ, & eventus, qui veræ historiæ subiiciuntur, non sint ejus amplitudinis, in qua anima humana sibi satisfac-

tis faciat, præstò est *Poësis*, quæ facta magis Heroica confingat: Cùm historia vera successus rerum, minimè pro meritis Virtutum & Scelerum, narret; corrigit eam *Poësis*, & exitus, & fortunas secundum merita, & ex lege Nemeseos exhibit: Cum historia vera, obviâ rerum satietate & similitudine, animæ humanae fastidio sit; reficit eam *Poësis*, inexpectata, & varia, & vicissitudinum plena canens. Adèò ut *Poësis* ista, non solum ad delectationem, sed etiam ad animi magnitudinem, & ad mores conferat. Quare & meritò etiam divinitatis cuiuspiam particeps videri possit; quia animum erigit, & in sublime rapit; Rerum simulachra ad animi desideria accommodando, non animum rebus (quod ratio facit, & historia,) submittendo. Atque his quidem illecebris, & congruitate, qua animum humanum demulcet, addito etiam consortio Musices, unde suavius insinuari possit, adiutum sibi patefecit, ut honori fuerit etiam sœculis planè rudiibus, & apud Nationes barbaras, cùm aliæ Doctrinæ prorsùs exclusæ essent.

*Dramatica autem Poësis*, quæ Theatrum habet pro mundo, usu eximia est, si sana foret. Non parva enim esse posset Theatri, & Disciplina, & Corruptela: Atque Corruptelarum, in hoc genere, abundè est; disciplina planè nostris temporibus est neglecta. Attamen licet in Rebus p. modernis, habeatur pro re ludicra actio theatralis, nisi forte nimil trahat è Satyra, & mordeat tamen apud Antiquos curæ fuit, ut animos hominum ad virtutem institueret. Quinetiam Viris prudentibus, & magnis Philosophis, veluti animorum plectrum quoddam censebatur. Atque sanè verissimum est, & tanquam Secretum quoddam Naturæ, hominum animos, cùm congregati sint, magis quam

At *Poesis Parabolica*, inter reliquas eminet, & tan-  
 quam res sacra videtur, & augusta ; cùm præsertim  
 Religio ipsa, ejus operâ plerunque utatur, & per  
 eam commercia Divinorum cum humanis exerceat.  
 Attamen & hæc quoque, Ingeniorum circa Allego-  
 rias levitate & indulgentiâ contaminata invenitur.  
 Est autem usus ambigui, atque ad contraria adhibe-  
 tur. Facit enim ad *Involucrum*; facit etiam ad *Illustra-  
 tionem*. In hoc Docendi quædam *Ratio*; in illo *Occul-  
 tandi Artificium* quæri videtur. Hæc autem *Docendi  
 Ratio*, quæ facit ad *Illustrationem*, antiquis sæculis plu-  
 trimùm adhibebatur : Cum enim rationis humanæ  
 inventa, & conclusiones, ( etiam eæ quæ nunc tritæ,  
 & vulgatæ sunt ) tunc temporis novæ & insuetæ es-  
 sent, vix illam subtilitatem capiebant ingenia hu-  
 mana, nisi propius eæ ad sensum per hujusmodi si-  
 mulachra, & exempla deducerentur. Quare omnia  
 apud illos, fabularum omnigenarum, & Parabola-  
 rum, & Ænigmatum, & similitudinum plena fue-  
 runt. Hinc tesseræ Pythagoræ, Ænigmata Sphingis,  
 Æsopi Fabulæ, & similia. Quinetiam Apophtheg-  
 mata veterum Sapientum ferè per similitudines rem  
 demonstrabant. Hinc Menenius Agrippa apud Ro-  
 manos ( Gentem eo sæculo minimè literatam ) sedi-  
 tionem fabulâ repressit. Denique ut Hieroglyphica  
 Literis: ita Parabolæ Argumentis erant antiquiores.  
 Atque hodiè etiam & semper, eximus est, & fuit  
 Parabolarum vigor, cùm nec Argumenta tam per-  
 spicua, nec vera exempla tam apta, esse possint.

Alter est usus Poeseos Parabolice; priori quasi con-  
 trarius, qui facit ( ut diximus ) ad *Involucrum*; earum

nem-

nempererum, quarum dignitas tanquam velo quodam discreta esse mereatur: hoc est, cum occulta & Mysteria Religionis, Politicæ, & Philosophiæ, Fabtilis & Parabolis vestiuntur. Utrum vero fabulis veteribus Poëtarum, subsit aliquis sensus mysticus, dubitationem nonnullam habet: Atque ipsi certe fatemur, nos in eam sententiam propendere, ut non paucis Antiquorum Poëtarum Fabulis, Mysterium infinitum fuisse putemus. Neque nos movet, quod ista pueris ferè, & Grammaticis relinquuntur, & vilescant, ut de illis contemptim sententiam feramus: Quin contrà, cum planè constet scripta illa, quæ fabulas istas recitat, ex Scriptis hominū post literas sacras, esse antiquissima, & longè his antiquiores fabulas ipsas; (etenim tanquam prius creditæ & receptæ, non tanquam excogitatæ ab illis Scriptoribus referuntur) videntur esse instar tenuis cuiusdam auræ, quæ ex traditionibus Nationum magis Antiquarū, in Græcorum fistulas inciderunt. Cum vero, quæ circa harum Paraboliarum interpretationem, adhuc tentata sint, per homines scilicet imperitos, nec ultra locos communes doctos, nobis nullo modo satisfaciant; Philosophiam secundum Parabolas antiquas, inter Desiderata referre visum est. Ejus autem operis Exemplum uitum aut alterum subjungemus. Non quod res sit fortassis tanti, sed ut institutum nostrum servemus. Id hujusmodi est, ut de operibus illis, quæ inter Desiderata ponimus ( si quid paulò obscurius) perpetuò aut precepta ad opus illud instruendum, aut Exempla proponamus: ne quis forte existimet, levem aliquam tantum Notionem, de illis mentem nostram perstrinxisse, nosque Regiones sicut Augures, animo tantum metiri, neque eas ingredien-

di vias nosse. Aliam aliquam partem in *Poesi* desideari non invenimus; quin potius cum planta sit *poeſis*, quæ veluti à terrâ luxuriante, absque certo semine, germinaverit, supra cæteras doctrinas excrevit, & diffusa est. Verùm jam *exempla* proponemus, tria tantum numero, unum è *Naturalibus*, è *Politiciis* unum, atque unum denique è *Moralibus*.

*Exemplum premium Philosophie secundum Parabolam Antiquas, in Naturalibus. De Universo, secundum Fabulum Panis.*

**A**ntiqui generationem *Panis* in dubio relinquunt. Alii enim eum à *Mercurio* genitum; Alii longè alium generationis modum ei tribuunt. Ajunt enim Procos universos cum *Penelope* rem habuisse, ex quo promiscuo concubitu, *Pana* communem filium ortum esse. Neque prætermittenda est tertia illa generationis explicatio: Quidam enim prodiderunt eum *Iovis*, & *Hybreos* (id est, *Contumelie*) filium fuisse. Ut cunque orto, *Parcae* illi sorores fuisse prohibetur, quæ in specu subterraneo habitabant: *Pan* autem morabatur sub *Dio*. Effigies *Panis* talis ab antiquitate describitur; *Cornutus*, *Cornibus* in acutum surgentibus, & usque ad cœlum fastigiatis; corporetoto hispidus & villosus; Barbâ in primis promissâ; figurâ biformis, humanâ quo ad superiora, sed semiferâ & in *Capræ* pedes desinente. Gestabat autem insignia potestatis; sinistrâ fistulam ex septem calamis compactam, dextrâ pedum sive baculum, superius curvū & inflexum. Induebatur *Chlamyde* ex pelle *Pardalis*. Potestates ei & munera hujusmodi attribuuntur, ut sit Deus venatorum, etiam pastorum, & in universum Ruricolarum; Præses item montium. Erat etiā, proxi-

proximus à Mercurio, Nuncius Deorum Habebatur etiam Dux & Imperator Nympharum, quæ circa eum perpetuò Choræas ducere, & tripudiare solebant: Comitabantur & Satyri, & his seniores Sileni. Habebat insuper potestatem terrores immittendi, præsertim inanes & supersticiosos, qui & Panici vocati sunt. Res gestæ autem ejus non multæ memorantur: Illud præcipuum, quod Cupidinem provocavit ad luctā, à quo etiam in certamine vicitus est. Etiam Typhonem Gigantem retibus implicavit & cohibuit. Aque narrant insuper, cùm Ceres mœsta, & ob raptam Proserpinam indignata, se abscondisset; atque Dii omnes ad eam investigandam magnopere incubuissent, & se per varias vias disperiti essent; Pani solummodò ex felicitate quādam contigisse, ut inter venandum eam inveniret, & indicaret Ausus est quoque cum Apolline de victoriâ Musices decertare, atque etiam Mydâ Judice prælatus est; ob quod judium Mydas asininas aures tulit, sed clām & secretō. Amores Panis nulli referuntur, aut saltem admodūm rari; quod mirum, inter turbam Deorum, prorsū tam profuse amatoriam, videri possit. Illud solummodò ei datur, quod Echo adamaret, quæ etiam uxor ejus est habita; atque unam præterea Nympham, Syringam nomine; in quā propter iram & vindictam Cupidinis ( quem ad luctā provocare non reveritus esset ) incensus est. Etiam Lunam quondam in altas Sylvas se vocasse dicitur. Neque etiam prolem ullam suscepit ( quod similiter mirum est, cùm Dii, præsertim masculi, prolifici admodūm essent ) nisi quod ei attribuatur tanquam filia; muliercula quædam ancilla, Iambæ nomine; quæ ridiculis narratiunculis oblectare hospites solebat,

Pan (ut & No men ipsum etiam sonat) *Vniversum*  
*sive Vniversitatem Rerum* repræsentat & proponit. De  
 hujus Origine duplex omnino sententia est, atque ad-  
 eò esse potest. Aut enim à *Mercurio* est, verbo scilicet  
 divino, (quod & *Sacræ Literæ* extra controversiam  
 ponunt; & Philosophi ipsi, qui magis Divini habiti  
 sunt, viderunt) aut ex *confusis rerum Seminibus*. Ete-  
 nim quidam è Philosophis semina rerum etiam sub-  
 stantiā infinita statuerunt; unde opinio de Homo-  
 iomeris fluxit, quam *Anaxagoras* aut invenit, aut ce-  
 lebravit. Nonnulli verò magis acutè & sobriè cense-  
 bant, ad varietatem rerum expediendam sufficere, si  
 semina, substantiā eadē, figuris varia sed certis & de-  
 finitis, essent; & reliqua in positurā & complexu se-  
 minum ad invicem ponebant, ex quo fonte opinio  
 de *Atomis* emanavit, ad quam *Democritus* se applica-  
 vit, cùm *Leucippus* ejus auctor fuisset. At alii, licet unū  
 rerum Principium assererent (*Aquam Thales*, *Aërem*  
*Anaximenes*, *Ignem Heraclitus*) tamen illud ipsum  
 principium actu unicum, potētiā varium & dispen-  
 sabile posuerunt, ut in quo rerum omnium semina  
 laterent. Qui verò materiam omnino spoliatam, &  
 informem, & ad formas indifferente m introduce-  
 runt (ut *Plato* & *Aristoteles*) multò etiam propius &  
 propensiùs, ad parabolæ figuram accesserunt. Posue-  
 runt enim Materiam tanquam publicam *Meretricem*,  
*Formas* verò tanquam *Procos*: Adeò ut omnes ad re-  
 rum principiis opiniones huc redeant, & de illam  
 distributionem reducantur, ut mundus sit, vel à *Mer-  
 curio*, vel à *Penelope* & *Procis* omnibus. Tertia autem  
*Generatio Pánis*, ejusmodi est, ut videantur Græci ali-  
 quid

Quid de Hebræis mysteriis, vel per Ægyptios inter-nuncios, vel utcunque, inaudivisse. Pertinet enim ad statum mundi, non in meritis natalibus suis, sed post lapsum Adami, morti & corruptioni expositum, & obnoxium factum. Ille enim status, Dei, & peccati (sive contumelie) proles fuit, ac manet. Fuit enim peccatum Adami ex genere *Contumeliae*, cum *Deo si-milis fieri vellet*. Itaque triplex ista narratio de *Genera-tione Panis*, etiam vera videri possit, si ritè & rebus & temporibus distinguatur. Nam iste *Pan* (qualem eum nunc intuemur & complectimur) ex *Verbo Divino*, mediante confusa Materiâ (qua tamen ipsa Dei opus erat) & subintrante *Prævaricatione*, & per eam corruptione, Ortum habet.

Naturæ rerum, *Fata* rerum sorores verè perhibentur, & ponuntur. *Fata* enim vocantur, ortus rerum, & durationes, & interitus, atque depressiones etiam, & eminentiæ, & labores, & felicitates, denique conditiones quæcumque Individui: qua tamen nisi in Individuo nobili (utpote homine, aut urbe, aut gente) ferè non agnoscantur. At qui ad istas conditiones tam varias, deducit Individua illa singula *Pan*, Rerum scilicet Natura; ut tanquam eadem sit res (quatenus ad Individua) catena Natura, & filum Parcarum Ad hæc insuper fixerunt Antiqui *Panem* semper sub Dio morari, sed *Parcas* sub specu ingenti subterraneo habitare, atque inde maximâ perniciitate ad homines subito advolare: quia Natura, atque Universi facies, spectabilis est & aperta; at *Fata* Individuorum occulta, & rapida. Quod si *Fatum* accipiatur largius, ut omnem prorsus eventum, non illustriores tantum denotet, tamen utique & eo sensu optimè convenit cum Universitate Rerum; cum ex ordine Naturæ, nil

tam exiguum sit, quod sine causâ fiat; & rursus nil tam magnum, ut non aliundè pendeat; adeò ut fabrica ipsa Naturæ, suo sinu & gremio, omnem eventum & minimum & maximum complectatur; & suo tempore certâ Lege prodat. Itaque nil mirum, si Parcae ut Panis sorores introducere sint, & certè legitimæ. Nā Fortuna Vulgi filia est, & levioribus tantum Philosophis placuit. Sanè Epicurus, non solum profanum instituere sermonem, sed etiam despere videtur, cùm dixit, *Præstare credere fabulam Deorum, quam Fatum asserere, ac si quicquam in universo esse possit instar Insulae*, quod à rerum nexus separetur. Verū Epicurus Philosophiam suam naturalem (ut ex ipsius verbis patet) morali suæ accommodans & subiiciens, nullam opinionem admittere voluit, quæ animum premeret & morderet, atque Euthymiam illam (quam à Democrito acceperat) lacefferet aut turbaret. Itaque suavitati cogitationum indulgens, potius quam Veritatis patiens, planè jugum jactavit, & tam Fati necessitatem, quam Deorum metum repudiavit. Verum de Parcarum germanitatē cū Pene satis dictum est.

*Cornua* autem mundo attribuuntur, ab imo latiora, ad verticem acuta. Omnis enim rerum natura instar Pyramidis acuta est. Quippe Individua, in quibus basis naturæ exporrigitur, infinita sunt; ea colliguntur in species, & ipsas multiplices; species rursus insurgunt in genera, atque hæc quoque ascendendo in magis generalia contrahuntur, ut tandem natura, tanquam in unum coire videatur; quod Figurā illâ Pyramidali Cornuum Panis significatur. Mirum vero minimè est, Panis Cornua etiam cœlum ferire; cùm excelsa naturæ, sive idæ universales, ad Divina quo-dam-

dāmmodo pertingant. Itaque & catena illa Homeri decantata, (causarum scilicet Naturalium) ad pedem Solii Jovis fixa memorabatur; neque quisquam (ut videre est, Metaphysicam, & quae in Naturā æterna, & immobilia sunt, tractavit, atque animūm à fluxu rerū paulisper abduxit; qui non simul in Theologiam Naturalem inciderit; adeò paratus & propinquus est transitus, à vertice illâ Pyramidis, ad Divinæ.

*Corpus autem Naturæ elegantissimè & verissimè* depingitur *Hirsutum*, propter rerum radios. Radii enim sunt tanquam naturæ crines, sive villi: Atque omnia ferè vel magis vel minus radiosa sunt: Quod in facultate visus manifestissimum est; nec minus in omni virtute magneticā, & operatione ad distans. Quicquid enim operatur ad distans, id etiam radios emittere rectè dici potest. Sed maximè omnium prominet *Barba Panis*, quia radii corporum cœlestium, & præcipue Solis, maximè ex longinquo operantur & penetrant; Adeò ut superiora terræ, atque etiam interiora, ad distantiam nonnullam planè verterint & subegerint, & spiritu impleverint. Elegantior autem est figura de *Barba Panis*, quod & Sol ipse, quando parte superiore ejus nube obvoluta, radii inferius erumpunt, ad aspectum *Barbatus* cernitur.

Etiam corpus naturæ rectissimè describitur *Biforme*, ob differentiam corporum superiorum, & inferiorum. Illa enim ob pulchritudinem, & motus æ qualitatem & constantiam, nec non Imperium in terram & terrestria, meritò sub humanâ figurâ representantur; cùm Natura humana ordinis & Dominationis particeps sit: Hæc autem ob perturbationem, & motus incompositos, & quod à cœlesti-

bus in plurimis regantur, bruti animalis figurâ contenta esse possunt. Porrò eadem corporis biformis descriptio, pertinet ad participationem specierum: Nulla enim naturæ species, simplex videri potest, sed tanquam ex duobus participans & concreta. Habet enim homo nonnihil ex bruto, brutum nonnihil ex plantâ, planta nonnihil ex corpore inanimato, omniaque reverâ biformia sunt, & ex specie superiore & inferiore compacta. Acutissima autem est allegoria de *Pedibus Caprae*, propter ascensionem corporum terrestrium, versus regiones aeris & cœli, ubi etiam pensilia fiunt, & inde deiiciuntur, magis quam descendunt. *Capra* enim animal scandorum est, eaque è rupibus pendere, atque in præcipitiis harrere amat; Similiter etiam res, licet inferiori globo destinatae, faciunt, idque miris modis, ut in nubibus & meteoris manifestissimum est. Imò non sine causa *Gilbertus*, qui de Magnete laboriosissime, & secundum viam experimentalem conscripsit, dubitationem injecit; Num non fortè corpora gravia, post longam à terra distantiam, motū versus inferiora paulatim exuant?

*Insignia* autem in manibus *Panis* ponuntur duplia; Alterum *Harmonia*, alterum *Imperii*. *Fistula* enim ex septem calamis, concentum rerum & harmoniam, sive concordiam cum discordia mixtam, (quæ ex septem stellarum errantium motu conficitur,) evidenter ostendit. Neque enim alii, præterquam septem Planetarum, inveniuntur in cœlo errores, sive expatiationes manifestæ, quæ cùm æqualitate stellarum fixarum, earumque perpetua & invariabili ad se invicem distantia compositæ & temperatæ, tum constantiam specierum, tum fluxum individuorum tueri, & cetero possint. Si qui verò sint Planetæ minores,

qui

qui non conspiciuntur; si qua etiam mutatio in cœlo major (ut in Cometis nonnullis superlunaribus) videntur illa profecto tanquam fistulæ , aut omnino muta , aut ad tempstantum streperæ ; utpote quarum operationes vel ad nos non perlabantur , vel harmoniam illam septem fistularum Panis non diu interturbent . Pedum autem illud Imperii , nobilis translatio est , propter vias Naturæ partim rectas , partim obliquas . Atque Baculus ille , sive Virga , versus superiorem partem præcipue curua est , quia omnia providentia divinæ opera in mundo ferè per ambages & circuitus fiunt , ut aliud agi videri possit , aliud revera agatur , sicut Iosephi venditio in Ægyptum , & similia . Quinetiam in regimine humano omni prudentiore , qui ad gubernacula sedent , populo convenientia , per prætextus & vias obliquas felicius quæ volunt , quam ex directo superinducunt & insinuant . Etiam (quod mirum fortasse videri possit) in rebus merè naturalibus , citius Naturam fallas quam premas ; Ad eò , quæ ex directo fiunt , inepta sunt & se ipsa impediunt ; cum contraria , via obliqua & insinuans molliter fluat , & affectu sortiatur . Vests Panis & amiculum , ingeniosè admodum ex Pelle Parvulus fuisse fingitur , propter maculas ubique sparsas . Cœlum enim stellis , maria insulis , tellus floribus consperguntur ; Atque etiam res particulares ferè variegatae esse solent circa superficiem , quæ veluti Rei Chlamys est .

Officium autem Panis , nulla alia re , tam ad vivum proponi atque explicari potuerit , quam quod Deus Venatorum sit . Omnis enim naturalis actio , atq; ad eò motus & progressio , nihil aliud quam Venatio est . Nā & Scientiæ & artes opera sua venantur , & consilia

humana fines suos; atque res naturales omnes vel alimenta sua, ut conserventur, vel voluptates & delicias suas, ut perficiantur, venantur. (omnis siquidem venatio est aut prædæ, aut animi causâ;) idque modis peritis & sagacibus,

*Torva Leæna lupum sequitur, lupus ipse Capellam,  
Florentem Cythisum sequitur lasciva Capella.*

Etiam Ruricolarum in genere Pan Dene est, quia hujusmodi homines magis secundū naturam vivant, cùm in urbibus & aulis, natura à cultu nimio corrumpatur, ut illud Poetæ amatorium, verum, propter hujusmodi delicias, etiam de Naturâ sit,

---- Pars minima est ipsa puella sui.

Montium autem imprimis Praeses dicitur Pan, quia in montibus & locis editis natura rerum panditur, atq; oculis & contemplationi magis subiicitur. Quod alter à Mercurio Deorum nuncius sit Pan, ea allegoria planè divina est, cùm proximè post Verbum Dei, ipsa mundi imago, divinæ potentiae & sapientiae præconium sit. Quod & Poëta divinus cecinit, Cœli enarrant gloriam Dei, atque opera manuum ejus indicat firmamentum.

At Panæ oblectant Nymphae, animæ scilicet : Deliciae enim mundi animæ viventium sunt. Hic autem meritò illarum Imperator, cùm illæ Naturam quæq; suam tanquam ducem sequantur, & circa eum infinità cum varietate, veluti singulæ more patrio, saltet, & chorées ducant, motu neutiquam cessante. Itaque acutè quidam ex recentioribus, facultates animæ omnes, ad motum reduxit, & nonnullorum ex antiquis fastidium & præcipitationem notavit, qui memoriam, & phantasiam, & rationem, defixis præperè oculis intuentes & contemplantes, vim cogitativam,

tivam, quæ primas tenet, prætermiserunt. Nam & qui meminit, aut etiam reminiscitur, cogitat, & qui imaginatur, similiter cogitat; & qui ratiocinatur, utique cogitat: Denique anima, sive à sensu monita, sive sibi permissa, sive in functionibus intellectus, sive affectuum & voluntatis, ad modulationem cogitatum saltat; quæ est illa Nymphaeum tripudatio. Una verò perpetuò comitantur *Satyri* & *Sileni*, senectus scilicet & juventus. Omnia enim rerum est ætas quædam hilari & motu gaudens, atque rursus ætas tarda & bibula: Utriusque autem ætatis studia, verè contemplati fortassis ridicula, & deformia videantur, instar *Satyri* alicujus aut *Sileni*. De *Panicis* autem *Terroribus* prudentissima Doctrina proponitur. Natura enim rerum omnibus viventibus indit metum & formidinem, vitæ atque essentiae suæ conservatricem, ac mala ingruentia vitantem & repellentem. Veruntamen eadem Natura modum tenere nescia est, sed *timoribus* salutaribus semper vanos & inanes admiscet; adeò ut omnia ( si intùs conspici darentur ) *Panicis terroribus* plenissima sint; præfertim humana; & maximè omnium apud vulgum, qui superstitione ( quæ verè nihil aliud quam *Panicus terror* est ) in immensum laborat & agitatur, præcipue temporibus duris, & trepidis, & adversis. Neque superstitio ista tantummodò in vulgo regnat, sed ab opinionibus vulgi etiam in sapientiores aliquando insilit, ut divinè *Epicurus* ( si cætera quæ de Diis disseruit ad hanc normam fuissent ) locutus sit: *Non deos vulgi negare profanum, sed vulgi opiniones Diis applicare profanum.*

Quod verò attinet ad *Audaciam Panis*, & *Pugnam per provocationem* cum *Cupidine*; id è spectat, quia materia

materia non caret inclinatione & appetitu ad dissolutionem mundi, & recidivationem in illud Chaos antiquum, nisi prævalidâ rerum concordiâ (per Amorem sive Cupidinem significatâ) malitia & impetus ejus cohiberetur, & in ordinem compelleretur. Itaque bono admodum hominum & rerum fato sit (vel potius immensâ bonitate divinâ) ut *Pan* illud certamen adversum experiatur, & victus abscedat. Eodem prorsus pertinet, & illud de *Typhone* in *retibus* implicato, quia utcunque aliquando vasti, & insoliti rerum tumores sint, (id quod *Typhon* sonat) sive intumescent maria, sive intumescent nubes, sive intumescat terra, sive alia, tamen rerum natura hujusmodi corporum exuberantias atque insolentias, reti in extricabili implicat & coercet, & veluti catenâ adamâtinâ devincit.

Quod autem *Inventio Cereris* huic Deo attribuitur, idque inter venationem; reliquis autem Diis negetur, licet sedulò quærentibus, & illud ipsum agentibus; monitum habet verum admodum & prudens: hoc scilicet, ne rerum utilium ad vitam & cultum inventio, à Philosophiis abstractis, tāquam Diis majoribus expectetur, licet totis viribus in illud ipsum incumbant; sed tantum modò à *Pane*, id est, experientiâ sagaci, & rerum mundi notitiâ universalî; quæ etiam casu quodam, ac veluti inter venandum in hujusmodi inventâ incidere solet. Utilissima enim quæque inventa experientiæ debentur, & veluti donaria quædam fuere casu in homines sparsa.

Illud autem *Musices certamen*, ejusque eventus, salutarem exhibit Doctrinam, atque eam quæ rationi & judicio humano gestienti, & se efferenti, sobrietatis vincula iniicere possit. Duplex enim videtur esse  
Harmo-

Harmonia, & quasi *Musica*, altera Sapientiæ divinæ, altera Rationis humanæ. Judicio enim humano, ac veluti auribus mortalium, administratio mundi & rerum, & Judicia divina secretiora, sonant aliquid durum, & quasi absolum: Quæ inscitia, licer *Afinis* *Auribus*, meritò insigniatur, tamen & illæ ipsæ aures, secretò non palam gestantur. Neque enim hujuscè rei deformitas à vulgo conspicitur aut notatur.

Postremò minimè mirum est, si nulli *Amores Panis* attribuantur, præter *Conjugium Ecclias*; Mundus enim se ipso, atque in se rebus omnibus fruitur: Qui amat autem, frui vult, neque in copia desiderio locus est. Itaque Mundi *Amores* esse nulli possunt, nec potius di Cupido, (cùm se ipse contentus sit,) nisi fortassis *Amores Sermonis*. Ii sunt *Nympha Echo*, Res non solida, sed vocalis, aut si accuratiiores sint, *Syringa*, quando scilicet verba, & voces, numeris quibusdam, sive Poëticis, sive Oratoriis, & tanquam modulamine, reguntur. Inter sermones autem sive voces, excellenter ad conjugium mundi sumitur sola *Echo*: Ea enim demùm vera est Philosophia, quæ mundi ipsius voces fidelissimè reddit, & veluti dictante mundo conscripta est; & nihil aliud est quam ejusdem simulachrum & reflexio; neque addit quicquam de proprio, sed tantum iterat, & resonat. Nam quod *Luna* *Pan* in altas sylvas aliquando se vocasset, videtur pertinere ad congressum sensus, cum rebus cœlestibus, sive divinis. Nam alia est *Endymionis* ratio, alia *Panis*: Ad *Endymionem* dormientem sponte se demittit *Luna*; siquidem ad intellectum sopitum, & à sensibus abductum, quandoq; sponte influunt divina: Quod si accersantur & vocentur à sensu, tanquam à *Pane*, tum verò non aliud lumen præbent, quam illud,

*Quale*

*Quale sub incertam Lunam sub luce malignâ  
Est iter in Sylvis - - - - -*

Ad mundi etiam sufficientiam & perfectionem pertinet, quod prolem non edat. Ille enim per partes generat; per totum quomodo generare possit, cum corpus extra ipsum non sit? Nam de *Muliercula illâ Lambe*, *Filiâ Panis putativâ*, est sanè ea adjectio quædam ad fabulam sapientissima. Per illam enim representantur eæ, quæ perpetuis temporibus passim vagantur, atque omnia implent, vaniloquæ de rerum naturâ doctrinæ, re ipsâ instructuosæ, Genere quasi subdititiæ, garrulitate verò interdum jucundæ, interdum molestæ & importunæ.

*Exemplum alterum Philosophia, secundum parabolas  
antiquas, in Politicis. De Bello secundum  
fabulam Persei.*

**P**erseus, Orientalis cum fuisset, missus traditur à Pallade, ad obtruncandam Medusam, quæ populis plurimis ad Occidentem, in extremis Iberie partibus, maximæ calamitati fuit. Monstrum enim hoc, alias crudele & immane, etiam aspectu tam dirum atque horrendum fuit, ut eo solo homines in saxa viceret. Erat autem, à Gorgonibus una Medusa, ac sola inter eas mortal is, cum reliquæ passivæ non essent. Perseus igitur ad tam nobile facinus se comparans, armâ ac donâ à tribus Diis mutuò accepit; Alas à Mercurio, talares scilicet non axillares; à Plutone autem Galeam; Scutum denique à Pallade & Speculum. Neque tamen (licet tanto apparatu instructus,) ad Medusam rectâ perrexit, sed primum ad Graes divertit; Eæ sorores, ex alterâ parente, Gorgonibus erant; Atque Grae istæ canæ etiam à nativitate erant, & tanquam vetulæ. Oculus autem

autem iis tantummodo & dens erat omnibus unicus, quos prout exire foras quamque contigerat, vicissim gestabant, reversi autem deponere solebant. Hunc itaque oculum, atque hunc dentem illæ Perseo commodarunt. Tum demum, cum se abunde ad destinata perficienda instructum judicaret, ad Medusam prope ravit, impiger & volans. Illam autem offendit dormientem, neque tamen aspectui ejus ( si forsan evigilaret ) se committere audebat, sed cervice reflexa, & in Speculum illud Palladis inspiciens, atque hoc modo ictus dirigen<sup>s</sup> caput Medusæ abscidit : Ex sanguine autem ejusdem, in terram fuso, statim Pegasus Alatus emicuit: transtulit & caput autem abscissum Perseus in Scutum Palladis inseruit, cui etiam num suu mansit vis, ut ad eius intuitum omnes ceu attoniti aut siderati obrigerent.

Fabula conficta videtur de belligerandi ratione & prudentia: Atque primò omnis belli susceptio debet esse tanquam Missio à Pallade; non à Venere certè ( ut bellum Trojanum fuit) aut alià levi ex causâ; quippe cum in Consiliis solidis, Decreta de bellis fundari oporteat. Deinde de Genere Belli eligendo, tria propo nit fabula præcepta, sana admodum & gravia: Primū est, ut de subjugatione Nationum finitimarum quis non magnoperè laboret: Neque enim eadem est Patrimoniī, & Imperii amplificandi ratio: Nam in possessiōnibus privatis, vicinitas Prædiorum spectatur, sed in propagando Imperio, Occasio, & Belli conficiendi facilitas, & fructus, loco vicinitatis esse debent. Itaq; Perseus, licet Orientalis, tamen tam longinquam expeditionem, usque ad extremum Occidentem, minimè detrectavit. Hujus rei exemplum insigne est in belligerandi diversa ratione patris & filii Regum, Philippi &c

& *Alexandri*. Ille enim in finitimis bellis occupatus, urbes paucas Imperio adjecit, idque non sine maxima contentione & periculo; quippe qui & alias, & præcipue in *Prælio Charoneo*, in ultimum discrimen adductus fuit: At *Alexander* longinquam expeditiōnem benè ausus in *Persas*, Nationes infinitas subjugavit, magis itineribus quam præliis fatigatus. Hoc ipsum adhuc clariū cernitur, in propagatione *Imperi Romanorum*, qui, pro tempore ex parte *Occidentis*, vix ultra *Liguriam* armis penetraverant, eodem tempore *Orientis* provincias usq; ad *Montem Taurum* Armis & Impetū complexi sunt. Etiam *Carolus Octavus Rex Galliae*, *Bellum Britanicum* (quod matrimonio tandem compositum est) non admodum facile expertus, expeditionem illam *Neapolitanam* longinquā, admirandā quādam facilitate & felicitate transegit. Habent certē hoc bella longinqua, ut cum iis manus conseratur, qui *Militiae* & *Armis* invasoris minimē sint assueti, quod in finitimis secū se habet. Etiam & apparatus in hujusmodi expeditionibus solet esse diligentior & instructior; & terror apud hostes ex ipso ausu & fiduciā major. Neque etiam ferē possit fieri in illis expeditionibus remotis, per hostes, ad quos tam longo itinere pervenitur, diversio aliqua aut invasio reciproca, quæ in belligandi ratione cum finitimis, sœpius adhibetur. Caput autem rei est, quod in subjugandis finitimis, Occasionum delectus in angusto versatur; at si quis longinquiora non detretet, poterit pro arbitrio suo eò transferre bellum, ubi aut disciplina militaris maximē est enervata, aut vires nationis plurimū attritæ & consumptæ, aut dissidia civilia opportunē oborta, aut aliae hujusmodi commoditates se ostendant. Secundum est, ut semper

per subsit *Causa Belli* justa, & pia, & honorifica, & favorabi is: Id enim alacritatem, tum militibus, tum populis impensas conferentibus, addit, & societates aperit & conciliat, & plurimas denique commoditates habet. Inter causas autem belli, admodum favorabilis est ea, quæ dicit ad debellandas tyrannides, sub quibus populus succumbit, & prosternitur sine animis & vigore, tanquam sub *Aspectum Medusæ*; quod etiam *Herculi* Divinitatem conciliavit. Romanis certè magna religio fuit, strenuè & impigrè accurrere ad socios tuendos, si quoquo modo oppressi fuissent. Etiam bella ob vindictam justam ferè semper felicia fuerunt, sicut bellum adversus *Brutum* & *Caſium*, ad vindicandam mortem *Cæſaris*; *Severi* ad vindicandam mortem *Pertinacis*; *Iunii Bruti* ad vindicandam mortem *Lucretiæ*; Denique quicunque bello calamitates, hominum & injurias, aut levant, aut vindicant, sub *Perſeo* militant. Tertium ut in omni bello suscipiendo vera sit *Aſtimatio virium*; atque rectè perpendatur, utrum bellum sit tale, quod confici & ad exitum perduci possit, ne quis vastas & infinitas spes persequatur. Prudenter n. *Perſeus* inter *Gorgonas* (per quas bella repræsentantur) eam de legit, quæ in suâ naturâ mortalis erat, neque ad impossibilia animum adjectit. Atque de iis, quæ in suscipiendo bello deliberationem subeunt, hæc præcipit fabula, reliqua ad beligerationem ipsam pertinent.

In bello maximè omnium prosunt illa tria *Dona Deorum*, adeò ut Fortunam ipsam ferè regant & trahant. Accepit enim *Perſeus* Celeritatem à Mercurio, Occultationem Consiliorum ab Orco, & Providentiam à Pallade: Neque caret allegoriâ, eaque prudentissimâ, quod Alæ illæ Celeritatis in rebus conficiendis (cùm

Celeritas in bello plurimum possit ) *Talares*, non *A-xillares* fuerint, atque pedibus non humeris additæ; quia nō tām in primis belli aggressibus, quām in iis, quæ sequuntur, & primis subsidio sunt, Celeritas requiritur. Nullus enim error in bello magis frequens fuit; quām quod prosecutiones, & subsidiarii impetus, initiorum alacritati non respondeant. At *Galea Plutonis* ( quæ homines invisibiles reddere solebat ) manifesta parabola est. Nam *Consiliorum Occultatio* post celeritatem, maximi ad bellum est momenti. Cujus etiam Celeritas ipsa pars magna est. Celeritas enim consiliorum evulgationem prævertit. Ad *Galeam Plutonis* spectant, ut unus bello præsit, cum mandatis liberis; Consultationes enim cum multis, habent aliquid potius ex *Crisis Martis*, quām ex *Galea Plutonis*. Eodem spectant prætextus varii, & designationes ancipites, & famæ emissariæ, quæ oculos hominum aut perstringunt, aut avertunt, atque vera consiliorum in obscuro ponunt. Etiam cautiones diligentæ & suspicaces, de literis, de legatis, de perfugis, & complura alia *Galeam Plutonis* ornant, & revinciunt. At non minus interest, *Consilia Hostium* explorare, quām sua occultare Itaque *Galea Plutonis* adjungendum est *Speculum Palladis*, per quod hostium vires, inopia, occulti fautores, dissidia & factiones, progressus, consilia cernantur. Quoniam verò tantum fortitorum suscipit bellum, ut nec in consiliis propriis occultandis, nec in hostium explorandis, nec in celeritate ipsâ, multum fiduciae ponendum sit, ideo antè omnia sumendum *Palladis Scutum*, *Providentia* scilicet, ut quām minimum *Fortunæ* relinqatur. Huc pertinent, exploratò vias inire, Cästra diligenter munire ( quod in militia moderna in desuetudinem

tudinem ferè abiit; Castra verò instar urbis munitæ, Romanis ad adversos prælii eventus erant) acies stabilis & ordinata, non nimirum fidendo cohortibus levis armaturæ, aut etiam equitum turmis; denique omnia quæ ad solidam & sollicitam Defensivam spe-  
ctant, cùm plus valeat utique in Bellis *Scutum Palladii*, quām *Gladius ipse Martis*. Verùm Perseo utcunq; copiis aut animis instructo, restat alind quidpiam, maximi per omnia momenti, antequam bellum incipiatur: Nimirūm, ut divertat ad Graecos. Graeci autem proditiones sunt, bellorum scilicet sorores, non Germanæ illæ quidem, sed generis nobilitate quasi impares. Bella enim generosa, proditiones degeneres & turpes. Earum descriptio elegans est, ut *Cane* à nativitate sint, & tanquam *Vetulae*, propter perpetuas proditorum curas, & trepidationes. Earum autem vis (antequam in manifestam defectionem erumpant) aut in *Oculo*, aut in *Dente* est. Omnis enim factio, à statu quoipiam alienata, & in proditionem propensa, & speculator, & mordet. Atque hujusmodi *Oculus* & *Dens* tanquam *communis* est; nam quicquid didicerunt & noverunt, ferè per manus ab una ad alteram transit & percurrit. Et quod ad *Dentem* attinet, uno quasi ore mordent, & eadem scandalum jactant; ut si unam audias, omnes audias. Itaque Perseo sunt istæ Graecæ conciliandæ, atq; in auxilium adducendæ, præsertim ut *Oculum* & *Dentem* suum ei commodent; *Oculum* ad indicia; *Dentem* ad rumores ferendos, & invidiam conflandam, & animos hominum sollicitandos. Postquam verò omnia bene sint ad bellum preparatæ disposita, illud imprimis curandum, quod Perseus fecit, ut *Medusa dormiens* inveniatur. Prudens enim belli susceptor semper ferè hostem affequitur

imparatum , & securitati propiorem. Denique in ipsis belli actionibus atque insultibus , ille *Intuitus* in *Speculum Palladis*, adoperandus est. Plurimi enim ante ipsa pericula res hostium acutè & attentè introspicere possunt ; at in ipso Periculi articulo , aut terrore offunduntur, aut pericula nimium præcipites & à fronte spectant; unde in illa temerè ruunt, vincendi memores, vitandi obliiti. At neutrum horum fieri debet, sed in *Speculum Palladis*, *cervice reflexâ* inspicendum, ut impetus rectè dirigatur , absque vel terrore, vel furore-

A bello perfecto & victoriâ , sequuntur effecta duo ; *Pegasi illa Generatio & Excusatio*, quæ satis evidenter *Famam* denotat, quæ per omnia volat , & victoriâ celebrat, & reliquias belli faciles, & in votum cedentes efficit. Secundum, *Gestatio Capitis Medusæ* in *Scuto*; siquidem nullum præsidii genus huic ob præstâtiā comparari possit. *Vnicum enim facinus insigne & memorabile*, feliciter gestum & perpetratum , omnes hostium motus obrigescere facit , atque malevolentiam ipsam stupidam reddit.

*Exemplum tertium Philosophiae secundum parabolas antiquas, in Moralibus. De Cupiditate, secundum fabulam Dionysi.*

**N**Arrant *Semelem Iovis* pellicem , postquam iuramento eum inviolabili , ad votum indefinitum obstrinxisset, petiisse, ut ad amplexus suos accederet talis, qualis cum *Iunone* consuēset. Itaq; illa ex conflagratione petiit. Infans autem, quem in utero gestabat, à Patre exceptus, in femur ejus insutus est, donec menses fœtui destinatos compleret. Ex quo tam non onere *Jupiter* interim non nihil claudicabat. Itaque

que Puer, quod Jovem, dum in femore ejus portaretur, gravaret & pungeret, Dionysi nomen accepit. Postquam autem editus esset; apud Proserpinam per aliquot annos nutritus est; cum vero adultus esset, ore ferè muliebri conspiciebatur, ut sexus videretur tanquam ambigui. Etiam extinctus & sepultus quodam erat ad tempus, & non ita multò post revixit. Atque prima juventà vitis culturam, atque adeò vini confectionem & usum primus invenit, & edocuit; ex quo celebris factus, & inclytus, orbem terrarum subjugavit, & ad ultimos Indorum terminos perrexit. Curru autem vehebatur à Tigribus traxto; circa eum subsultabant Demones deformes, Cobali vocati, Aceratus & alii. Quin & Musæ comitatui ejus se adjungebant. Uxorem autem sibi sumpsit Ariadnem, à Theseo desertam & relictam. Arbor ei sacra erat Hedera. Etiam sacrorū & ceremoniarum inventor & institutor habebatur; ejus tamen generis, quæ & fanaticæ erant, & plenæ corruptelarum, atque insuper crudeles. Furores quoque immittendi potestatem habebat. Certè in Orgyis ejus, à mulieribus furore percitis, duo viri insignes discepti narrantur, Pentheus & Orpheus: Ille dum arbore consensa spectator eorum, quæ agerentur, curiosus esse voluisse; Hic cum lyram suaviter & peritè pulsaret. Atque hujus Dei res gestæ, cum Iovis rebus ferè confunduntur.

Fabula videtur ad *mores* pertinere, ut vix quicquā in Philosophia Morali, Melius inveniatur. Describitur autem sub Personā Bacchi, Natura Cupiditatis, si-  
ve affectuum & perturbationum animi. Primum igitur, quod ad Natalia Cupiditatis attinet; Origo Cu-  
piditatis omnis, licet nocentissimæ, non alia est, quam Bonum Apparens. Sicut enim virtutis mater est bo-  
num

num existens, similiter cupiditatis mater est bonum apparens. Altera *Iovis* (sub cuius personā anima humana repræsentatur) uxor legitima, altera pellex: quæ tamen *Iunonis* honores æmuletur, tanquam *Semele*. Concipitur vero *Cupiditas* in *voto illicito*, priùs temere conceitto, quam ritè intellesto & judicato. Atque postquam effervescere cœperit, Mater ejus (natura scilicet & species boni) ex nimio incendio destruitur & perit. Processus autem cupiditatis à conceptu suo talis est: Illa ab *animo humano* (qui ejus est genitor) & nutricatur, & occultatur, præcipue in inferiore parte ejus, tanquam femore; atque animum pungit, & convellit, & deprimit, adeò ut actiones & decreta ab eâ impediantur, & claudicent. Quinetiam postquam consensu & tempore cōfirmata est, & in actus erumpit, ut jam quasi *menses compleverit*, & edita planè sit atque nata, priuò tamen ad tempus nōnullum apud *Proserpinam* educatur, id est, *latebras querit*, atque clandestina est, & quasi subterranea; donec remotis pudoris & metus frānis, & coalitā audaciā, aut virtutis alicujus prætextum sumit, aut infamiam ipsam contemnit. Atque illud verissimum est, omnem affectum vehementiorem tanquam *ambigui sexus* esse. Habet enim *impetum virilem, impotentiam autem muliebrem*. Etiam illud præclarè, *Bacchum mortuum reviviscere*: Videntur enim affectus quandoque sopiti, atque extinti, sed nulla fides habenda est eis, ne sepultis quidem: siquidem præbita materiā, & occasione, resurgunt.

*De Inventione Vitis* parabola prudens est: Omnis enim affectus ingeniosus est admodum & sagax, ad investigandum ea, quæ ipsum alant & foveant. At qui ante omnia, quæ hominibus innotuere, *Vinum ad pertur-*

perturbationes cujuscunque generis, excitandas & inflammandas, potentissimum est, & maximè efficax, atque est Cupiditatibus in genere, instar somnis communis. Elegantissimè autem ponitur *Affectus* sive *Cupiditas*, *Provinciarum Subjugator*, & expeditionis infinitæ susceptor: Nunquam enim partis acquiescit, sed appetitu infinito, neque satiabili, ad ulteriora tendit, & novis semper inhiat. Etiam *Tigres* apud *Affectus stabulant*, & ad *Currum* eorum subinde jugantur. Postquam enim *Affectus Curulis* esse cœperit, non pedestris, sed vicerationis, & quasi *Triumphator* factus sit, in omnes, qui adversantur aut se opponunt, crudelis est, & indomitus, ac immensis. Facetum autem est quod circa *Currum Bacchi* subsultant illi *Dæmones* deformes & ridiculi. Omnis enim affectus vehementior prosignit motus, in *Oculis*, & *Ore ipso*, & *Gestu*, indecoros & inconditos, subsultorios & deformes; adeò ut qui sibi ipsi fortassè in aliquo affectu (veluti irâ, arrogantiâ, amore) videatur magnificus & tumidus, aliis tamen appareat turpis & ridiculus. Conspiciuntur autem in *Cupiditatis comitatu* *Musa*. Neque enim reperitur ullus ferè affectus, tam pravus & vilis, cui non blandiatur aliqua docttina. Hac enim in re, ingeniorū indulgentia & procacitas, Mufarum Majestatem in immensum minuit; ut cum duces vitæ, & signiferi esse debeat, sint non raro Cupiditatum pedissequæ, & oblectatrices.

In primis vero nobilis est illa Allegoria, *Bacchum amores* suos in eam effuditisse, quæ ab alio *relicta* erat & fastidita. Certissimum enim est, affectus id petere atque ambire, quod *Experiencia* jam pridem repudiavit. Atque nō sint omnes, qui affectibus suis servientes & indulgentes, pretium potiundi in immen-

sum augent ( sive honores appetant, sive amores, sive gloriā, sive scientiam, sive alia quæcunque ) se res relietas petere, & à compluribus, per omnia ferè secula, post experimentum, dimissas & repudiatas. Neque Mysterio caret, quod *Hedera Baccho* sacra fuerit; hoc enim dupli modo convenit; primū, quod *Hedera* byeme virescat; deinde, quod circa tot res (arbores, parettes, ædificia) serpat, ac circumfundatur, & se attollat. Quod ad primum enim attinet, omnis *Cupiditas* per *Renitentiam*, & *Vetitum*, & tanquam *Antiperistasis* ( veluti per frigora *Brumæ Hedera* ) virescit, ac vigorem acquirit: Secundò, *Affectus* aliquis in humānā animā prædominians, omnes ejus actiones & decreta, tanquam *Hedera circumsepit*; neque ferè quicquam purum invenias, quo illa Claviculas suas non imprimat. Neque mirum est, si *Superstitiosi Ritus Baccho* attribuantur, cùm omnis ferè *male-sanus affectus* in *pravis Religionibus luxurietur*, adeò ut *Hæreticorum colluvies Bacchanalia Ethnicorum superarunt*; quorum etiam superstitiones, non minus cruentæ quam turpes extiterunt. Neque itidem mirum est, si *Furores à Baccho immitti* putentur, cùm & omnis *Affectus in excessu suo*, veluti *Furor brevis sit*, & si vehementius obsideat & incumbat, in *Insaniam* sèpius terminetur. Illud autem de *Pentheo & Orpheo* inter *Orgia Bacchi* laceratis, evidentem Parabolam habet; cum affectus quisque prævalidus erga duas res sit asperrimus atque infensissimus; quarum altera est *Inquisitio in eum curiosa*, altera, *Admonitio salutaris & libera*. Neque auxilio fuerit, si illa inquisitio fiat tantum contemplationis aut spectandi gratiā, tanquam arbore consensā, absque omni animi malignitate: Neque parsus si admonitio illa, multā cum suavitate & dexteritate.

teritate adhibeat; Verum utcunque non tolerant  
Orgya aut Pentheum aut Orpheum. Postremo, illa Con-  
fusio Personarum Iovis & Bacchi, ad Parabolam recte  
traduci potest; quandoquidem *Res gestae nobiles*, &  
clarae, atque merita insignia & gloriofa, interdum à  
Virtute & rectâ ratione & magnanimitate, interdum  
autem à latente affectu & occultâ Cupiditate (utcun-  
que famæ & laudis celebritate utraq; res pariter gau-  
deat) proveniant; ut non facile sit distinguere facta  
Dionysij à factis Iovis.

Verum in Theatro nimis diù moramur; transea-  
mus ad Palatum Animi; cujus limina majori cum  
veneratione & curâ, ingredi convenit.

FRANCISCI  
BARONIS DE  
VERULAMIO,  
VICE-COMITIS SANCTI  
ALBANI,

*De Dignitate & Augmentis Scientiarum.*

LIBER TERTIUS,

AD REGEM SVVM.

CAP. I.

*Partitio Scientie in Theologiam & Philosophiam. Par-*  
*titio Philosophie in Doctrinas tres; De Numine, de Na-*  
*turâ, de Homine. Constitutio Philosophiae Primæ,*  
*et Matris communis omnium.*

**H**istoria omnis (Rex optime) humi incedit, &  
Ducis potius officio, quam Lucis perfungi-  
tur: Poësis autem doctrinæ tanquam somniū:

Res dulcis, & varia, & volens videri aliquid in se habere Divini; quod etiam somnia vendicant. Verum jam tempus est mihi, ut evigilem, & me humo attollam, *Philosophiae & Scientiarum* liquidum æthera secans.

*Scientia aquarum* similis est: Aquarum aliæ descendunt cœlitùs, aliæ emanantè terrā. Etiam *Scientiarum* primaria partitio sumenda est ex fontibus suis: Horū alii in alto siti sunt, alii hīc infrā. Omnis enim *Scientia* duplē sortitur informationem Una inspiratur divinitūs, altera oritur à sensu. Nam quantum ad illam, quæ *Docendo* infunditur, *Scientiam*; *Cumulativa* ea est, non *Originalis*; sicut etiam sit in aquis, quæ præter fontes primarios, ex aliis rivulis in se receptis, augescūt. Partiemur igitur *Scientiam*, in *Theologiam*, & *Philosophiam*. *Theologiam* hīc intelligimus *Inspiratam* sive *Sacram*, non *Naturalem*, de qua paulò post dicturi sumus. At illam (*Inspiratam* nimirūm) ad ultimum locum reservabimus, ut cum eā sermones nostros claudamus; cùm sit porci, & *Sabbathum* humanarum contemplationum omnium.

*Philosophie* autem Objectum triplex, *Dens*, *Natura*, *Homo*: Et triplex itidem *Radius Rerum*; *Natura* enim percutit intellectum *Radio directo*; *Deus* autem, propter medium inæquale (Creaturas scilicet) *Radio refracto*; *Homo* verò, sibi ipsi monstratus & exhibitus, *Radio reflexo*. Convenit igitur partiri *Philosophiam* in *Doctrinam* tres; *Doctrinam de Numinе*, *Doctrinam de Naturā*, *Doctrinam de Homine*. Quoniam autem Partitiones *Scientiarum*, non sunt lineis diversis similes, quæ coēunt ad unum angulum; sed potius ramis arborum, qui conjunguntur in uno truncō, (qui etiam trunc-

truncus ad spatiū nonnullū integer est & continuus, antequam se partiatur in ramos;) idcirco postulat res, ut priusquam prioris partitionis membra persequamur, constituatur una *Scientia Universalis*, quae sit Mater reliquarum, & habeatur in progressu Doctrinarum, tanquam portio viæ communis, antequā viæ se separent, & disiungant. Hanc *Scientiam Philosophiae primæ*, sive etiam *Sapientię* (quae olim *Rerum Divinarum atque humanarum Scientia definiebatur*) nomine insignimus. Huic autem *Scientię* nulla alia opponitur; cum ab aliis *Scientiis*, potius limitibus, intra quos continetur, quam rebus & subiecto differat, fastigia scilicet rerum tantummodo tractans. Hanc ipsam utrum inter *Desiderata* reponere oporteat, hæsito; sed arbitror tamen ponē debere. Equidem invenio farraginem quandam, & massam inconditam *Doctrinę*, ex *Theologia Naturali*; ex *Logica*, ex partibus quibusdam *Physice*, veluti de *Principiis*, & de *Anima*, compositam, & congestam, & sublimitate quādam sermonis, Hominum qui seipso admirari amant, tanquam in Vertice Scientiarum collocatam. Nos verò, misso fastu, id tantum volamus, ut designetur aliqua *Scientia*, quae sit Receptaculum *Axiomatum*, quae particularium Scientiarum non sint propria, sed pluribus earum in commune competant.

Plurima autem id genus *Axiomata* esse nemo ambigat. Exempli gratiā, Si inæqualibus æqualia addas, omnia erunt inæqualia: Regula est ex *Mathematicis*: Eadem & in *Ethicis* obtinet, quatenus ad *Justitiam Distributivam*; Siquidem in *Justitiâ Commutativa*, ut Paria Imparibus tribuantur, Ratio *Æquitatis* postulat; at in *Distributiva*, nisi *Imparia Imparibus*

bus præstentur, iniquitas fuerit maxima. *Quæ in eodem tertio conveniunt, & inter se conveniunt:* Regula est itidem ex Mathematicis; Verùm simul tām potens in Logicā, ut Syllogisma sit Fundamentum. Naturā se potissimum prōdit in minimis: Regula est in Physicis, tām valida, ut etiam Democriti Atomos produxerit; Veruntamen eam rectē adhibuit Aristoteles in Politicis, qui Contemplationem Reip. orditur à familiā. *Omnia mutantur, nil interit:* Regula itidem in Physicis; hoc modo prolata; *Quantum Naturæ, nec minuitur, nec augetur:* Eadem competit Theologiae Naturali, sic varia-ta; *Omnipotentiæ sunt opera:* Aliquid ex nihilo facere, & aliquid in nihilum redigere: *Quod etiam Scriptura testatur, Didici, quod omnia opera, quæ fecit Deus, perseverent in perpetuum, non possumus eis quicquam addere, nec auferre.* Interitus rei arcetur per reductionem ejus ad principia: Regula est in Physicis; Eadem valet in Politicis, (ut rectē notavit Machiavellus) cūm illa, quæ interi-tum Rerump. maximè prohibent, nihil aliud ferē sint, quam reformatio earū, & reductio ad antiquos mores. *Putredo serpens, magis contagiosa est, quam matura;* Regula est in Physicis; eadem insignis etiam in Moralibus; cūm Homines profligatissimi, & maximè facinorosi, minus corruptelæ inferant publicis Moribus, quam quialiquid videntur habere sanitatis & virtutis, & ex parte tantum mali sunt. *Quod conservativum est forme majoris, id activitate potentius:* Regula est in Physicis: Etenim, ut non absindatur ipse rerum nexus, nec detur (ut loquuntur) vacuum, facit ad conservandam fabricam Universi: Ut vero grayia congregentur ad massam terræ, facit ad conservan-dam tantum regionem densorum. Itaque prior mo-tus posteriorem domat. Eadem tenet in Politicis: Nam quæ

quæ faciunt ad conservandam ipsam Politiam in suâ Naturâ, validiora sunt, quâm quæ ad Bene esse Particularium in Rep. membrorum conducunt. Similiter eadem locum habet in *Theologia*. Etenim in Theologicis virtutibus, Charitas, quæ est virtus maximè communicativa, præ reliquis omnibus eminet. Augetur vis agentis per *Antiperistastin Contrarii*: Regula est in *Physicis*; Eadem mira præstat in *Politico*; cùm omnis factio, ex contrariâ in gruente, vehementer irritetur. Tonus discors in concordem actutum desinens, Concentrum commendat: Regula est *Musicæ*; Eadem in *Ethicis*, & *Affectibus* obtinet. Tropus ille Musicus, à clausulâ aut *Cadentiâ* (quam vocant) cùm jamjam adesse videatur, placide elabendi; cōvenit cum Troppo Rhetorico Expectationem eludendi. Fidium sonus tremulus, eandem affert auribus voluptatem, quam Lumen, Aquæ aut Gemmæ insiliens, Oculis;

--- *Splendet tremulo sub lumine Pontus.*

Organa Sensuum cum Organis Reflexionum convenient: Hoc in *Perspectivâ* locum habet; Oculus enim similis speculo, sive aquis; Et in *Acousticâ*; Instrumentum enim auditus obici intra cavernam simile. Hæc pauca enumerasse sufficiet ad exempla. Quinimò *Magia Persarum* (quæ in tantum est celebrata) in eo potissimum versabatur, ut architecturas & fabricas, rerum naturalium, & civilium, symbolizantes notaret. Neque hæc omnia, quæ diximus, & alia hujus generis, similitudines meræ sunt (quales hominibus fortassis parum perspicacibus videri possint) sed planè una, eademque nature vestigia aut signacula, diversis materialiis, & subjectis impressa. Atque hæc res adhuc sedulò tractata non est. Invenias fortassis in scriptis, quæ ab ingeniis celsioribus promanarunt hujusmodi

Axiomata raro & sparsim inserta, ex usu Argumenti quod tractant: Corpus verò aliquod talium Axiomatum, quæ vim habeat quandam primitivam, & summariam ad Scientias, nemo composuit; cùm tamen sit res ejusmodi, quæ insigniter Naturam unam faciat; quod Philosophie primæ munus esse autemant.

Est & alia hujus Philosophiae primæ pars, quæ, si ad vocabula respicias, vetus est; si ad rem, quam designamus, nova. Est autem Inquisitio de Conditionibus adventitiis Entium, (quas Trascendentes dicere possumus) Pauco, Multo; Simili, Diverso Possibili, Impossibili; etiam Ente, & Non Ente, atque ejusmodi. Quandoquidem enim ista sub Physica propriè non cadant, Dissertatio autem Dialectica circa ea, magis ad argumentandi rationes, quam ad rerum existentiam sit accommodata; consentaneum omnino est, ut hæc Contemplatio (in quâ nō parum est dignitatis & utilitatis) haud deferatur prorsus, sed in scientiarum partitionibus, nonnullum saltem inveniat locum: Veruntamen hoc intelligimus fieri debere, longè alio, quam quo tractari solet, modo. Exempli gratia: Nemo, qui de Multo & Pauco verba fecit, hoc egit, ut causa reddatur, cur alia in Naturâ, tam numerosa & ampla sint, & esse possint, alia tamen rara & modica: Non certè fieri non potest, ut in Rerum Naturâ, tanta sit copia auri, quanta ferri, tanta rossæ, quanta graminis, tanta specificati, quanta non specificati. Similiter, Nemo, qui de Simili & Diverso differuit, satis explicavit, cuius quasi perpetuò inter species diversas, interponantur Participia quædam, quæ sunt speciei ambiguæ, veluti muscus inter putredinem & plantam, pisces qui hærent & loco non moventur, inter plantam & animal, forices, & mures, & alia nonnulla, inter animalia ex putre-

putredine & ex semine prognata, vespertiliones inter aves & quadrupedes, pisces volantes, (qui jam notissimi sunt) inter aves & pisces: Phocæ inter pisces & quadrupedes, & alia hujusmodi. Neque rursus causam indagavit quispiam, cur cum *similia similibus gaudent*, ferrum ferrum non trahat, quod magnes facit neque aurum ipsum aurum, licet argentum vivum alliciat, Circa hæc, & similia, in Disceptatione de *Transcendentibus* illis, altum est silentium: Orationis enim apices, non rerum subtilitates secuti sunt homines. Quamobrem horum *Transcendentium*, sive *Conditionum Entium adventitiarum* inquisitionem veram, & solidam, secundum naturæ, non sermonis leges, *Philosophiam primam* recipere volumus. Atque de *Philosophia prima* (sive de *Sophia*) quam inter *Desiderata* haud immerito retulimus, hæc dicta sint.

## C A P. II.

*De Theologia Naturali: & Doctrina de Angelis  
& Spiritibus, quo ejusdem est  
Appendix.*

**C**ollocata igitur suâ in sede, *Communi Scientiarum Parente*, instar Berecynthiæ tantâ gaudentis cœlesti sobole;

Omnes Cœlicolas, omnes Superalta tenentes; Revertamur ad partitionem illam trium *Philosophiarum*, *Divinæ*, *Naturalis*, & *Humanae*. Nam *Theologia Naturalis*, *Philosophia etiam Divina* rectè appellatur. Definitur autem hæc, ut sit talis *Scientia*, seu potius *Scientie* scintilla, qualis de Deo haberi potest, per lumen Naturæ, & Contemplationem Rerum creatarum: & ratione Objecti, sanè *Divina*, ratione informationis, *naturalis* censeri potest. Hujus *Scientiae* limites ita

verè

verè signantur, ut ad Atheismum confutandum, & convincendum, & ad legem naturæ informandam, se extendant; ad religionem autem astruendam non proferantur. Quamobrem nec Deus unquam edidit miraculum, quo converteretur Atheus; quia poterat ipso naturæ Lumine ad notitiam Dei perduci; verùm miracula ad convertendos idololatras & superstitiones designata sunt, qui Numen agnoverunt, sed in Cultu ejus aberrarunt; quoniam non sufficit Lumē Naturæ, Dei voluntati declarandæ, aut Cultui ejus legitimo prodendo. Sicut enim Opificis potentiam & peritiam ostendunt opera ejus, imaginem autem minimè; sic Opera Dei, Conditoris omni potentiam & Sapientiam ostendunt, Imaginem ejus haudquam depingunt. Atque hâc in re, Ethnicorum opinio à sacrâ veritate recedit. Illi siquidem Mundum Imaginem Dei statuebant, Hominem Mundi. At Sacrae Literæ haud tali honore Mundum dignantur, ut Dei uspiam Imago dicatur, sed solummodo Opus Manuum ejus; Hominem vero Imaginem Dei immediatè substituunt. Quocircà, quod sit Deus, quod rerum habendas tractet, quod summè Potens, quod Sapiens & Præscius, quod Bonus, quod Remunerator, quod Vindex, quod Adorandus, etiam ex operibus ejus demonstrari, & evinci potest: & admirabilia complura secreta circa attributa ejus, & multò magis circa regimen, & dispensationem super universum, etiam sobriè ex iisdem elici & manifestari queunt; estque istud argumentum à nonnullis utiliter pertractatum. Verùm ex intuitu rerum naturalium, atque humanae ratiōnis principiis, de fidei mysteriis vel ratiocinari, vel etiam suadere vehementius, aut rursùs ea curiosius introspicere, & ventilare, &

de mo-

de modo Mysterii inquirere, haud tutum meo iudicio fuerit. *Da Fidei, quæ Fidei sunt.* Nam vel Ethnici, in illustri illâ & divinâ, de aureâ catenâ, fabulâ, hoc ipsum concedunt, quod Ioyem de Cœlo ad Terras deducere nec homines potuerunt, nec Dii; è contrario, quod Iupiter pertrahere eos potuerit è Terra ad Cœlum. Quare frustrâ sudaverit, qui cœlestia Religionis arcana, nostræ rationi adaptare conabitur: Decebit potius mentes nostras ad cœlestis veritatis Thronum adorandum attollere. In hâc igitur parte *Theologiae Naturalis*, tantùm abest, ut defecatum aliquem obseruem, ut excessum potius reperiam; ad quem subnotandum paulùm sum digressus, propter maxima incommoda & pericula, quæ ex eo tum Religioni, tum Philosophiae impendent; utpote qui & Religionem Hæreticam procudet, & Philosophiam Phantasticam & Superstitiosam.

Secùs est, quod ad *Angelorum & Spirituum Naturam* attinet, quæ nec inscrutabilis est, nec interdicta; Ad quam etiam, ex affinitate, quam habet cum animâ humanâ, Aditus magnâ ex parte est patefactus. Præcipit certè Sacra Scriptura; *Nemo vos decipiatur in sublimitate sermonum, & religione Angelorum*, ingerens se in ea, quæ non novit. Attamen si hoc monitum diligenter perpendas, duo duntaxat in eo vetita reperies; Adorationem scilicet, qualis Deo debetur, Angelorum, & fanaticas de iis opiniones, vel ultra creaturæ sortem eos efferentes, vel ampliorem de iis cognitionem, quam quis reverâ adeptus sit, venditantes. Cæterum sobria circa illos inquisitio, quæ vel per rerum corporearum scalam; ad eorum naturam per noscendam ascendat; vel in animâ humanâ, veluti in Speculo, eam intueatur, neutquam prohibetur.

Idem de *Spiritibus* statuendum *Immundis*, qui à statu suo deciderunt. Consortium cum iis, atque usus operæ eorum, illicitus est, multò magis qualiscunq; cultus vel Veneratio. At contemplatio & cognitio illorum naturæ, potestatis, illusionum, non solum ex locis Scripturæ Sacræ, sed ex ratione, aut experientiâ, haud postrema pars est sapientiæ spiritualis. Sic certè Apostolus, *Stratagematum ejus non ignari sumus.* Ac non minus Dæmonum Naturam investigare in *Theologiâ Naturali* conceditur, quam Venenorum in *Physicâ*, aut Visiorum in *Ethicâ*. Hanc autem Scientiæ partem de *Angelis & Dæmonibus*, inter Desiderata numerare non licet, quippe quæ ab haud paucis sit tentata: Æquius esset, ut Scriptorum in hoc genere pars haud parva, aut vanitatis, aut superstitionis, aut subtilitatis inutilis, arguantur.

## C A P. III.

*Partitio Naturalis Philosophiæ in Speculativam & Operativam: quodque ille due, & in Intentione Tractantur, & in Corpore Tractatus segregari debeant.*

**M**issa igitur *Theologia Naturali* (cui inquisitio nem de *Spiritibus*, ut appendicem attribuimus) accedamus ad secundam partem; videlicet illam de *Natura*, sive *Philosophiam Naturalem*. Optimè Democritus; *Scientia de Natura*, in profundis Mineris, sive Puteis latere demersam. Non male Chymici; *Vulcanum* alteram Naturam esse, quinetiam id celeriter perficere, quod Naturam per ambages, & temporis moras solet. Quidni igitur *Philosophiam* in duas partes secemus, *Fodinam* & *Fornacem*; & duo constituamus *Philosophorum Munera*, *Operarios in Mineris*, & *Fabros?* Sanè utcunque videamur

deamur hæc per lusum loqui; tamen hujus generis partitionem utilissimam esse censemus, cum proponetur vocabulis familiaribus & scholasticis; hoc est, ut dividatur *Doctrina de Natura*, in *inquisitionem causarum, & productionem effectuum; Speculativam & operativam*. Altera Naturæ viscera perscrutatur, altera Naturam veluti super incudem efformat. Neque me fugit quām arcto copulentur vinculo; *Causa & efficiens*, ut explicationem eorum aliquatenus conjungi sit necesse. Attamen quandoquidem omnis solida & fructuosa *Naturalis Philosophia*, duplificem adhibeat scalam, eamque diversam; *Ascensoriam & Descensoriam*; Ab *Experiencia* ad *Axiomata*, & ab *Axiomatibus* ad *nova Inventiones*; consultissimum judico, ut hæc duæ Partes, *Speculativa & Operativa*, & in intentione Tractantis, & in corpore Tractatus, separentur.

## C A P I T U L U M IV.

*Partitio doctrinæ speculativæ de Naturâ, in Physicam Specialem, & Metaphysicam: quarum Physica Causam Efficientem & Materiam; Metaphysica Causam Finalem & Formam inquirit. Partitio Physicæ in doctrinas de Principiis rerum, De fabricâ rerum siue de mundo, & de varietate rerum. Partitio Physicæ de varietate rerum, in doctrinam de Concretis, & doctrinam de Abstractis. Partitio doctrinæ de Concretis, rejecitur ad easdem partitiones, quas suscepit historia naturalis. Partitio doctrinæ de Abstractis in doctrinam de Schematismis Materiæ, & doctrinam de Motibus. Appendices due Physicæ speculativæ, Problemata naturalia, placita antiquorum Philosophorum, Partitio Metaphysicæ, in doctrinam de Formis, & doctrinam de Causis Finalibus.*

**N**aturalis *Philosophie* partem, quæ *Speculativa* est, & *Theorica*, in *Physicam Specialem, & Metaphysi-*

cam dividere placet. Atque in hâc partitione atten-  
dant homines nos vocabulum *Metaphysicæ* usurpare,  
sensu, à recepto & vulgato, discrepanti. Hic autem  
locus admonendi videtur, de nostro, in genere, circa  
usum vocabulorum, instituto. Id hujusmodi est, ut  
tâm in præmisso vocabulo *Metaphysicæ*, quâm in aliis,  
ubi conceptus & notiones nostræ novæ sunt, & à re-  
ceptis recedunt, maximâ certè cum Religione anti-  
quâ vocabula retineamus. Cùm enim futurum spe-  
remus, ut ordo ipse, & dilucida rerum explicatio, quâ  
subjungere conamur, nos à pravâ vocabulorum (qui-  
bus utimur) intelligentia liberent; in cæteris omni-  
nò avemus ( quatenus sine veritatis ac scientiarum  
dispendio fieri possit ) vel minimum, ab antiquorum  
aut opinionibus, aut loquendi more deflectere. Quâ  
in re Aristotelis confidentiam proinde subit mirari,  
qui impetu quodam percitus contradictionis, & bel-  
lum universæ Antiquitati indicens, non solum nova  
artium vocabula pro libitu crudendi licentiam usur-  
pavit; sed etiam priscam omnem sapientiam extin-  
guere & delere annis us est. Adeò ut neque nominet  
nspiam authores antiquos, neq; dogmatum eorum  
mentionem ullam faciat, nisi quod aut homines per-  
stringeret, aut placita redargueret. Sanè si famam no-  
mini suo, ac sequacium turbam affectaverit, hoc ra-  
tionibus suis imprimis accommodatum. Siquidem  
in veritate Philosophicâ asserendâ, & recipiendâ, idē  
contingit, quod in veritate divinâ; *Veni in nomine Pa-*  
*tris, net recipi me, si quis venerit in nomine suo, eum re-*  
*cipiet.* Sed ex hoc cœlesti Aphorismo, si quem præ-  
cipue designaverit, spectemus; (nempe Antichristum  
omnium sæculorum Impostorem maximum) colli-  
gere licet, istud ipsum, *Venire in nomine suo, nullâ An-*  
*tiqui-*

tiquitatis, aut ( si ita loqui licet ) Paternitatis habitâ ratione, rem mali ominis esse ad veritatem ; utcunq; eam s̄aepenumerò comitetetur illa fortuna, Eum recipietis. Cæterū de viro tam eximio certè, & ob acutum ingenii mirabili , Aristotele, crediderim facile hanc ambitionem eum à discipulo suo accepisse, quē fortassè æmulatus est ; ut si ille omnes nationes, hic omnes opiniones subigeret, & Monarchiam quādam in contemplationibus sibi conderet. Quanquā fieri possit, ut apud aliquos tetricos, & linguae acerbæ simili cum discipulo suo titulo insigniretur.

*Felix terrarum prædo, non utile mundo*

*Editus exemplum : -----*

Eodem modo,

*Felix doctrinæ prædo, &c.*

Nobis verò ex alterà parte , ( quibus, quantum calamovalemus, inter vetera & nova in literis , fœdus & commercium contrahere , cordi est ) decretum manet, Antiquitatem comitari usque ad aras ; atque vocabula antiqua retinere, quanquam sensum eorum & definitiones s̄aepius immutemus ; Secundū moderatum illum & laudatum , in Civilibus , novandi modum, quo rerum statu novato , verborum tamen solennia durent ; quod notat Tacitus ; *Eadem magistrum vocabula.*

Redeamus igitur ad acceptiōnem vocabuli *Metaphysicæ*, nostro sensu. Patet ex iis , quæ suprà dissenserimus, disjungere nos *Philosophiam primam à Metaphysicā*, quæ hactenūs pro re eādem habitæ sunt. Illam *Communem Scientiarum parentem*, hanc *Naturalis Philosophicæ portionem posuimus. Atqui Philosophicæ prime communia & promiscua Scientiarum Axiomata affinavimus. Etiam Relativas, & Adyentitias Entium Con-*

*ditiones* (quas *Transcendentes* nominavimus) *Multum*, *Paucum*; *Idem*, *Diversum*; *Possibile*, *Impossibile*; & hoc genus *reliqua*, *eidem* attribuimus; id solummodo *cavendo*, ut *Physicè*, non *Logicè* tractentur. At *inquisitionem de Deo, Vno, Bono, Angelis, Spiritibus*, ad *Theologiam Naturalem* retulimus. Meritò igitur quæri posfit, quid tandem sit, quod *Metaphysicæ* relinquatur? Certè ultra *Naturam* nihil, sed *ipius Naturæ* pars multò *præstantissima*. Atque profectò, citra *veritatis dispendium*, huc usque de *yeterum sententiâ respondere* liceat, *Physicam* ea tractare, quæ penitus in *Materiâ* mersa sunt, & *Mobilia*; *Metaphysicam Abstracta* magis, & *Constantia*. Rursùs *Physicam* in *Naturâ* supponere existentiam tantùm & motum & naturalem necessitatem: At *Metaphysicam* etiam mentem & *Idæam*. Nam huc fortè redit ea, quam dicemus, res. Verùm nos eam, missâ sermonis sublimitate, perspicuè & familiariter proponemus. Partiti sumus *Naturalem Philosophiam*, in *causarum inquisitionem*, & productionem effectuum. *Inquisitionem Causarum* in *Theoricam* coniecimus. Eam in *Physicam* & *Metaphysicam* partiti sumus. Ergo necesse est, ut vera differentia harum sumatur ex *naturâ causarum*, quas inquirunt. Itaque absque aliquâ obscuritate, aut circuitione, *Physica* est, quæ inquirit de *Efficiente* & *Materiâ*, *Metaphysica*, quæ de *Forma* & *Fine*.

*Physica* igitur, *Causarum* vaga, & incerta, & modo subjecti, *mobilia* complectitur; *causarum* constantiam non assequitur.

*Limus ut hic durescit, & hac ut cera liquefacit,*

*Vno eodemque igne. -----*

*Ignis duritiei causa*, sed in *limo*; *Ignis colligationis causa*, sed in *cerâ*. Partiemur autem *Physicam* in do-

*ctrinas*

etrias tres. *Natura* enim aut collecta in unum ; aut fusa & sparsa est. Colligitur vero in unum *Natura*, aut propter communia rerum omnium principia ; aut propter unicam integralem universi fabricam. Itaque haec *Vno Naturae* duas peperit *Physicæ* partes : unam de principiis rerum ; alteram de fabrica *Vniversi*, sive de mundo, quas etiam *Doctrinas de summis* appellare consuevimus. *Tertia doctrina* ( quæ de *Naturæ sparsâ* sive fusâ tractat ) omnimodum rerum varietatem, & summas minores exhibet. Ex his igitur patet tres omnino reperiri *doctrinas Physicas*. *De Principiis Rerum*; *De Mundo* sive *de Fabricâ Rerum*; & de *Naturæ multiplici* sive *sparsâ*; quæ postrema ( ut diximus ) omnimodum rerum varietatem continet; estque veluti glossa prima , aut Paraphrasis circa *Naturæ interpretationem*. Harum trium partium desideratur totaliter nulla ; Ceterum quam verè & solidè tractentur, non est hic definiendi locus.

At *Physicam sparsam* sive de varietate rerum, rursus in duas partes dividimus ; *Physicam de Concretis*, & *Physicam de Abstractis*; sive *Physicam de Creaturis*, & *Physicam de Naturis*. Altera (ut Logicis vocabulis utamur) inquirit de substantiis, cum omni varietate suorum accidentium : Altera de accidentibus, per omne varietatem substantiarum. Veluti, si inquiratur de leone, aut queru , illa complura diversa *accidentia sufficiunt*: Contrà, si inquiratur de calore, aut gravitate, illa plurimis distinctis substantiis insunt. Cum vero omnis *Physica*, sita sit in medio , inter *Historiam Naturalem* & *Metaphysicam* ; Prior pars ( si recte advertas ) *Historie Naturali* propior est, posterior *Metaphysicæ*. *Physica* autem *Concreta* eandem subit divisionem, quam *Historia Naturalis*; ut sit vel circa *Cœlestia*; vel circa *Meteora*; vel circa *Globum terræ & Maris*; vel circa *Col-*

*ca Collegia majora, quæ Elementa vocant; vel circa Col-*  
*legia minora, sive Species; etiam circa Preter-genera-*  
*tiones; & circa Mechanica.* Etenim in hisce omnibus,  
*Historia Naturalis factum ipsum perscrutatur & re-*  
*fert; at Physica itidem Causas: sed intellige hoc de*  
*Causis fluxis, materia scilicet & Efficiente.* Inter hasce  
*Physicæ portiones, manca prorsùs & imperfæta est ea,*  
*quæ inquirit de Cœlestibus, cùm tamen propter nobil-*  
*itatem subjecti præcipuae hominibus curæ esse de-*  
*beret. Etenim Astronomia fundata est in Phænomenis*  
*non malè; sed humilis est, & minimè etiam solida; At*  
*Astrologia in plurimis etiam fundamento caret. Certè*  
*Astronomia talem offert humano intellectui victimā,*  
*qualem Prometheus olim, cùm fraudem Jovi fecit:*  
*Adduxit ille, loco bovis veri, pellem bovis, grandis &*  
*pulchri, stramine, & foliis, & viminibus suffarcina-*  
*tam. Exhibit similiter & Astronomia, exteriora Cœle-*  
*stium (Astrorum dicimus numerum, situm, motus,*  
*periodos) tanquam pellem Cœli, pulchram, & in Sy-*  
*stemata fabrè concinnatam: At viscera desunt (ratio-*  
*nes nempe Physicæ) ex quibus (Hypothesibus Astrono-*  
*micis adjunctis) eruatur Theoria; non quæ Phæno-*  
*menis tantum satisfaciat, (cujus generis complures*  
*ingeniosè configi possent,) sed quæ substantiam,*  
*& motum, & influxum Cœlestium, prout reverà*  
*sunt, proponat. Explosa enim ferè jam pridem sunt*  
*illa; Raptus primi mobilis; & Soliditas Cœli (stellis in*  
*Orbibus suis tanquam clavis in laquearibus infixis.)*  
*Nec multò melius asseritur; Quod sint diversi Poli Zo-*  
*daci & Mundi; Quod sit Secundum Mobile Reniten-*  
*tiæ in adversum primi mobilis raptūs; Quod omnia*  
*in Cœlo ferantur per Circulos perfectos; Quod sint Ex-*  
*centrici, & Epicycli, quibus motuum in Circulis perfe-*  
*ctis*

etis Constantia servetur; Quod à Lunâ in superius nulla sit *Mutatio*, aut *Violentia*, & hujusmodi. Atque harum suppositionum absurditas, in motum terræ diurnum (quod nobis constat falsissimum esse) homines impegit. At vix quisquam est, qui inquisivit causas *Physicas*, tum de *Substantiâ Cœlestium* tam Stellari, quam interstellaris, tum de *Celeritate & Tarditate Corporum Cœlestium* ad invicem, tum de *Incitatione Motū diversā* in eodem Planetā, tum de *Motuum Consecutione* ab Oriente in Occidentem, aut è contraria, deque *Progressionibus*, *Stationibus*, & *Retrogradationibus*, tum de *Motuum Sublatione*, & *Casū*, per Apogæa & Perigæa, tum de *Motuum Obligatione*, vel per spiras se versus *Tropicos* texendo & retexendo, vel per situationes, quas Dracones vocant, tum de *Polis Ratiōnum*, cur magis in tali parte cœli siti sint, quam in aliâ tum de *Alligatione quorundam Planetarum* ad Distanțiam certam à Sole: Hujus, inquam, generis inquisitione vix tentata est, sed in *Mathematicis* tantum *Observationibus & Demonstrationibus* insudatur. Eæ autem ostendunt, quomodo hæc omnia ingeniosè concinnari & extricari possint, non quomodo verè in Naturâ subsistere. Et motus tantum apparentes, & machinam ipsorum fictitiam, & ad placitum dispositam, non causas ipsas, & veritatem rerum indicant. Quocirca non malè *Astronomiæ*, qualis nunc habetur, inter Artes *Mathematicas*, nō sine dignitatis suæ dispensio numeratur; cum debeat potius, si proprias partes tueri velit, constitui *Physicæ* pars quasi nobilissima. Quicunque enim *Superlunarium & Sublunarium* conficta divortia contempserit, & *Materiæ Appetitus & Passiones* maximè *Catholicas*, (quæ in utroque globo validæ sunt, & universitatem rerum transverberant)

benè perspexerit; is ex illis, quæ apud nos cernuntur, luculentam capiet de *Rebus Cœlestibus* informationē, & ab iis è contrâ, quæ in Cœlo fiunt, haud pauca de *Motibus Inferioribus*, qui nunc latēt, perdiscet; non tantū quatenus hi ab illis regantur, sed quatenus habeant passiones communes. Quamobrem hanc partē *Astronomiæ*, quæ *Physica* est, desiderari statuimus. Eam *Astronomiam vivam* nominabimus, ad differentiam bovis illius Promethei, suffarcinati, & solummodo figurâ tenus bovis.

At *Astrologia* multâ superstitione referta est, ut vix aliquid sanum in eâ reperiatur. Attamen eam potius expurgandam, quam prorsùs abiiciendam esse censemus. Quod si quis hanc scientiam, non in ratione, aut *Contemplationibus Physicis*, sed in cœcâ experientia, & complurium sæculorum observatione, fundatam esse contendat, ideoque *Rationum Physicarum* examen rejiciat, quod jactabant Chaldæi, is eâdem operâ & Auguria revocet, & Aruspinciam, & exta, & omnigenas fabulas deglutiat: Nam & hæc omnia, ut diutinæ experientiæ, & per manus traditæ disciplinæ, dicitamina fuisse asserebantur. Nos verò, & ut *Physicæ* portionem *Astrologiam* recipimus, & non plusei, quā ratio & rerum evidētia concedit, tribuimus; demptis superstitionibus & commentis. Ut verò rem paulò attentiùs introspiciamus; Primo, quam inane illud commentum; Quod singuli *Planetae* viciſſim per horas regnent, ut spatio virginī quatuor horarum, regna sua ter repetant, præter horas tres supernumerarias? Attamen hoc commentum nobis divisionē hebdomadæ ( rem tam antiquam, & tam latè receptam ) peperit; ut ex alternatione dierum manifestissimè patet; cum in principio diei ſequentis, regnet semper

semper Planeta, à Planetâ prioris diei, Quartus; propter tres illas horas, quas diximus supernumerarias. Secundò, pro commento vano reilicere non dubitamus, doctrinam de thematibus Cœli, ad puncta temporis certa, cum distributione domorum; ipsas scilicet Astrologiae delicias, quæ Bacchanalia quædam in Cœlestibus exercuerunt: Nec satis mirari possumus, viros quosdam egregios, & in Astrologia Principes, tam levi ad ista astruenda argumento innixos esse: Ajunt enim, quandò illud prodat experientia ipsa, Solstitia, Aequinoctia, Novilunia, Plenilunia, & hujusmodi stellarum Revolutiones majores, manifestò & insigniter operari super corpora naturalia; necesse esse, ut positura stellarum magis exactæ & subtiliores, effectus quoque magis exquisitos & occultiores producant. Illi verò seponere primò debuerant, operationes solis per calorem manifestum; & similiter Luna vim quandam Magnetcam, super incrementa æstuum semimensemtrua: (Nam fluxus & refluxus maris quotidianus alia res est:) his verò depositis, reliquias Planetarum vires super Naturalia (quatenus experientiâ comprobantur) tenues admodum, & infirmas, & quasi latitantes reperient, etiam in Revolutionibus Majoribus. Quare contrario prorsùs modo concludere debuerant; nimirum cùm revolutiones illæ majores tam parum possint; Exactas ilias & minutis positurarum differentias nihil omnino virium obtainere. Tertiò fatalia illa, quod hora nativitatis aut conceptionis fortunam fœtus regat, hora inceptionis fortunam incepti, hora quæstionis fortunam rei inquisitæ, atque (ut verbo dicamus) doctrinas de nativitatibus, electionibus, & quæstionibus, & istiusmodi levitates, maximâ ex parte, nihil certi aut solidi habere, & rationibus physicis planè redargui & evinci,

vinci, judicamus. Illud igitur magis attinet dicere, quid tandem in *Astrologia* retineamus, aut probe-  
 mus? Atque in iis, quæ probamus, quid desideremus? Nam hujus postremæ rei gratiâ (nempe ejus quod  
 desideratur) sermonem hunc instituimus, cùm aliæ  
 censuris (ut sèpè diximus) non vacemus. Atque in-  
 ter recepta certè, doctrinam de revolutionibus, plus sa-  
 nitatis, quām reliqua habere censemus. Verùm id o-  
 ptimum factu foret, si Regulas quasdcim præscriba-  
 mus, ad quarum trutinam & normam, *Astrologia* ex-  
 aminentur; ut utilia retineantur, reiiciantur inania.  
 Prima ea sit, de quā jam antè monuimus, revolutiones  
 majores retineantur, valeant minores horoscoporum & do-  
 rum. Ille instar tormentorum grandium ictus suos  
 à longinquo jacere queant, hæ tanquam arcus mino-  
 res spatio evadere & vites deferre non possunt. Se-  
 cunda est; operatio cœlestium in corpora omnigena non  
 valet, sed ratiū in teneriora, qualia sunt humores, aëris,  
 & spiritus: Atque hic tamen excipimus operationes  
 caloris, solis & cœlestium, qui & ad metalla, & ad  
 plurima subterranea proculdubio penetrat. Tertia  
 est: Omnis operatio cœlestium, potius ad massas rerum ex-  
 tenditur, quam ad individua: Obliquè tamen pervenit  
 etiam ad individua nonnulla: Illa scilicet, quæ ex in-  
 dividuis ejusdem speciei sunt maximè passibilia, &  
 tanquam cera mollior, veluti cùm constitutio aëris  
 pestilens, corpora minus resistentia occupat, magis  
 resistentia præterit. Quarta est præcedenti non diffi-  
 milis: Omnis operatio cœlestium, non in puncta temporum,  
 aut angustias minutas, sed in spatio majora defluit & do-  
 minatur: Itaque prædictiones de temperaturis anni,  
 veræ esse possint, de diebus singulis, pro vanis merito  
 habentur. Postrema est, (quæ etiam prudentioribus

Àstrologis semper placuit ) quod nulla insit Astris fa-  
talis necessitas ; sed quod inclinent ea potius, quām co-  
gant. Addimus & illud, (in quo in partes Astrologiæ, si  
fuerit emendata, non obscurè venire videbimur ) ni-  
mirūm quod nobis pro certo constet, cœlestia in se  
habere alios quosdam influxus , præter Calorem &  
Lumen. Qui tamen ipsi, secundūm regulas illas, quas  
jam posuimus, & non aliter, valent. Verū illi in in-  
timā Physicā latent , & longiorem dissertationem po-  
stulant. Visum est igitur nobis (his, quæ diximus, ritè  
perpensis ) inter Desiderata reponere Astrologiam his  
principiis nostris consentaneam ; Atque sicut Astro-  
nomiam, quæ physicis rationibus nitatur , Astronomiā  
Vivam nominavimus ; ita & Astrologiam , quæ per eas-  
dem regitur, Astrologiam Sanam appellare placet. Cir-  
ca quam recte consciendam , licet ea quæ diximus  
non parūm profutura sint ; pauca tamen addemus,  
more nostro, quæ liquid proponent , & ex quibus  
sit coagmentanda ; & ad quæ adhibenda. Primo in A-  
strologiam Sanam recipiatur doctrina de commixtioni-  
bus radiorum, conjunctionibus scilicet & oppositioni-  
bus, & reliquis Syzygiis, sive Aspektibus Planetarum  
inter se : Planetarum autem, per Signa Zodiaci Pertran-  
situs, & Locationem sub iisdem Signis, etiam huic parti,  
de commixtionibus radiorum, assignamus : Locatio  
enim planetæ sub signo, est conjunctio quædam ejus-  
dem cum stellis signi : Quinetiam sicut conjunc-  
tiones, ita & oppositiones , & reliquæ Syzygiæ Planetarum  
erga stellas signorum notandæ sunt, quod adhuc plenē  
factum non est. At commixtiones radiorum stella-  
rum fixarum ad invicem, utiles quidem sunt ad con-  
templationem de fabricâ mundi, & regionum subja-  
centium Naturâ; ad prædictiones minimè, quia sem-  
per

per eodem modo se habent. Secundò recipiantur *Acessiones* singulorum Planetarum propriùs ad Perpendiculum, aut *Recessiones* ab ipso, secundum Regionum climata: Habent enim Planetæ singuli, non minus quam Sol, suas æstates, hyemes, in quibus fortius aut infirmius radios jacent, propter rationem perpendiculi Etenim nobis dubium non est, quin Luna posita in Leone, fortius operetur super corpora naturalia, apud nos, quam posita in piscibus: Non quod luna sub leone ad cor respiciat, sub piscibus ad pedes (sicut fabulantur;) sed propter elevationem versus perpendiculum, & approximationem ad stellas maiores, eādem prorsus ratione, quam & Sol. Tertio recipiantur *Apogea & Perigea* Planetarum, cum debitâ disquisitione, ad quæ pertineat Planetæ vigor in seipso, ad quæ *Vicinitas* ad nos. Planeta enim in Apogeo, sive exaltatione suâ, magis alacer est; in Perigœo autem, sive casu suo, magis communicat. Quarto recipiantur (ut summatim dicamus) omnia reliqua *Accidentia motus* Planetarum; quales singulorum in itinere suo *accelerationes, retardationes, progressus, stationes, Retrogradationes*, quales *distantiae à Sole, combustiones, augmenta & diminutiones luminis, eclipses, &c.* si quæ sint alia? Etenim faciunt hæc omnia, ut Planetarum radii, vel fortius, vel debilius diversis denique modis & virtutibus, operentur. Alque quatuor ista ad *Radiationes Stellarum* spectant. Quintò recipiantur, quæ Naturas stellarum, sive erraticarum, sive fixarum, in propriâ suâ *Essentiâ, & activitate, referare & detegere* ullo modo queant; Qualis *magnitudo*; Qualis *color* & *assettus*: Qualis *scintillatio & vibratio* luminis: Qualis *situs versus polos, aut Äquinoctium*: Quales *Asterismi*; quæ aliis stellis magis immixtae, quæ magis solitariae:

ria: quæ superiores, quæ inferiores; quæ ex fixis intra vias Solis & Planetarum (Zodiacum scilicet,) quæ extra: quis ex Planetis velocior, quis tardior, quis moveatur in Ecliptica, quis pervagetur in latitudine: quis possit esse retrogradus, quis minimè, quis patiatur omnimodam distantiam à Sole, quis alligetur: quis moveatur celerius in Apogeo, quis in Perigeo: Denique Anomalia Martis, expatiatio Veneris, & Labores sive Passiones admirandæ, quæ non semel & in Sole, & in Venere deprehensæ sunt, & si quæ sint alia? Postremò recipiantur etiam ex traditione, naturæ & inclinationes Planetarum particulares; atque etiam stellarum fixarum; quæ, quandoquidem magno consensu tradantur, non leviter (præterquam ubi cum Physicis rationibus planè discordant) rejiciendæ sunt. Atque ex talibus observationibus coagmentatur Astrologia sana; & secundum eas tantum, schemata cœli & componere & interpretari, oportet.

Adhibetur autem Astrologia sana: Ad prædictiones fidentius, ad electiones cautiùs, ad utraque autem intra terminos debitos. Prædictiones fieri possint, de Cometis futuris, qui (ut nostra fert conjectura) prænunciari possunt, & de omni genere Meteororum, de diluviis, siccitatibus, ardoribus, conglaciationibus, terra motibus, irruptionibus aquarum, eruptionibus ignium, ventis & pluviis majoribus, anni variis tempestatibus, pestilentiis, morbis grassantibus, libertate & caritate frugum, bellis, seditionibus, sectis, transmigrationibus populorum, denique de omnibus rerum vel naturalium vel civiliū motibus, aut innovationibus majoribus: Ad magis autem specia-  
cialia, & fortè singularia, prædictiones istæ (licet minore certitudine) deduci possint, si repertis primò hujusmodi temporum inclinationibus generalibus,

acri judicio vel Physico vel Politico , applicentur illis speciebus aut individuis, quæ hujusmodi accidentibus maximè sint obnoxia ; veluti si quis ex præcognitione tempestatum anni, eas reperiet ( exēpli gratiā) magis oleis à quam vitibus , magis Phthisicis, quæ hepaticis, magis incolis collium, quam vallum , magis monachis, quam aulicis ( propter victus rationem diversam ) propitias aut pernicioſas. Aut si quis ex cognitione influxus, quem cœlestia habent super spiritus humanos, reperiat eum talem esse , ut magis populis quam regibus , magis viris doctis & curiosis, quam animosis & militaribus , magis voluptatiis, quam negotiosis aut politicis, faveat aut adverſetur. Hujusmodi autem innumera sunt, sed ( quemadmodum diximus ) non tantum cognitionem illam generalem, quæ sumitur ex astris ( quæ sunt agentia) verum etiam particularem subjectorum ( quæ sunt passiva ) requirunt. Neque *electiones* prorsus rejiciendæ sunt ; sed parciūs illis, quam *prædictionibus* fidendum. Videmus enim in plätationibus , & seminationibus, & infisionibus, ætatum lunæ observationes, non esse res omnino frivolas. Sunt & multa ejus generis. Verum & *electiones* istæ, etiam magis, quam *Prædictiones*, per nostras regulas cohibendæ sunt. Atq; illud semper attendendum, valere *Electio[n]es*, in illis tantum casibus, ubi & virtus cœlestium talis sit, quæ non subito transeat; & actio inferiorum similiter talis , quæ non statim absolvatur; quemadmodum sit in illis exemplis, quæ memoravimus : Nam nec incrementa Lunæ subito transiguntur , nec incrementa Plantarum. Punctualitas vero temporis omnino repudianda. Inveniuntur autem & talia complura ( quod quis minùs putet ) in *electionibus circa civilia*. Quod si quis nos

nos compellat eo nomine, quod ex quibus ista *Astrologia* emendata elici possit; & rursus ad quæ utiliter adhiberi, aliquid monstravimus; quis verò sit eliciendi modus, neutiquam docuimus; ille minus æquus fuerit, cum artem ipsam (cujus debitores non sumus) à nobis exigat. Hoc tamen circa illud ipsum, quod petit, monebimus; Quatuor tantum esse modos, quibus ad hanc scientiam via sternatur. Primo per *experimenta futura*; Dein per *experimenta præterita*; Rursus per *traditiones*; ultimò per *rationes Physicas*. Atque quod ad *experimenta futura*, quid attinet dicere? cum illa seculis compluribus ad eorum copiam comparandam indigeant, ut de iisdem cogitationem suscipere frustrà fuerit? Quod verò ad *experimenta præterita*; Ea certè in manu hominum sunt; licet res sit laboriosa, & multi otii. Possint enim *Astrologi* (si sibi non desint) omnes casus *majores*, (veluti inundationes, pestilentias, prælia, seditiones, mortes Regum (si placet,) & similia) ex historiæ fide deponere: & situm cœlestium, non secundum thematum subtilitatem, sed juxta regulas eas revolutionum, quæ à nobis adumbratae sunt, qualis fuerit sub iisdem temporibus, intueri: ut ubi manifestus fuerit eventuum consensus & conspiratio, ibi *Predictionis* norma probabilis constituatur. Quatenus ad *Traditiones*: Eas ita ventilare oportet, ut quæ cum *rationibus Physicis* manifestò pugnant, è medio tollantur: quæ verò cum iis bene consentiant, etiam auctoritate suâ valeant. Quantum deniq; ad *Physicas rationes*: Ille maximè huic inquisitioni accommodatae sunt, quæ de catholicis materiae appetitibus, & passionibus: & de motibus corporum simplicibus & genuinis inquirunt.

runt. His enim alis ad Cœlestia ista materiata ascen-  
ditur tutissimè. Atque de Astrologia sanā hactenūs.

*Insaniae autem Astrologicae, ( præter ea, quæ à princi-  
pio notavimus, commenta) alia quædam partitio su-  
perest non prætermittenda: quæ tamen ab Astrologia  
secludi solet, & in Magiam, quam vocant, Cœlestem  
transferri. Ea nacta est mirum commentum ingenii  
humani, nimirum, ut benevolus aliquis situs Astrorum,  
in sigillis aut signaculis ( puta metalli, aut gemmæ ali-  
cujus ad intentionem propriæ ) excipiatur, quæ Ho-  
ræ ejus felicitatem alias præter volatutam detineant,  
& quasi volatilem figant. Quemadmodum graviter  
ille conqueritur, de tam nobili apud Antiquos arte,  
jam pridè amissâ.*

*Annulus infuso non vivit mirus Olympo,  
Non magis ingentes humili sub lumine Phœbos  
Fert Gemma, aut celso divisas cardine Lunas.*

Certè reliquias Sanctorum, earumque virtutes, rece-  
pit Ecclesia Romana ( neque enim in Divinis & Im-  
materiatis fluxus temporis obest ) verùm ut condan-  
tur reliquiæ Cœli, quò hora, quæ recessit, & tan-  
quam mortua est, reviviscat & continuetur, mera  
est supersticio. Milla igitur hæc faciamus, nisi forte  
Musæ Aniculæ jam factæ sint.

*Physicam Abstractam in duas partes rectissimè divi-  
di posse statuimus: Doctrinam de schematismis materiæ,  
& doctrinam de appetitibus & motibus. Utrosque cur-  
sim enumerabimus, unde veræ Physicæ de Abstractis a-  
dumbratio quædam deduci possit. Schematismi mate-  
riæ sunt, densum, rarum, grave, leve, calidum, frigidum,  
tangibile, pneumaticum, volatile, fixum, determinatum,  
fluidum, humidum, siccum, pingue, crudum, durum, mol-  
le, fragile, tensile, porosum, unitum, spirituosum, jeju-  
num,*

rium, simplex, compositum, absolutum, imperfectè misum, fibrosum atque venosum, simplicis positura sive æquum. similare, dissimilare: specificatum, non specificatum: organicum, inorganicum: animatum, inanimatum: neque ultra rem extendimus. Sensibile enim & insensibile, rationale & irrationale, ad doctrinam de homine reiiciamus. Appetituum verò & motuum duo genera sunt: Sunt enim vel motus simplicis, in quibus radix omnium naturalium actionum continetur: pro ratione tamen schematismorum materiæ, vel motus compositi sive producti: à quibus ultimis recepta Philosophia, (quæ parum de corpore naturæ stringit) auspicatur. Debent autem haberi hujusmodi motus compositi, (quales sunt generatio, corruptio, & reliqui) pro pensis quibusdam, aut summis motuum simplicium, potius quam pro motibus primitivis. Motus simplices sunt, motus Antitypiæ, quem vulgo motum, ne fiat penetratio dimensionum, vocant: Motus nexus, quem motum ex fugâ vacui appellant: Motus libertatus, ne detur compressio aut extensio præternaturalis: Motus in sphæram novam, sive ad ratefactionem & condensationem: Motus nexus secundi, sive ne detur solutio continuitatis: Motus congregationis majoris, sive ad massas connaturalium suorum, qui vulgo dicitur motus naturalis: Motus congregationis minoris, qui vulgo dicitur Sympathia & Antipathia: Motus disponens, sive ut partes bene collocentur in Toto: Motus assimilationis sive multiplicationis Naturæ suæ super aliud: Motus excitationis, ubi Agens nobilius motum in alio latentem & sopitum excitat: Motus sigilli sive impræsum, operatio scilicet absque communicazione substantiarum: Motus Reginus, sive cohibitio reliquorum motuum à motu prædominante: Motus absque

termino, sive rotatio spontanea: Motus trepidationis; sive Systoles & Diastroes, corporum scilicet, quæ locantur inter commoda & incommoda: Postremò decubitus, sive exhorrentia motus, quæ etiam plurimum rerum est causativa. Hujusmodi sunt Motus Simplices, qui ex penetralibus Naturæ verè prodeunt: quique complicati, continuati, alternati, frænati, repetiti, & multis modis aggregati, Motus illos Compositos, sive Summas Motuum, quæ receptæ sunt, aut illis similes constituant. Summæ motuum, sunt decantati illi motus, Generatio, Corruptio, Augmentatio, Diminutio, Alteratio, & Latio: Etiam Mixtio, Separatio, versio. Supersunt tantum tanquam Appendices Physice, Mensurae Motuum: Quid possit Quantum, sive Dosis Naturæ? Quid possit Distantia, id quod Orbis virtutis sive Activitatis non male vocatur? Quid possint incitatio & tarditas? Quid brevis aut longa mora? Quid vis aut hebetudo rei? Quid stimulus peristaseos? Atque hæ sunt Physice verae de Abstractis partes genuinæ. Etenim, in schematismis materiæ, in Motibus simplicibus, in summis sive Aggregationibus motuum, & in mensuris motuum, Physica de Abstractis absolutitur. Nam Motum voluntarium in animalibus: Motum qui sit in actionibus Sensuum: Motum phantasie, appetitus & voluntatis, Motum mentis, decreti, & Intellectualium, ad proprias Doctrinas amandamus. Illud tamen iteratò moniemus, Universa hæc, quæ diximus, in Physica nō ulterius tractari, quam ut inquirantur Materia & Efficientia ipsorum: Retractantur enim in Metaphysicā, quoad Formas & Fines.

Physice subjungemus Appendices insignes duas, quæ non tam ad materiam, quam ad modum inquisitionis spectant: Problemata naturalia, & Placita antiquorum Philosophorum. Prior Naturæ multiplicis sive

pars Appendix est: Secunda Naturae unita, sive Summarum: Utraque ad solerterem dubitationem pertinet, quæ Scientia pars est non contemnenda, Nam Problematum particulares dubitationes complectuntur: Placita generales circa Principia & Fabricam. Problematum exemplum nobile est in libris Aristotelis: Quod genus operis meruit certè, non solum ut posterorum laudibus celebraretur, verum etiam ut eorum laboribus continuaretur: cum dubitationes indiesorientur novæ. Attamen in hâc re adhibenda est cautio magni utique momenti. Dubiorum commemoratione & propositio duplē in se habet fructum: Unum quod Philosophiam muniat contra errores: quando id quod non planè liquet, non judicatur, aut asseritur, (ne error errorem gigneret) sed suspendit de eo judicium, & non sit positivum: Alterum, quod Dubitationes, in codicilos relatæ, totidem spongiæ sunt, quæ incremēta Scientiæ perpetuò ad se sugant, & alliciat, unde fit ut illa, quæ nisi præcessissent Dubitationes, leviter, & sicco pede transmissa fuissent, Dubitationum admonitu attentè & studiosè observentur. Verum hæ duæ utilitates vix unum compensant incommodum, quod, nisi sedulò prohibeatur, se ingeret: Nimirum quod Dubitatio, si semel admittatur tanquam justa, & fiat quasi Authentica, statim Defensores in utramque partem suscitabit, qui etiam posteris eandem Licentiā Dubitandi transmittant: adeò ut homines ingenia sua intendant & applicent ad hoc, ut alatur potius Dubitatio, quam terminetur aut soluatur. Cujus quidem rei exempla, & in Jurisperitis, & in Academicis, ubique occurunt: quibus moris est, ut Dubitationem semel admissam, perpetuam esse velint, nec minus Dubitandi, quam Afferen-

di aucthoramenta amplectantur: Cum tamen ille de-  
mum sit ingenii usus legitimus, qui ex Dubiis Certa  
faciat, non qui Certa in Dubium vocet. Quare Ka-  
lendarium Dubitationum, sive Problematum in Naturâ,  
& desiderari affero, & suscipi probo: Modò curæ sit,  
ut auctâ Sciëtiâ in dies (quod fiet procul dubio si nos  
audiât homines) quæ clarè discussæ sint Dubitationes,  
ex Albo deleantur. Huic Kalendario aliud addi cupe-  
rem, non minus utile: Cum enim in omni inquisi-  
tione inveniantur hæc tria, perspicue Vera, Dubia, per-  
spicue Falsa: utilissimum foret Kalendario Dubiorum,  
Kalendarium Falsitatum, & errorum popularium; vel  
in Historiâ naturali, vel in dogmatibus grassantium,  
adjungere: ne illæ amplius Scientiis molestæ sint.

Quod ad Placita antiquorum Philosophorum, qualia  
fuerunt Pythagoræ, Philolai, Xenophanis, Anaxagora,  
Parmenidis, Leucippi, Democriti, aliorum: (quæ ho-  
mines contemptim percurrere solent,) non abs re-  
fuerit paulò modestius in ea oculos coniicere. Etsi  
enim Aristoteles, more Ottomanorum, regnare se  
haud tutò posse putaret, nisi fratres suos omnes con-  
trucidasset: tamen iis, qui non regnum aut magiste-  
rium, sed veritatis inquisitionem atque illustratio-  
nem sibi proponunt, non potest non viderires utilis,  
diversas diversorum, circa rerum naturas, opiniones,  
sub uno aspectu intueri. Neque tamen subest spes  
quod veritas aliqua purior, ex illis, aut similibus  
Theoriis, speranda nullo modo sit. Quemadmodùm  
enim eadem Phænomena, iidem calculi, & Ptole-  
mai principiis Astronomicis, & Copernici compe-  
tunt: ita experientia ista vulgaris, qua utimur, atque  
obvia rerum facies, pluribus diversis Theoriis se ap-  
plicare potest: Ubi ad rectam veritatis indagationem  
longè

longè alia severitate opus fuerit. Eleganter enim Aristoteles: *Infantes primo balbutientes, quavis mulieres appellare matres, post autem propriam matrem discernere: sic certe puerilis experientia, omnem Philosophiam appellabit matrem: Adulta vero Matrem veram internoscat.* Interea juvabit *Philosophias* discrepantes, veluti diversas *Naturae Glossas*, (quarum una fortasse uno loco, alia alio est emendatior,) per legere. Optimum igitur ex vitis antiquorum Philosophorum, ex fasciculo Plutarchi de *Placitis eorum*, ex citationibus Platonis, ex confutationibus Aristotelis, ex sparsa mentione, quæ habetur in aliis libris, tam Ecclesiasticis, quam *Ethnicis*, (Lactantio, Philone, Philostrato, & reliquis) opus confici, cum diligentia & judicio, de *Antiquis Philosophiis*. Tale enim opus nondum extare video. Attamen hic moneo, ut hoc siat distinctè: ita ut singulæ *Philosophiae* seorsum componantur, & continuentur; non per titulos & fasciculos (quod Plutarhus fecit) excipientur. Quævis enim *Philosophia* integra seipsum sustentat: atque dogmata ejus, sibi mutuo, & lumen & robur adiiciunt: quod si distrahantur, peregrinum quiddam & durum sonant. Certè quando apud Tacitum lego, Facta Neronis aut Claudi, circumstantiis Temporum, Personarum, & Occasionum vestita; nil video quod à probabilitate prorsus abhorreat: cum vero eadem lego in Suetonio Tranquillo, per capita, & communes locos, minimeque in serie temporis representata, Portenta quædam videntur, & planè incredibilia. Neque absimilis est ratio *Philosophiae*, quando proponitur integræ, & quando in frusta concisa & dissecta. Neque vero, ex hoc *Placitorum Philosophiae Kalendario*, nuperas Theorias & dogmata excludo; Sicut illam *Theophrasti*

phrasti Paracelsi, eloquenter, in Corpus quoddam, & Harmoniam Philosophiarum redactam, à Severino Dano; Aut Telesii Consentini, qui Parmenidis Philosophia instaurans, Arma Peripateticorum in illos ipsos verit; Aut Patricii Veneti, qui Platonicorum fumos sublimavit; Aut Gilberti Popularis nostri, qui Philolai dogmata reposuit; Aut alterius cujuscunque, si modo dignus sit. Horum vero (quoniam volumina integræ extant) Summæ tantum inde conficiendæ, & cū cæteris conjungendæ. Atque de *Physica* cum *Appendicibus* hæc dicta sint.

Quantum ad *Metaphysicam*, assignavimus jam ei inquisitionem Causarum Formalium & Finalium; quæ assignatio, quatenus ad *Formas*, incassum facta videatur. Invaluit siquidem opinio atque inveteravit, rerum *formas essentiales*, seu *veras differentias*, nullâ humanâ inveniri diligentia posse. Quæ opinio interim nobis clargitur, atq; concedit, *Inventionem Formarum* ex omnibus Scientiæ partibus dignissimam esse, quæ investigetur, si modo fieri possit, ut reperiantur. Ad inventionis possibilitatem vero quod attinet, sunt certè ignavi regionum exploratores, qui ubi nil nisi Cœlum & Pontus videtur, terras ultrâ esse prorsus negant. At manifestum est, Platonem virum sublimis ingenii, (qui veluti ex rupe excelsâ omnia circumspiciebat) in suâ de Idæis doctrinâ; *Formas esse verum Scientiæ objectum*, vidisse; utcunque sententiæ hujus verissimæ, fructum amiserit, *Formas* penitus à materiâ abstractas, non in materiâ determinatas contemplando & prensando: Unde factum est, ut ad speculationes Theologicas diverteret, quod omnem naturalem suam Philosophiam infecit & polluit. Quod si diligenter, seriò, & sincerè, ad actionem & usum

psum & oculos convertamus; non difficile erit disquirere, & notitiam assequi, quæ sint illæ *Formæ*, quantum cognitio res humanas miris modis locupletare, & beare possit. Substantiarum enim *Formæ* ( uno homine excepto, de quo Scriptura, *Formavit hominem de limo terre, & spiravit in faciem ejus spiraculum vitae;* non ut de cæteris speciebus, *Producant Aquæ, producat Terra*) species, inquam, creaturarum, prout nunc per compositionem & transplantationem inveniuntur multiplicatae) ita perplexæ sunt & complicatae, ut aut omnino de iis inquirere frustrâ sit; aut inquisitio eorum, qualis esse potest, seponi ad tempus; & postquam *formæ* simplicioris Naturæ ritè exploratae sint, & inventæ, tum demùm institui debeat. Quemadmodum enim nec facile esset, nec ullo modo utile, *formam soni* investigare ejus, qui verbum aliquod constituat, cum verba, compositione & transpositione literarum, sint infinita: at soni, qui literam aliquam simplicem exprimat, *formam* inquirere, quali scilicet collisione, quasi instrumentorum vocis applicacione, constituatur, comprehensibile est, imò facile: quæ tamen *formæ* literarum cognitæ ad *formas* verborum illico nos deducent: Eādem prorsus ratione, *formam* inquirēdo *Leonis, Quercus, Auri;* imò etiam *aqua*, aut *aeris*, operam quis lūserit: *Formam* verdū inquirere *densi, rari, calidi, frigidi, gravis, levis, tangibilis, pneumatici, volatilis, fixi;* & similiū, tam schematismorum, quam motuum, quos in *Physica* tractandā, magnâ ex parte, enumeravimus (& *formas* primæ classis appellare consuevimus) quique (veluti literæ Alphabeti) numero haud ita multi sunt, & tamen *Essentias* & *Formas* omnium substantiarum conficiunt & sustinent; hoc est, inquam, illud ipsum, quod conamur;

L s quod.

quodque eam partem *Metaphysica*, de quâ nunc inquirimus, constituit & diffinit. Neq; hæc officiunt, quod minus *Physica* easdem Naturas consideret quoque, ut dictum est, sed tantum quoad causas fluxas. Exempli gratiâ, si de causa inquiratur *albedinis* in nive, vel spumâ, rectè redditur, quod sit subtilis intermixtio aëris cum aquâ. Hæc autem, longè abest, ut sit forma *albedinis*, cùm aët etiam pulveri vitri aut crystalli intermixtus, *albedinem* similiter procreet, non minus quam si admisceatur aquæ; verum *Causa Efficiens* illa tantum est, quæ nihil aliud quam vehiculum est formæ. At in *Metaphysica*, si fiat inquisitio, hujusmodi quidpiam reperies: Corpora duo diaphana intermixta, portionib[us] eorum opticis, simplici ordine sive æqualiter collocatis, constituere albedinem. Hanc *Metaphysicæ* partem desiderari reperio. Nec mirum; quia illo inquirendi modo, qui hucusque in usum venit, nunquam in seculum comparebunt Rerum Formæ. Radix autem mali hujus, ut & omnium, ea est; Quod homines & properè nimis, & nimis longè, ab experientiâ, & rebus particularibus, cogitationes suas divellere & abstrahere consueverunt, & suis meditationibus & argumentationibus se totos dedere.

Usus autem hujus partis *Metaphysicæ*, quam desideratis an numero, duas ob causas vel maximè excellit. Prima est, quod scientiarum omnium officium sit, & propria virtus, ut experientiæ ambages, & itinera longa (quantum veritatis ratio permittit) abbrevient; ac proinde remedium veteri querimoniae afferant, de vita brevi & arte longâ. Illud verò optimè præstat, Axiomata Scientiarum in magis generalia, & quæ omni materiæ rerum individuarum competant, colligando

gando & uniendo. Sunt enim scientiae instar pyramidum, quibus Historia & Experiencia, tanquam Basis unica substernuntur; Ac proinde Basis naturalis Philosophie est Historia naturalis. Tabulatum primum à Basí est Physicæ; Vertici proximum Metaphysica: Ad conum quod attinet & punctum verticale (opus quo opera-  
tur Deus a principio usque ad finem: Summariam nempe naturæ legem) habitamus meritò, an humana possit ad illud inquisitio pertingere. Cæterum hæc tria, veræ sunt Scientiarum contabulationes, suntque apud homines propriâ scientiâ inflatos, & Theomachos, tanquam tres moles Giganteæ.

Ter sunt conati imponere Pelio Ossam,

Scilicet atq; Ossæ frondosum inuoluere Olympum.

Apud eos verò, qui seipsoſ exinanientes, omnia ad Dei gloriam referunt, tanquam trina illa acclamatio, Sancte, Sancte, Sancte. Sanctus enim Deus in multitudine operum suorum, Sanctus in ordine eorum, Sanctus in unione. Quare speculatio illa Parmenidis & Platonis, (quamvis in illis nuda fuerit speculatio) excelluit tamen; Omnia per scalam quandam ad unitatem ascendere. Atque illa demum Scientia cæteris est præstantior, quæ humanū intellectū minimum multiplicitate onerat; quā liquet esse Metaphysicam, quippe quæ contemplatur præcipue simplices illas rerum Formas, (quas superiùs Formas primæ classis nominavimus) quandoquidem licet numero paucæ, tamen cōmensurationibus & coordinationibus suis omnem varietatem constituunt. Secunda res, quæ hanc Metaphysicæ partem de formis nobilitat, hæc nimirum est; Quod potestatem humanam emancipet maximè, & liberet; eamque in amplissimum & apertissimum operandi campum educat. Nam Physica per angu-

los,

stos, & impeditos calles, humanam operam dirigit, Naturae ordinariæ flexuosos tramites imitata; sed *late undique sunt sapientibus viæ; Sapientie nimirūm* (quæ à Veteribus rerum divinarum & humanarum scientia definiebatur) mediorum copia & varietas semper suppetit. *Cause enim Physicæ, novis inventis in simili materia, lucem & ansam præbent:* At qui Formam aliquam novit, novit etiam ultimam possibilitatem superinducendi naturam illam in omnigenam materiam, eoquæ minus inter operandum restringitur, & alligatur, vel ad Materiæ Basim vel ad Conditionem Efficiens. Quod genus Scientiæ eleganter describit etiam Salomon, et si sensu magis divino, *Non arctabuntur gressus tui, & currens non habebis offendiculum.* Intelligit scilicet Sapientiæ vias, nec angustiis, nec obicibus obnoxias esse.

*Metaphysica pars secunda est finalium causarum inquisitio, quam non ut prætermissam, sed ut male collatam notamus. Solent enim inquiri inter Physicæ, non inter Metaphysicæ. Quamquam si ordinis hoc solum vitium esset, non mihi fuerit tanti. Ordo enim ad illustrationem pertinet, neque est ex substantiâ Scientiarum. At hæc ordinis inversio, defectum insiginem peperit, & maximam Philosophiæ induxit calamitatem. Tractatio enim causarum finalium in Physicæ, inquisitionem causarum physicarum expulit & dejectit, effecitque ut homines in istiusmodi speciosis & umbratilibus causis acquiescerent, nec inquisitione Causarum realium, & verè physicarum strenue urgrent, ingenti Scientiarum detimento. Etenim repetitio hoc factum esse, non solum à Platone, qui in hoc littore semper anchoram figit, verum etiam ab Aristotele, Galeno, & aliis, qui sèpissimè etiam ad illa vada*

vada impingunt. Etenim qui causas adduxerit hujusmodi, Palpebras cum pilis, pro sepi & vallo esse, ad munimentum oculorum: Aut Corni in Animalibus firmitatem esse ad propellendos calores & frigora: Aut Ossa pro columnis & trabibus à naturā induci, quibus fabrica corporis innitatur: Aut Folia arborum emitti, quo fructus minus patientur à Sole & Vento: Aut Nubes in sublime fieri, ut terram imbribus irrigent: Aut Terram densari & solidari, ut statio & mansio sit Animalium: & alia similia is in Metaphysicus non malè ista allegārit, in Physicis autem nequaquam. Imò, quod cœpimus dicere, hujusmodi sermonum discursus (instar tremorarum) uti fingunt (navibus adhærentium) Scientiarum quasi velificationem & progressum retardārunt, ne cūsum suum tenerent, & ulterius progrederentur: & jam pridem effecerunt, ut physicarum causarum inquisitio, neglecta deficeret, ac silentio præteriretur. Quapropter Philosophia naturalis Democriti, & aliorum, qui Deum & mentem à fabricâ terum amoverunt; & structuram universi infinitis Naturæ prælusionibus & testamentis, (quas uno nomine fatum aut fortunam vocabant) attribuerunt; & rerum particuliarium causas, materiæ necessitati, sine intermixtione causarum finalium assignarunt; nobis videtur, (quantum ex fragmentis & reliquiis Philosophiæ eorum, coniicere licet) quatenus ad causas physicas, multò solidior fuisse, & altius in Naturam penetrasse, quam illa Aristotelis & Platonis: Hanc unicam ob causam, quod illi in causis finalibus nunquam operam triverunt; hi autem eas perpetuò inculcārunt. Atque magis in hac parte accusandus Aristoteles, quam Plato, quandoquidem fontem causarum finalium, Deum scilicet, omiserit, & Naturam pro Deo substituerit: Causasque

sasque ipsas finales potius ut Logicæ Amator, quam Theologiæ amplexus sit. Neq; hæc eo dicimus, quod causæ illæ finales veræ non sint, & inquisitione admidum dignæ, in speculationibus Metaphysicæ, sed quia dum in Physicarum Causarum possessiones excurrunt, & irruunt, miserè eam provinciam depopulantur, & vastant. Alioquin, si modo intra terminos suos coercentur: magnopere hallucinantur, quicunque eas Physicis causis adversari aut repugnare putent. Nam causa reddita, quod Palpebrarum pili oculos muniunt, nequicquam sanè repugnat alteri illi, quod pilositas soleat contingere humidatum ortficiis,

Muscosi fontes, &c.

Neque causa reddita, quod Coriorum in animalibus firmitudo pertinet ad cœli injuriis propulsandas, adversatur illi alteri, quod illa firmitudo sit ob contractionem porrumb, ex intimis corporum, per frigus, & deprædationem aeris: & sic de reliquis: Conspirantibus optimè utrisque causis; nisi quod altera intentionem: altera simplicem consecutionem denotet. Neque vero ista res in dubium vocat providentiam divinam, aut ei quicquam derogat: sed potius eandem miris modis confirmat, & evehit. Nam sicut in rebus civilibus, prudenter politica fuerit multò altior, & mirabilior, si quis operæ aliorum, ad suos fines & desideria, abutiri possit, quibus tamen nihil consilii sui impertit, (ut interim ea agant, quæ ipse velit, neutiquam vero se hoc facere intelligent,) quam si consilia sua cum Administris voluntatis suæ communicaret: Sic Dei Sapientia effulget mirabilius, cum Natura aliud agit, providentia aliud elicit; quam si singulis schematibus, & motibus naturalibus, providentia characte-

racteres essent impressi. Scilicet Aristoteli, postquam Naturam Finalibus Causis imprægnasset: Naturamque nihil frustra facere: si que voti semper esse compotem; (si impedimenta abessent,) & hujusmodi multa ed spectantia posuisset; amplius Deo non fuit opus: At Democritus & Epicurus, cum Atomos suos prædicabant, edusque à subtilioribus nonnullis tolerabantur; verum cum ex eorum fortuito concursu, fabricam ipsam rerum, absque mente coaluisse affererent, ab omnibus risu excepti sunt. Aded ut tantum absit, ut Causæ Physicæ homines à Deo & Providentiâ abducant, ut contraria potius Philosophi illi, qui in iisdem eruendis occupati fuerunt, nullum exitum rei reperiant, nisi postremò ad Deum & Providentiam confugiant. Atque hæc de Metaphysicâ dicta sint, cuius partem de Causis Finalibus, in Libris & Physicis, & Metaphysicis tractatam non negaverim, in his rebus, in illis perperam propter incommodum inde se- cutum.

## C A P. V.

*Partitio Operativæ Doctrinæ de Naturâ, in Mechanicam, & Magiam:*  
*Quæ respondent Partibus Speculativæ: Physicæ Mechanica, Metaphy-*  
*sicæ Magia: & Expurgatio Vocabuli Magia: Appendices duæ Ope-*  
*rativa; Inventarium Opum humanarum, & Ca-*  
*talogus Polychrestorum.*

**O**perativam de Naturâ similiter in duas partes dividemus, idq; ex necessitate quâdam. Subjicitur n. hæc divisio, divisioni priori Doctrinæ Speculativæ. Physicæ siquidem, & inquisitio Causarum Efficientium, & Materialium, producit Mechanicam: At Metaphysicæ, & inquisitio formarum, producit Magiam: Nam Causarum finalium inquisitio sterilis est, & tanquam virgo

virgo Deo consecrata, nihil parit. Neque nos fugit, esse & Mechanicam sæpius merè Empyricam, & Operariam, quæ à Physica non pendeat; Verum hanc in Historiam Naturalem conjectimus; à Philosophia naturali segregamus. Loquimur tantum de èa Mechanica, quæ cum causis physicis conjuncta est. Veruntamen intervenit quædam Mechanica, quæ nec protrsùs Operaria est, neque tamen Philosophiam propriè attingit. Operum enim inventa omnia, quæ in hominum notitiam venerunt; aut casu occurrerunt, & deinceps per manus tradita sunt; aut de industriâ quæsta: Quæ autem intentionaliter inventa sunt, Illa aut per Causatum, & Axiomatum lucem eruta sunt: Aut per extensionem quandam, vel translationem, vel cōpositionem inventorum priorum deprehensa, quæ magis ingeniosa quædam res est, & sagax, quam Philosophica. Hanc verò partem, quam neutiquam contemnimus, non multo post, cùm de *Experientia Literata* inter *Logica* tractabimus, cursim perstringemus. Enim verò Mechanicam, de quâ nunc agimus, tractavit Aristoteles promiscuè; Hero in Spiritualibus, etiam Georgius Agricola, Scriptor recens, diligenter admodum in Mineralibus; Aliique quamplurimi in subjectis particularibus; adeò ut non habeam, quod dicam de *Omissis* in hâc parte; nisi quod Mechanica promiscua, secundum exemplū Aristotelis, diligenter debuissent continuari, per labores Recentiorū; præsertim cum delectu eorum Mechanicorum, quorum aut Causæ magis obscuræ, aut Effectus magis nobiles. Verum qui in hisce insistunt, quasi Oras tantum maritimas perreptant.

----- *Premendo littus iniquum;*  
Meo siquidem judicio, vix possit aliquid in Naturâ  
radi-

radicibus verti, aut innovari, vel per casus aliquos fortuitos, vel per tentamenta experimentorum, vel ex luce Causarum Physicarum, sed solummodo per inventionem formarum. Si igitur desiderati eam partem Metaphysicae, quae de formis agit, posuimus, sequitur ut Naturae etiam Magia, quae ad eam est Relativa, similiter desideretur. Verum hoc loco postulandum videtur, ut vocabulum istud Magia, in deteriorem partem jam pridem acceptum, antiquo & honorifico sensu restituatur. Etenim Magia apud Persas, pro sapientia sublimi, & scientia consensuum rerum universalium, accipiebatur; atque etiam tres illi Reges, qui ab Oriente ad Christum adorandum venerunt, Magorum nomine vocabantur. Nos vero eam, illo in sensu intelligimus, ut sit scientia, quae cognitionem formarum abditarum ad opera admiranda deducat, atque, quod dici solet, Adiva cum passibus conjungendo, Magnalia Naturae manifestet. Nam quantum ad Naturalem Magiam (quae in libris plurimorum volunt) credulas quasdam & superstitiones traditiones, & observationes, de Sympathis & Antipathis rerum, atque de Oculis & specificis proprietatibus complectentes, cum frivolis ut plurimum experimentis, potius occultandi artificio, & latrava, quam re ipsa admirandis: non erraverit sane, qui eam dixerit, à Scientia, quam querimus, tantum distare, quoad veritatem naturae, quantum Libri rerum gestarum Arthuri ex Britannia, aut Hugonis Burdigalensis, & hujusmodi Heroium umbratilium, differunt à Cæsar's Commentariis, quoad veritatem historicam. Manifestum enim est, Cæsarem majora revera perpetrasse, quam illi de Heroibus suis confingere ausi sunt; sed modis faciei- di minime fabulosis. Hujusmodi doctrinas bene ad-

umbravit *Fabula de Ixione*; Qui cum Junonis, Potentiae Deæ, concubitum animo sibi designaret, cum evanidâ nube rem habuit; ex quâ Centauros in Chimæras progenuit. Sic qui in fânâ & impotenti cupiditate feruntur ad ea, quæ per imaginationis tantum fumos, & nebulas cernere se putant, loco operum, nil aliud quam spes inanes, & deformia quædam ac monstrosa spectra suscipient. Hujus autem *Magie Naturalis*, levis & degeneris, operatio super homines, similis est soporiferis quibusdam medicamentis; quæ somnum conciliant, atq; insuper inter dormiendum, læta & placentia somnia immittunt. Primo enim intellectum humanum in soporem coniicit; canendo proprietates specificas, & virtutes occultas, & tanquam cœlitùs demissas, & per traditionum susutros solummodo perdiscendas; unde homines ad veras Caussas eruendas, & indagandas, non amplius excitantur, & evigilant, sed in hujusmodi otiosis, & credulis opinionibus acquiescunt: Deinde vero innumera commenta grata, & qualia quis optaret maximè, instar somniorum, insinuat. Atq; opere pretium est notare, in illis scientiis, quæ nimium trahunt ex phantasiâ & fide, (quales sunt *Magia* ista levis, de quâ nunc loquimur, *Alchymia*, *Astrologia*, & aliæ consimiles) media sua, & Theoriam, solere esse magis monstrosa, quam Finis ipse est, & actio, quæ tendunt. Versio argenti, aut argenti vivi, aut alicuius alterius metalli in aurum, res creditu dura: Attamen longè verisimilius est, ab homine, qui *Ponderis*, *Coloris* *flavi*, *Malleabilis* & *Extensibilis*, *Fixi* etiam & *volatilis*, naturas cognitas & perspectas habuerit; qui que similiter prima mineralium semina & menstrua diligenter introspexit; posse aurum multâ & sagaci molitione

anolitione tandem produci, quam quod pauca Eli-  
xirii grana, paucis momentis, alia metalla in aurum  
vertere valeant, per activitatem ejusdem Elixirii, quæ  
naturam scilicet perficere, & omni impedimento li-  
berare possit. Similiter, senectutis retardatio, aut gra-  
dus alicujus juventutis instauratio, non facilè fidem  
reperiatur: Attamen longè verisimilis est, ab homine,  
qui naturam *Arefactionis*, & *Spirituū super solidā cor-  
poris depradationes*, benè nōrit, quique Naturam *Absi-  
milationis*, atq; *alimentationis*, vel *perfectioris*, vel *pra-  
vioris*, perspexerit, *Naturam etiam Spirituum*, & quasi  
*Flammā Corporis*, aliàs ad consumendū appositæ, aliàs  
ad reparandū, notārit, posse diætas, balnea, unctiones,  
medicinas proprias, accòmodata etiam exercitia, &  
similia, vitam prolongari, aut vigorem juventutis,  
aliquà ex parte, renovari: quam quod hoc fieri possit,  
per guttas pauculas, aut scrupulos alicujus *preciosi li-  
quoris*, aut *quintessentiae*. Rursùs, ex astris fata elici  
posse, non statim aut facilè homines consenserint:  
Illa verò, quod hora nativitatis, (quæ sèpissimè ex  
pluribus accidentibus naturalibus, vel acceleratur,  
vel differtur,) vitæ totius fortunam regat, aut quod  
hora quæstionis, sit cum re ipsâ, quæ quæritur, con-  
fatalis, meras nugas dixeris. Attamen tanta exerceſ-  
humanum genus impotentia & intemperies, ut non  
solùm, quæ fieri non possunt, sibi spondeant, sed et-  
jam maximè ardua, sine molestiâ aut sudore tanquā  
feriantes, se adipisci posse confidunt. Verùm de Ma-  
gia hactenus, cuius & vocabulum ipsum ab infamiâ  
vindicavimus, & speciem veram à falsâ & ignobili,  
segregavimus.

Hujus verò partis *Operativa* scilicet de *Naturâ*, duæ  
sunt *Appendices*, magi utraque pretii. Prima est, ut

fiat *Inventarium opum humanarum*, quo excipientur & breviter enumerentur omnia hominum bona, & fortunæ (sive sint ex fructibus & proventibus Naturæ, sive artis) quæ jam habentur, & quibus homines frauentur, adjectis iis, quæ olim innotuisse constat, nunc autem perierunt: ad hunc finem, ut qui ad nova inventa accingitur, de jam inventis, & extantibus, negotiū sibi non facessat. Hoc verò *Inventarium magis* erit artificiosum, magisque etiam utile, si quæ communi hominum opinione *impossibilia* reputantur, in unoquoque genere adjunxeris: atque unà *proxima impossibilibus*, quæ tamen habentur, copules, ut alterum humanam inventionem acuat; alterū quæ dantenū dirigat, utque ex his *Optativis, & Potentialibus, Activi, ipromptiūs* deducantur. Secunda est, ut fiat *Kalendarium eorum experimentorum*, quæ maximè *Polychresta* sunt, & ad aliorum inventionem faciunt, & ducunt. Exempli gratiâ, *Experimentum artificialis conglaciationis aquæ*, per glaciem cum sale nigro, ad infinita pertinet: Hoc enim modum condensationis secretum revelat, quo homini nihil est fructuosius. Præstò enim est ignis ad rarefactiones; verùm in condensationibus laboratur. Plutimum autem facit, ad inveniendi compendium, si hujusmodi *Polychresta* proprio catalogo excipientur.

## C A P. VI.

*Demagna philosophia naturalis, tam Speculativa, quam operativa;*  
*appendice, Mathematica: quodque inter appendices potiusponi debet,*  
*quam inter scientias subiunctivas. Partitio Mathematica,*  
*in puram; & mixtam.*

**O**ptimè Aristoteles, *Physicam & Mathematicam generare Practicam sive Mechanicam*. Quare cùm jam

jam, tām speculativam, quām Operativam partem Doctrinae de Naturā, tractaverimus, locus est, ut de Mathematica dicamus, quae ad utramque est Scientia auxiliaris. Hęc siquidem in Philosophiā recepta, Physica & Metaphysica pars tertia adjungitur: At nobis ista retractantibus & recolentibus, si eam ut scientiam substantivam, & principalem, designare in animo esset, magis consentaneum videretur, & rei ipsius Naturae, & ordinis perspicuitati, ut constitueretur tanquam portio Metaphysicæ. Quantitas enim (quaे subiectum est Mathematicæ) materię applicata, veluti dosis Naturae est, & plurimorum effectuum in rebus Naturalibus causatiya: ideoque inter formas Essentiales numeranda est. Figuræ autem & numerorum potestia, in tantum apud antiquos valere visa est, ut Democritus principia varietatis rerum, in figuris atomorum præcipue collocaverit; Ac Pythagoras Naturam rerum ex numeris constitui asseruerit. Illud interim verum est, quantitatem inter formas naturales, (quales nos eas intelligimus) omnium maximè esse abstractā, & à materiā separabilem: Quod ipsum in causā fuit, cur & diligentius exculta, & acriùs inquisita ab hominibus fuerit, quām aliæ quæcunque forme, quæ omnes in materiā magis sunt immersæ. Cūm enim in hominum animis planè insitum sit (plurimo certe cum Scientiarum detimento) ut generalium quasi campis liberis, magis quām particularium sylvis & septis delectentur, nil repertum est Mathematicus gratius, & jucundius, quo appetitus iste expatiandi & meditandi exploretur. Etsi autem hęc vera sint, nobis tamen, qui non tantum veritati & ordini, verū etiam usui & commodis hominum consulimus, satius demum vīsum est, Mathematicas, cūm & in Physicis, & in Meta-

physicis, & in Mechanicis, & in Magicis, plurimum pol-  
leant, ut omnium appendices, & copias auxiliares de-  
signare. Quod etiam quodammodo facere compel-  
limur, propter delicias & fastum Mathematicorum,  
qui hanc scientiam Physice ferè imperare discupiant.  
Nescio enim quo fato fiat, ut *Mathematica* & *Logica*,  
quæ ancillatum loco erga *Physicam* se gerere debe-  
ant, nihilominus certitudinem suam præ eâ jactan-  
tes, Dominatum contrà exercere præsumant. Verùm  
de loco, & Dignitate hujus scientiæ minus curan-  
dum, de re ipsâ videamus.

*Mathematica* aut *pura* est, aut *mixta*. Ad *puram* re-  
feruntur scientiæ, quæ circa quantitatem occupatae  
sunt, à *Materia* & *Axiomatibus Physicis* penitus *Abstra-ctam*. Ex duæ sunt, *Geometria* & *Arithmetica*: *Quanti-tatem* altera *cōtinuam*, altera *Discretam* tractans. Quæ  
duæ artes, magno certè cum acumine & industriâ,  
inquisitæ & tractatæ sunt: veruntamen & *Euclidis*  
*laboribus*, in *Geometricis*, nihil additum est à sequenti-  
bus, quod intervallo tot seculorum dignum sit & *do-ctrina de solidis*, nec à veteribus, nec à modernis, pro  
rei usu & excellentiâ, instructa & aucta est. In *Arith-metica* autem, nec satis varia & commoda inventa  
sunt *supputationum* compendia, præsertim circa *Pro-gressiones*, quarum in *Physicis* usus est non mediocris:  
nec *Algebra* bene consummata est; atque *Arithmetica*  
illa *Pythagorica* & *Mystica*, quæ ex *Proclo*, & reliquiis  
quibusdā *Euclidis* cœpit instaurari, expatiatio quæ-  
dam speculationis est. Hoc enim habet ingenium  
humanum, ut cùm ad solida non sufficiat, in super-  
vacaneis se atterat. *Mixta* habet pro subjecto *Axioma-ta* & *Portiones Physicas*: *Quantitatem* autem confide-  
rat, quatenus est ad ea elucidanda, & demonstranda,  
& actu-

& actuanda, auxiliaris Multæ siquidem Naturæ partes, nec tatis subtiliter comprehendendi, nec satis perspicuè demonstrari, nec satis dextrè & certò ad usum accommodari possint, sine ope & interventu Mathematicæ. Cujus generis sunt *Perspectiva*, *Musica*, *Astronomia*, *Cosmographia*, *Architectura*, *Machinaria*, & nonnullæ aliæ. Carterùm in *Mathematicis mixtis* integras aliquas portiones Desideratas jam non reperio, sed multas in posterum prædico, si homines non ferientur. Prout enim *Physica*, majora indies incrementa capiet, & nova *Axiomata* educet, eò *Mathematica* operâ novâ in multis indigebit, & plures dentùm fient *Mathematicæ mixtae*.

Jam autem *Doctrinam de Naturâ* pertransivimus, & *Desiderata* in ipsâ notavimus. Quâ in re, si à priscis, & receptis opinionibus discesserimus, eoq; nomine contradicendi ansam cuiquam præbuerimus; quod ad nos attinet, ut dissentieri studium longè à nobis abest, ita etiam & contendendi consilium. Si hæc vera sunt;

*Non canimus surdis, respondent omnia sylve;*  
*Vox Naturæ ingeminabit, etsi vox hominum reclamet.* Quemadmodum autem Alexander Borgia dicere solebat, de expeditione Gallorum Neapolitanâ, *Eos venisse cum Creta in Manibus*, quo diversoria sua notarent, non cum armis, ut perrumperent; Sic nobis magis cordi est, Pacificus Veritatis Ingressus; ubi quasi cretâ consignentur animi, qui tantum hospitem excipere possint; quam qui pugnax est, viamque sibi per contentiones, & lites sternat. Absolutis igitur duabus partibus *Philosophia*, *de Numinis*, & *de Naturâ*, restat tertia de *Homine*.

FRANCISCI  
**B A R O N I S D E**  
 VERULAMIO,  
 VICE-COMITIS SANCTI  
 ALBANI,  
*De Dignitate & Augmentis Scientiarum,*  
**L I B E R Q U A R T U S ,**  
*AD REGEM SVVM.*

C A P . I.

*Partitio doctrinæ de homine, in Philosophiam humanitatis, &c civi-  
 lem. Partitio Philosophiæ humanitatis, in doctrinam circa corpus ho-  
 minis, & doctrinam circa animam hominis. Constitutio unius doctrinæ  
 generalis de Naturâ, sive, de statu hominis. Partitio doctrinæ de statu  
 hominis, in doctrinam de persona hominis, & de sc̄dere animi & cor-  
 poris, Partitio doctrinæ de persona hominis, in doctrinam de misteriis  
 hominis, & de prærogatiis. Partitio doctrinæ de sc̄dere, in doctrinam  
 de indicationibus, & de impressionibus. Asignatio Phisiognomia,  
 & interpretationis somniorum naturalium, doctri-  
 nae de indicationibus.*

**S**i quis me (Rex optime) ob aliquid eorum, quæ  
 proposui, aut deinceps proponam, impetat, aut  
 vulneret, (preterquam quod intra præsidia Ma-  
 jestatis tuæ tutus esse debeam,) sciat is, se contra mo-  
 rem & disciplinam militiae facere. Ego enim Bucci-  
 nator tantum, pugnam non ineo, unus fortassis ex iis,  
 de quibus Homerus :

*Χαιρετε κύρους, Διοσκύρυ γελοι, οὐδὲ οὐδὲ δρόπων.  
 Hi enim inter hostes, etiam infensissimos & acerbissi-  
 mos, utrū citroque inviolati ubique commeabant.  
 Nequeverò nostra Buccina homines advocat & ex-  
 citat, ut se mutuò contradictionibus proscindant,  
 aut*

aut secum ipsi prælientur & digradientur ; sed potius ut pace inter ipsos facta , coniunctis viribus , se adversus Naturam Rerum comparent , ejusque Edita & Munita capiant & expugnent , atque fines imperii humani ( quantum Deus Opt. Max. pro Bonitate sua indulserit ) proferant .

Veniamus nunc ad eam *Scientiam* , ad quam nos dicit Oraculum antiquum : Nempe ad *Scientiam nostram* . Cui , quod magis nostrâ intersit , cù incumbendum est diligenter . Hæc *Scientia homini profine est Scientiarum* , at *Natura ipsius portio tantum* . Atque hoc pro Regulâ ponatur generali : Quod omnes Scientiarum partitiones ita intelligentur , & adhibeantur , ut scie- tias potius signent , aut distinguant , quæm secent & divellant , ut perpetuè evitetur *solutio continuuitatis* in scientiis . Hujus etenim contrarium particulares Scie- tias steriles reddidit , inanæ & erroneas , dum à fonte , & fonte communi non aluntur , sustentantur , & rectificantur . Sic videmus Ciceronem Oratorem , de Socrate , & ejus scholâ conquerentem , quod hic pri- mus *Philosophiam à Rhetorica disjunxerit* , unde facta sit *Rethorica* , ars loquax & inanis . Constat similiter Sententiam Copernici de *Ratione Terre* ( quæ nunc quoque invaluit ) quia Phænomenis non repugnat , ab Astronomicis Principiis non posse revinci ; Naturalis tamen Philosophie Principiis , rectè positis , posse . Artem denique Medicinam videmus , si à Naturali Philosophia destituatur , Empyricorum praxi haud multum præ- stare . Hoc igitur posito , accedamus ad *Doctrinam de homine* . Ea duplex est . Aut enim contemplatur hominem segregatum , aut Congregatum , atque in Societate . Alteram harum Philosophiam humanitatis : Alteram ciuitatem vocamus . *Philosophia humanitatu sive humana* ,

*ex partibus similibus illis, ex quibus homo ipse consistit: Nempe ex Scientiis, quae circa Corpus, & ex Scientiis, quae circa animam versantur.*

Verum priusquam distributiones Particulares persequamur, constituamus Scientiam unam generalem, de *natura & statu hominis*: Digna enim certe res est, ut emancipetur hæc Scientia, & in Scientiam seorsum redigatur. Consideritur autem illa ex iis rebus, quae sunt tamen corpori, quam animæ communes. Rursus, hæc Scientia de *naturâ*, & *statu hominis*, distribui potest in duas partes; Attribuendo alteri *naturam hominis indivisam*: alteri *vinculum ipsum animæ & corporis*: Quarum primam *doctrinam de persona hominis*, secundam *doctrinam de fœdere vocabimus*. Liquet autem hæc omnia, cum sint communia & mixta, primæ illi divisioni *Scientiarum circa corpus, & scientiarum, circa animam versantium*, assignari non posuisse.

*Doctrina de persona hominis* duas res præcipue complectitur; Contemplationes scilicet de *miseriis humani generis*, & de ejusdem *prerogatiis*, sive *excellentiis*. Atque deploratio *humanarum eruminarum*, eleganter & copiose, à compluribus adornata est, tamen in Scriptis Philosophicis, quam Theologicis. Estque res & dulcis simul, & salubris.

At illa de *prerogatiis*, digna visa res nobis, quæ inter *Desiderata* proponatur. Elegantissimè certa Pindarus (ut plerunque solet) inter laudandum Hieronem ait, *Eum decerpere summitates ex omnibus virtutibus*. Evidem plurimum ad magnanimitatem, & humanum decus conferre posse putarem: si *Ultimates* (ut loquuntur Scholastici) sive *Summitates* (ut Pindarus) humanæ naturæ colligerentur; præcipue ex hi-

exhistoriæ fide; Illud est, quid *Vlsum*, & *Supremum* fuerit, quò unquam humana natura per se ascenderit, in singulis & corporis & animi dotibus. Quanta res, quæ de Cæsare narratur, quod Amanuensibus quinque simul *dictare suffecerit?* Quin & exercitationes illæ antiquorum Rhetorum, Protagoræ, Gorgiæ; Etiam Philosophorum, Callisthenis, Posidonii, Carneadis, ut de quovis Themate, in utramque partem ex tempore differere eleganter & copiose potuerint, *ingenui humani vires* haud parùm nobilitant. Res autem usu minor, at ostentatione & facultate fortassè major; quam de Archiâ Magistro suo memorat Cicero; *Eum magnum numerum optimorum versuum, de iis rebus, quæ tū agerentur, potuisse dicere ex tempore.* Tot millibus hominum nomina reddere potuisse Cyrus aut Scipionem, magnum *Memoria decus.* At *virtutum moralium palmæ* non minùs celebres, quam *Intellectualium.* Quantam rem, in exercitio *Patientia* exhibet historia illa vulgata de Anaxarcho, qui quæstiōni & tormentis subjectus, lingam, (indicii spem,) dentibus præscidit, & in os Tyranni expuit? Neque tolerantiæ cedit, (licet dignitate plurimum,) quod seculo nostro accidit in Burgundo quodam, Principis Auraisonensis interfector; Is virgis ferreis flagellatus, & forcipibus ignitis laceratus, nullum prorsùs gemitum edidit: Quin etiam cùm fortè fractum aliquid desuper in caput astantis cuiuspiam incideret, ustulatus jam nebulo, & in mediis tormentis, risit; Qui tamen paulò ante, cum cincinni capilliti, quos gestabat, tondentur, fleverat; *Animi quoque mira serenitas, & securitas,* sub ipsum *tempus mortis*, in pluribus enītuit; qualis fuit illa Centurionis apud Tacitum:

Is, cùm à milite, qui eum ex imperato occisurus esset, juberetur, ut cervices porrigeret fortiter, *Vtinam*, inquit ille, tutam fortiter serias. At Joannes Dux Saxoniae, cùm inter ludū scacchorum, Diplōma, quo nex ejus in posterum diem mandabatur, allatum esset, astantem quendam ad se vocavit, & subridens; Specta, inquit, num non potiores partes ludi hujus teneam. Iste enim (ad Collusorem innuens) me mortuo, jactabit suas potiores partes fuisse. Noster verò Morus, Angliae Cancellarius, cùm pridiè quo moriturus esset, tonsor ad eum veniret (missus scilicet ad hoc, ne fortè Capillatio promisso esset apud populum in spectaculo miserabilior,) eumque interrogaret, num tonderi placebet; renuit; atque ad tonsorem versus, *Mibi*, inquit, cum Rege de capite meo controversia est; Antequam verò illa terminata fuerit, sumptus in illud non faciam. Quin & idem, sub ipsum mortis articulum, postquam jam caput in truncum fatalem reclinasset, rutsus se paululum etexit, & barbā, quæ ei erat promissor, leniter amotā; At certè h.ec, inquit, non offendit Regem. Verū, ne hoc loco lōgiores simus, satis patet, quid velimus; nempe ut *miracula naturæ hum. inæ*, viresque ejus & virtutes ultimæ, tam animi, quam corporis, in volumen aliquod colligantur; quod fuerit instar fastorū de humanistriumphis. Quā in re, institutum Valerii Maximi, & C. Plinii probamus, diligentiam & judicium eorum requirimus.

Quantum ad doctrinam de fœdere, sive de *Communi vinculo animæ & corporis*: Ea in duas partes tribui possit. Quemadmodum enim, inter fœderatos intercedunt, & mutua rerum suarum communicatio, & mutua officia; sic fœdus istud animæ & corporis, duabus similiter rebus continetur: Nimirum ut describatur,

batur, quomodo haec duo ( anima scilicet & corpus ) se in-  
vicem detegant, & quomodo invicem in se agant: Notitia  
sive indicatione, & impressione. Harum prior, ( descri-  
ptio scilicet, qualis possit haberi notitia de animâ, ex  
habitu corporis: Aut de corpore, ex accidentibus ani-  
mi ) duas nobis peperit artes, utramque prædictio-  
nis: Inquisitionibus alteram Aristotelis, alteram Hip-  
pocratis decoratam. Quanquam autem tempora re-  
centiora, has artes, superstitionis & phantasticis mix-  
tutris, polluerint, repurgat tamen, ac in integrum  
restitutæ, & fundamentum habent in naturâ solidum,  
& fructum edunt, ad vitam communem, utilem. Pri-  
ma est *Physiognomia*, quæ per corporis lineamenta, a-  
nimi indicat propensiones: Altera *somniorum natura-  
lium interpretatio*, quæ corporis statum, & dispositio-  
nem, ex animi agitationibus detegit. In harum prio-  
re, partem nonnullam desiderari perspicio. Si quidé  
Aristoteles ingenuosè & solerter, corporis fabticam,  
dum quiescit, tractavit; eandem in motu, ( nimirum  
gestus corporis, ) omisit; qui tamen non minus artis  
observationibus subjiciuntur, & majoris sunt usus.  
Etenim lineamenta corporis, animi inclinationes &  
propensiones generales, ostendunt; Oris autem, &  
partium motus & gestus, insuper aditus, & tempora,  
& præsentis dispositionis & voluntatis signa decla-  
rant. Ut enim aptissimis atque elegantissimis Maje-  
statis tuæ verbis utar, *Lingua aures ferit. Gestus vero oculos alloquitur.* Hoc vero benè nōrunt Veteratores cō-  
plures, & astuti homines, quorum oculi in aliorum  
vultu & gestibus habitant; idque in commodum suū  
trahunt, utpote in quo facultatis, & prudentiæ suæ  
pāris maxima vertatur. Nec sanè negari potest, hoc  
ipsum, simulationis in altero, Indicem esse mitifi-  
cum

cum, & monere homines optimè, de electionibus temporum & opportunitatum, adeundi personas, quæ civilis prudentiæ pars est non parua. Nemo autem putet, hujusmodi solertiam, aliquid quidem valere, circa homines individuos, sub regulam autem non cadere: Nam ad unum ferè modum omnes ridemus, & ploramus, & erubescimus, & frontem contrahimus; & sic(ut plurimum) de motibus subtilioribus. Si quis autem hic *Chiromantie* meminit, sciat rem esse prorsum vanam; & in hujusmodi sermonibus, quos tractamus, nec dignam quidem, quæ nominetur. Quod verò ad somniorum naturalium interpretationem attinet: Res est quorundam laboribus pertractata, sed plurimis ineptiis scatens. Illud tantum in praesentia innuo, Basim illam huic rei, quæ maximè est solida, non substerni. Ea hujusmodi est; ubi idem sit ab interna causa, quod fieri quoque solet ab externa, actus ille externus transit in somnum. Similis est stomachi oppressio, ex crasso vapore, atque incubitu ponderis externi: Itaque qui incubo laborant, pondus sibi superimponi, magno cum apparatu circumstantiarum, somniant. Similis viscerum pensilitas, ex fluctuum agitatione in mari, & ex flatu circa praecordia collecto: Itaque Hypochondriaci sapienter Navigationes, & Agitationes super aquas somniant: Sunt & innumera id genus.

Posterior pars *doctrine fæderis*, (quam impressionem nominavimus) in Artem nondum redacta est, sed obiter tantum, & carptim, inter alias tractatus, aliquando intervenit. Illa eandem Antistrophem cum priori habet. Quippe duo considerat: *Aut quomodo & quousque, humores & temperamentum corporis immutent*

tent animam, in eamque agant: Aut rursus, quomodo & quoisque, animæ passiones, vel apprehensiones, immutent corpus, & in illud agant? Horum prius, in re medicâ, interdum tractari videmus: at id ipsum se miris modis religionibus inferuit. Pharmaca enim prescribunt Medici, quæ morbis animæ personandis inferviant, ut in curationibus maniæ, & melancholiæ, quinetiam medicinas porrigunt, ad animum exhilarandum, ad cor muniendum, atque inde fortitudinem augendam, ad ingenium acuendum, ad memoriam toborandam, & similia. At diætae, & delectus ciborum & potūtū, & ablutiones, & aliæ circa corpus observantiæ, in sectâ Pythagoræorum, & in Hæresi Manichæorum, & in Lege Mahometi, omnem modum superant. Ordinationes quoque Legis Cæremonialis, *Sanguinis & Adipis* esum prohibentes, ac animalia munda ab immundis distinguëtes, (quatenus ad cibi usum) & plurimæ sunt, & præcisæ. Imò Christiana fides ipsa, (quamvis à Cæremoniarum nube libera & serena) ulum tamen retinet Jejuniorum, abstinentiarum, & aliarum rerum, quæ ad corporis macerationem & humiliationem spectant, tanquam rerum nō merè ritualium, sed etiam fructuosalium. At qui radix omnium hujusmodi præceptionum, præter ipsam cæremoniam, & exercitium obedientiæ, in hac re consistit, de qua loquimur: Nimirum quod anima compatiatur corpori. Si quis autem judicio infirmior existimet, istas Corporis in Animam Impressiones, aut Immortalitatem Animæ in dubium revocare, aut Imperio Animæ in Corpus derogare; levi Dubitationi leve Responsum suffecerit. Exempla petat, vel ab Infante in Utero Matris: qui simul cum Matri's Affectibus compatitur, & tamen è corpore

pore matris suo tempore excluditur: vel à Monarchis, qui licet potentes, à servorum impetu quandoq; fle-  
ctuntur, salvâ interim Majestate suâ Regiâ.

Jam quod ad partem reciprocam, (*de anima & af-  
fectibus ejus in corpus agentibus*) illa quoque in medi-  
cinâ locum invenit. Nemo enim Medicus est paulò  
prudentior, quin *accidentia animi*, ut rem maximi ad  
sanationes suas momenti, quæque omnia alia reme-  
dia plurimùm vel adjuvet, vel impedit, consideret &  
tractet: At alind quippam, quod huc pertinet, parcè  
admodum, nec pro rei vel subtilitate, vel utilitate, in-  
quisitum est; quatentis scilicet (missis affectibus) ipsa  
*imaginatio animi*, vel *cogitatio per quam sita*, & *velut in  
fidem quandam exaltata*, valeat ad immutandum *corpus  
imaginantis*. Quamvis enim vita habeat ad nocen-  
dum manifestam, haud tamen inde sequitur pari po-  
tentia præditum esse ad subveniendum. Non magis  
hercule, quam si quis concluserit, quoniam repetitur  
aliquis aer ita pestilens, ut subito interimat; debet  
quoque esse aliquem aerem ita salubrem, ut Decum-  
bentem subito restituat. Atque hæc inquisitio nobis  
profecto esset usus, verum (ut ait Socrates) *Nata-  
tore Delio* indiget, quia mergitur in profundo. Rursus  
inter has doctrinas de sedere, sive consensibus animæ  
& corporis, non alia fuerit magis necessaria, quam  
illa disquisitio de sedibus propriis & domiciliis, quæ sin-  
gulæ animæ facultates habent in corpore, ejusque organis.  
Quod genus Scientie, qui sectati fuerint, non de-  
sunt; sed quæ habentur in plerisque, aut controversa  
sunt, aut leviter inquisita; ut majori diligentia & as-  
cumine opus sit. Nam sententia introducta à Platone;  
quæ *intellectus in cerebro*, tanquam in arce collocatus  
est, *animositas* (quam ille satis imperit) racundia vo-  
cavit;

cavit, cùm tumori & superbiæ sit propior ) in corde: Concupiscentia autem & sensualitas in iecinore; neque prorsus contemnenda est, neque cupidè recipienda. Rursus nec collatio facultatum illarum intellectualium (Phantasia, Rationis, Memoriae) secundum ventriculos cerebri, erroris expersa est. Atque Doctrinam de Natura Hominis indivisa, ac etiam de Fædere Animi & Corporis, explicavimus.

## C A P. II.

*Partitio doctrinæ circa corpus hominis in medicinam; & voluptuariam. Partitio medicina in officia tria, vid. in Conservationem Sanitatis, Curationem Morborum, & Prolongationem Vitæ: Quodq[ue] pars postrema de Prolongatione Vitæ dujungi debet a duabus reliquiis.*

**D**octrina circa corpus hominis eandem recipit divisionem, quam bona corporis ipsius, quibus inservit: bona corporis humani quatuor sunt: Sanitas, formativa pulchritudo, vires, voluptas. Totidem igitur Scientiae: Medicina, Cosmetica, Athletica, & Volupturia, quæ Tacitus appellat Eruditum luxum.

Medicina ars in primis nobilis, & ex generosissimâ prosapiâ secundum Poëtas. Illi enim introduxerunt Apollinem primarium Mecidinæ Deum; cui Filium dederunt Æsculapium, Deum itidem, & Medicinæ Professorem: Quippe cùm Sol in Naturalibus sit vita author, & fons: Medicus ejusdem conservator, & tanquam scaturigo altera. At decus longè illustrius accedit Medicinæ, ex operibus Servatoris, qui & animæ & corporis Medicus fuit: Et sicut animam doctrinæ suę cælestis, ita corpus, miraculorum suorum objectum veluti proprium constituit. Nusquam enim legimus miraculum aliquod ab eo patratum, circa honores, aut pecunias (præter unicum, quod tributū

redderetur Cæsari) sed tantum circa corpus huma-  
num, aut conservandum, aut sustentandum, aut per-  
fanandum.

Subiectum istud Medicinæ (*corpus nimirū huma-  
num*) ex omnibus, quæ Natura procreavit, maximè  
est capax remedii; sed vicissim illud remedium, ma-  
ximè est obnoxium errori. Eadem namque subiecti  
subtilitas & varietas, ut magnam medendi facultatē  
præbet, sic magnam etiam aberrandi facilitatem.  
Quocirca quemadmodum Ars ista ( præsertim quo  
nunc habetur modo ) inter præcipue conjecturales,  
ita inquisitio ejus reponēda est inter summè arduas,  
& accuratas. Neque propterea, cum Paracelso & Al-  
chymistis ita desipimus, ut putemus inveniri in cor-  
pore humano, quæ singulis Universitatis Rerū Spe-  
ciebus (*Stellis, Mineralibus, & aliis*) respondeant, sicut  
illi fabulantur, leviter & crassâ Minervâ traducen-  
tes Emblema illud Veterum ( quod homo esset Mi-  
crocosmus, sive Epitome totius Mundi ) ad hoc com-  
mentum suum. Verum nihilominus huc res redit,  
ut ( quod occœpimus dicere ) non inveniatur inter  
corpora naturalia, aliquod tām multiplicitate compo-  
situm, quām *corpus humanum*. Videmus enim her-  
bas & plantas ex terrā & aquā nutriti; Animalia ex  
herbis & fructibus: Hominē verò ex carnibus ipso-  
rum animalium, ( quadrupedum, avium, piscium )  
Etiam ex herbis, granis, fructibus, succis & liquori-  
bus variis, non sine multiplici commixtione, condi-  
turā, & præparatione horum corporum, priusquam  
homini sint in cibum. Adde quod animalibus viven-  
ti modus sit simplicior, affectusque, qui in corpus a-  
gant, pauciores, & ad unum ferè modum operantes;  
ubi homo, locis habitationum, exercitationibus, af-  
fecti-

fectibus, somno & vigiliis, vices propè infinitas variarum mutationum subit. Usque ad eò verum est, unam, inter res cæteras, corporis humani massam, maximè fermentatam, & ex plurimis coagmentataam esse. At anima contrà substantiarum est simplissima, ut non male cecinerit ille:

----- Purumque reliquit

Æthereum sensum, atq; Aurai simplicis ignem.

Unde minime est mirandum, Animam sic collocatā, requiem non invenite, juxta Axioma illud, Motum rerum extra locum esse rapidum, placidum in loco. Verum ut ad rem redeamus. Varia ista & subtilis corporis humani compositio & fabrica effecit, ut sit instar organi musici operosi & exquisiti, quod harmonia suā facile excidit. Quare apud Poëtas, summâ ratione, Musica cum Medicinâ in Apolline conjungitur; quia similis ferè sit utriusque artis Genius; Atque in eo consistat planè Medici officium, ut sciat humani corporis Lyram, ita tendere & pulsare, ut reddatur concensus minimè discors, & insuavis. Ergò demum ista subjecti inconstantia & varietas, artem reddidit magis conjecturalem: Ars autem tam conjecturalis cum sit, locum ampliorem dedit non solum errori, verum etiam imposturæ. Siquidem omnes aliae propter modum artes, & scientiæ, virtute suā & functione, non successu aut opere, judicantur. Advocatum ipsa agendi & dicendi facultas, non exitus causæ commedit; Gubernator navis, clavi tenendi peritiâ, non expeditionis fortunâ, se probat. At Medicus, & fortassis Politicus, vix habent actiones aliquas proprias, quibus Specimen Artis & Virtutis suæ, liquidò exhibeant; sed ab Eventu præcipue Honorem, aut Decus reportant, iniquissimo prorsus judicio.

Quotus enim quisque novit, ægroto mortuo, aut restituto, item Rep. stante, vel labante, utrum sit res causus, an consilii? Fit itaque sæpiissimè, ut impostor palam, virtus censuram referat. Quin ea est hominum infirmitas, & credulitas, ut sæpenumerò Agyrtam, aut Sagam, docto Medico præponant: Quare Poëtae oculati planè & perspicaces fuisse videntur; cum Æsculapio Circem Sororem dederunt, utrumque è Sole prognatum; sicut habetur in versibus; De Æsculapio Phœbigenâ,

*Ille repertorem Medicinæ talis, & Artis,*

*Fulmine Phœbigenam Stygiæ detrusit ad undas.*

Et similiter de Circe, Solis filia;

*Dives inaccessis ubi Solis filia lucis*

*Vrit odoratam nocturna in lumina cedrum.*

Omnibus enim Temporibus, famâ & opinione vulgi, Sagæ, & Aniculæ, & Impostores, Medicorum quodammodo rivales fuere; & de curationum celebritate cum iisdem ferè certârunt. Ex hoc dic sodes quid sequitur? Nempe ut Medici ita secum, quemadmodum Salomon in re graviori; *Si unus & stulti & meus eventus erit, quid mihi prodest, quod majorem sapientiam dedi operam?* Eqtidem Medicis minus succenso; si sæpenumerò vacent alicui alteri studio, quod adamât, magis, quam Arti suæ propriæ. Invenies etenim inter eos, Poëtas, Antiquarios, Criticos, Rhetores, Politicos, Theologos, atque in iis Artibus magis, quam in professione propriâ eruditos. Neque hoc fit, ut arbitror, quia ut quidam Declamator contra Scientias Medicis objicit) habeant quæ sibi obversentur objectata tam fœda & tristia, ut animum ad alia abducere iis omnino sit opus; (Nam qui homines sint, Nihil humani a se alienum putent;) Sed ob hoc ipsum, de quo

quo nunc agimus; Nempe quod arbitrentur parùm  
ipsis interesse, vel ad existimationem, vel ad lucrum,  
utrum artis suæ mediocritatem, an perfectionem in  
ea majorem aſsequantur. Morbi enim tædia, vitæ  
dulcedo, ſpei fallacia, & amicorum commendatio,  
efficiunt, ut homines facile in Medicis qualibuscunq;  
fiduciam collocent: Verùm ſi quis hæc attentiùs per-  
pendat, ea potius ad culpam Medicorum, quām ad  
culpæ excuſationem ſpectant. Neque enim ſpem ab-  
ſicere, ſed vires potius intendere debuerant. Nam ſi  
cui placet observationem expergefacere ſuā, & pau-  
latim circumſpicere, etiam ex exemplis obviis, & fa-  
miliaribus facile deprehendet; quātum obtineat im-  
perii, intellectus ſubtilitas & acumen, in varietatem ſive  
*Materiæ*, ſive *Formæ rerum*. Nil magis varium, quām  
hominum facies & vultus; Eorum tamen Discrimi-  
na infinita retinet memoria: Imdò Pictor ex pauculis  
colorum testis, acie oculi uſus, & vi phantasiæ, &  
manus constantiâ, omnium facies, qui ſunt, fuerunt,  
atque etiam ( ſi corām repræſentarentur) qui futuri  
ſunt, penicillo imitariac describere posset. Humanâ  
voce nil magis varium; Hujus tamen discriminia in  
ſingulis personis facile internoscimus: Quinetiam  
non defunt Motiones & Pantomini quidam, qui,  
quotquot libuerit, reddere ſciunt, & ad vivū ex-  
primere. Nil magis varium, quām ſoni articulati, ver-  
ba ſcilicet: Via tamen inita eſt, ea reducendi ad pau-  
cas literas Alphabeti. Atque illud veriſſimum eſt, nō  
ex eo, quod mens humana ſit minus ſubtilis aut ca-  
pax, perplexitates & acatalepsias in Scientiis plerun-  
que provenire; ſed ex eo potius, quod Objectum ni-  
mis in remoto collocatum ſit. Sicut enim ſensus, pro-  
cul ab objeſto diſſitus, plurimum fallitur; debite ap-

propinquatus, non multum errat; ita sit in intellectu. Solent autem homines naturam, tanquam ex prælatâ turri, & à longè despiciere, & circa generalia nimirū occupari; quando si descendere placuerit, & ad particularia accedere, resque ipsas attentiùs & diligentiùs inspicere, magis vera & utilis fieret comprehensio. Itaque huius incommodi remedium, non in eo solum est, ut organum ipsum vel acuant, vel roboret, sed simul ut ad objectum proprius accedant. Ideoque dubitandum non est, quin si Medici, missis paulisper istis generalibus, Naturæ obviām ire vellent, compotes eius fierent, de quo ait Poëta,

*Et quoniam variant morbi, variabimus artes;  
Mille mali species, mille salutis erant.*

Quod èd magis facere debent, quia Philosophiæ ipse, quibus innituntur Medici, sive Methodici, sive Chymici (Medicina autem in philosophia non fundata, res infirma est,) parvi revera sunt. Quare si nimis Generalia (licet vera forent) hoc vitium habeant, quod non bene homines ad actionem deducant, certe maius est periculum ab illis generalibus, quæ in se falsa sunt: atque, loco deducendi, seducunt.

Medicina igitur (uti perspeximus) adhuc taliter comparata est, ut fuerit magis ostentata, quam elaborata: etiam magis elaborata, quam amplificata, cum labores in eam insumpti, potius in circulo, quam in progressu se exercuerint. Plurima enim in ea video à Scriptoribus iterata, addita pauca. Eam in tres partes dividemus, quæ tria ejus officia nominabimus. Primum est *Conservatio Sanitatis*, secundum *Curatio Morborum*, tertium *Prolongatio Vitæ*. At istud postremum, non videntur Medici, tanquam partem principalem artis suæ agnoscere, verum idem reliquis duobus satis impe-

imperitè immiscuisse. Putant enim, si propulsentur morbi, antequam ingruant, & curen tur postquam invaserint; Prolongationem vitæ ultrò sequi. Quod licet minimè dubium sit, tamen parùm acutè prospiciunt, horum utrumque ad morbos tantum pertinere, & ad eam solummodo vitæ prolongationem, quæ à morbis abbreviatur & intercipitur: Atqui filiū ipsum vitæ producere, ac mortem, per resolutionem simpli-  
cem, & atrophiam senilem, sensim obrepentem, ad tempus summovere: Argumentum est, quod nemo ex Medicis pro dignitate tractavit. Neque verò subeat animos hominum ille scrupulus, ac si hæc res fato & divinæ Providentiaz commissa, in artis officium & munus jam primùm à nobis revocaretur: Providētia enim proculdubio mortes quascunque, sive ex violentiā, sive ex morbis, sive ex decursu ætatis, pariter regit: Neque tamen ideo præventiones & remedia excludit. Ars autem & industria humana, naturæ & fato, non imperant, sed subministrant. Verùm de hâc parte, paulò post dicemus; hæc tantum interea præfati, ne quis tertium istud officium Medicinæ, cū duobus prioribus, (quod ferè adhuc factum est) imperitè confundat.

Quod ad officium *tuenda Sanitati* attinet, (ex officiis prædictis Medicinæ primum) multi de eo scripserunt, cum in aliis rebus satis imperitè, tūm nimiū (ut arbitramur) delectui ciborum, minus quam par est, quātitati eorum tribuentes. Quin & in quantitate ipsâ, tanquam Philosophi morales, & mediocritatem nimis laudarūt; cum & jejunia in consuetudinē versa, & victus liberalis, cui quis assueverit, melius sanitatem tueantur; quam istæ mediocritates, quæ naturam ignavam ferè reddunt, neque excessus, neque

indiligentia, cum opus fuerit, patientem. Exercitationum autem species, quæ in sanitate tuendâ plurimum pollent, nemo ex Medicis benè distinxit, aut annotavit; cum vix inveniatur aliqua inclinatio in morbum, quæ non exercitatione quâdam propriâ corrigi possit. Morbis renum globorum lusus convenit, pulmonum sagittatio, stomachi deambulatio & gestatio, atq; aliis aliæ. Verum cum hæc pars, de *Valezudinis conservatione*, secundum totum tractata sit, defectus minores persequi non est nostri instituti.

Quod verò ad *Curationem Morborum* attinet, illa demum pars est *Medicina* in quâ plurimum laboris insumptum est, licet fructu satis tenui. Continet autem *Doctrinam de Morbis*, quibus corpus humanum subjicitur, una cum eorundem *Causis, Symptomatibus, & Medelis*. In hoc secundo Officio *Medicinae*, multa sunt quæ desiderantur: Ex his pauca, sed maximè insignia, proponemus, quæ enumerasse satis duxerimus absque aliqua ordinis, aut methodi lege.

Primum est, *Intermissio diligentiae* illius Hippocratis, utilis admodum & accuratae, cui moris erat narrativam componere, casuum circa ægrotos specialium referendo qualis fuisset morbi natura, qualis medicatio, qualis eventus. Atq; hujus rei nactis nobis jam exemplum, tam proprium atque insigne, in eo scilicet viro, qui tanquam Parens Artis habitus est: minimè opus erit exemplum aliquod forinsecum, ab alienis artibus petere; Veluti à Prudentia Jurisconsultorum, quibus nihil antiquius, quam illustiores causus, & novas decisiones, scriptis mandare; quò melius se ad futuros Casus muniant, & instruant. Istam proinde *Continuationem Medicinalium Narrationum desiderari* video; præsertim in unum corpus cum diligenter &

ria & judicio digestam ; Quam tamen non intelligo ita fieri debere amplā, ut planè Vulgata, & quæ quotidiè obveniant, excipiat, ( Id enim infinitum quidam esset, neque ad rem:) Nec rursus tam angustum; solummodò Mirabilia & Stupenda ( id quod à non nullis factum est ) complectatur. Multa enim in Modo rei, & Circumstantiis ejus, nova sunt, quæ in Generē ipso, nova non sunt : Qui autem ad observandū adjicet animum, ei etiam, in rebus, quæ vulgares videntur, multa observatu digna occurrent.

Item in Disquisitionibus Anatomicis fieri solet, ut quæ corpori humano in universum competant, ea diligentissimè, usque ad curiositatem, & in minimis quibusq; notentur: At circa varietatem, quæ in diversis corporibus reperitur Medicorum diligentia satiscit. Ideoque Anatomiam simplicem luculentissimè tractari affero, Anatomiam comparatam desiderari statuo. Partes enim singulas rectè perscrutantur homines, eorumq; Consistentiis, Figuris, Situs: sed illarum Partium diversam in diversis hominibus figuram & conditionem, minus observant. Atque hujus omissionis causam, non aliam esse arbitramur, quam quod ad primam inquisitionem, inspectio unius, aut alterius Anatomiae sufficere possit; ad posteriorem verò, (quæ comparativa est, & casum recipit,) necesse est, ut plurimarum dissectionū attenta & perspicax observatio adhibeatur; Prior etiam resest, in qua homines docti, in prælectionibus suis, & in cœtu Astantium, se jactare possunt, at secunda ea est, quæ tacita & diutina experientia tantū, acquiri potest. Illud interea minimè dubiū est, quod internarum partium figura & structura, parum admodum externorum membrorum varietati & lineamentis cedat, Quodque corda, aut jecinora, aut ven-

triculi tām dissimilia sint in hominibus, quām aut frontes, aut nasi, aut aures. Atque in his ipsis differentiis partium internarū, reperiuntur sēpius Causæ continentes multorum Morborum; quod non attentes Medici, humores interdūm minimē delinquentes criminantur: cūm ipsa Mechanica partis aliquujus fabrica in culpā sit. In quorum Morborum curā, opera luditur, si adhibeantur Medicinæ alterantes, (quia res alterationem non recipit) sed emenda res est, & accommodanda, seu pallianda, per viētūs regimen, & Medicinas familiares. Similiter, ad *Anatomiam Comparatam* pertinent accuratæ observationes, tam *Humorum omnigenum*, quām *Vestigiorum & Impressionum Morborum*, in corporibus variis dissectis; Etenim humores in *Anatomis*, tanquām purgamenta & fastidia ferè prætermitti solent, cūm tamen in primis necessariū sit notare, quales & quām multiplices sint humorū differentium species (non nimirum in hāc retribuendo divisionib[us] eorum receptis) qui in corpore humano aliquando inveniantur; Et in quibus *Civitatibus*, & *Receptaculis*, quilibet ipsorum, sedes & nidulos suos figere potissimum soleat; quoque juvamento aut damno, atque his similia. Itidem *Vestigia & Impressiones morborum & Interiorum Partium* ab iis *Lesiones & devastationes* in diversis *Anatomis* cum diligentia notanda; Nempe Apostemata, Ulcera, Solutiones Continuitatis, Putrefactiones, Excisiones, Consumptiones, Rursus Contractiones; Extensiones, Convulsiones, Luxationes, Dislocationes, Obstructiones, Repletiones, Tumores, unā cum omnibus Materiis Præter-Naturalibus, quæ in corpore humano inveniuntur, (veluti Calculis, Carnositatibus, Tuberibus, Vermibus, & hujusmodi.)

Hæc

Hæc (inquam) omnia, & his similia, per eam, quam diximus, *Anatomiam comparatam*, & multorum Medicorum Experimenta in unum collata, magnâ cum curâ perquiri & componi debent. At *varietas ista accidentium in Anatomicus aut perfuntoriè tractatur*, aut silentio præteritur.

De illo vero altero defectu circa *Anatomiam*, (nempe quod non fieri consueverit in *corporibus vivis*) quid attinet dicere? Res enim hæc odiosa, & barbara, & à Celsi rectè damnata. Nequatenam illud minus verum est, (quod annotatum fuit à Priscis) poros complures, & meatus, & pertusiones, quæ sunt ex subtillioribus, in Anatomicis dissectionibus non compariere; quippe quæ in cadaveribus occluduntur & latent; cùm in Viventibus dilatentur, & possent esse conspicui. Itaque, ut & usui consulatur simul & humaniti, non est omnino rejicienda *Anatomia Vivorum*, neque ad fortuitas Chirurgicorum inspectiones (quod Celsus fecit) remittenda; cùm hoc ipsum bene expediri possit, per dissectionem Brutorum Vivorum, quæ, non obstante suarum partium dissimilitudine ab humanis, huic inquisitioni, adhibito iudicio, satisfacere possint.

Item in inquisitione illorum de *Morbis*, inveniunt *Morbos complures*, quos *Insanabiles* decernunt, alios jam inde à principio morborum, alios post talem quamquam periodum. Ita ut L. Syllæ & Triumvirorum Proscriptiones, res nihil fuerint, præ Medicorum procriptionibus, per quas tot homines inquisimis edictis morti dedunt; Quorum tamen pluri- mi minore cum difficultate evadunt, quām illi olim inter proscriptiones Romanas. Neque igitur dubitabo inter *Desiderata* reponere opus aliquod de *Curationi-*

*rationibus Morborum*, qui habentur pro *Insanabilibus*, ut evocentur & excitentur Medici aliqui egregii, & magnanimi, qui huic operi, quantum largitur natura rerum, incumbant; quando hoc ipsum, *Istos morbos pronunciare insanabiles*; Neglectum & incuriam velutilege fanciat, & ignorantiam ab infamia eximat.

Item ut paulò ulterius insistam: Etiam planè censeo ad officium Medici pertinere, non tantum ut *sanitatem restituat*: verum etiam ut *dolores & cruciatus Morborum* mitiget: Neque id ipsum solummodo, cū illa mitigatio Doloris, veluti Symptomatis periculosi, ad convalescentiam faciat & conducat; imò verò cū abjectâ prorsus omni sanitatis spe, *Excessum* tantum p̄beat è vita magis tenem & placidum. Siquidem non parva est felicitatis pars, (quam sibi tantoperè precari solebat Augustus Cæsar) illa *Euthanasia*; Quæ etiam observata est in Excessu Antonini Pii, quando non tam Mori videretur, quam dulci & alto sopore excipi. Scribitur etiam de Epicuro, quod hoc ipsum sibi procuraverit, cùm enim morbus ejus haberetur pro desperato, ventriculum & Sensus, meri largiore haustu, & ingurgitatione obruit, unde illud in Epigrammate,

----- *Hinc Stygius ebrius hausit aquas.*

Viro scilicet Stygi Laticis amaritudinem sustulit. At nostris temporibus, Medicis quasi Religio est, ægrotis postquam deplorati sint, assidere; ubi meo iudicio, si officio suo, atque adeò humanitati ipsi deesse nolint, & artem ediscere, & diligentiam præstare debent, quā animam agentes, facilius & mitius è vita demigrent. Hanc autem partem, inquisitionem de *Euthanasia exteriori* (ad differentiam ejus *Euthanasiae*, quæ

quæ animæ præparationem respicit) appellamus, eāque inter Desiderata reponimus.

Item in Curationibus Morborum illud generaliter desiderari reperio; Quod Medici hujusce ætatis, licet generales intentiones Curationum non malè persequantur, particulares tamen Medicinas, quæ ad curationes morborum singulorum, proprietate quādam spestant, aut non benè nōrunt, aut non religiosè obseruant. Nam Medici traditionum & experientiæ probatæ fructum, Magistralitatibus suis destruxerunt, & sustulerunt; Addendo, & demendo, & mutando circa Medicinas, prout iis libitum fuerit; & ferè Pharmacopæorum more; Quid pro Quo substituendo; ita superbè imperantes Medicinæ, ut Medicina non amplius imperet Morbo. Demptis enim Theriacâ, & Mithridatio, & fortassè Diascordio, & Confectione Alkerimes, & paucis aliis Mediciniis, ad nulla ferè certa Pharmaca se religiosè & severè astringunt. Nam Medicamenta illa, quæ in officinis prostant venalia, potius in promptu sunt ad intentiones generales, quām accommodata & proptia ad curationes particulares; Siquidēa speciatim nullum morbum magnoperè respiciunt, verū generatim ad obstructions aperiendas, concoctiones confortandas, intempries alterandas pertinent. Atque hinc præcipue fit, ut Empyrici & Vetulæ sæpenumerò in curādis morbis feliciùs operentur, quām Medici eruditi, quia Medicinatum probatarum confectionem & compositionem fideliter & scrupulosè tinent. Evidem memini Medicum quendā apud nos in Angliā, Præticā celebrem, Religione propè Judæum, Librorum lectione tanquam Arabem, solitum dicere; Medici vestri Europæi sunt quidem viri docti, sed non nōrunt particulares

lares curationes morborum, quinetiam idem ludere solum  
lebat, parum decorè dicendo, *Medicos nostros similes*  
*esse Episcopos, ligandi & solvendi claves habere, & nihil*  
*amplius.* Sed ut serio, quod res est dicamus; Plutimum  
referre censemus, si Medicis aliqui, & eruditione &  
practicâ insigniores, opus aliquod confiant, de Me-  
dicinis probatis & experimentalibus, ad morbos par-  
ticulares. Nam quod speciosâ quis ratione nixus, ex-  
istimet decere Medicum doctum, ( habitâ ratione  
complexionis ærorum, ætatis, tempestatis anni,  
consuetudinum, & hujusmodi) potius Medicinas  
ex tempore aptare, quam certis aliquibus præscriptis  
insistere; id fallax res est, & experientiæ non satis at-  
tribuit, judicio plus nimis. Sanè quemadmodum in  
Rep. Romanâ, Cives erant utilissimi, & optimè com-  
positi, qui aut Consules Populo favebant, aut Tribu-  
ni in partes Senatus inclinabant: ita in hac Materia,  
de qua agimus, Medicos eos probamus, qui aut in  
magnâ eruditione, traditiones experientiæ pluri-  
mum faciunt; aut in Practicâ insigni, Methodos  
& generalia Artis non aspernantur. Modificationes  
vero Medicinarum ( si quando sit opus eas adhibere)  
potius in vehiculis eaurum exercenda sunt, quam in  
ipso corpore Medicinarum; in quo nil novandum,  
absq; evidentî necessitate. Hanc igitur partem, quæ  
de Medicinis Authenticis & Positivis tractet, desiderari  
statuimus. Res autem est, quæ tentari non debet,  
absque acriter & severo iudicio, & tanquam in Synodo  
Medicorum selectorum:

Item, inter præparations Medicinarum, mirari  
sabit (præsertim cum Medicina ex Mineralibus à Chy-  
miciis in tantum evectæ & celebratæ sint; cumq; ta-  
les Medicinæ tutiū adhibeantur ad exteriora, quam  
intro

intrō sumantur) neminem adhuc inventum, qui per artem *thermas Naturales*, & *fontes Medicinales* imitari annixus fuerit; cūm tamen in confessio sit, *Thermas* illas & *fontes*, virtutes suas, ex venis Mineralium, per quas permeant, nancisci: Quinetiam, in manifestum hujus rei documentum, benē norit humana industria, discernere & distinguere per Separationes quasdam, ex quo genere Mineralium, hujusmodi aquæ inficiantur, veluti an ex sulphure, vitriolo, chalybe, aut aliquo simili? Quæ naturalis aquarum tinctura, si ad artificiosas compositiones reduci posset, fuerit in potestate hominis, & plura genera earum (prout usus postulat) efficere, & temperamentum ipsarum pro arbitrio regere. Hanc igitur partem, de imitatione Naturæ in balneis Artificialibus (re procul dubio & utili, & in promptu) desiderari censemus.

Ne verò singula scrupulosius exequamur, quām vel instituto nostro, vel hujuscē Tractatus Naturæ convenit, claudemus hanc partem, defectus alterius cuiusdam enumeratione, qui maximi nobis videtur momenti: Nimirū quod *Medendiratio*, quæ obtinuit, sit nimio plus compendiosa, quām ut insigne aliquid, aut arduum præstare possit. Etenim judicio nostro, opinio fuerit magis blanda, quām vera, si quis existimat Medicamentum aliquod tam potens, aut felix fieri posse, ut usus ejus simplex, curationi alicui grandiori sufficiat. Mirabilis profecto foret Oratio, quæ pronunciata, aut etiam sèpiùs repetita, vitiū aliquod, animo penitus insitū, aut inveteratum, corrigere, aut tollere possit. Longè certè abest. Verum quæ in Naturā eximiè possunt & pollut, sunt ordo, prosecutio, series, vicissitudo artificiosa. Quæ licet

licet in ajus quoddam in præcipiendo judicium, maioremque in parendo constantiam, requirant; tamen effectuum magnitudine abundè rem compensant. Etsi autem ex opera Medicorum quotidianā, quam, invisendo, assidendo, præscribendo, ægrotis præstāt, putaret quispiam haud legniter ipsos curationem persequi; atque in eādem, certā quādam viā, insistere: Tamen si quis ea, quæ præscribere & ministrare soleant Medici acutius introspiciat, inveniet pleraque vacillationis & inconstantiae plena, & quæ ex tempore excogitentur, & in mentem illis veniant, absque certo aliquo, aut præviso Curationis tramite. Debuerant autem etiam ab initio, post Morbum bene perspectum & cognitum, seriem curandi ordinatam meditari, neque ab eā, absque gravi causā discedere. Atque sciant pro certo Medici, posse (exempli gratia) tria fortassē, aut quatuor Medicamenta, ad morbum aliquem gravem curandum recte præscribi, quæ debito ordine, & debito intervallo sumptā, curationem præstent: quorū singula, si per se tantum sumerentur, aut si ordo inverteretur, aut intervallū non servaretur, fuerint pro rōsus nocitura. Neque tamen id volumus, ut omnis scrupulosa & supersticiofa curandi ratio in pretio sit tanquam optima, (non magis, quam omnis *Via arcta, via sit ad Cœlum:*) verū ut æquè recta sit via, ac arcta & difficilis. Hanc autem partem, quam *filum medicinale vocabimus*, desiderari ponimus. Atque hæc illa sunt, quæ in *Doctrina Medicinae, de Curatione Morborum*, desideramus: nisi quod restet unicum, quod pluris est, quam illa omnia. Desideratur nimirum *Philosophia naturalis vera & activa*, cui *Medicinae Scientia* in ædificetur. Cæterū illa non est hujusce Tractatūs.

Tertiam partem Medicinæ, posuimus illam de Prolongatione vitæ, quæ nova est, & desideratur: Estque omnium nobilissima. Si enim tale aliquid inveniri possit, non versabitur tantum Medicina in Curacionum foribus; nec Medici ipsi propter Necesitatem solummodo honorabuntur, sed utique propter donum mortalibus, ex terrenis, quasi maximum, cuius poterint esse, secundum Deum, Dispensatores & Administrari. Licet enim Mundus homini Christiano, ad terram promissionis contendenti, tanquam Eremus sit; tamen in Eremo ipsa proficiscentibus, calceos & vestes (Corpus scilicet nostrum, quod animæ loco Tegminis est) minùs atteri, Gratiæ divinæ Munus quoddam æstimandum. Hac de re, quia est ex optimis, eamque inter Desiderata posuius, ex more nostro, & monita dabimus, & Indicia, & Praecepta.

Primo monemus, ex Scriptoribus, circa hoc Argumentum, neminem esse, qui aliquid magni, ne dicamus aliquid sani, repererit. Aristoteles certè Commentarium de hoc edidit perpusillum, in quo non nihil inest acuti: quod ipse omnia esse vult, ut solet. At Recentiores tam oscitanter, & superstitione, de hoc scripserunt, ut Argumentum ipsum ob eorum vanitatem, tanquam vanum & vecors haberi cœperit.

Secundo monemus, ipsas intentiones, quæ huc spectant, medicorum, res nihili esse, & cogitationes hominum à re potius abducere, quam versus eam dirigere. Sermocinantur enim, mortem in destituzione calidi & humidi consistere: Deberi itaque calorem naturalem confortari, humorem autem radicalem foveri: Perinde ac si hæc res jusculis, aut lactucis & malvis, aut amydo, aut jujabis, aut rursus aromati-

bus, aut vino generoso, aut etiam spiritu vini, & oleis Chymicis, confici possit. Quæ omnia obsunt potius, quam prosumt.

Tertiò monemus, ut homines nugari desinant, nec tam faciles sint, ut credant, grande illud opus, quale est Naturæ cursum remorari & retrovertere, posse haustu aliquo matutino, aut usu alicuius preciosæ medicinæ, ad exitum perduci: Non auro potabili, nō margaritarum essentiis, & similibus nugis: sed ut pro certo habeant; Prolongationem Vitæ esse rem operosam, & quæ ex compluribus remediis, atque eorum inter se connexione idoneâ, constet: Neque enim quisquam ita stupidus esse debet, ut credat, quod nūquam factum est adhuc, id fieri jā posse, nisi per modos etiam nunquam tentatos.

Quartò monemus, ut homines ritè animadvertant & distinguât, circa ea, quæ ad vitam sanam, & ea, quæ ad vitam longam, conferre possunt. Sunt enim nonnulla, quæ ad spirituum alacritatem, & functionum Robur, & Morbos arcendos, prosumt: quæ tamen de summâ vitæ detrahunt, & Atrophiam senilem absq; Morbis accelerant: Sunt & alia, quæ ad Prolongationem vitæ, & Atrophiam senilem longius summovēdam juvant: sed tamen non usurpantur absque periculo Valetudinis; Adeò ut qui iis utentur ad Prolongationem vitæ, debent simul incommodis occurrere, quæ alioquin ex eorum usu supervenire possint. Atque Monita hactenus deditus.

Quod ad Indicia attinet; Tale hujus rei, (quam Animo metimur) plasma est. Conservantur res & durant duobus modis: Aut in Identitate sua: Aut per Reparationem. In Identitate suâ, ut musta, aut formica in succino: Flos, aut Pomum, aut Lignum in Conservatoriis

Nivalibus Cadaver inter balsama. Per Reparationem, ut in Flammā & in Mechanicis. Operanti ad Prolongationem Vitæ, utoque genere utendum est, (disjuncta minus possunt) corpusque humanum conservandum, quemadmodūm Inanimata conservantur: Ac rursus quemadmodūm Flamma conservatur; Ac denique quadanterius ut Mechanica conservantur. Tres igitur sunt ad prolongandam Vitam intentiones: Retardatio Consumptionis: Probitas Reparationis, & Renovatio ejus, quod cœpit veterascere. Consumption fit à duabus deprædationibus: Deprædatione spiritus innati, & deprædatione Aëris ambientis. Prohibitio utriusque duplex: Aut si Agentia illa fiant minùs Predatoria, aut si Patientia (succi scilicet corporis) reddantur minùs Deprædabilia. Spiritus fit minùs Predatorius, si aut substantia densetur, ut in usu Opiatorum & Nitratorum, & in Contristationibus: Aut Quantitate minnatur, ut in Diätis Pythagoricis & Monasticis: Aut Motu leniatur, ut in Otio & Tranquillitate. Aer ambiens fit minùs Predatorius, si aut minùs incalescat à Radiis Solis, ut in Regionibus frigidioribus, in Speluncis, in Montibus, & in Columnis Anachoretarum: Aut summoveatur à Corpore, ut in Cute densa, & in plumis Avium, & in usu Olei & Vnguentorum absque Aromatibus. Succi Corporis redduntur minùs deprædabiles, si aut Duri facti sint, aut Rosci di sive oleosi. Duri, ut in Victu aspero, vita in Frigido: Exercitationibus robustis: Balneis quibusdam Mineralibus. Roscidi, ut in usu Dulcium, & abstinentiam à Salsis & Acidis, & maximè omnium, in tali Mistione Potus, quæ sic Partium valde tenuium & subtilium, absque tamen omni Acrimoniam aut Acedine. Reparatio fit per Alimenta: Alimentatio autem promovetur quatuor Modis: Per Concoctionem Viscerum ad Extrusionem Alimenti,

ut in confortantibus viscera principalia: Per excitationem partium exteriorum ad attractionem alimenti, ut in exer-citationibus & fricationibus debitiss, atque unctionibus quibusdam & Balneis appropriatis: Per præparationem alimenti ipsius, ut facilius se insinuet, & digestiones ipsas quadamtenus anticipet, ut in variis & artificio-sis modis cibi condiendi, potus miscendi, panis fermentan-di, & horum trium virtutes in unum redigendi: Per con-fortationem ipsius ultimi actus assimilationis, ut in somno tempestivo, & applicationibus quibusdam exterioribus. Renovatio ejus, quod cœpit veterascere, fit duobus mo-dis; vel per Intenerationem habitus corporis ipsius, ut in usu Malacificationum ex Balneis, Emplastris, & Vnctioni-bus: quæ talia sint ut imprimant, non extrahant: Vel per expurgationem succi veteris, & substitutionem succi novi, ut in tempestivis & repetitis purgationibus, sanguini-nis Missionibus, & Diætis attenuantibus, & quæ florem corporis restituunt. Atque de Indicis hactenùs.

*Præcepta*, quanquam ex ipsis Indicis plurima pos-sint deduci; tria tamen veluti præcipua subjungere visum est. *Præcipimus* primò, ut Prolongatio vitæ ex-pectetur potius à Diætis statim, quam à Regimine ali-quo viætus familiari; aut etiam à medicamentorum particularium excellentiâ. Etenim, quæ tantâ virtute possent, ut naturam retrovertere valeat; fortiora ple-runque sunt, & potentiora ad alterandum, quam ut simul in aliquâ Medicinâ componi, multò minùs in viætu familiari interspergi possint. Supereft itaque ut seriatim, & regulariter, & ad tempora certa, & vici-bus certis recurrentia, adhibeantur.

Secundò *præcipimus*, ut Prolongatio Vitæ, exspectetur potius ab operatione in Spiritus, & à Malacificatione partium, quam à modis alimentandi. Etenim, cum Corpus

Corpus humanum, ejusque Fabrica (missis externis) à tribus patiatur; Spiritus scilicet; Partibus; & Ali-  
mentis; Via prolongationis vitæ per alimentandi  
modos longa est; atque per multas ambages & circui-  
tus: At viæ per operationes super Spiritus, & super  
partes, multò breviores sunt, & quibus citius ad fi-  
nem desideratū pervenitur; Eò quod Spiritus subitò  
patientur, & à vaporibus, & ab affectibus, quæ miris  
modis in eos possunt: partes item, per Balnea, aut Un-  
guenta, aut Emplastra, quæ subitas etiam impressio-  
nes faciunt.

Tertiò *principimus*, quod Malacissatio partium per Exterius, fieri debet, per *Consumentia*, *Imprimentia*, & *Occludentia*. *Consumentia* enim benevolo partium amplexu libenter excipiuntur, & propriè malacissant. *Imprimentia* autem, & virtutem Malacis-  
santium, tanquam vehicula, faciliùs & altius deduc-  
cunt, atque ipsa partes nonnihil expandunt. *Occlu-  
dentia* autem, virtutem utrorumque retinent, & pau-  
lisper figunt, & perspirationem, quæ est res Malacis-  
sationi opposita, (quia humidum emitit), cohibent.  
Itaq; per hæc tria (sed potiùs ordine disposita, & suc-  
cedentia, quām commixta) res absolvitur. Interim in  
hāc parte monemus; non eam esse intentionem Ma-  
lacissationis, ut nutriat partes per exterius; sed tātum  
ut eas reddat magis idoneas ad nutritiū. Quicquid  
enim magis aridū est, minūs est actiū ad assimi-  
landū. Atque de *Prolongatione Vitæ*, quæ est pars ter-  
tia *Medicinae* noviter ascripta, hæc dicta sint.

Veniamus ad *Cosmeticam*, quæ certè partes habet  
civiles, partes rursùs effeminatas. Corporis enim  
munditia, & decor honestus, rectè existimatur pro-  
manare à modestiā quādam morum, & à reverentiā;

in primis erga Deum, cuius creaturæ sumus; tum erga societatem, in quā degimus; tum etiam erga nosmet ipsos, quos non minus, imò magis, quām alios revereri debemus. Verūm adulterina illa decoratio, quę fucos & pigmenta adhibet, digna certè est illis defēctibus, qui eam semper comitantur, cùm non sit, aut ad fallendum satis ingeniosa, aut ad utendum satis commoda, aut ad salubritatem satis tuta & innocua. Miramur autem pravam hanc consuetudinem fucādi, leges censorias, tām Ecclesiasticas, quām Civiles, quae aliās in luxuriam circa vestes, aut cultus capillorum effeminatorum, admodum fuerint severæ, ita diu fugisse. Legimus certè de Iezabele, quod pigmentis faciem obliuerit; verūm de Estherā, & Judithā, nil talie perhibetur.

Pergamus ad *Athleticam*: Eam sensu intelligimus paulò largiori, quā accipi consuevit. Huc enim referimus, quicquid versatur circa conciliandam qualēcunque (quam corpus humanum suscipit) Habitatem; sive sit Agilitas, sive Tolerantia. Quarum Agilitas duas habet partes, Robur & Velocitatem: Ac Tolerantia itidem duas, vel Indigentiarum Naturalium patientiam, vel in Cruciatibus Fortitudinem. Quorum omnium, videmus sēpē numerō exempla insignia, in practicā funambulorum; in duro viētu hominum quorundam Barbarorū, in stupendis viribus Maniacorum; & in constantiā nonnullorum inter exquisita Tortura. Imò si aliqua alia reperiatur facultas, quę in priorem partitionem non cadit (qualis in Vrinatoribus sēpē conspicitur, qui mirificē Anhelitum cohibere possunt) ad hanc ipsam Artem aggregari volumus. Atque quod talia fieri quandoque possint, manifestissimum est: At Philosophia & inquisitio causa-

causarum circa eadem ferè neglecta jacet: Hanc arbitramur ob causam, quod hominibus persuasum sit hujusmodi Magisteria Naturæ, solum modò vel ex peculiari certorum hominum indole, (qua sub disciplinam non cadit,) vel à diutinâ, ab annis usque puerilibus, consuetudine (qua potius imperari, quam doceri solet) obtinere. Quod etsi verum prorsus non sit, tamen defectus hujusmodi rerum quid attinet notare? Certamina enim Olympica jam diu cessarunt: Tum etiam in ejusmodi rebus mediocritas sufficit ad usum: Excellentia autem mercenariæ cuidam ostentationi ferè inservit.

Postremò accedimus ad *artes voluptarias*. Ex secundum sensus ipsos dispergit sunt: oculos oblectat præcipue *Pictoria*, cum aliis artibus innumeris, quæ ad magnificentiam spectant, circa ædificia, hortos, vestes, vasa, calices, gemmas, & similia. Aures demulcet *Musica*, quæ tantâ vocum, spiritus, chordarum, varietate, & apparatu, instructa est. Olim etiam *Hydraulica*, pro *Coryphæis* quibusdam Artis ejus habita sunt, quæ nunc propè obsoleverunt. Atqne Artes, quæ ad *Visum*, aut *Auditum* spectant, præ aliis præcipue *Liberales* habitæ sunt: Sensus hi duo magis casti: Scientiæ magis eruditæ, quippe qui etiam *Mathematicam*, veluti *Ancillam*, in Familiis suis habeant: Etiam altera ad *memoriam* & *demonstraciones*: Altera ad *mores* & *affectus* animi nonnihil respicit. Reliquorum sensuum oblectationes, atque artes circa ipsos, minus in honore sunt; veluti *Luxuriæ*, quam Magnificentiae propiores, unguenta, odramenta, Deliciæ & Cupediæ Mensarum, maximè autem Incitamenta Libidinis, rectius censore, quam Doctore indigent. Optimè sanè à quibusdam anno-

tatum est , nascentibus & crescentibus Rebus pub. Artes Militares florere ; in statu & culmine positis Liberales, at ad declinationem & decaſum vergentibus Voluptarias. Hæc verò ætas nostra , vereor ne tanquam in decaſu felicitatis , in Artes voluptarias inclinet. Quare ista missa faciamus. Cum *Artibus Voluptariis Ioculares copulo.* Deceptiones siquidem Sensuum , inter Delectationes Sensuum reponendæ sunt.

Jam verò trans cursis *Doctrinæ illis*, circa *corpus humanum*, ( *Medicinâ, Cosmeticâ, Athleticâ, Voluptariâ* ) illud obiter monemus ; Cùm in *corpore humano* tot Res in considerationem veniant, *partes, humores-Funções, facultates, Accidentia*: Cumque, ( si nobis integrum esset) constitui oportuisset *corpus unicum Doctrinæ de corpore humano*, quæ ista omnia complectentur ( simile illi *Doctrinæ de anima*, de quâ mox dicimus ) tamen ne artes nimis multiplicantur , neve veteres artium limites, plusquam necessè fuerit, transponantur: *Doctrinæ de partibus corporis humani, de functionibus, de humoribus, de respiratione, de somno, de generatione, de fœtu & gestatione in urero, de Augmentis, de pubertate, de canicie, de impinguatione, & similibus, in Corpus Medicinæ recipimus*; licet ad officia illa tria non propriè pertineant; Sed quia *corpus ipsum hominis*, sit per omnia Medicinæ Subiectum. Motum autem voluntarium , & sensum, ad *Doctrinam de anima* rejicimus , siquidem *Animæ partes in his duobus sunt potiores*. Atque sic *Doctrinam*, quæ circa *corpus hominis* versatur , quod *Animæ pro tabernaculo duntaxat est, claudimus.*

## C A P. III.

*Partitio Philosophiae humanæ circa animam, in Doctrinam de spiraculo; & doctrinam de animâ sensibili sive productâ. Partitio secunda ejusdem*

*Quidem Philosophia in doctrinam de substantia & facultatibus animæ, & doctrinam de usu, & objectis facultatum. Appendices duæ doctrinæ de facultatibus animæ; Doctrina de divinatione naturæ, & doctrina de fascinatione. Distributio facultatum animæ sensibilis in motum; & sensum.*

**V**eniamus ad doctrinam de animâ humana; è cuius thesauris, omnes cæteræ doctrinæ depromptæ sunt. Ejus duæ sunt partes; Altera tractat de anima rationali, quæ Divina est; Altera de irrationali, quæ communis est cum Brutis. Notavimus autem paulò superiùs (ubi de formis loquebamur) differentes illas duas animarum emanationes, quæ in primâ utriusq; creatione, sedant conspiciendas; Nimirum, quod altera ortum habuerit à spiraculo Dei, altera è matribus Elementorum. Nam de anima rationali generatio primitivâ, ita ait Scriptura, Formavit hominem de limo terræ, & spiravit in faciem spiraculum vite. At generatio animæ Irrationalis, sive Brutorum, facta est per verba illa, Producat aqua; Producat terra: Hæc autem anima (qualis est in homine) animæ rationali organum tantum est, atque originem habet, & ipsa quoque, quemadmodum in Brutis, è limo terræ: Neque enim dictum est, Formavit corpus hominis de limo terræ, sed Formavit hominem; integrum scilicet hominem, excepto spiraculo. Quamobrem partem primam doctrinæ generalis circa animam humnam, doctrinam de spiraculo appellabimus; Secundam vero, doctrinam de anima sensibili sive productâ. Neque tamen, cum haec tenus Philosophiam solam tractemus (quippe Sacram Theologiam in fine operis collocavimus) partitionem ista à Theologia mutuaremus, nisi etiam cum principiis Philosophiae conveniret. Plurimæ enim & maximæ sunt anime humanae præcellentiae supra animas Brutorum, etiam Philosophantibus secundum sensum manifestæ.

nifestæ. Ubicunque autem tot & tantarum inveni-  
tur Excellentiarum Symbolum, ibi meritò semper  
constitui debet differentia specifica. Itaque nobis  
non nimiùm placet, confusa illa & promiscua Phi-  
losophorum de animæ functionibus tractatio; ac si ani-  
ma humana, gradu potius, quām specie, discriminata  
esset ab anima Brutorum: Non aliter, quām Sol inter  
Astra, aut Aurum inter Metalla.

Subjungenda est etiam partitio alia doctrinæ gene-  
ralis circa animam humanam, antequām de speciebus  
fusius loquamur. Etenim, quæ de speciebus postea  
dicemus, utramque partitionem, tum illam, quam  
jam modò posuimus, tum istam, quam nunc proponemus, simul tractabunt. Secunda igitur partitio sit,  
in doctrinam de substantiâ & facultatibus animæ, & do-  
ctrinam de usu & objectis facultatum.

Præmissis itaque his partitionibus geminis, ad spe-  
cies accedamus. *Doctrina de spiraculo*, eademque de  
substantiâ animæ rationalis, complectitur inquisicio-  
nes illas de Naturâ ejus; *Utrum nativa sit illa*, an *ad-  
ventitia*: *Separabilis*, an *inseparabilis*: *Mortalis*, an *im-  
mortalis*, quatenus legibus materiae alligata, quatenus mi-  
nime; & similia? Quæ verò hujus sunt generis, licet  
etiam in Philosophiâ, & diligentiore & altiore  
inquisitionem subire possint, quām adhuc habetur,  
ut cunque tamen in fine, Religioni determinanda &  
diffinienda rectius transmitti censemus: Aliter enim,  
erroribus haud paucis, & sensu illusionibus omni-  
nō exponentur. Etenim, cùm Substantiæ animæ, in  
creatione suâ, non fuerit extracta aut deducta, ex  
massâ Cœli & terræ, sed immediatè inspirata à Deo;  
Cumque leges Cœli & terræ, sint propria subjecta  
Philosophiæ; quomodò possit cognitio de substantiâ  
animæ

*animæ rationalis* ex Philosophiâ peti & haberi? Quin imd ab eadem inspiratione Divinâ hauriatur, à qua *substantia animæ* primò emanavit.

Doctrina verò de *anima sensibili*, sive *productâ*, etiam quatenus ad *substantiam ejus*, verè inquiritur: At ea inquisitio nobis quasi desiderari videtur. Quid enim ad doctrinam de *substantia animæ* faciunt, *Actus ultimus*, & *forma corporis*, & hujusmodi nugæ Logicæ? *Anima* siquidem *sensibilis*, sive *Brutorum*, planè *substantia corporea* censenda est, à calore attenuata, & facta *invisibilis*; *Aura* (inquam) ex *natura flammæ* & aëre *confusa*, aëris mollicie ad impressionem recipiendam, ignis vigore ad actionem vibrandam dotata; partim ex oleosis, partim ex aqueis nutrita; Corpore obducta, atque in animalibus perfectis in capite præcipue locata, in nervis percurrens, & sanguine spirituoso arteriarum reducta & reparata; quemadmodum Bernardinus Telesius, & Discipulus ejus Augustinus Donius, aliquā ex parte, non omnino inutiliter, asseruerunt. Itaque de hac doctrinâ, diligentior fiat inquisitio: Eo magis, quod hæc res non bene intellecta, opiniones superstitiones, & planè contaminatas, & dignitatem *anima humana* pessimè concutientes, de *Metempsychosi*, & *lustrationibus animarum* per periodos annorum, denique de nimis propinquâ *anima humana* erga *animas Brutorum* per omnia cognatione, peperit. Est autem hæc *anima* in Brutis *anima principalis*, cuius corpus *Brutorum* organum; In homine autem, organum tantum & ipsa *animæ rationalis*, & *spiritus* potius appellatione, quam *anima* indigitari possit. Atque de *substantia animæ* hactenus.

Facultates autem *anima* notissimæ sunt; *Intellectus*,  
*ratio*,

*Ratio, Phantasia, Memoria, Appetitus, Voluntas, denique universæ illæ, circa quas versantur Scientiæ Logicæ, & Ethicæ: Sed in doctrina de anima, origenes ipsarum tractari debent, idque physicè, prout animæ innatae sunt, & adhærent: usus tantum ipsarum, & Objecta, illis alteris artibus, deputantur.* Atque in hac parte, nihil egregii (ut nobis videtur) adhuc repertum est; quanquam desiderari eam haud sanè dixerimus. Habet etiam pars ista de facultatibus animæ, appendices duas; quæ & ipsæ, quemadmodum tractantur, potius famos nobis exhibuerunt, quam flammam aliquam lucidam veritatis: Altera harum est doctrina de divinatione naturali; Altera de fascinatione.

*Divinationem ab Antiquis, nec malè, in duas partes divisam habemus; Artificialem, & Naturalem: Artificialis ratiocinando, ex indicatione signorum, prædictionem colligit; Naturalis, ex ipsâ animi præsensione internâ, absque signorum adminiculis, præsagit. Artificialis duplex; Altera argumentatur ex causis: Altera ex experimentis tantum, cœcâ quâdam auctoritate; Quæ posterior, ut plurimum, superstitiosa est; quales erant Ethnicorum Disciplinæ, circa inspectionem extorum, volatum avium, & similia. Etiam Chaldæorum Astrologia solennior, non multò melior. At artificialis Divinatio utraque, inter diversas Scientias spargitur. Habet Astrologus prædictiones suas, ex situ astrorum. Habet etiam Medicus suas, De morte ingruente; De convalescentiâ; De symptomatibus morborum superventuris, ex urinis, pulsibus, aspectu ægrorum, & similibus. Habet & Politicus suas; O urbem venalem, & eito peritoram, si Emptorem invenerit: Cujus Vaticinii fides non diu morata est; impleta primùm in Syllâ, posteà in Cæsare. Hujusmodi igitur prædictiones,*

præsentis non sunt Instituti, verùm ad artes proprias remitti debent. *Naturalis* autem *Divinatio*, ex vi scilicet internâ animi ortum habens, ea demùm est, de quâ nunc agitur. Hæc duplex est; Altera *nativa*: Altera per *influxum*. *Nativa* hoc nititur suppositionis fundamento: Quod anima in se reducta, atque collecta, nec in corporis organa diffusa, habeat ex vi propriâ essentiæ suæ, aliquam prænitionem rerum futurarū: Illa verò optimè cernitur, in somnis, ecstasibus, confiniis mortis, rariis inter vigilandum, aut cum corpus sanum sit ac validum. Hujusmodi verò status animi, procuratur ferè, aut adjuvatur, ex abstinentiis, atque illis rebus, quæ animam à muneribus corporis exercendis maximè sevocant, ut suâ naturâ absque impeditiōibus exteriorum gaudere possit. *Divinatio* verò per *influxum*, hoc altero suppositionis fundamento nititur; Quod anima, veluti speculum, illuminationē quandam secundariam, à *Præscientia Dei*, & *Spiritu* excipiat; Cui etiam idem, qui priori, status & regimen corporis confert. Eadem enim animæ sevocatio efficit, ut & suâ naturâ impensis utatur, & *Divinorum Influxuum* sit magis susceptiva: Nisi quod in *Divinationibus* per *influxum*, anima fervore quodam, atque tanquam Numinis præsentis Impatientiâ (quæ apud Priscos *Sacri Furoris* nomine vocabatur) corripiatur: In *Divinatione* autem *Nativâ*, quieti potius & vacationi propior sit.

*Fascinatio* autem, est vis & actus imaginationis intensivus, in corpus alterius: ( vim enim imaginatio-  
nis super Corpus proprium ipsius imaginantis supe-  
riùs perstrinximus.) In hoc genere schola Paracelsi, &  
ementitæ *naturalis Magiae* cultores, tam fuerunt im-  
modici, ut imaginationis impetum & Apprehensio-  
nem,

nem, miracula parant fidei tantum non exæquarint. Alii ad similitudinem veri proprius accedentes; cum occultas rerum energias & impressiones, sensuum irradiationes, contagionum de corpore in corpus transmissiones, virtutum magneticarum delationes acutiùs intuerentur, in eam opinionem devenerunt, ut multò magis à Spiritu in Spirituum cum Spiritus præ rebus omnibus sit, & ad agendum strenius, & ad patiendum tener & mollis, impressiones, & delationes, & communicationes fieri poterint. Unde increbuerunt opiniones factæ quasi populares, De Genio superiori, De hominibus quibusdam infaustis & ominosis, De ictibus amoris & invidiæ, & aliæ his similes. Atque huic conjuncta est disquisitio, quomodo *Imaginatio* intendi & fortificari possit? Quippe si imaginatio fortis tatarum sit virium, operæ pretium fuerit nosse, quibus modis eam exaltari, & seipsa maiorem fieri detur? Atque hic obliquè, nec minus periculosè, se insinuat palliatio quædam, & defensio maximæ partis *Magia cærimonialis*. Speciosus enim fuerit prætextus, cærimonias, characteres, incantationes, gesticulationes, amuleta, & similia, non ex aliquo tacito, aut Sacramentali cum malis Spiritibus contractu, vires nancisci; sed eò pertinere tantum ut *Imaginatio* illius, qui his utitur, roboretur & exalteretur: Quemadmodum etiam in Religione, usus imaginum, ad mentes hominum in rerum contemplatione desigendas, & devotionem Precantium excitandam, invaluit. Attamen mea talis est Sententia; Etiam si detur vim imaginationis esse utique potentem, atque insuper Cærimonias vim illam intendere & robore posito denique, quod adhibeantur Cærimoniae ad hanc intentionem sincerè, atq; tanquam remedium

Physi-

Physicum, absque aliquâ vel minimâ cogitatione, de invitandis per ipsas auxiliis Spirituum, haberi nihilominus debent pro illicitis, propterea quod sententiæ illi Divinæ, adversus hominem propter Peccatum latæ, repugnant & recalcitrent; In sudore vultus comedes panem tuum. Siquidem Magia ejus generis, egregios illos fructus, quibus Deus Preium Laborem cōstituit, adipiscendos proponit, per paucas, easque faciles, & minimè operosas observantias.

Supersunt Doctrinæ duæ, quæ ad facultates animæ inferioris, sive sensibilis, præcipue spectant, utpote quæcum organis corporeis maximè communicant. Altera de motu voluntario: Altera de sensu & sensibili. In priori harum, etiam aliæ satis jejunè inquisitâ, unica pars ferè integradeest. Etenim de officio, & fabricâ commodâ nervorum & musculorum, & caliorum quæ ad hunc motum requiruntur; Quæque pars corporis quiescat, dum alia moveatur; Tum quod hujusce motus rector & quasi auriga sit imaginatio, adeo ut dimissa imagine, ad quam motus fertur, statim intercipiatur & sistatur motus ipse, (ut cū deambulamus, si alia subeat cogitatio acris & defixa, continuò consistimus,) & aliæ nonnullæ subtilitates non malæ, in observationem & inquisitionem iam pridem venerunt. Quomodo verè compressiones, & dilationes, & agitationes Spiritus, (qui procul dubio motus fons est) corpoream & crassam partium molém, flectat, excitet, aut pellat, adhuc diligenter inquisitum & tractatum non est Neque mirum, cum anima ipsa sensibilis, haec tenus potius pro entelechiâ & functione quâdam habita sit, quam pro substantiâ. At quandò jam innotuerit, ipsam esse substantiam corpoream & materiatam, necesse est etiam, ut quibus nixibus, auras

tām

tam pusilla & tenera, corpora tam crassa & dura, in motu ponere possit, inquiratur. De hac parte igitur, cum desideretur, fiat inquisitio.

At de sensu & sensibili, longè uberior & diligentior adhibita est inquisitio, tam in Tractatibus circa ea generalibus, quam in artibus specialibus, utpote perspectivâ, Musica: quam verè nihil ad institutum: quandoquidem illa tanquam desiderata ponere non liceat. Sunt tamen duæ partes nobiles & insignes, quas in hac doctrinâ desiderari statuimus: Altera de differentia perceptionis & sensus: Altera de forma lucis.

Atque differentiam inter perceptionem & sensum, bene enucleatam, debuerant Philosophi Tractatibus suis de sensu & sensibili præmittere, ut rem maximè fundamentalem. Videmus enim, quasi omnibus corporibus naturalibus, inesse vim manifestam percipiendi: Etiam electionem quandam amica amplectendi, inimica & aliena fugiendi. Neque nos de subtilioribus perceptionibus tantum loquimur, veluti cum Magnes ferrum allicit; Flamma ad naphtham assilit; Bulla bullæ approximata coit; Radiatio ab objecto albo dissilit; Corpus animalis utilia assimilat, inutilia excernit; Spongiæ pars (etiam super aquam elevata) aquam attrahit, aerē expellit, & hujusmodi; Etenim quid attinet talia enumerare? Nullum siquidem corpus ad aliud admotum, illud immutat, aut ab illo immutatur, nisi operatione præcedat perceptio reciproca. Percipit corpus meatus, quibus se insinuat; Percipit impetum alterius corporis, cui cedit; Percipit motionem alterius corporis, à quo detinebatur, cum se recipit; Percipit divulsionem sui continui, cui ad tempus resistit; ubique denique est Perceptio. Aer verò calidum & frigidum tam acutè Percipit, ut ejus Perceptio

*ceptio* sit longè subtilior , quām tractus humani ; qui tamen pro calidi & frigidi normā habetur . Duplex igitur deprehenditur circa hanc doctrinam hominum culpa ; Alia , quod eam intactam , & intractatam (cū tamen sit res nobilissima ) plerunque reliquerunt : Alia , quod qui huic contemplationi fortè animum adjecterunt , longius , quām par est , proiecti sunt , & *sensum* corporibus omnibus tribuerunt : ut piaculum ferē sit ramum arboris avellere , ne fortè instar Polydori ingemiscat . At debuerant illi *differentiam perceptionis & Sensus* , non tantū in comparatione sensibilium ad insensibilia , secundum corpus integrum , explorare , (veluti plantarum & animalium ,) verū etiam in corpore ipso sensibili animadvertere , quid in causā sit , cur tot actiones expediantur , absque omni tamen *Sensu* ? Curi alimenta digerantur , egerantur ; Humores & Succi , sūrsūm , deorsūm , ferauntur ; Cor & Pulsus vibrent ; Viscera , sua quæque opicia , sicut officinæ , producant , & tamen hæc omnia , & complura alia , absque *Sensu* fiant ? Verum homines non satis acutè , qualis sit actio *Sensus* , viderunt , atque quod genus corporis , quæ mora , quæ conduplicatio impressionis ad hoc requirantur , ut dolor vel voluptas sequatur ? Denique *differentiam* inter *Perceptionem* simplicem , & *Sensum* , nullo modo nosse videntur ; nec quatenus fieri possit *Perception* absque *sensu* . Neque enim hæc verborum tantum controversia est , sed de re magni prorsus momenti . De hæc igitur doctrina (ut in primis utili , & ad plurima spectante ) melius inquiratur . Quandoquidem etiam circa hanc rem inscitia , tantum apud nonnullos ex Antiquis Philosophis potuerit , ut omnibus sine discrimine corporibus animam infundi putaverint : Neque enim videbant ,

bant, quomodò *Motus* cum discretione fieri potuerit  
absque *Sensu*; aut *Sensus* adesse absque *Anima*.

De *Forma Lucei*, quod debita non facta fuerit inquisitio (præsertim cum in *Perspectiva* strenuè elaborarunt homines) stupenda quædam negligentia censi possit. Etenim, nec in *Perspectiva*, nec aliàs, aliquid de *Luce*, quod valeat, inquisitum est. Radiations eius tractantur, origines minimè. Sed collocazione demùm *Perspectivæ* inter *Mathematica*, hunc ipsum defectum, & alios similes peperit; quia à *Physicis* præmaturè discessum est. Tractatio autem de *Luce*, & caussis eius, in *Physicis* rursùs superstitiona ferè est, tanquam de re inter *Divina* & *Naturalia* mediâ; adeò ut quidam ex *Platonicis*, eam materiâ ipsâ antiquiorrem introduxerint: Cùm enim spaciū esset difflatum, id primum lumine, postea verò corpore impletum fuisse, vanissimo commento asseruerunt: Quando tamen Scripturæ Sacræ, massam Cœli & Terræ, tenebrosam, ante *Lucem* creatam, disertè posuerint. Quæ verò physicè, & secundum sensum de ea tractantur, ea statim ad Radiationes descendunt, ut parum *Physicæ* inquisitionis circa hanc rem extet. Debuerant autem homines contemplationes suas submittere paulispes, & quid sit *Corporibus omnibus* *Lucidis* cōmune inquirere, tanquam de *Forma Lucei*. Etenim quam immensa est corporis differentia, (si ex dignitate considerentur) inter *Solem* & *Lignum putridum*, aut *squamas etiam pisciūm putridas*? Inquirere etiam debuerant, quid tandem in causâ sit, cur aliqua ignescant, & *Lucem* ex se jaciant calefacta, alia minimè? Ferrum, metalla, lapides, vitrum, ligna, oleum, sevum, ab igne, vel flammatum vibrant, vel saltum rubescunt: At aqua, aér, acerrimo, & tanquam furenti

furenti calore fervefacta, nihil tamen *Lucis* adipiscuntur, nec splendent. Quod si quis hoc ed fieri putet, quod proprium sit *Ignis lucere*, A qua autem & Aër Igni omnino inimica sint; Is sanè nunquam per obscuram Noctis, in aquâ falsâ, tempestate calidâ, remigavit; cum guttulas aquæ ex tremorum concussione subsilientes, micare & lucescere videre potuisset. Quod etiam sit in spumâ maris ferventiore, quam *Pulmonem Marinum* vocant. Quid denique habent commune cum flammâ & ignitis, Cicendulæ & Luciolæ; & Musca Indica, quæ Cameram totam illustrat: Et oculi quotundam Animalium in tenebris, & Saccharum inter radendum, aut frangendum, & sudor equi nocte æstuosa festinantis; & alia nonnulla? Quin & homines tam parum in hac re videbunt, ut pleriq; scintillas è silice, aërem attritum putent. Attamen quando aëre calore non ignescat, & *Lucem* manifestò concipiatur, quomodo tandem sit, ut noctuæ, & feles, & alia nonnulla animalia, noctu certant? Adeò ut ipsi aëri, (quandò visio absq; *Luce* non transigatur) necesse est inesse *Lucem* aliquâ Nativam & genuinam, quamvis tenuem admodum & infirmam, quæ tamen sit radiis visivis hujusmodi animalium proportionata, iisq; ad videndum sufficiat. Verum hujusce mali (ut plurimorum) caussa est, quod homines ex instantiis particularibus, *Formas Naturarum Communes* non elicuerunt; Id quod nos tanquam subiectum proprium *Metaphysicæ* posuimus: Quæ & ipsa *Physicæ*, sive *Doctrina de Natura* pars est. Itaque de *Forma* & *Originibus Lucis* fiat Inquisitio, eaq; interim inter Desiderata ponatur. Atque de *Doctrina* circa substantiam animæ, tam Rationalis quam Sensibilis, cum facultatibus suis atque de ejusdem *Doctrina Appendicibus*, hæc dicta sint

FRANCISCI  
**BARONIS DE**  
**VERULAMIO,**  
**VICE-COMITIS SANCTI**  
**ALBANI,**  
*De Dignitate & Augmentis Scientiarum;*  
**LIBER QUINTUS,**  
*AD REGEM SVVM.*

## C A P . I.

*Partitio doctrinæ circa usum & objecta facultatum animæ humanae,  
 in Logicam, & Ethicam. Partitio Logicæ, in Artes Inve-  
 niendi, Iudicandi, Retinendi, &  
 Tradendæ.*

**D**Octrina *circa Intellectum*, (Rex optime) atque illa altera *circa Voluntatem hominis*, in natalibus suis tanquam Gemellæ sunt. Etenim illuminationis puritas, & arbitrii libertas, simul incœperunt, simul corruerunt. Neque datur in Universitate Rerum, tam intima Sympathia, quam illa Veri & Boni. Quod magis rubori fuerit Viris doctis, si Scientiæ sint tanquam Angeli Alati, Cupiditatibus vero, tanquam Serpentes, qui humi reptant; circumgerentes animas, instar speculi sanè, sed menstruati.

Venimus jam ad *doctrinam circa usum & objecta fa-*  
*cultatum animæ humanae*. Illa duas habet partes, easque notissimas, & consensu receptas; *Logicam & Ethicam*: Nisi quod *doctrinam civilem*, quæ vulgo ut pars *Ethicae* collocatur, jam antè emancipaverimus; & in integrâ *doctrinam de homine congregato*, sive in *societate*, consti-  
 tueri-

tuerimus; h̄c tantum de homine segregato tractantes.  
*Logica de Intellectu & Ratione*; *Ethica de Voluntate, Appetitu, & Affectibus* differit; altera *decreta*, altera *actio-*  
*nēs* progignit. Verum quidem est, quod phantasia in  
 utrāque provinciā, tām *Judiciali*, quām *Ministeriali*,  
*Legati* cuiusdam, aut *Internuncii*, aut *Procuratoris*  
 reciproci, vices gerit. Nam sensus idola omnigena  
 phantasie tradit, de quibus postea ratio judicat: At  
 ratio vicissim idola electa, & probata phantasie trās-  
 mittit, priusquam fiat executio decreti. Siquidē mo-  
 tum voluntarium perpētuò praeedit, eumque incitat  
 phantasia: adeò ut phantasia sit utriusque tām rationi,  
 quām voluntati instrumentum commune: nisi quod  
 Janus iste Bifrons sit, & duas obvertat facies: Facies  
 enim rationem aspiciens, veritatis habet effigiem;  
 Facies autem actionem aspiciens, effigiem Bonitatis:  
 Quæ tamen sint facies,

----- *Quales decet esse sororum.*

Neque verò merus & nudus Internuncius est phan-  
 tasia; sed auctoritatem non exiguum, vel accipit, vel  
 usurpat, præter delationem simplicem mandati. Re-  
 ñe enim Aristoteles: *Id Imperii habet anima in corpus*,  
*quod Dominus in mancipium*: *Ratio verò in phantasiam*,  
*quod in libera Civitate Magistratus in Civem*: Ad quem  
 possit suā vice redire Dominatio. Videmus enim  
 quod in iis, quæ sunt fidei & religionis, phantasia su-  
 pra ipsam rationem scandalat & evehatur: Non quod  
 illuminatio Divina locum habeat in phantasie, (quin  
 potius in ipsâ arce mentis & intellectus:) verūm quē  
 admodum gratia Divina in virtutibus, utitur moti-  
 bus voluntatis; ita similiter Gratia Divina in illumi-  
 nationib⁹, utitur motibus phantasie; unde fit, ut Re-  
 ligio semper aditum sibi ac viam ad animum quæfie-

rit, per similitudines, typos, parabolas, visiones, insomia. Rursus haud humile est regnum phantasie in persuasionibus, à vi eloquentiae insinuatis. Nam ubi per orationis artificia hominum Animi demulcentur, inflammanter, & in quamcunque partem pertrahuntur; totum illud sit per exuscitationem phantasie, quæ impotens jam facta, non solum rationi insultat, verum eidem vim quodammodo facit, partim occando, partim extimulando. Neque tamen causa videtur, cur à partitione priore discedamus. Nam phantasia scientias ferè non parit: Siquidem Poësis (quæ à principio phantasie attributa est) pro lusu potius ingenii, quam pro scientiâ habenda. Potestatem autem phantasie in naturalibus, doctrinæ de anima paulò antè assignavimus. Eam vero, quam habet cum Rhetorica cognitionem, illi ipsi arti, (de qua infrà tractabimus) remitti par est.

Pars ista humanæ Philosophiae, quæ ad Logicam spe. Etat, ingeniorum plurimorum gustui ac palato minus grata est, & nihil aliud videtur, quam spinosæ subtilitatis laqueus ac tendicula. Nam sicut verè dicitur, Scientiam esse animi pabulum: ita in hoc pabulo appetendo, & diligendo, plerique palatum nocti sunt Israélitarum simile in deserto; quos cupidio incessit redundi ad ollis carnium; Manno autem fastidium cepit: Quæ, licet cibus fuerit coelestis, minus tamen sentiebatur almus & sapidus. Eodem modo (ut plurimum) illæ Scientiae placent, quæ habent infusionem non nullam carnium magis esculentam, Quales sunt Historia Civilis, Mores, Prudentia Politica, circa quas hominum cupiditates, laudes, fortunæ vertuntur & occupatae sunt. At istud lumen siccum, plurimorum mollia & madida ingenia offendit, & torret. Ceterum

rūm unamquamque rem propria si placet dignitate metiri, Rationes Scientiae reliquarum omnino claves sunt. Atque quemadmodū Manus instrumentum instrumentorum, Anima forma formarum, ita & illæ, Artes artuum ponendæ sunt. Neque solum dirigunt, sed & roborant; sicut sagittandi usus & habitus, non tantum facit, ut melius quis collimet; sed ut arcum tenuat fortiorē.

Artes Logicæ quatuor numero sunt; divisæ ex finibus suis, in quos tendunt. Id enim agit homo in Rationalibus: Aut ut inveniat, quod quæsiverit: Aut judicet, quod invenerit: Aut retineat, quod judicaverit: Aut tradat, quod retinuerit. Necesse igitur est, ut totidem sint Artes Rationales. Ars Inquisitionis, seu Inventionis: Ars Examini, seu Iudicii: Ars Custodiae, seu Memoriae: & Ars Elocutionis seu Traditionis. De quibus jam sigillatim dicemus.

## C A P. II.

*Partitio inventivæ, in inventivam artium, & argumentorum: Quodq; prior harum ( que eminet ) desideretur. Partitio inventivæ artium in experientiam literatam; & organum novum.*

*Delineatio experientiæ literæ.*

Inventionis duæ sunt species, valde profecto inter se discrepantes; Una artium & scientiarum; altera argumentorum & sermonum. Priorem harum desiderari prorsus pronuncio. Qui quidem talis mihi videtur esse defectus; ac si quis in inventario conficiendo bonorum altius Defuncti ita referat: Numerata pecunia nihil. Ut enim cætera omnia pecuniâ parantur; ita & per hanc artem reliquæ acquiruntur. Atq; sicut India Occidentalis nunquam nobis inventa fuisset, nisi præcessisset Acus Nauticæ Inventio: licet Regiones illæ immensæ, Versoriæ Motus pusillus sit:

Ita non est cur miretur quispiam, in *Artibus* perlungandis & promovendis, ampliores progressus factos non esse; quandoquidem *Ars inveniendi* & perlungandi scientias hactenus ignoretur.

Hanc scientiæ desiderari partem planè in confessu est. Primo enim *Dialectica* nihil profitetur, immo ne cogitat quidem, de *inveniendis artibus*, sive *Mechanicis*, sive (quas vocant) *Liberalibus*: Aut etiam de illarum *operibus*; harum vero *axiomatibus* eliciendis; sed quasi præteriens homines alloquitur, & dimittit, edicens, ut *Cuique in suâ arte credant*. Celsus vir prudens, non solum Medicus (licet moris sit omnibus in laudes Artis propriæ effundi) graviter & ingenuè, de Empyricis & Dogmaticis Medicorum sectis loquens, fatetur; *Medicamenta & remedia priùs fuisse inventa*, de causis vero & rationibus posterius disceptatum, non ordine converso, causas ex natura rerum primo erutas fuisse, easq; inventioni remediorum præluxisse. At Plato non semel innuit, *Particularia infinita esse, maximè rursus generalia minùs certa documenta exhibere*: *Medullā igitur scientiarum, qua artifex ab impertio distinguitur, in mediis propositionibus consistere, quas per singulas scientias tradidit & docuit experientia*. Quin & illi, qui de primis Rerum Inventoribus, aut Scientiarum Originibus verba fecerunt, casum potius, quam artem celebrarunt; Atque animalia Bruta, Quadrupedes, Aves, Pisces, Serpentes, magis, quam Homines, tanquam Scientiarum Doctores, introduxerunt.

*Dicannum Genitrix Dicæa carpit ab Ida,  
Puperibus caulem foliis, & flore comantem  
Purpureo, non illa feris incognita capris  
Gramina, cùm tergo volucres hædere sagittæ.  
Adeò ut minimè mirum sit (cùm in more apud Anti-*  
quos

Quos fuerit rerum utilium inventores consecrare )  
apud Ægyptios gentem priscam, ( cui plurimæ Artes  
initia sua debent, ) templo plena fuisse simulachris  
Brutorum; hominum verò simulachris propè vacua;

Omnigenumq; Deum monstra, & latrator Anubis,

Contra Neptunum, & Venerem, contraq; Minervā, &c.

Quod si malis, ex traditione Græcorum, artes potius hominibus, ut in inventoribus tribuere; haudquam tamen dixeris Prometheum ad ignis inventionem contemplationes adhibuisse: Aut cùm Silicem primò percuteret, scintillas expectasse; sed casu in illud incidisse, atque (ut aiunt) Furtum Iovi fecisse. Ita ut ad artium inventionem quod attinet, capræ sylvestri pro emplastris, philomelæ pro modulationibus Musicis, ibidi lavationibus intestinorum, operculo ollæ, quod dissiliit, pro tormentariâ, denique (ut verbo dicamus) Casui, aut cuivis alteri rei plus debeamus, quam Dialecticæ. Nec verò multò aliter se habet modus ille inveniendi, quem rectè describit Virgilius,

Vt varias usus meditando extunderet Artes

Paulatim -----

Non enim alia hīc proponitur inveniēdi methodus, quam cuius Bruta ipsa sunt capacia, & quam crebro usurpant; nimilum attentissima circa unam rem sollicitudo, eiusque perpetua exercitatio, quas sui conservandi necessitas hujusmodi animantibus imponeat. Cicero enim verè admodum; *Usus uni rei deditus, & Naturam, & Artem sapè vincit.* Quare si prædicetur de hominibus,

----- *Labor omnia vincit*

*Improbus, & duris urgens in rebus egestas;*

*Etiam de Brutis similiter quatitur,*

*Quis expedivit psittaco suum X. ipe?*

Corvo quis auctor fuit, ut magna siccitate lapillos immitteret arbori cavæ, ubi aquam forte conspexit, ut surgente laticem rostro posset attingere? Quis viam monstravit apibus, qui per aërem, tanquam vastum mare, agros floridos, licet multum ab alveari bus distitos, solent petere, & favos suos denuò repetere? Quis formicā docuit, ut grana in colliculo suo reponenda circumroderet prius, ne reposita germinarent, & spem suam illuderent? Quod si in versu illo Virgiliano quis notet verbum illud *Extundere*, quod difficultatem rei; & verbum illud *Paulatim*, quod tarditatem innuit, redibimus, unde profecti sumus, ad Ægyptiorum illos Deos, cum haec tenus homines modicè rationis facultate, neutiquam verò officio artis usi sint, ad inventa detegenda.

Secundò hoc ipsum quod asserimus, (si advertatur paulò diligentius) demonstrat *Inductionis* forma, quam proponit *Dialectica*; qua scilicet scientiarum principia inveniantur, & probentur; quæ vitiosa planè est, & incompetens, & naturam tantum abest, ut perficiat, ut etiam eam pervertat & detorqueat. Qui enim modum acutè introspexerit, quo ros iste æthereus Scientiarum, similis illi, de quo loquitur Poëta.

— Aere mellis cœlestia dona,

Colligatur; (Cùm & Scientiæ ipsæ ex exemplis singulis, partim naturalibus, partim artificialibus, tanquam prati floribus & horti, extrahantur) reperiet profectò animum suapte sponte, & nativâ indole, *inductionem*, solerti confidere, quam quæ describitur à Dialecticis: Siquidem ex nuda enumeratione particularium (ut Dialectici solent) ubi non invenitur instantia contradictionia, vitiosè concluditur, neque aliquid

aliquid aliud, hujusmodi *Inductio* producit, quām cōjecturam probabilem. Quis enim in se recipiet, cūm particularia, quae quis novit, aut quorum meminit, ex una tantum parte compareant; non delitescere aliquid, quod omnino repugnet? Perinde ac si Samuel acquievisset in illis Isai filiis, quos corām adductos videbat in domo, & minimē quæsivisset Davidem, qui in agro aberat. Atq; hæc *inductionis* forma, (si verum omnino dicendum sit) tam pinguis est & crassa, ut incredibile videatur, tam acuta & subtilia ingenia (qualia in his rebus meditationes suas exercuerunt) potuisse eam mundo obtrudere: Nisi illud in causa fuisse, quod opera festinata ad Theorias & Dogmata contendissent: Particularia autem, (præsettim moram in iis longiorem) ex fastu quodam & elatione animi, despexissent. Illi enim exempla sive instantias particulares, vice lictorum, aut viatorum adhibuerunt ad summovendam turbam, ut dogmatibus suis viam aperirent, neutiquām autem ea inde ab initio in consilium advocarunt, ut legitima fieret & matura de rerum veritate deliberatio. Certè perculserit animos pia & religiosa quædam admiratio, cūm videamus eadem calcata vestigia, ad errorem dūcentia, in Divinis & humanis Quemadmodum enim in Divina Veritate percipienda, ægrè quis in animū inducat, ut fiat tanquam parvulus; ita in Humanā perdiscenda, proiectos utiq;, puerū more, prima inductionum, elementa adhuc legere & retractare, res humili existimatur, & quasi contemnenda.

Tertio, si concedatur principia Scientiarum, ex *Inductione*, qua utuntur, vel sensu & experientia, rectè posse constitui, certissimum est tamen, axiomata inferiora ab iis per Syllogismum non posse (in rebus

Natu-

Naturalibus, quæ participant ex Materiâ) rectè & tu-  
tò deduci. In *Syllogismo* enim fit reductio propositio-  
num ad principia per propositiones medias. Hæc au-  
tem sive *Inveniendi* sive *Probandi Forma*, in *Scientiis*  
*Popularibus* (veluti *Ethicis*, *Politiciis*, *Legibus*, & huius-  
modi) locum habet: Imò & in *Theologicis*; quando-  
quidem Deo pro bonitate suâ placuerit captui hu-  
mano se accommodare: At in *Physicis*, ubi natura ope-  
re, non adversarius argumento constringendus est,  
elabitur planè veritas ex manibus; propter longè ma-  
jorem naturalium operationum, quām verborum  
Subtilitatem: Ad eò ut succumbente *Syllogismo*, *Indu-  
ctionis* (veræ scilicet & emendatæ) officio ubique o-  
pus sit, tam ad Principia magis generalia, quām ad  
propositiones inferiores. Nam *Syllogismi* ex propo-  
sitionibus consistunt; Propositiones ex verbis; Verba  
Notionum tesserae sunt; Quare si notiones ipsæ (quæ  
Verborum animæ sunt) malè & variè, à rebus abstra-  
hantur, tota Fabrica corruit. Neque laboriosa vel  
consequentiarum argumentorum, vel veritatis pro-  
positionum examinatio, rem in integrum unquam  
restituet; cùm error sit (ut loquuntur Medici) in *Di-  
gestione prima*; quæ à functionibus sequentibus non  
rectificatur. Non igitur absque magnâ & evidenti  
causâ evenit, ut complures ex Philosophis (Aliqui  
autem eorum maximè insignes) Academici fuerint  
& Sceptici, qui Scientiæ humanæ, & Syllepsium cer-  
titudinem sustulerunt, ultra verisimilitudinem, aut  
probabilitatem negantes, eam pertingere. Inficias nō  
iverim, visum esse nonnullis, Socratem, cùm Scien-  
tiæ certitudinem à se amoveret, per Ironiam tantum  
hoc fecisse; & Scientiam dissimulando simulasse: Renun-  
ciando scilicet iis, quæ manifestò sciebat, ut eo mo-  
do,

do, etiam quæ nesciebat, scire putaretur. Neq; etiam in recentiore Academiâ, (quam amplexus est Cicero) illa Opinio *Acatalepsia* admodum sincerè culta fuit. Etenim qui Eloquentiâ floruerunt, hanc ferè sectam sibi desumpserunt, ut in utramque partem copiosè differendi gloriam assequerentur: unde à viâ illâ rectâ, per quam ad Veritatem pergere debuissent, tanquam ad deambulationes quasdam amœnas, animi causâ institutas, deflexum est. Constat tamen, non nullos sparsim in utrâque Academiâ (veteri & novâ) multò magis inter Scepticos, *Acatalepsiam* istam simpliciter & integrè tenuisse. Verùm in hoc maximè ab illis peccatum est; quod sensuum perceptiones calumniabantur; unde *Scientias* radicitùs evellebant. Sensus verò, licet sæpenumerò homines aut fallant, aut destituant, possint tamen multâ adiuti industriâ ad *Scientias* sufficere; Idque non tam ope instrumentorum (licet & hæc quoque aliquâ ex parte prosint) quàm Experimentorum eius generis, quæ Obiecta subtiliora, quàm pro sensus facultate, ad obiecta sensu comprehensibilia, producere queant. Debuerant autem potius defectum hâc in patte, imputasse meritum tum erroribus, tum contumaciæ, quæ rebus ipsis morigera esse recusat) & pravis demonstrationibus, & modis ratiocinandi, & concludendi, ex perceptione sensuum, perperam institutis. Hæc autem loquimur, non quo intellectui detrahatur, aut negotium totum deseratur, sed quod intellectui auxilia commoda comparentur & subministrentur, quibus rerum ardua, & naturæ obscuritatem vincere possunt. Nemo enim tanta pollet manus constantia, aut etiam habitu, ut rectam lineam ducere, aut perfectum circulum circumscribere, manu libera possit; quod tam

mēn ope regulæ , aut circini , facere in promptu est. Hæc igitur res ipsa est, quam paramus , & ingenti conatu molimur ; ut scilicet mens per artem fiat rebus par: Utque inveniat ars quædam indicii & directionis, quæ cæteras artes, earumque axiomata , atque opera detegat, & in conspectum det. Hanc enim merito desiderari posuimus.

*Ars ista indicii* ( ita enim eam appellabimus ) duas habet Partes : Aut enim defertur *indictum ab experimentis ad experimenta* : Aut *ab experimentis ad axiomata*, quæ & ipsa nova experimenta designent. Priorem harum *Experientiam Literatam* nominabimus, posteriorem vero *Interpretationem naturæ*, sive *nōvum organum*. Prior quidem ( ut alibi attigimus ) vix pro Arte habenda est, aut *Parte Philosophia*, sed pro sagacitate quâdam ; unde etiam eam *venationem Panis* ( hoc nomen ex fabulâ mutuati ) quandoque appellamus: Attamen quemadmodum possit quis, in viâ suâ, triplici modo progredi ; Aut cum palpât ipse in tenebris : Aut cum alterius manu ducatur ipse parum videns ; Aut denique cum vestigia lumine adhibito regat : Similiter cum quis experimenta omnigena, absque ullâ serie, aut methodo tentet, ea demum mera est palpatio : Cum vero non nullâ utatur in experimentando directione, & ordine, perinde est ac si manu ducatur: Atque hoc illud est, quod per *Experientiam Literatam* intelligimus. Nam lumen ipsum, quod testium fuit, ab interpretatione naturæ, sive novo organo, petendum est.

*Literata experientia*, sive *venatio Panis* modos experimentandi tractat: Eam ( cum desiderari posuerimus, neque res sit planè perspicua ) pro more & instituto nostro aliquatenus adumbrabimus. *Modus Experimentandi* præcipue procedit, Aut per variationem experimenti:

menti: Aut per productionem experimenti; aut per translationem experimenti: Aut per inversionem experimenti: Aut per compulsionem experimenti: Aut per applicationem experimenti: Aut per copulationem experimenti: Aut denique per sortes experimenti. Universa vero ista cohibita sunt, citra terminos axiomatis alicujus inveniendi. Illa enim altera pars de novo organo, omnem translationem experimentorum in axiomata, aut axiomatum in experimenta, sibi vindicat.

Variatio experimenti sit primò in materia; scilicet, quando experimentum in jam cognitis, certæ materiæ ferè adhæsit; nunc vero in illis, quæ similis sunt speciei, tentetur: Veluti *confectio papyri*, in pannis linteis tātū probata est, in sericis minimè, (nisi forte apud Chinenses;) Neque rursus in filaceis, compositis ex setis & pilis, ex quibus conficitur (quod vocamus) camelotum; Neque denique in laneis, gossipio, & pellibus, quamquam hæc tria postrema magis esse videntur heterogenea. Itaque admisceri possint potius, quam per se utilia esse. Item *insitio in arboribus fructiferis*, in usu est: In arboribus sylvestribus raro tentata; licet prohibetur, ulmum in ulmum insitam miras producere foliorum umbras: Insitio etiam in floribus, rara admodum est; licet hoc jam cooperit fieri in rosis Muscatellis, quæ rosis communibus feliciter inoculantur. Etiam variationem in parte rei, inter variationes in materia ponimus. Videmus enim *surculum in trunco arboris insitum felicius pullulare*, quam si terræ indatur. Cur non & semen cepæ, capiti alterius cepæ viridis inditum, felicius germinet, quam si nudæ terræ commissum fuerit? Atque hic radix pro trunco variatur, ut hæc res insitio quædam in radice videri possit. Variatio experimenti sit secundò in efficiente: Radix

dii solis per specula comburentia, calore ita intenduntur, ut materiam, quæ ignem facile concipiatur, accendere possint: Num & radii lunæ, per eadem, ad lenissimum aliquem gradum teporis actuari possunt, ut videamus, utrum corpora omnia cœlestia sint potestate calida? Item *calores radiosí*, per specula scilicet, intenduntur: Num etiam calores opaci (quales sunt lapidum & metallorum antequam candeant) idem patiuntur, an potius sunt luminis in hâc re partes nonnullæ? Item *succinum* & *gagates fricata* paleas trahunt: Num etiam & ad ignem tepefacta? *Variatio experimenti* fit tertio in *quanto*: circa quod diligens admodum est adhibenda cura, cum hoc multi circumstent errores. Credunt enim homines, auctâ aut multiplicatâ quantitate, pro rata augeri, aut multiplicari virtutem. Et hoc ferè postulant & supponunt, tanquam res sit Mathematicæ cuiusdam certitudinis: Quod omnino falsissimum est. *Globus plumbens* unius libræ à turri demissus (pnta) decem pulsuum spatio, ad terram descendit: Num *Globus duarum Librarū* (in quo Impetus iste, Motus (quem vocant) Naturalis, duplicari debet) spatio quinque pulsuum terram feriet? At ille æquali ferè tempore descendet, neque accelerabitur juxta rationem *Quanti*. Item *sulphuris* (puta) *drachma una*, semilibræ chalybis admista, eam fluente faciet & colliquari: Num igitur uncia sulphuris, quatuor libris chalybis, ad colliquationem sufficiet? At illud non sequitur. Certum enim est, *obſervationem materie in patiente*, per quantitatem, augeri amplius, quam activitatem virtutis in agente. Porro nimum æquè fallit, ac patium. Etenim in *excoctionibus*, & *depurationibus metallorum*, error est familiaris, ut ad excoctionem promovendam, aut colorem fornacis,

aut

aut additamenti, quod iniiciunt, molem ageant. At illa supra modum aucta operationem impediūt; propterea quod vi & acrimoniā suā, multum ex metallo purō in fumos vertant & asportent; ut & jactura fiat; & massa, quae remanet, magis sit obstinata & dura. Debent igitur homines ludibrium illud mulieris Aesopi cogitare: quae sperarat, ex duplicata mensura hordei gallinam suam duo ova quotidiē paritaram. At illa impinguata nullum peperit. Prorsus non tūtum fuerit alicui *experimento naturali* confidere, nisi facta fuerit probatio, & in minore, & in majore. *Quanto*. Atque de variatione experimenti hactenūs.

*Producō experimenti duplex: Repetitio, & Extensio:*  
*Nimirum, cūm aut experimentum iteratur, aut ad subtilius quiddam urgetur. Repetitionis exemplum tale sit.*  
*Spiritus vini fit ex vino per destillationem unicam: est*  
*que vino ipso multò acrior & fortior: Num etiam*  
*spiritus vini ipse destillatus, sive sublimatus, seipsum*  
*fortitudine & quæ superabit? At Repetitio quoq; non*  
*absque fallacia est: Etenim, tum secunda exaltatio,*  
*prioris excessum non æquat: tum etiam sæpenumeriō per iterationem experimenti, post statum, sive Ac-*  
*men quandam operationis, tantū abest ut progre-*  
*diatur natura, ut potius relabatur. Judicium igitur in*  
*hac re adhibendum. Argentum Vivum, in linteo, aut*  
*alias, in medio plumbi liquefacti, cūm refrigerescere*  
*cœperit, insertum, stupefit: nec amplius fluit. Num*  
*& idem argentum vivum, si sæpius immisum fuerit,*  
*ita figetur, ut fiat malleabile? Extensionis exemplum*  
*tales sit: Aqua in summo posita, & pensilis facta, & per*  
*rostrum vitri oblongum, in vinum dilutum immer-*  
*sa, separabit aquam à vino: Vino in summum se pau-*  
*latim recipiente, aqua in imo subsidente: Num et-*

Q

jam,

jam, quemadmodum vinum & aqua, ( corpora scilicet diversa ) hoc ingenio separantur; possint quoque partes vini, ( corporis nimirum integri ) subtiliores & crassioribus separari; ut fiat tanquam destillatio per pondus; & in summo reperiatur aliquid spiritui vini proximum, sed forte delicatius? Item *magnes ferrum integrum trahit*: Num etiam frustrum magnetis, in dissolutione ferri immersum , ferrum ad se allicet, & se ferro obducet ? Item , *versorium Acus Nautica se ad polos mundi applicat*: Num etiam eadem viâ & consecutione, quâ Cœlestia ? Videlicet , ut si quis acum in contrario situ, hoc est, in puncto Australi ponat, & paulisper teneat, ac deinde vim omittat: Num forte acus, ad Septentriones se conferet, eligendo potius rotare per Occidētem in Situm desideratum, quâ per Orientem ? Item *Aurum Argentum Vivum*, juxta positum , imbibit. Num verò aurum recipit illud argentum vivum intra se, sine extensione molis suæ, ut fiat massa quædam ipso auro ponderosior? Item , *homines memoriae serviunt collocando imagines personarum in locis*. Num etiam idem assequuntur ( missis locis ) & affigendo actiones , aut habitus personis ? Atque de Productione Experimenti hactenus.

*Translatio experimenti triplex*: Aut à Naturâ, vel casu in artem: Aut ab arte, vel practicâ alia in aliam: Aut à parte alicujus artis in partem diversam ejusdem. Translationis à naturâ, aut casu in artem, innumera sunt exempla: adeò ut omnes ferè artes mechanicæ, à tenuibus initii, naturâ , aut casu præbitis, ortum habuerint. Adagio receptum erant, *botrum contra botrum citius maturescere*: Id quod, de mutuis amicitiae operis & officiis, increbuit. At nostri Cydræ ( vini scilicet ex pomis) confectores, hoc optimè imitantur. Ca-

vent

Vent enim, ne poma tudantur, aut exprimantur, antequam nonnullo tempore in acervos conjecta mutuo contactu maturuerint; unde nimia potus a ceditas emendetur. Item, *Iridum artificiosarū imitatio ex asperfione spissā guttularū*, ab iridibus naturalibus ex nuberoscidā, facili ductu translata est. Item *modus destillandi*, vel ex alto peti, ex imbris scilicet, aut rore; vel ex humili illo experimento guttarum, in patinis, ollis aquæ bullientis, superimpositis, adhaerentium, desumi potuit. *Tonitrua* autem & *fulgura* imitari veritus quis esset, nisi operculū Monachi illius Chymici, magno impetu & fragore, sibitò in sublime jactum, submonuisset. Verum quo hæc res magis exēplis abundet, eò pauciora adducere opus fuerit. Debuerant autem homines, si illis utilia inquirere vacaret, naturalia opificia & operationes singulas, attentè, & minutim, & ex composito intueri; & secū perpetuò & acriter cogitare, quænam, ex ipsis ad artes transferri possint. Speculum enim artis naturæ. Nec pauciora sunt experimenta, quæ ab arte in artem, seu à practicâ in practicam transferri possunt; licet hoc rarius in usu sit. Natura enim ubique omnibus occurrit; at artes singulæ artificibus tantum propriis cognitæ sunt. *Specilla ocularia* ad visum debilem juvandum inventa sunt. Num & commisci quis queat aliquod instrumentum, quod auribus appensum, surdastris ad audiendum juvet? Item *imbalsamationes* & *mel cadavera conservant*; Annon possit aliquid ex his, in medicinam transferri, quod etiam vivis corporibus prosit? Item *sigillorum practica in cerâ, cæmentis, & plumbo antiqua fuit*: At hæc etiam, impressioni in chartis, sive arti typographicæ, viam monstravit. Item *sal in coquinaria carnes condit*, idque

meliùs hyeme, quām æstate. Annon hoc ad Balneā utiliter transferri possit, eorumq; temperamentum, quandò opus fuerit, vel imprimendum, vel extrahendū: Item *Sal*, in nupero *Experimento*, de *Conglacionibus Artificialibus*, magnas vires ad condensandum obtinerē reperitur. Annon possit hoc transferri ad *Condensationes metallorum*: cum jam pridem notum sit, aquas fortes, ex nonnullis salibus compositas, dēicere & præcipitare arenulas Auri, ex metallis aliquibus, auro ipso minus densis? Item *Pictoria Imagine Memoria* rei renovat. Annon hoc traductum est in *artem eam*, quam vocant, *Memoriæ*? De his in genere monitum sit: Quod nihil ad imbre quendam inventorum utilium, eorundemque novorum, veluti cœlitus deducendum, tantum valere possit, quantum, si experimenta complurium artium mechanicarum, uni homini, aut paucis, qui se invicem colloquiis acuere possint, in notitiam venerint: ut per hanc, quam dicimus, *experimentorum translationem*, artes se mutuò fovere, & veluti commixtione radiorum, accendere possint. Quamvis enim *rationatus* per organum longè majora spondeat: attamen hæc sagacitas, per experientiam literatam, plurima interim ex iis, quæ in proximo sunt, in genus humānum, ( tanquam missilia apud Antiquos Donatīva,) projicit & sparget. Superest illa *translatio de parte artis in partem diversam*; quæ parum differt à translatione de arte in artem: Verūm quia artes nonnullæ spatia magna occupant, ut etiam *translationem experimentorum* ferre intra seiphas possint, hanc etiam speciem *translationis* subjungere visum est. Præcipue, quia magni prorsū est in nōnullā arte momēti. Plurimum enim ad *artem medicinæ* amplificandam profuerit,

fuerit, si experimenta partis illius medicinae decuratio-  
nibus morborum ad partes illas de tuenda sanitate, &  
prolongatione vita transferantur. Si enim opiatum ali-  
quod insigne, ad spirituum, in morbo pestilenti, furi-  
bundam incensionem reprimendam, suffecerit; non  
dubitetur quispiam, quin simile aliquod, debitâ dosi  
familiare redditum, etiam incensionem eam gliscen-  
tem, & obrepentem, quæ per attatem sit, aliquâ ex  
parte frænare, & retardare possit. Atque de transla-  
tione experimenti hactenus.

Inversio experimenti fit, cum contrarium ejus, quod  
experimento constat, probatur. Exempli gratiâ : Cali-  
dum per specula intenditur: Num etiâ frigidum? Item  
calidum se diffundendo, fertur tamen potius in sursum :  
Num etiam frigidum se diffundendo, fertur magis in  
deorsum? Exempli gratiâ, accipias bacillum ferreum,  
illudque in uno fine calefacias; & deinde erigas fer-  
rum, parte calefactâ subtus locatâ, in superiore parte  
manu appositâ, actutum manum aduret, parte autem  
calefactâ supra locata, & manu subtus, multò tardius  
aduret. Num etiam, si totum bacillum calefiat, & fi-  
nis alter nive, vel spongiâ, in aquâ frigida tincta, ma-  
defiat: Si nix aut spongia superius locetur, num ( in-  
quam ) frigus deorsum mittet citius, quam inferius  
locata, sursum? Item, Radii solis supra album dissiliunt,  
supra nigrum congregantur: Num etiam umbræ su-  
per nigrum disperduntur, super album congregan-  
tur: Id quod in loco tenebroso, luce per foramen ex-  
iguum tantum immissa, fieri videmus, ubi imagines  
terum, quæ foras sunt, super papyrus, quæ alba est,  
excipiuntur, super nigram minimè. Item, vena fron-  
tis ad dolorem hemicranicum inciditur: Num etiam he-

*Compulsio experimenti fit, ubi urgetur & produci-  
 tur experimentum, ad annihilationem, vel privatio-  
 nem virtutis: In reliquis enim venationibus, fera ca-  
 pitur tantum: At in istâ, occiditur. Exemplum Com-  
 pulsionis tale est. *Magnes ferrum trahit: Urge ergo fer-  
 rum, aut urge magnetem, ut amplius non fiat attrac-  
 tio: Veluti, num fortè si magnes usus fuerit, aut in  
 aquis fortibus maceratus, virtutem suam deponet,  
 aut saltem remittet? Contrà, si chalybs, aut ferrum  
 in crocum martis redigantur, vel in chalybem, quem  
 vocant præparatum, vel etiam in aquâ forti solvan-  
 tur, num adhuc ea alliciat magnes? Rursus, *Magnes  
 ferrum t: abit per universa, quæ novimus, media, nem-  
 pe si interponatur aurum, argentum, vitrum: Urge  
 igitur aliquod medium, si fieri possit, quod virtutem  
 intercipiat: Probetur argentum vivum: Probentur  
 oleum, gummi, carbo ignitus, & alia, quæ adhuc pro-  
 bata non sunt. Item, *introducta sunt nuper Perspicilla,*  
 quæ visibilia minuta, miris modis multiplicent. Ur-  
 ge usum eorum, vel ad species tam pusillas, ut am-  
 plius non valeant; vel ita grandiusculas, ut confun-  
 dantur. Scilicet, Num poterint illa in urinâ, clarè de-  
 tegere ea, quæ alias non perspicerentur? Num pote-  
 rint in gemmis, ex omni parte puris, & nitidis, grana,  
 aut nubeculas conspicienda dare? Num & pulviscu-  
 la in sole (quæ Democrito pro Atomis suis, & prin-  
 cipiis rerum, falsissimè obiiciebantur) tanquam cor-  
 pora grandiuscula monstrare? Num pulverem cras-  
 siuscum, ex cinnabari, & cerussa, ita ostendere di-  
 stributum, ut appareant hic granula rubra, illic alba?  
 Num rursus, imagines majores (puta faciem, ocu-  
 lum,***

kum, &c.) in tantum multiplicatas ostendere, in quantum, pulicem, aut vermiculum? Num byssum, aut hujusmodi textile linteum delicatius, & paulò apertius, ita foraminatum ostendere, ac si esset rete? Verum in *compulsionibus experimentorum* minus moramur, quia ferè extra limites experientie literatæ cadunt, & ad causas, & axiomata, & novum organum potius spectant. Ubicunque enim fit negativa, aut privativa, aut exclusiva; cœpit jam præberi lux nonnulla ad inventionem formarum. Atque de *compulsione experimenti* haec tenuis.

*Applicatio experimenti* nihil aliud est, quam ingeniosa traductio ejus, ad *experimentum* aliud aliquod utile. Exemplum tale sit. *Corpora quæque suas habent dimensiones, sua pondera:* Aurum plus ponderis, minus dimensionis, quam argentum: Aqua, quam Vinum. Ab hoc traducitur *experimentum* utile, ut ex mensurâ impletâ, & pondere excepto, possis dignoscere quantum argenti fuerit admixtum auro, vel aquæ vino, quod fuit *euonyma* illud Archimedis. Item, *Carnes in nonnullis cellis citius putrescunt, quam in aliis:* Utile fuerit, *experimentum* hoc traducere, ad dignoscendos aëres, magis aut minus salubres, ad habitationem; ubi scilicet carnes diutiùs vindicentur à putredine: possit idem applicari, ad revelandas salubriores, aut pestilentiores tempestates anni. Verum innumera sunt ejusmodi. Evigilent modò homines, & oculos perpetuò, alias ad naturam rerum, alias ad usus humanos vertant. Atque de *applicatione experimenti* haec tenuis.

*Copulatio experimenti* est applicationum nexus & catena; cum quæ singula profutura non fuissent ad usum aliquem, connexa valeant: exempli gratiâ; *Rosas aut fructus serotinos habere cupis:* Hoc fiet, si gemmas

præcociiores avellas; Idem fiet, si radices, usque ad veradulatum, denudes, & aëri exponas; At multò magis si copuletur utrumque. Item, ad refrigerandum maximè faciunt glacies, & nitrum: utrumque commixtum multò magis. Verum & hæc res per se perspicua est Attamen fallacia ei sèpè subesse possit, (ut & omnibus, ubi desunt axiomata) si copula fiat ex rebus, quæ diversis, & quasi pugnantibus modis, operantur. Atque de copulatione experimenti hactenus.

Restant sortes experimenti. Hic verò experimentandi modus, planè irrationalis est, & quasi furiosus, cù aliquid experiri velle animum subeat, non quia aut ratio, aut aliquod aliud experimentum te ad illud deducat, sed prorsus, quia similis res adhuc nunquam tentata fuit. Haud tamen scio, an in hac ipsa re (de qua nunc agimus) non aliud magni lateat: si inquam omnem lapidem in natura moveas. Magnalia enim naturæ ferè extra vias tritas, & orbitas notas jacent, ut etiam absurditas rei aliquando juvet. At si ratio simul comitetur, id est, ut & manifestum sit, simile experimentum nunquam tentatum fuisse, & tamen causa subsit magna cur tentetur, tum verò hæc res ex optimis est, & planè sinus naturæ excutit. Exempli gratia: In operatione ignis super aliquid corpus naturale, alterum horum hactenus semper evenit, ut aut aliquid evolet, (veluti flamma, & fumus, in combustionē vulgari) aut saltem fiat separatio partium localis, & ad nonnullam distantiam, ut in destillatione, ubi feces subsident, vapores in receptacula, postquam lusserint, congregantur. At destillationem clausam, (ita enim eam vocare possumus) nemo mortalium adhuc tentavit: Verisimile autem videtur, vim caloris, si intra claustra corporis, sua in alterando edat facinora;

cum

cum nec jaætura fiat corporis, nec etiam liberatio, tam demum hunc materiæ Proteum, veluti manicis detentum, ad complures transformationes adacturam, si modò calor ita temperetur & alternetur, ut non fiat vasorum confractio. Est enim hæc res matrici similis Naturali, ubi calor operatur, nihil corporis aut emititur, aut separatur: Nisi quod in matrice conjungatur alimentatio: Verum quatenus ad versionem eadem res videtur. Tales igitur sunt sortes experimenti.

Illud interim, circa hujusmodi experimenta, monemus; ut nemo animo concidat, aut quasi confundatur, si experimenta, quibus incumbit, expectationi suæ non respondeant, Etenim quod succedit, magis complacet; at quod non succedit, sæpenumerò non minus informat. Atque illud semper in animo tenendum (quod perpetuò inculcamus) *experimenta lucifera*, etiam adhuc, magis quam fructifera ambienta esse. Atque de *literata experientia* hæc dicta sint, quæ (ut jam ante diximus) sagacitas potius est, & odooratio quædam venatica, quam scientia. De novo organo autem silemus, neque de eo quiequam prælibamus; Quoniam de eo (cùm sit res omnium maxima) opus integrum (annuente favore divino) confiscere nobis in animo est.

## C A P. III.

*Partitis Inventivæ Argumentorū, in Promulgariam, & Topicam. Partitis Topicæ, in Generalem, & Particularem. Exemplum Topicæ Particularis, in Inquisitione, De Gra- vi & Levi.*

I Nventio Argumentorum, Inventio propriè non est. Invenire enim est ignota detegere, non antè cognita recipere, aut revocare. Hujusce autē Inventionis usus

Q 5

atque

atque officium non aliud videtur, quām ex massā Scientiæ, quæ in animo congesta & recondita est, ea quæ ad rem, aut quæstionem institutam faciūt, dexterè deponere. Nam cui parūm, aut nihil, de subiecto quod proponitur, innotuit, ei Loci *Inventionis* non prosunt; Contrà, cui domi paratum est, quod ad rem adduci possit; is etiam absq; arte, & *Loci Inventionis*, argumenta tandem (licet non ita expeditè & commodè) reperiet & producet. Adeò ut hoc genus *Inventionis* (sicut diximus) *Inventio* propriè non sit; sed reductio tantùm in memoriam, sive suggestio cum applicatione. Attamen, quoniam vocabulum invluit, & receptum est, vocetur sanè *Inventio*; Siquidem etiam feræ alicuius venatio, & *Inventio*, non minùs cū illa intra vivariorum septa indagetur, quām cū in saltibus apertis, dici possit. Missis verò verborū scrupulis, illud constet, scopum & finem hujuscē rei, esse promptitudinem quandam, & expeditum usum cognitionis nostræ, potius quām ejusdem amplificationem, aut incrementum.

Atque ut parata sit ad differendum copia, duplex ratio iniri potest: Aut ut designetur, & quasi indice monstretur, ad quas partes rem indagare oporteat, atque hæc est ea, quam vocamus *Topicam*. Aut ut jam anteā composita sint, & in usum reposita argumenta, circa eas res, quæ frequentius incident, & in disceptationem veniunt; atque hanc *Promptuariam* nominabimus. Hæc autem posterior tanquam Scientiæ pars, vix dici meretur, cum in diligentia potius consistat, quām in eruditione aliquā artificiosā. Veruntamen hæc in parte Aristoteles, ingeniosè quidem, sed tamen damnosè, sophistas sui temporis deridet, inquiens: *Perinde illos facere, ac si quis calcearium professus,*

seffus, rationem calcei conficiendi non doceret, sed exhiberet tantum calceos complurimos, diversæ tamen formæ, quæ magnitudinis. Attamen hic regerere liceat; Calcearium, si in officinâ nil calceorum haberet, neque eos consueret nisi rogatus; egenum prorsus mansurum, & per paucos inventurum emptores. Sed longè aliter Salvator noster de Divinâ Scientiâ verba faciēs, inquit, *Omnis Scriba doctus in Regno Cœlorum, similis est homini Patrifamilias, qui profert, de Thesauro suo, Nova & Vetera.* Videmus etiam priscos Rhetores orationibus præcepisse, ut præstò haberent Locos Communes varios, jam pridem adornatos, & in utramque partem tractatos & illustratos: Exempli gratiâ pro sententia Legis aduersus Verba Legis, & è contra: Pro Fide Argumentorum, aduersus Testimonia, & è contrâ. Cicero autem ipse, longâ doctis experientiâ, planè afferit, posse Oratorem diligentem & sedulum, jam præmeditata & elaborata habere, quæcunque in disceptationem venient: Adeò ut in causæ ipsius actione, nihil novum, aut subitum inseri necesse fuerit, præter nomina nova, & circumstantias aliquas speciales. At Demosthenis diligentia & sollicitudo eò usque processit, ut quoniam primus ad causam aditus, & ingressus, ad animos auditorum præparandos, plurimum virium haberet, operæ pretium putaret, complura concionum & orationum exordia, componere & in promptu habere. Atq; hæc exempla & auctoritates, meritò Aristotelis opinioni præponderare possint, qui nobis Auctor foret, ut *Vestiarium cum Forfice commutaremus.* Itaque non fuit omittenda hæc pars doctrinæ circa *Promptuarium*, de quâ hoc loco satis. Cum enim sit utrique, tamen Logicæ, quam Rhetoricae communis; visum est eam hic inter Logica cursim

Partem alteram *Inventivæ*, (nimirūm *Topicam*) par-  
 tiemur in *Generalem* & *Particularem*: *Generalis* illa est,  
 quæ in *Dialecticā* diligenter, & abundè tractata est; ut  
 in eius explicatione morari non sit opus. Illud tamen  
 obiter monendum videtur, *Topicam* istam non tan-  
 tū in *Argumentationibus*, ubi cum aliis manū  
 conserimus; verūm & in *meditationibus*, cùm quid  
 nobiscum ipsi commentamur, aut revolvimus, vale-  
 re. Imò, nāque solummodò in hoc sitam esse, ut inde  
 fiat suggestio, aut admonitio, quid *affirmare*, aut *asse-  
 rere*; verūm etiam quid *inquirere*, aut *Interrogare* de-  
 beamus. At prudens *interrogatio*, quasi dimidium sci-  
 entiæ. Rectè siquidem Plato, *Qui aliquid querit, id  
 ipsum, quod querit, generali quādam notione comprehen-  
 dit, aliter qui fieri potest, ut illud, cùm fuerit inventum, a-  
 gnoscat?* Idcirco quò amplior & certior fuerit anti-  
 cipatio nostra; eò magis directa & compendiosa erit  
 investigatio. Idem igitur illi loci, qui ad intellectus  
 nostri sinus intra nos excutiendos, & congestam illic  
*Scientiam* depromendam, conducent, etiam ad *Sci-  
 entiam* extrinsecus hauriendam juvabunt: Ita ut si præ-  
 stò fuerit quis rei gnarus & peritus, commode &  
 prudenter de èa interrogari à nobis possit, & simili-  
 ter auctores, & libri, & partes librorum, qui nos de  
 iis, quæ querimus, edoceant & informent, utiliter  
 deligi & evolvi.

At *Topicā particularis*, ad ea, quæ dicimns, longè  
 confert magis, & pro re fructuosissimā habenda est.  
 Illius certè mentio levis à nonnullis *Scriptoribus* fa-  
 cta est, sed integrè, & pro rei dignitate, minimè tra-  
 ctata. Verūm missum facientes vitium illud & fastū,  
 quæ

quæ nimium diu regnabant in Scholis: Videlicet, ut quæ præstò sint, infinità subtilitate persequantur, quæ paulò remotiora, ne attingant quidem: Nos sanè Topicam Particularēm, tanquam rem apprimè utilem amplectimur, hoc est, locos inquisitionis & inventionis, particularibus subjectis & scientiis appropriatos. Illi autem, mixturæ quædam sunt ex Logica & Materia ipsâ propriâ singularum Scientiarum. Futilem enim esse constat, & angusti cujusdam animi, qui existimet artem, de Scientiis inveniendis, perfectam jam à principio, excogitari & proponi posse, eandemque postea in opere poni, & exerceri debere. At certò sciant homines, Artes inveniendi solidas & veras, adolescere & incrementa sumere, cum ipsis inventis: Adeò ut cùm quis primùm ad perscrutationem scientiæ alicujus accesserit, possit habere Præcepta Inventiva nonnulla utilia, postquam autem ampliores in ipsa Scientia progressus fecerit, possit etiā, & debeat nova Inventionis Præcepta excogitare, quæ ad ulteriora eum felicius deducat. Similis est sanè hæc res viæ initæ in planicie: postquam enim viæ partem aliquam fuerimus emensis, non tantum hoc lucrati sumus, ut ad exitum Itineris proprius accesserimus; verum etiam ut, quod restat viæ, clarius prospiciamus: Eodem modo, in Scientiis, gradus Itineris quisque, ea, quæ à tergo reliquit, prætervectus, etiam illa, quæ supersunt, proprius dat in conspectum. Hujus autem Topicæ Exemplum, quoniam eam inter Desiderata reponimus, subjungere vixum est.

*Topicæ particularis, sive Articuli Inquisitionis de Gra-  
vi & Levi.*

1. *Inquiratur, qualia sint Corporis, quæ motus gravitatis sunt susceptibilia, qualia quæ levitatis, & si quæ sint Mediae, sive Adiaphoræ Naturæ?*
2. *Post*

2. Post inquisitionem de Gravitate & Levitate similitudinem, procedatur ad inquisitionem comparata in Quae nimis ex Gravibus plus; quae minus ponderent in eodem Dimenso? Etiam, quae ex Levibus celerius ferantur in altum, quae tardius?

3. Inquiratur de eo, quod possit & operetur Quantum Corporis ad Motum Gravitatis. Atque videatur hoc primo aspectu quasi supervacuum, quia rationes Motus debent sequi Rationes Quantitatis: sed res aliter se habet, Nam licet in Lancibus, Quantitas Gravitatem Corporis ipsius compenset (viribus corporis undique coeuntibus per reperciusionem, sive resistentiam lancium vel trabis) tamen ubi parva datur resistentia (veluti in Decasu corporum per aerem) Quantum Corporis parum valet, ad incitationem Descensus: Cum viginti pondo plumbi, & libra una, eodem fere spatio cadant.

4. Inquiratur utrum Quantum Corporis ita augeri possit, ut Motus Gravitatis prorsus deponatur; ut sit in globo terre, qui pensilis est, non cadit? Vtrum igitur possint esse aliæ massæ tam grandes, ut se ipsæ sustinent? Nam latitudo ad centrum terræ res fictitia est: Atque omnis massa grandis, motum latitudinis quemcunque exhorret, nisi ab alio appetitu fortiori vincatur.

5. Inquiratur de eo, quod possit & operetur resistentia corporis medii, vel occurrentis, ad regimen motus gravitatis, Corpus vero descendens, aut penetrat & secat corpus occurrens? Aut ab eo sistitur: Si penetrat, sit penetratio: Aut cum levè resistentia, ut in Aere: Aut cum fortiori, ut in aqua: Si sistatur, sistitur aut resistentia dissipari, ubi sit prægravatio, ut si lignum superponatur cere: Aut aqua, velut si aqua superponatur aquæ, aut lignum, eiusdem generis ligno. Id quod appellat Schola (Apprehensione quâdam inani) Non ponderare corpus nisi

extra locum suum. Atque hæc omnia motum gravitatis variant: aliter enim moventur gravia in lancibus, aliter in decasu: Etiam aliter (quod mirum videri posse) in lancibus pendentibus in aere, aliter in lancibus immersis in aqua: aliter in decasu per aquam, aliter in natantibus sive vectis super Aquam.

6. Inquiratur de eo, quod posse & operetur Figura Corporis descendantis, ad regendum modum gravitatis, veluti figurata cum tenuitate, cubica, oblonga, rotunda, pyramidalis, & quando se vertant corpora, quando eadem, qua dimittuntur, positura permaneant.

7. Inquiratur de eo, quod posse & operetur Continuatio & progressio ipsius Casus sive Descensus, ad hoc, ut majori incitatione & impetu feratur. Et qua proportione, & quo usque invalescat illa incitatio? siquidem veteres levi contemplatione opinati sunt, (cum motus naturalis sit iste) eum perpetuo augeri & intendi.

8. Inquiratur de eo, quod posse & operetur Distantia, aut proximitas Corporis descendantis à Terrâ, ad hoc, ut celerius cadat, aut tardius, aut etiam non omnino, (si modo fuerit extra orbem activitatis globi terræ, quæ Gilberti opinio fuit:) Atque simul de eo, quod operetur Immersio Corporis Descendantis magis in profundo terræ, aut Collocatio ejusdem proprii ad superficiem terræ: Et enim hæc res etiam motum variat, ut operantibus in Mitteris perspectum est.

9. Inquiratur de eo, quod posse & operetur Differētia Corporum, per quæ motus gravitatis diffunditur & communicatur: atq; utrum æquè communicetur per corpora mollia & porosa, ac per dura & solida: veluti si trabs Lancis, sit ex alterâ parte Lingula, lignea, ex alterâ, argentea, licet fuerint reducta ad idem pondus, utrum non progignat variationem in lancibus? Similiter, utrum Metallum

10. Inquiratur de eo, quod posset & operetur, in communicatione Motus Gravitatis, Distantia corporis à Libra-mine: Hoc est, cito & sera perceptio incubitus, sive depressionis: Veluti in lancibus, ubi altera pars trabis est longior (licet reducta ad idem pondus) an inclinet hoc ipsum lancum? Aut in tubis arcuatis, ubi longior pars certè trahet aquam, licet brevior pars, facta scilicet capacior, majus contineat pondus aquæ?

11. Inquiratur de eo, quod posset Intermixtio sive Co-pulatio Corporis Levis, cum Corpore Gravi, ad elevandam corporis gravitatem, ut in pondere animalium vivorum, & mortuorum?

12. Inquiratur de secretis Ascensibus, & Descensi-bus partium leviorum & graviorum in uno corpore integro: unde siant sèpè accuratae separationes: ut in separa-tione vini & aquæ, in ascensione floris, lactis, & simili-bus?

13. Inquiratur, quæ sit Linea, & Directio motus Gravitatis, & quatenus sequatur vel centrum terræ, id est, massam terræ, vel centrum corporis ipsius, id est, Nexus partium eius. Centra enim illa ad demonstrationes apta sunt, in Naturâ nihil valent.

14. Inquiratur, de Comparatione Motus Gravita-tis, cum Motibus aliis; quos scilicet vincat, quibus cedat? veluti in Motu (quem appellant) violento, motus gravi-tatis compescitur ad tempus: Etiam, cum pondus longè ma-jus ferri, ab exiguo magnete attollitur, cedit motus gravi-tatis, motui sympathyie.

15. Inquiratur, de Motu Aëris, utrum feratur sursùm, ad sit tanquam Adiaphorus? Quod difficile est inventu, nisi per experimenta aliqua exquisita: Nam emicatio aëris in fundo

fundo aquæ, sit potius per plagam aquæ, quam per motum aeris, cum idem etiam fiat in ligno. Aer autem aeris commixtus nihil prodit, cum non minus levitatem exhibeat aer in aere, quam gravitatem aqua in aquâ: In bullâ autem, exili obducta pellicula, ad tempus stat.

16. Inquiratur, quis sit terminus levitatis? Nequè enim quemadmodum centrum terræ posuerunt centrum gravitatis, volunt (credo) ut ultima convexitas Cœli sit terminus levitatis. An potius, veluti gravia videntur eosque ferri, ut decumbant, & tanquam ad immobile, ita levia eosque ferantur, ut rotari incipient, & tanquam ad motum sine termino?

17. Inquiratur, quid in causa sit, cur Vapores & Halitus eosque in altum, ac sita est Regio (quam vocant) media aeris, ferantur, cum & crassiusculæ sint Materiae, & Radii soli per vices (noctu scilicet) cessent?

18. Inquiratur de Regino Motu Flammæ in sursum; quod eo abstrusius est, quia singulis momentis flamma perit, nisi forte in medio Flammarum majorum: Etenim flammæ abruptæ, à continuitate sua, parum durant.

19. Inquiratur de Motu in sursum ipsius Activitatis Calidi, veluti cum calor in ferro candente, citius gliscit in sursum, quam in deorsum? \*

Exemplum igitur Topicæ particularis tale sit: Illud interim, quod monere occēpimus, iterū monemus, Nempe ut homines debeant Topicas particulares suas alternate, ita ut post maiores progressus, aliquos, in inquisitione factos, aliam & subinde aliam instituant Topicam; si modò Scientiarum fastigia descendere cupiant. Nos autem Topicis particularibus tantum tribuimus, ut proprium opus de ipsis, in subjectis naturalibus dignioribus, & obscurioribus, cōficiere in animo habeamus. Domini enim quæstio-

C A P. IV.

*Partitio artis Iudicandi, in Iudicium per Inductionem, & per Syllo-  
gismū. Quorum prius aggregatur Organo Novo. Partitio prima Iudicii  
per Syllogismum, in Reductionem Rectam, & Inversam. Partitio se-  
unda ejus in Analyticam, & Doctrinam De Elenchis. Partitio Doctri-  
nae de Elenchis in Elenchos Sophismatum: Elenchos Hermeniaz &  
Elenchos Imaginum, sive Idolorum. Partitio Idolorum, in Idola  
Tribus, Idola Specus & Idola Forti. Appendix Artis Iu-  
dicandi, videlicet de Analogia Demonstra-  
tionum pro Natura Subiecti.*

**T**RANSEAMUS nunc ad *Iudicium, sive Artem Iudican-  
di*, in quā agitur de *natura probationum, sive de-  
monstrationum*. In arte autem istā *Iudicandi* (ut etiam  
vulgò receptum est) aut per *Inductionem*, aut per *Syllo-  
gismum* concluditur. Nam *Enthymemata*, & *Exempla*  
illorum duorum *Compendia tantum* sunt. At qua-  
tenus ad *Iudicium*, quod sit per *Inductionem*, nihil est,  
quod nos detinere debeat: Uno siquidem eodemq;  
mentis opere, illud, quod quæritur, & invenitur, &  
judicatur. Neq; enim per medium aliquod res trans-  
igitur, sed immēdiatē, eodem ferē modo, quo sit in  
sensu. Quippe sensus in *Objectis suis primariis*, si-  
mul & *objecti speciem arripit*, & ejus veritati con-  
sentit. Aliter autem sit in *Syllogismo*; cuius probatio  
immediata non est, sed per medium perficitur. Ita-  
que alia res est *Inventio Medii*, alia *Iudicium de Conse-  
quentia Argumenti*. Nam primò discutit mens, po-  
ste à acquiescit. At *Inductionis formam vitiosam pro-  
fus valere* jubemus; legitimam ad *Novum Organum*  
remittimus. Itaque de *Iudicio per Inductionem* hoc lo-  
co satis,

De illo altero per *Syllogismum* quid attinet dicere;  
cūm

cum subtilissimiis ingeniorum limis, hæc res ferè at-  
trita sit, & in multas minutias redacta? Nec mirum,  
cum sit res, quæ cum intellectu humano magnam  
habeat sympathiam. Nam animus humānus, miris  
modis ad hoc contendit, & anhelat, ut non pensilis  
sit, sed nanciscatur aliquid fixum & immobile, cui  
tanquam firmamento, in transcursibus & disquisi-  
tionibus suis innitatur. Sanè quemadmodum Aristoteles,  
probare conatur, inveniri in omni motu corpo-  
rum, aliquid quod quietescit, & fabulam antiquam de  
Atlante, qui ipse erectus Cœlum humeris sustinuit,  
pereleganter ad Polos Mundi traducit, circa quos cō-  
versiones expediuntur: Similiter magno studio appe-  
tunt homines, aliquem habere intra se cogitationum  
Atlantem, aut Polos, qui intellectus fluctuationes &  
vertigines aliquantenus regant; Timentes scilicet, ne  
Cœlum ipsorum ruat. Itaque ad Principia Scientia-  
rum cōstituenda præproperè festinarunt, circa quæ  
omnis disputationum varietas verteretur, sine peri-  
culo ruinæ & casus: Nescientes profectò eum, qui  
certa nimis properè captaverit, & in dubiis finitu-  
rum: qui autem Judicium tempestivè cohibuerit, ad  
certa perventurum.

Manifestum est igitur, *Artem hanc Iudicandi per Syllogismum*, nihil aliud esse, quam reductionem pro-  
positionum ad principia, per medios terminos. Prin-  
cipia autem consensu recepta intelliguntur, at-  
que à quæstione eximuntur. At terminorum me-  
diorum inventio, libero ingeniorum acuminī &  
investigationi permittitur. Est autem reduc̄io illa  
duplex, directa scilicet; & inversa. Directa est, cum  
ipsa propositio ad ipsum principium reducitur: Id  
quod probatio offensiva vocatur. Inversa est, cum

contradicторia propositionis reducitur ad contradicторium principii; quod vocant probationem per incommodum. Numerus vero terminorum medicorum, sive scala eorum minuitur, aut augetur, pro temotione propositionis à principio.

His positis, partiemur *Artem Iudicii* (sicut vulgo ferè solet) in *Analyticam, & Doctrinam de Elenchis*: Altera indicat, altera cavit: *Analytica* enim veras formas instituit, de consequentiis argumentorum; quibus si varietur, sive deflectatur, vitiosa deprehenditur esse conclusio: Atque hoc ipsum in se elenchum quedam, sive redargutionem continet. *Reclum enim* (ut dicitur) *Et sui Index est, & obliqui*. Tuttissimum nihilominus est *Elenchos*, veluti monitores adhibere, quòd facilius detegantur fallaciae, Judicium alioquin illaqueatur. In *Analytica* vero, nihil desiderari reperimus, quin potius oneratur superfluis, quam indiget accessionibus.

*Doctrinam de Elenchis*, in tres partes dividere placet: *Elenchos Sophismatum*, *Elenchos hermeniae*; & *Elenchos Imaginum sive Idolorum*. *Doctrina de elenchis Sophismatum* apprimè utilis est: Quamvis enim pinguis fallaciarum genus, à Seneca, non inscitè comparetur cum præstigiatorum technis: in quibus, quo pacto res regatur nescimus; aliter autem se habere rem quam videtur, satis novimus: Subtiliora tamen *Sophismata*, non solum id præstant, ut non habeat quis quod respondeat; sed & *Judicium ipsum* serio confundunt.

Hæc Pars de *Elenchis Sophismatum* præclarè tractata est ab Aristotele, quoad Præcepta: Etiam à Platone adhuc melius, quoad Exempla: Neque illud tamen in personâ Sophistatum Antiquorum (*Gorgia*, *Hippiæ*, *Protagore*, *Euthydemus*, & reliquorum) verùm etiam

iam in Personâ ipsius Socratis, qui cùm illud semper agat, ut nihil affirmet, sed à Cæteris in medium ad ducta infirmet, ingeniosissimè Objectionum, Fallaciæ, & Redargutionum Modos expressit. Itaque in hâc parte, nihil habemus quod desideremus. Illud interim notandum; quamvis usum hujus doctrinæ probum, & præcipuum, in hoc posuerimus, ut redarguantur sophismata; liquidò nihilominus patere, usum ejus degenerem & corruptum, ad captiones, & contradictiones per illa ipsa sophismata struendas & concinnandas spectare. Quod genus facultatis, etiam pro eximio habetur, & haud parvas assert utilitates. Licet eleganter introducta sit à quopiam illa differentia inter oratorem, & sophistam; quod alter tanquam Leporarius Cursu præstet; Alter tanquam Lepus ipse Flexu;

Sequuntur Elenchi Hermeniacæ, ita enim (vocabulum potius, quâm sensum ab Aristotele mutuantes) eos appellabimus. Redigamus igitur hominibus in memoriam, ea quæ à nobis de *transendentibus* & de *adventitiis entium conditionibus*, sive *adjunctis* (cùm de *Philosophia prima* ageremus) superiùs dicta sint. Ea sunt, *majus*, *minus*, *multum*, *paucum*, *prius*, *posteriorius*, *idem*, *diversum*, *potentia*, *actus*, *habitus*, *privatio*, *totum*, *partes*, *agens*, *patiens*, *motus*, *quies*, *ens*, *non ens*, & *similia*. In primis, autem meminerint & notent, differentes eas, quas diximus, harum rerum contemplationes: vide licet quod possint inquiri vel *Physicæ*, vel *Logicæ*: *Physicam* autem circa eas tractationem, *Philosophia prima* assignavimus; superest *Logica*: Ea vero ipsa est res, quâ in præsenti, *Doctrinam de Elenchis Hermeniacæ* nominamus. Portio certè est hæc doctrinæ sana & bona. Hoc enim habent notiones illæ generales & communes,

nes, ut in omnibus disputationibus ubique intercur-  
rant; adeo ut nisi accuratè, & anxio cum judicio, be-  
nè jam ab initio distinguantur; universo disputatione-  
num lumini, caliginem miris modis offusuræ sint, &  
eo rem ferè deducturæ, ut desinant disputationes in  
pugnas verborum. Etenim æquivocationes, & ma-  
lae acceptiōnes verborum, (præsertim hujus generis)  
sunt *Sophismata Sophismatum*. Quare etiam melius  
visum est, istarum tractationem seorsum constitue-  
re, quam eam, vel in *Philosophiam primam*, sive *Meta-  
physicam* recipere; vel ex parte *Analyticæ* subiicere, ut  
Aristoteles satis confusè fecit. Dedimus autem ei  
nomen ex usu, quia verus ejus usus est planè redar-  
gutio, & cautio circa usum verborum. Quinimò  
partem illam de *Predicamentis*, si rectè instituatur,  
circa cautiones de non confundendis, aut transpo-  
nendis definitionum & divisionum terminis, præ-  
cipuum usum sortiri existimamus, & hoc etiam re-  
ferri malumus. Atque de *Elenchis Hermenie* hacte-  
nus.

Ad *Elenchos* vero *Imaginum*, sive *Idolorum* quod atti-  
net, sunt quidem *Idola*, profundissimæ mentis hu-  
manæ fallaciæ. Neq; enim fallunt in particularibus,  
ut cæteræ: Judicio caliginem offundendo, & tendi-  
culas struendo: Sed planè ex prædispositione mentis  
pravâ, & perperam constitutâ, quæ tanquam omnes  
intellectus anticipationes detorquet & inficit. Nam  
*mens humana* (corpore obducta & obfuscata) tantum  
abest ut speculo plano, æquali, & claro similis sit,  
quod rerum radios sincerè excipiat & reflectat, ut  
potius sit instar speculi alicujus incantati, pleni  
superstitionibus & spectris. Imponuntur autem intelle-  
ctui *Idola*, aut per naturam ipsam generis humani gene-  
ralem:

ralem: Aut per naturam cuiusq; individualem: Aut per verba, sive naturam communicativam. Primum genus idola tribūs, Secundum idola specūs, Tertium idola fori vocare consuevimus. Est & quartum genus, quod idolæ theatri appellamus, atque super inductum est à præcis Theoriis sive Philosophiis, & perversis Legibus Demonstrationum: Verùm hoc genus abnegari potest & deponi: Itaque illud in præsentia omittemus. At reliqua plane obsident mentem, neque prorsus evelli possunt. Igitur non est, quod quis in istis, Analyticam aliquam expectet; sed Doctrina de Elenchis est, circa ipsa Idola, Doctrina primaria. Neque (si verum omnino dicendum sit) Doctrina de Idolis, in artem redigi possit: sed tantum adhibenda est, ad ea cavenda, prudenter quædam contemplativa. Horum autem Tractationem plenam & subtilem, ad Novum Organum a mandamus: pauca generaliter tantum de iis hoc loco dicturi.

Idolorum Tribūs exemplum tale sit. Natura intellectus humani magis afficitur affirmativis & activis, quam negativis & privativis, cùm ritè & ordine æquum se utriusque præbere debeat. At ille, si res quæpiam aliquando existat & teneat: fortiorē recipit de eā impressionem, quam si eadem longè plures fallat, aut in contrarium eveniat. Id quod omnis superstitionis, & vanæ credulitatis quasi radix est. Itaque rectè respondit ille, qui, cùm suspensa tabula in templo monstraretur, eorum, qui vota solucrant, quod naufragii periculum effugissent, atque interrogando premeretur, annon tum demū Neptuni Numen agnosceret? quæsivit vicissim, At ubi sunt illi depicti, qui post vota nuncupata perierunt? Atque eadem est ratio superstitionum similium, sicut in Astrologicis,

Insomniis, Ominibus, & reliquis: Alterum Exem-  
plum est hujusmodi: *Animus humanus* (cùm sit ipse  
Substantiæ æqualis & uniformis) *majorem presupponit*,  
& *affingit in naturâ rerum æqualitatem, & uniformita-*  
*tem, quam revera est.* Hinc commentum Mathemati-  
corum, *In cœlestib[us] omnia moveri per Circulos perfectos*,  
reiiciendo lineas spirales; Hinc etiam sit, quod cùm  
multa sint in Naturâ *Monodica*, & plena imparitatis;  
affingat tamen semper cogitatio humana, *Relativa*,  
*Parallelæ, & Conjugata*: Ab hoc enim fonte, elemen-  
tum ignis, cum orbe suo, introductum est, ad consti-  
tuendam quaternionem cum reliquis tribus, Terrâ,  
Aquâ, Aere. Chymici autem fanaticum instruxerunt  
rerum univeratarum Phalangem, inanissimo com-  
mento inveniri singentes, in quatuor illis suis ele-  
mentis, (*Cœlo, Aere, Aquâ, & Terrâ,*) species singu-  
las parallelas inyicem, & conformes. Tertium Exem-  
plum est superiori finitimum; quod *homo fiat, quasi*  
*norma & speculum Naturæ*: Neque enim credibile est,  
(si singula percurrentur & notentur) quantum agmē  
*Idolorum Philosophiæ* immiserit, naturalium opera-  
tionum, ad similitudinem actionum humanarum,  
reductio; Hoc ipsum, inquam, quod putetur talia na-  
turam facere, qualia homo facit. Neque multò me-  
liora sunt ista, quàm hæresis *Anthropomorphitarum*, in  
cellis ac solitudine stupidorum Monachorum orta:  
Aut sententia Epicuri huic ipsi in paganismo respo-  
dens, qui Diis humanam figuram tribuebat. At non  
opus fuit Velleiq Epicureo interrogare, *Cur Deus Cœ-*  
*lum Stellarum & Luminibus, tanquam Ædilis, ornasset?* Nam  
si summus ille Opifex, ad modum Ædilis se gessisset,  
in pulchrum aliquem & elegantem ordinem stellas  
digerere debuisset, operosis Palatiorum Laquearibus  
confi-

consimilem, cum è contrà ægrè quis ostendat, in tam infinito Stellarum numero, figurā aliquam vel quadratam, vel Triangularem, vel Rectilinearem. Tanta est Harmoniæ discrepantia, inter spiritum hominis, & spiritum mundi.

Quod ad *Idola Specus* attinet, illa ortum habent ex propria cuiusque natura & animi & corporis, atque etiam ex educatione & consuetudine, & fortuitis rebus, quæ singulis hominibus accidentur. Pulcherrimum enim Emblemā, est illud de *Specu Platonis*. Siquidem si quis missā illā exquisitā Parabolae subtilitate) à primā infantiā, in antro, aut cavernā obscurā & subterraneā, ad maturam usque atatem degeret, & tunc derepentē in aperta prodiret, & hunc cœli & rerum apparatus contueretur; dubium non est, quin animum ejus subirent, & perstringerent quamplurimæ miræ & absurdissimæ Phantasias. Nos verò scilicet, sub asperitu cœli degimus; interea tamen animi in cavernis corporum nostrorum conduntur; ut infinitas errorum & falsitatum imagines haurire necesse sit, si è specu sua raro tantum, & ad breve aliquod tempus prodeant; & non in contemplatione naturæ perpetuò, tanquam sub Dio morentur. Emblemati siquidem illi de *Specu Platonis*, optimè convenit Parabola illa Heracliti; Quod homines scientiis in Mundis propriis, & non in Mundo maiore querant.

At *Idola Fori* molestissima sunt, quæ ex fædere et. ci-  
to inter homines, de verbis & nominibus impositis, se in in-  
tellectum insinuarunt. Verba autem plerunque ex  
captu vulgi induuntur; atque per differentias, quarum  
vulgus capax est, res secant; Cum autem intellectus  
acutior, aut observatio diligentior res melius distin-  
guere velit, verba obstrepunt. Quod vero hujus re-

medium est, (definitiones scilicet) in plurimis huic malo mederi nequit, quoniam & ipsae definitiones ex verbis constant, & verba significant verba. Etsi autem putemus verbis nostris nos imperare, & illud facile dictu sit, *Loquendum esse, ut vulgus, sentiendum, ut sapientes*: Quinetiam vocabula artium (quæ apud peritos solum valent) huc rei satisfacere videri possint; & definitiones (de quibus diximus) artibus præmissæ, (secundum prudentiam Mathematicorum) vocabulorum pravas acceptationes corrigere valeant, attamen hæc omnia non sufficiunt, quo minus verborū prestigia & incantationes, plurimis modis seducat, & vim quandam intellectui faciant, & impetum suū, (more Tartarorū sagittationis) retrò in Intellectum (unde profecta sint) retorqueant. Quare altiore, & novo quodam remedio, ad hoc Malum opus est: Verum hæc jam cursim perstringimus, interim desiderari pronunciantes hæc doctrinam, quam *Elenchos magnos*, sive de *Idolis Animi humani nativis & adventitiis* appellabimus. Ejus autem Tractationem legitimam, ad *Organum novum* referimus.

Superest Artis Iudicandi Appendix quædam insignis, quam etiam desiderari statuimus. Siquidem Aristoteles rem notavit, modum rei nullibi persecutus est. Ea tractat, quales demonstrationes ad quales materias, sive subjecta, applicari debant, ut hæc doctrina tanquam *judicationes judgmentorum* contineat. Optimè enim Aristoteles, *Neque demonstrationes ab oratoribus, neque suasiones à Mathematicis requiri debere* monet. Ut si in probationis genere aberretur, *judicatio ipsa non absolvatur*. Quando vero sint quatuor demonstrationum genera, vel per *consensum immediatum & notiones communes*, vel per *inductionem*, vel per *syllogismum*, vel

vel per eam (quam recte vocat Aristoteles) *demonstrationem in orbem*, (non à Notioribus scilicet, sed tanquam de Plano,) habent hæ demonstrationes singulæ certa subjecta, & materias scientiarum in quibus pollut, alia, à quibus excluduntur. Etenim rigor & curiositas, poscendo probationes nimium severas, in aliquibus, multò magis facilitas & remissio, in acquiescendo probationibus levioribus in aliis, inter ea sunt numeranda, quæ detrimenti plurimum, & impedimenti scientiis attulerunt. Atque de Arte Iudicandi hæc dicta sint.

## C A P. V.

*Partitio Artis Retinendi sive Retentiva, in doctrinam de Adminiculis  
memoriæ, & doctrinam de Memoriâ ipsâ Partitio doctrinæ  
de Memoriâ ipsâ, in Prænotionem,  
& Emblema.*

**A**RTEM RETINENDI sive CUSTODIENDI, in duas doctrinas partiemur. *Doctrinam scilicet de Adminiculis Memoriæ: & Doctrinam de Memoriâ ipsâ.* Adminiculum Memoriæ planè Scriptio est: Atque omnino monendum, quod Memoria sine hoc adminiculo, rebus prolixioribus & accuratiōribus, impar sit; neq; ullo modo, nisi de Scripto, recipi debeat. Quod etiam in Philosophiâ Inductivâ, & Interpretatione Naturæ, præcipue obtinet: Tam enim possit quis calculatio-nes Ephemeridis, Memoriâ nudâ, absque Scripto absolvere, quam interpretationi Naturæ per Meditationes: & vires memoriae nativas & nudas, sufficere; nisi eidem memoriae per Tabulas ordinatas iustetur. Verum missâ Interpretatione Naturæ, quæ tri-na nova est, etiam ad Veteres & Populares Scientias, haud quicquam ferè utilius esse possit; quam Memoriæ adminiculum solidum & bonum, hoc est; Digestū probum,

probum, & eruditum, *Locorum Communium*. Neque tamen me fugit; quod relatio eorum, quæ legimus, aut discimus, in *Locos communes*, damnō eruditionis ab aliquibus, imputetur, ut quæ lectionis cursus remoretur, & *Memoriam* ad feriandum invitet. Atamen quoniam adulterina res est scientiis præcocem esse & promptum; nisi etiam solidus sis & multipli- citer instructus, diligentiam & laborem in *locis communibus* congerendis, magni prorsus rem esse usus, & firmitudinis, in studiis judicamus; veluti quæ *Inventioni* copiam subministret; & aciem *Indicii* in unum contrahat. Verum est tamen, inter methodos & syntaxes *Locorum communium*, quas nobis adhuc videre contigit, nullam reperiri, quæ alicujus sit pretii; quādoquidem in titulis suis, faciem prorsus exhibeant, magis scholæ, quam Mundi, vulgares & paedagogicas adhibentes divisiones, non autem eas, quæ ad rerum medullas, & interiora quovis modo penetrent.

Circa *Memoriam* autem ipsam, satis segniter & languidè videtur adhuc inquisitum. Extat certè de eâ *Ars* quæpiam: Verum nobis constat, tum meliora præcepta de *Memoria* confirmandâ & ampliandâ haberi posse, quam illa ars complectitur; tum Præcti- cam illius ipsius artis meliorem institui posse, quam quæ recepta est. Neque tamen ambigimus ( si cui placeat hac arte ad ostentationem abuti ) quin possint præstari per eam nonnulla mirabilia, & portentosa: Sed nihilominus res quasi sterilis est, ( eo quoq; adhibetur modo) ad usus humanos. At illud interim, ei non imputans, quod *Naturalem Memoriam* destruat, & superoneret, ( ut vulgo obiicitur, ) sed quod nō dextrè instituta sit, ad auxilia memoriae commodanda, in negotiis & rebus seriis. Nos verò hoc habemus ( for-  
tasse

tasse ex genere vitæ nostræ Politicæ ) ut, quæ artem  
jactant, usum non præbent; parvi faciamus. Nam in-  
gentem numerum nominum, aut verborum semel  
recitatorum, eodem ordine statim repetere, aut ver-  
sus complures de quovis argumento extempore com-  
ficere, aut quicquid occurrit Satyricâ aliquâ similitu-  
dine perstringere, aut seria quæque in jocum verte-  
re, aut contradictione & cavillatione quidvis elude-  
re, & similia, ( quorum in facultatibus animi haud  
exigua est copia, quæque ingenio & exercitatione ad  
miraculum usque extolli possunt, ) hæc certe omnia  
& his similia nos nō majoris facimus, quām fitnam-  
bulorum & mimorum agilitates & ludicia: Etenim  
eadem fermè res sunt, cum hæc corporis; illa animi  
viribus abutantur; & admirationis forsitan aliquid  
habeant, dignitatis parùm.

Ars autem Memoriæ duplii nititur intentione; Pra-  
notione; & Emblemate: Prænotionem vocamus abscis-  
sionem quādam investigationis infinitæ. Cūm enim  
quis aliquid revocare in memoriam conatur; si nul-  
lam prænotionem habeat, aut perceptionem ejus;  
quod quærerit; quærerit certè, & molitur; & hāc illāc di-  
scurrat, tāquam in Infinito. Quod si certam aliquam  
prænotionem habeat; statim abscinditur Infiniūn,  
& fit discursus memoriae magis in vicino; Ut venatio  
damæ, intra septa. Itaque & ordo manifesto juvat  
Memoriam. Subest enim Prænotio, id, quod queritur,  
tale esse debere, ut conveniat cūm ordine. Similiter  
carmina facilius discuntur memoriter, quām prosa.  
Si enim hæretur in aliquo verbo; subest Prænotio, ta-  
le debere esse verbum, quod conveniat cūm versu.  
Atque ista Prænotio est Artificialis Memoriæ pars prima.  
Nam in Artificiali Memoriâ Locos habemus jam antè  
dige-

digestos & paratos: *Imagines extempore*, prout rē postulat, conficimus: At subest *Prænotio*, talem esse debere *Imaginem*, qualis aliquatenus conveniat cum *Loco*. Id quod vellicat *Memoriam*, & aliquo modo munit ad rem, quam quærimus. *Emblema*, verò deducit intellectuale ad sensibile: Sensibile autem semper fortius percutit *Memoriam*, atque in eā facilius imprimitur, quam intellectuale. Adeò ut etiam Brutorum memoria, per sensibile excitetur; per intellectuale, minime. Itaque facilius retineas imaginem venatoris leporem persequentis, aut pharmacopai pyxides ordinantis, aut pedantii orationem habentis, aut pueri versus memoriter recitantis, aut mini in scenā agentis; quam ipsas Notiones Inventionis, Dispositionis, Elocutionis, Memoriæ, Actionis. Sunt & alia, quæ pertinent ad *Memoriam* juvandam (ut modo diximus;) sed *Ars*, quæ jam habetur, ex his duobus jam præmissis consistit. Particulares autem artium defectus persequi, fuerit ab instituto nostro recedere. Igitur de *Arte Retinendi sive Cusodiæ*, hæc dicta sint. Jam verò, ad quartum membrum *Logicæ*, quod *Traditionem & Elocutionem* tractat, ordine pervenimus.



FRAN-

FRANCISCI  
 BARONIS DE  
 VERULAMIO,  
 VICE-COMITIS SANCTI  
 ALBANI,  
*De Dignitate & Augmentis Scientiarum,*  
 LIBER SEXTUS,  
 AD REGEM SVVM.  
 C A P. I.

*Partitio Traditiva; in Doctrinam de Organo Sermonis: Doctrinam de Methodo Sermonis; & Doctrinam de Illustratione Sermonis. Partitio Doctrina de Organo Sermonis; in Doctrinam de Notis Rerum: De Locutione; & De Scriptione: Quarum duæ posteriores Grammaticam constituant, tñque Partitiones sunt. Partitio Doctrinæ de Notis Rerum, in Hieroglyphica, & Charakteres Reales. Partitio secunda Grammatica, in Literariam; & Philosophantem. Aggregatio Poeseos quoad Metrum, ad Doctrinam de Locutione. Aggregatio Doctrinæ de Ciphris, ad Doctrinam de Scriptione.*

**C**onceditur certè cuivis (Rex Optime) Seipsū & Sua ridere & ludere. Quis igitur novit, num fortè opus istud nostrum, non descriptū fuerit, ex libro quodam veteri, reperto inter libros, famosissimæ illius Bibliothecæ Sancti Victoris; quorū Catalogum excepit Magister Franciscus Rabelesius? Illic enim invenitur liber, cui Titulus est, *Formicarium Artium*. Nos sanè pusillum acervum pulvisciuli congesimus, & sub eo complura Scientiarum & Attiū grana condidimus, quo formicæ reptare possint, & paulatim conquiescere, & subinde ad novos se labores

res accingere. At Regum Sapientissimus pigros quos cunque remittit ad formicas: Nos autem pigro eos homines pronunciamus, quibus acquisitis uti tantum, cordi sit; neque subinde novas Scientiarum Sementes & Menses facere.

Accedamus hunc ad *Artem Tradendi*, sive *Proferendi*, & *Enunciandi* ea, quæ Inventa, Judicata, ac in Memoriâ reposita sunt, quam nomine generali *Traditionem* appellabimtis. Ea omnes artes circa verba & sermones complectitur. Quamvis enim ratio, sermonis veluti anima sit, tamen in tractando disjungi debent, ratio & sermo; non minus, quam anima, & corpus. *Traditionem* in tres partes dividemus; *Doctrinam circa Organum Sermonis*, *Doctrinam circa Methodum Sermonis*, & *Doctrinam circa Sermonis Illustrationem*, sive *Ornatum*.

*Doctrina de Organo Sermonis* vulgo recepta, quæ & *Grammatica* dicitur, duplex est: Altera de *Locutione*, Altera de *Scriptione*: Rectè enim Aristoteles, *Cogitationum Tesseræ verba, Verborum literæ*: Utrumque *Grammaticæ* assignabimus. Verum ut rem altius repetamus, antequam ad *Grammaticam* & partes ejus jam dictas veniamus, in genere de *Organo Traditionis* dicendum est. Videntur enim esse proles quædam *Traditionæ* aliae, præter *Verba* & *Literas*. Hoc igitur planè statuendum est: Quicquid scindi possit in differentias satis numerosas, ad notionum varietatem explicandam (modò differentiæ illæ sensui perceptibiles sint) fieri posse vehiculum cogitationū de homine in hominem. Nam videmus Nationes *Linguis* discrepantes, *Commercia* non malè per *Gestus* exercere. At in *Practicâ* nonnullorum, qui surdi & muti usq; à Nativitate fuerant, & alias erant ingeniosi, miro vidi-  
mus

mus haberi inter eos & amicos suos, qui eorum *gestus* perdidicerant, *Dialogos*. Quinetiam notissimum fieri jam cœpit, quod in Chinâ & Provinciis ultimi Orientis, in usu hodiè sint, *Characteres* quidam *Reales*, non *Nominales*; qui scilicet nec literas, nec verba, sed res & notiones exprimunt. Adeò ut Gentes complures, linguis prorsus discrepantes, sed hujusmodi *Characteribus*, (qui apud illos latius recepti sunt) consentientes, scriptis communicent: Eousque, ut librum aliquem hujusmodi *characteribus* conscriptum, quæque *Gens*, patriâ linguâ legere, & reddere possit.

*Notæ* igitur *Rerum*, quæ absque ope, aut medio *Vocaborum*, *Res* significant, duplicis generis sunt: Quarū prius genus ex *congruo*; Alterum ad *placitum* significat. Prioris generis sunt, *Hieroglyphica* & *Gestus*: Posterioris verò, ii, quos diximus, *Characteres Reales*. *Hieroglyphicorum* usus vetustus admodum, & in veneratione quādam habitus: Præcipue apud *Ægyptios* Gentem valdè antiquam: Adeò ut videantur *Hieroglyphica* fuisse *Scriptio* quādam *Ante-nata*, & senior iōsis *Elementis Literarum*, nisi forte apud *Hebræos*. *Gestus* autem, tanquam *Hieroglyphica* transitoria sunt. Quemadmodum enim verba prolata volant, scripta manent; ita & *Hieroglyphica*, *Gestibus* expressa, transfeunt, depicta durant. Cūm enim Periander, consultus de conservandâ Tyrannide, Legatum astare jubaret; atque ipse in horto deambulans, summitates florū eminentiorum catperet, ad sedem Procerum intuens; non minùs usus est *Hieroglyphico*, quam si id in chartâ depinxisset. Illud interim patet, *Hieroglyphica* & *Gestus*, semper cum re significatâ aliquid similitudinis habere; & *Emblemata* quādam esse, unde eas

*Notas Rerum ex congruo nominavimus.* At *Charakteres Reales*, nihil habent ex Emblemate, sed planè surdi sunt: non minùs, quām ipsa elementa literarum, & ad placitum tantū effici; consuetudine autem tanquam pacto tacito recepti. Illud interim liquet, vasta ipsorum multitudine ad scribendum opus esse: tot enim esse debent, quot sunt vocabula radicalia. Hęc igitur portio *Doctrinae de Organo Sermonis* quae est de *Notis Rerum*, nobis ponitur pro Desiderato. Etsi autem tenuis possit videri esse ejus usus, cūm verba & scriptio per literas sint *Organa Traditionis* longè commodissima; visum est tamen nobis, veluti rei non ignobilis, aliquam hoc loco mentionem ejus facere. Tractamus enim hīc, veluti numismata reram intellectualium, nec abs re fuerit nosse, quod, sicut nummi possint confici ex aliā materiā, præter aurum & argentum, ita & *Notæ Rerum* aliæ possint cudi, præter *Verba & Literas*.

Pergamus igitur ad *Grammaticam*. Ea verò, veluti viatoris locum, erga cæteras scientias obtinet, non nobilem illum quidem; sed in primis tamen necessarium, præsertim cūm scientiæ, nostris seculis, ex linguis eruditis, nō vernaculis, potissimum hauriantur. Neque tamen dignitas ejus parva censenda est, quandoquidem antidoti cuiusdam vicibus fungatur contra maledictionem illam confusionis linguarum. Sanè hoc agit industria humana, ut se restituat & reintegret in benedictionibus illis, quibus culpa sua excidit. Atque contra maledictionem primā generalē de sterilitate terræ, *Comedendo panem suum insurre vultus sui*, reliquis artibus omnibus se munit & instruit. At contra secundam illā de confusione linguarum, advocat in auxilium *Grammaticam*: Ejus, in linguis

linguis quibusque vernaculis, *exiguus certè usus est,*  
*In extensis per discendis, latior: Amplissimus verò in*  
*illis linguis, quæ vulgares esse desierunt, & in libris*  
*tantum perpetuantur.*

*Grammaticam etiam bipartitam ponemus, ut alia*  
*sit literaria, alia philosophica. Altera adhibetur simpli-*  
*citer ad linguas, nempe ut eas quis, aut celerius perdi-*  
*scat, aut emendatiùs & purius loquatur: Altera verò*  
*aliquatenus Philosophiæ ministrat: Quâ in parte oc-*  
*curred nobis, Cæsarem libros de *Analogiâ* conscripsis-*  
*se, atque dubitatio subiit, utrum illi hanc, quam dici-*  
*mus, *Grammaticam Philosophicam* tractarint? Suspica-*  
*mur tamen nil admodum in illis fuisse subtilius, aut*  
*sublimius, sed tantum præceptiones tradidisse de ora-*  
*tione castâ & integrâ, neque à consuetudine loquen-*  
*di pravâ, neque ab affectatione aliquorum, vitiatâ &*  
*pollutâ, in quo genere ipse excelluit. Veruntamen*  
*hâc ipsâ re moniti, cogitatione cōplexi sumus Gram-*  
*maticam quandam, quæ non analogiam verborum*  
*ad invicem, sed analogiam inter verba, & res, sive*  
*rationem, sedulò inquirat: citra tamen eam, quæ*  
*Logicæ subseruit, Hermeniam. Vestigia certè ratio-*  
*nis verba sunt: Itaque vestigia etiam aliquid de cor-*  
*pore indicant: Hujus igitur rei adumbrationem*  
*quandam tenuem dabimus: Primo autem minime*  
*probamus curiosam illam inquisitionem, quam ta-*  
*men Plato Vir eximius non contempsit, nimisq[ue] de*  
*impositione & Originali Etymologiâ nominum, sup-*  
*ponendo ac si illa jam à principio ad placitum indita*  
*minimè fuissent, sed ratione quâdam & significanter*  
*derivata & deducta: Materiam certè elegantem, &*  
*quasi ceream, quæ aptè singi & flecti possit; quoniam*  
*verò antiquitatum penetralia perscrutari videtur,*

etiam quodammodo venerabilem; sed nihilominus  
parceveram, & fructu cassam. Illa demum, ut arbi-  
tratur, foret nobilissima Grammaticæ species, si quis  
in linguis plurimis, tam eruditis, quam vulgaribus exi-  
miè doctus, de variis linguarum proprietatibus tra-  
ctaret; in quibus quæque excellat, in quibus deficiat,  
ostendens. Ita enim & linguæ mutuo commercio lo-  
cupletari possint; & sicut ex iis, quæ in singulis Linguis  
pulchra sunt, (tanquam Venus Apellis) Orationis  
ipsius quedam formosissima imago, & exemplar  
quoddam insigne, ad sensus animi ritè exprimendos.  
Atque unà etiam hoc pacto capientur signa haud  
levia, sed obseruatū digna (quod fortalsè quispiam  
non putaret) de ingeniis & moribus populorum &  
nationum, ex linguis ipsorum. Evidem libenter au-  
dio Ciceronem notantem, quod apud Græcos desit  
verbū, quod latinum illud (*Ineptum*) reddat; Pro-  
pterea (inquit) quod Gracis hoc vitium tam familiare  
fuit, ut illud in se ne agnoscerent quidem: Digna certè  
gravitate Romanâ Censura. Quid illud quod Græci  
in compositionibus verborum tāta licentiā usi sunt,  
Romani contrā magnam in hāc re severitatem adhi-  
buerunt? Planè colligat quis, Græcos fuisse artibus,  
Romanos rebus gerendis magis idoneos. Artium  
enī distinctiones, verborum compositionem ferè  
exigunt: At res & negotia, simpliciora verba postu-  
lant. Quin Hebrei tantum compositiones illas refu-  
giunt, ut malint Metaphorā abuti, quam composi-  
tionem introducere. Quinetiam verbis tam paucis,  
& minimè commixtis utuntur, ut planè ex lingua i-  
psā quis perspiciat, Gentem fuisse illam Nazaræam,  
& à reliquis gentibus separatam. Annon & illud ob-  
servatione dignum (licet nobis modernis Spiritus  
non-

non nihil redundat) antiquas *linguas* plenas declinationum, casuum, conjugationum, temporum, & similium fuisse: Modernas his ferè destitutas, plurimam per præpositiones, & verba auxiliaria segniter expedire. Sanè facile quis coniiciat (ut cunque nobis ipsi placeamus) ingenia priorum seculorum nostris fuisse multò acutiora & subtiliora. Innumera sunt ejusmodi, quæ justum volumen completere possint. Non abs re igitur fuerit, *Grammaticam Philosophantem, à Simplici & literaria distinguere, & desideratam ponere.*

Ad *Grammaticam* etiam pertinere judicamus omnia illa, quæ verbis quoquo modo accident, qualia sunt *sonus, mensura, accentus*. At prima illa literarum simplicium cunabula (nempe quâ percussione linguae, quâ aperturâ oris, quâ adductione labiorum, quo nîl gutturis, singularum literarum sonus generetur) ad *Grammaticam* non pertinent, sed portio sunt *Doctrinae de sonis, sub sensu & sensibili, tractanda. Sonus, de quo loquimur, Grammaticus, ad Euphonias tantum pertinet, & Dysphonias*. Illarum quædam communes sunt: Nulla enim est *Lingua*, quin vocalium concurrentium hiatus, aut consonantium concurrentium asperitates aliquatenus refugiat. Sunt & alii respectivæ, quæ scilicet diversorum populorum auribus gratæ aut ingratæ accedunt. *Grecæ Linguae Diphthongis* scatet: *Latina* longè parcùs. *Lingua Hispanica* literas *Tenues* odit, easque statim vertit in medias. *Lingue*, quæ ex *Gothis* fluxere, aspirat̄ gaudent: Multa sunt ejusmodi: Verùm hæc ipsa fortasse plus satis.

At *Mensura Verborum* ingens nobis corpus artis p̄perit, *Poësim* scilicet, non quatenus ad materiam, de

quà suprà, sed quatenus ad stilum & figuram verborum, Versus nimirùm, sive Carmina. Circa quæ ars habetur quasi pusilla, exempla accedunt grandia, & infinita. Neque tamen ars illa (quam Prosdiam Grammatici appellant) ad carminum genera, & mensuras edocendas tantùm restringi debeat: Adiicienda enim sunt præcepta, quod carminum genus, cuique materia, sive subiecto, optimè conveniat: Antiqui heroica carmina historiis & encomiis applicaverunt: Elegos querimoniis, jambos invectivis, lyricos odis & hymnis. Neque hæc prudentia recentioribus Poëtis in *Linguis Propriis* defuit: illud reprehendendum, quod quidam Antiquitatis nimium studiosi, *Linguis Modernas*, ad mensuras antiquas (Heroicas, Elegiacas, Sapphicas, &c.) traducere conati sunt, quas ipsarum Linguaram fabrica respuit, nec minus aures exhorret. In hujusmodi rebus, sensus judicium, artis præceptis præponendum, ut ait ille,

- - - - - *Cænæ fercula nostræ  
Mallem convivis quam placuisse Coci.*

Neque verò ars est, sed artis abusus, cùm illa naturam non perficiat, sed pervertat. Verùm quod ad Poesim attinet: sive de *Fabulis*, sive de *Metro* loquamur, est illa, ut superius diximus, tanquam herba luxurians, sine semine nata, ex vigore ipsius terræ germinans. Quare ubique serpit, & latissimè diffusa est, ut supervacuum foret de defectibus ejus sollicitum esse. De illâ igitur cura est abiicienda. Quod verò ad accentus verborum, nil opus est de retam pusillâ dicere; nisi fortè illud quis notatu dignum putet; quod *Accentus Verborum* exquisitè, *Accentus autem Sententiarum* neutiquam in observationem venit. Attamen illud ferè universo generi humano commune est, ut

est, ut vocem in fine periodi submittant, in interrogative elevent, & alia hujusmodi non pauca. Atq; de Grammatica parte, quæ ad Locutionem spectat, ha-  
ctenus.

Quod ad Scriptio[n]em attinet, ea aut *Alphabeto vul-*  
*gari perficitur*, (quod ubique recipitur,) aut *occulto*  
*& privato*, de quo inter singulos convenit, quod *Ci-*  
*pbras vocant*. At *Orthographia vulgaris* etiam contro-  
versiam & quæstionem nobis peperit: Utrum scilicet  
codem, verba scribere oporteat, quo pronunciantur,  
modo, an potius ex more consueto? At illa *Scriptio*  
quæ reformata videri possit, (ut scilicet *Scriptio pro-*  
*nunciationi consona sit*,) est ex genere inutilium sub-  
tilitatum. Nam & ipsa *pronunciatio* quotidiè gliscit,  
nec constans est, & derivationes verborum, præser-  
tim ex linguis extraneis, prorsus obscurantur: Deni-  
que cùm ex more recepto scripta, morem pronunciā-  
di nullo modo impedian, sed liberam relinquant,  
quotsum attinet ista novatio?

Ad Ciphras igitur uniendum. Earum genera haud  
pauca sunt. *Ciphrae simplices*: *Ciphrae non significantibus*  
*Charakteribus intermixtae*; *Ciphrae duplices Literas uno*  
*Charactere complexæ*; *Ciphrae rotæ*, *Ciphrae clavis*: *Ci-*  
*phrae verborum*, aliæ. Virtutes autem in Ciphris requi-  
rendæ tres sunt: Ut sint expeditæ, non nimis opero-  
sæ ad scribendum: Ut sint fidæ, & nullo modo pa-  
teant ad Deciphrandum: Addo denique, ut si fie-  
ri possit, suspicione vacent. Si enim epistolæ in Ma-  
nus eorum devenient, qui in eos qui scribunt, aut ad  
quos scribuntur, potestatem habeant, tametsi Ci-  
phra ipsa fida sit, & deciphratu impossibilis, tamen  
subiicitur hæc Res Examini & Quæstioni; nisi Ci-  
phra sit ejusmodi, quæ aut suspicione vacet, aut

examinationem eludat. Quod verò ad elusionem ex-  
aminis attinet, suppetit inventum ad hoc novum at-  
que utile, quod cùm in promptu habeamus, quorū  
sum attinet illud inter desiderata referre, sed potius id  
ipsum proponere? Hoc hujusmodi est; ut habeat quis  
duo Alphabeta, unum literarū verarū, alterum  
Non-significantium: Et simul duas Epistolas invol-  
vat, unam quæ secretum deferat, alteram qualem ve-  
ritabile fuit scribentem missurum fuisse, absque  
periculo tamen. Quod si quis de ciphra severè inter-  
rogetur, porrigat ille Alphabetum Non-significantium,  
pro veris literis, Alphabetum autem verarum  
literarum pro Non-significantibus; hoc modo in-  
cidet examinator in Epistolam illam exteriorem, quā  
cùm probabilem inveniet, de interiori Epistolā nihil  
suspicabitur. Ut vero suspicio omnis absit, aliud in-  
ventum subiiciemus, quod certè, cùm adolescentulī  
essēmus Parisiis, excogitavimus, nec etiam adhuc, vi-  
sa nobis res digna est, quæ pereat. Habet enim gra-  
dum ciphrae altissimum: nimirū ut *omnia per omnia*  
significari possint: ita tamē, ut scriptio quæ involv-  
tur, quintuplō minor sit, quā ea cui involvatur: Aīia  
nulla omnino requiritur conditio, aut restrictio. Id  
hoc modo fiet. Prīmō, universē literae Alphabeti in  
duas tantummodō literas solvantur, per transposi-  
tionem earum. Nam transpositio quarum literarum,  
per locos quinque, differentiis triginta duabus, mul-  
tò magis viginti quatuor (qui est numerus Alphabeti  
apud nos) sufficiet. Hujus Alphabeti exemplum  
vale est.

A B C D E  
 Aaaaa.aaaab.aaaba.aaabb.aabaa  
 F G H I K  
 aabab. aabba. aabbb. abaar. ahaab.  
 L M N O P  
 ababa. ababb. abbaa. abbab. abbba ab,  
 Q R S T V  
 bbb. baaaa. baaab. baaba. baabb. ba,  
 W X Y Z  
 baa. babab. babba. babbb.

Neque leve quiddam obiter hoc modo perfectum est. Etenim ex hoc ipso patet modus, quo ad omnem loci distantiam, per objecta, quæ vel visui, vel audiui subiici possint, sensa animi proferre, & significare licet: si modò objecta illa, duplicit tantum differentiatione capacia sunt, veluti per campanas, per buccinas, per flammeos, per sonitus tormentorum, & alia quæcunque. Verum ut incepit persequamut, cum ad scribendum accingeris, Epistolam interiorem in Alphabetum hoc Biliterariū solves. Sit epistola interior.

Exemplum Solutionis.

F. V. G. E.  
 Abab. baabb. aabba. aabaa.

Præstd simul sit aliud Alphabetum Biforme, nimis dum, quod singulas Alphabeti communis literas, tam capitales, quam minores, duplice formâ, prout cuique commodum sit, exhibeat.

Exemplum Alphabeti Biformis.

F V G E  
aabab.babb-aabba-aabaa.  
Manere te volo donec venero.

Tum demum epistolæ interiori, jam factæ Biliterata, epistolam exteriorem biformem, literatim accommodabis, &c postea describes. Sit epistola exterior;

Manere te volo, donec venero.

Exemplum Accommodationis.

N O P Q  
abbbaa. abbab. abbba. abbba. ba  
R S T V W  
aaa. baaab. baaba. baabb. babaa  
X Y Z  
babab. babba. babbb.

Apposuimus etiam exemplum aliud largius ejusdem ciphrae, Scribendi omnia per omnia.

Epistola interior, ad quam delegimus Epistolam Spartanam, mislam olim in Scytale.

Perditæ res. Mindarus cecidit. Milites esuriunt. Neque hinc nos extricare, neque hic diuinus manere possumus.

a.b.a.b.a.b a.b. a.b.a.b. a.b.  
 A.A.a.B.B.b.b.C.C.c.c.D.D.d.d.  
 a.b.a.b.a.b.a.b.a.b. a.b.a.b  
 E.E.e.e.F.F.f.f.G.G.g.g.H.H.h.h  
 a.b.a.b.a.b.a.b.a.b.a.b.ab.  
 I.I.i.i.K.K.k.k.L.L.l.l.M.M.m.m.  
 a.b.a.b.a.b.a.b.a.b.a.b.a.b.  
 N.N.n.n.O.O.o.o.P.P.p.p.Q.Q.g.g.  
 a.b.a.b.a.b.a.b.a.b.a.b.a  
 R.R.r.r.S.S.s.s.T.T.t.t.V.V.v.v.  
 b.a.b.a.b.a.b.a.b.a.b.a.b.  
 v.u.u.W.W.w.w.X.X.x.x.Y.Y.  
 a.b.a.b.a.b.  
 y.y Z.Z.z.z

Epistola exterior, sumpta ex epistolâ primâ Cicero  
 ronis, in quâ epistola Spartana in-  
 volvitur.

Ego omni officio, ac possum pietate erga  
 te; cæteris satis facio omnibus: Nisi ip-  
 se nunguam satis facio. Tanta est en-  
 im magnitudo tuorum erga me merito-  
 rum, ut quoniam tu, nisi perfectâ re, de  
 me non conquiesti, ego, qui an non idem  
 in luita causâ efficio, vitam miseri esse  
 acerbam putem. In causâ haec sunt.  
 Annonius Regis Legatus aperte pe-  
 cuniâ nos oppugnat. Res agitur,  
 per eosdem creditores per quos, cum  
 tu aderas, agebatur. Regis causâ,  
 si qui sunt; qui velint, qui parati  
 sunt, omnes ad Pompeium rem de-  
 ferri volunt. Senatus Religionis  
 calumniam, non religione, sed ma-  
 levolentia, et illius Regiae ar-  
 gitionis iniuria comprobat &c.

*Doctrina autem de ciphris, aliam secum traxit doctrinam erga ipsam relatiyam : Illa est de Deciprigratione, siue reseratione Ciphrarum : licet quis Alphabetum Ciphrae aut pactum de latebrâ penitus ignoret. Res sanè est illa, laboriosa simul & ingeniosa, & arcanis Principiis, veluti, & illa prior, dicata. Attamen præcautione solerti fieri possit inutilis ; et si quomodo Res nunc se habent, magni prorsus sit usus. Etenim si ciphrae introductæ essent bonæ & fideles, plurimæ fuerint, quæ operam Decipratoris prorsus eluderent, & excluderent ; quæ tamen sint satis commoda, & expedita, ad legendum, aut scribendum. Verum impetitia & inscitia Secretariorum, & Amantuensium, in aulis Principum tanta est, ut maxima plerunq; negotia ciphris infirmis & futilebus, committantur.*

Interea fieri potest, ut suspectur quispiam, nos in enumeratione, & quasi censu artium, id agere, ut scientiarum copiæ (quas veltuti in aciem adducimus) auctæ & multiplicatæ, magis sint admirationi ; cum tamen numerus earum forte ostentari, vires tam brevi Tractatu vix explicari possint. Verum nos institutum nostrum fideliter urgemos, atque in hoc globo scientiarum confiendo, etiam insulas minores, aut remotiores omitti nolumus. Neque verò (ut arbitramur) perfunctoriè licet cursim eas artes attingimus ; sed potius nucleos & medullas ipsarum, ex multâ materiæ massâ, stilo acuto excerptimus. Cujus rei judicium ipsis illis, qui in hujusmodi artibus peritissimi sunt, permittimus : Cum enim plerique, qui multiscii videri volunt, hoc ferè habeant; ut vocabula & exteriora artium passim jactantes, illarum ignatis admirationi, Magistris ludibrio sint; speramus nostra

stra contrarium prorsus eventum habitura, ut per-  
tissimi cujusque in artibus singulis judicium maxi-  
mè detineant, ceteris minoris sint. Quod verò ad ar-  
tes illas, quæ minorum quasi gentium videri possunt;  
si quis existimet nos, nimium quid ipsis tribueret; cir-  
cumspiciat ille & videbit, homines in provinciis suis,  
magnos sanè & celebres, cùm ad Metropolim aut se-  
dem imperii fortè migraverint, turbæ ferè immisce-  
ri, & inferioris notæ esse: similiter mirum non est;  
artes istas leviores, juxta artes Principales & supre-  
mas collocatas, dignitate minui; cùm tamen iis, qui  
operam illis præcipue impenderint, res videantur  
utique magnæ & præclaræ. Atque de organo sermo-  
nis hæc dicta sint.

## C A P. II.

*Doctrina de Methodo sermonis constituitur ut pars traditivæ substanti-  
va & principia: Nomen ei indistur prudentia traditivæ. Enume-  
rantur Methodi Genera diversa; & subiunguntur co-  
rund corumoda & incom-  
moda.*

**V**eniamus ad doctrinam de methodo sermonis. Ea pars Dialecticæ tractari consuevit. Etiam locum in Rhetoricâ per nomen Dispositionis reperit. Verum collocatio ejus in famulitio aliarum artium, in causâ fuit, ut plurima quæ ad ipsum spectant, cogniti utilia, prætermissa sint. Visum igitur est nobis, Doctrinam Substantivam & Principalem de Methodo, constituere, quam nomine generali Prudentium Traditivæ appellamus. Itaque Methodi Genera (cùm varia sint,) enumerabimus potius, quam partiemur. Atq; de unicâ Methodo, & Dichotomiis perpetuis, nil attinet dicere: Fuit enim Nubecula quædam Doctrinæ, quæ citò transiit: Res certè simul & levis, & scientiis  
damno-

damnosissima. Etenim hujusmodi homines, cùm Methodi suæ Legibus res torqueant; & quæcunque in Dichotomias illas non aptè cadunt, aut omittant, aut præter Naturam inflestant; hoc efficiunt, ut quasi Nuclei & Grana Scientiarum exilient, ipsi aridas tantum & desertas Siliquas stringant. Itaq; inania compendia parit hoc genus Methodi, solida scientiarum destituit.

Constituantur igitur prima differentia *methodi*, uerò aut *Magistralis*, aut *initiativa*. Neque verò verbum *initiativa* ita intelligimus, quasi hæc initia scientiarū tantum ita traderet, illa doctrinam integrā; Verūm contrà (vocabulum à sacris mutuantes) eam dicimus *methodum initiativam*, quæ ipsa scientiarum mysteria recludat, & denudet; *Magistralis* siquidem docet; atur iis quæ dicuntur; *initiativa* verò potius ut examen subeant: Altera scientias discentium vulgo; Altera tanquam filiis scientiarum tradit: Denique, altera pro fine habet, scientiarum (quales jam sunt) usum; Altera earundem continuationem, & ulteriorem progressum. Harum posterior, via videtur *deserta* & *interclusa*. Ita enim adhuc scientiæ tradi consueverunt, quasi ex pacto, tam docens quam discens, errores asciscere cupiant. Etenim qui docet, eo docet modo, quo maximè dictis suis fides astruatur, non quo illa commodissimè examini subjiciantur; & qui discit, sibi exemplo fieri, non legitimam disquisitionem præstolari expetit; ut magis sit ei cordi, Non Dubitare, quam non Errare. Ita ut & Magister, amore gloriæ infirmitatem scientiæ suæ prodere caveat, & Discipulus, laboris odio, vires proprias experiri nolit. Scientia verò, quæ aliis tanquam tela pertexenda traditur, *Eadem Methodo* (si fieri possit) animo alte-

alterius est insinuanda, qua primitus inventa est. Atque hoc ipsum fieri sanè potest in scientiā per inductionem acquisitā: Sed in anticipatā istā & præmaturā scienciatā (quā utimur) non facilē dicat quis, quo itinere, ad eam, quam nactus est, scientiam pervenerit. Attamen sanè secundum majus & minus, possit quis scientiam propriam revisete, & vestigia suæ cognitionis simul & consensus remetiri, atque hoc pacto, scientiam sic transplantare in animum alienum, sicut crevit in suo. Artibus enim idem usū venit quod plantis: si plātā aliquā uti in animo habeas, de radice quid fiat nil refert, si verò transferre cupias in aliud solum, tutiū est radicibus uti, quam surculis. Sic traditio, (quæ nunc in usu est) exhibet planè tanquā truncos (pulchros illos quidem) scientiarum, sed tamen absque radicibus, fabro lignario certè commodos, at plantatori inutiles. Quod si, Disciplinæ ut crescant, tibi cor-di sit, de truncis minùs sis sollicitus; ad id curam ad-hibe, ut radices illæsæ, etiam cum aliquantulo terræ adhærentis, extrahantur. Cujus quidem generis tra-ditionis, *Methodus Mathematicorum*, in eo subiecto. similitudinem quandam habet; generatim autem non video, quod aut in usu sit; aut quod quis inquisi-tioni ejus dederit operam; proinde eam inter deside-rata numerabimus, eamque *Traditionem Lampadis*, si-ve *Methodum ad filios* appellabimus.

Sequitur aliud *Methodi* discrimen, priori intentio-ni affine, reipsâ ferè contrarium. Hoc enim habet utraque *Methodus* commune, ut vulgus auditorum à selectis separet; illud oppositum, quod prior intro-ducit modum Tradendi solito apertiorem, altera, de quā jam dicemus, occultiorem. Sit igitur discrimen tale, ut altera *Methodus* sit *Exoterica*, altera *Acroamatica*.

Etenim

Etenim quā antiqui adhibuerunt præcipue in edendis libris differentiam, eam nos transferemus ad ipsū modum Tradēndi. Quinetiam *Acroamatica* ipsa apud Veteres in usu fuit, atque prudenter, & cum judicio, adhibita. At *Acroamicum* sive *Ænigmaticum* istud dicens genus, posterioribus temporibus de honestatum est, à plurimis, qui eo tanquam lumine ambiguo, & fallaci abusi sunt, ad merces suas adulterinas extrudendas. Intentio autem eius ea esse videtur, ut traditionis involucris, vulgus ( profanum scilicet ) à Secretis Scientiarum summoveatur; atque illi tantum admittantur, qui aut per manus Magistrorum, parabolarum interpretationem nacti sunt, aut proprio ingenii acumine & subtilitate, intra velum penetrare possint.

Sequitur aliud *Methodi* discrimen, magni prorsus ad Scientias momenti; cùm scilicet Scientiæ traduntur, aut per *Aphorismos*, aut *Methodicè*. Notatu enim in primis dignum est, in consuetudinē plerunque venisse, ut homines ex pauculis axiomatibus & observationibus, in quo vis modo subjecto, artem constituant quasi completam & solennem, eam ingenii quibusdam *Commentationibus* suffarcinando, Exemplis illustrando, & *Methodo* revinciendo. At illa altera *Traditio* per *Aphorismos*, plurima secum fert commoda, ad quæ *traditio methodica* non attingit. Primū enim de Scriptore specimen dat, utrum ille leviter & perfunctoriè Scientiam hauserit, an penitus imbibebit. *Aphorismi* enim, nisi prorsus forent ridiculi, necesse est, ut ex medullis & interioribus Scientiarum, confiantur. Abscinditur enim illustratio & excusio; Abscinditur varietas exemplorum; Abscinditur deductio & connexio; Abscinditur descriptio Pra-

Eticæ: ut ad materiem *Aphorismorum* nihil relinquatur, præter copiam observationum benè amplam. Igitur ad *Aphorismos* non sufficiet quispiam, imò de eis nec cogitabit sanè, qui se neutiquam copiosè & solidè instructum ad scribendum perspexerit. At in *Methodis*;

----- *Tantum series juncturaque pollet,*

*Tantum de medio sumptis accedit honoris;*

Ut speciem artis, nescio cujus, præclaræ, sapientiæ reportent ea, quæ si soluantur, segregentur, & denudentur, ad nihilum ferè recasura forent. Secundò, *Traditio Methodica*, ad fidem & consensum valet; Ad indicationes de Praxi minus innuit; Siquidem demonstrationem quandam in orbe præ se fert, partibus se invicem illuminantibus, ideoque intellectui satisfacit magis; quia vero actiones in vitâ communî sparguntur, non ordine componuntur, ideo magis iisdem conducunt etiam sparsa documenta. Postremò, *Aphorismi*, cùm Scientiarum portiones quasdam & quasi frusta tantum exhibeant, invitant, ut alii etiam aliquid adiificant & erogent; Traditio vero *Methodica*, dum Scientiam integrum ostentat, securos illicò homines reddit, quasi jam summa adeptos.

Sequitur aliud Methodi discrimen, magni & illud quoque momenti: cùm scilicet Scientiæ traduntur, aut per *assertiones adjectis probationibus*, aut per *quæstiones una cum determinationibus*. Hanc autem posteriorem Methodum si immoderatius quis persequatur; Scientiarum profectui non minus illa officit, quam fortunis & progressibus exercitus cuiuspiam impedimento & damno foret, si in minutis quibusque castellis, aut oppidis expugnandis subinde hæreat. Et enim si quis in acie sit superior, & summæ belli sedulio in

lò incumbat , minora illa loca ultrò se submittent : Illud tamen inficias non ierim , urbem aliquam magnam & munitam , à tergo relinquere , haudquam semper tutum esse : Eodem modo , confutationibus in Scientiarum traditione temperandum , iisque parcè utendum : & ad hoc tantum , ut majores præoccupationes animorum & præjudicia frangantur , minimè autem ut leviores dubitationes excitentur & provocentur .

Sequitur aliud *Methodi* discrimen , ut scilicet *Methodus* sit *subjecta materia* quæ tractatur accomoda . Alio enim modo traduntur *Mathematica* , ( quæ sunt inter Scientias maximè abstracta & simplicia : ) alio *Politica* ( quæ maximè sunt immersa & composita . ) Neque ( ut jam diximus ) *Methodus uniformis* in materia multiformi commode se habere potest . Evidem quemadmodum *Topics particulares* ad inveniendum probavimus , ita *Methodos particulares* ad tradendum similiter aliquatenus adhiberi volumus .

Sequitur aliud *Methodi* discrimen , in tradendis Scientiis cum judicio adhibendum . Illud autem regitur per informationes & anticipations de Scientiâ ( quæ tradenda est ) in animis dissentientium prius infusas & impressas . Aliter enim tradi debet Scientia , quæ ad animos hominum nova & peregrina prorsus accedit ; aliter ea , quæ opinionibus jam pridem imbibitis & receptis , & affinis & familiaris . Ideoque Aristoteles Democritum fugillare cupiens , revera eum laudat ; *Si ( inquit ) serio disputatione velimus , non sectari similitudines , &c.* Id vitio vertens Democrito , quod in comparationibus esset nimius . At illi , quorum documenta in opinionibus popularibus jam sedes suas collocarunt , non aliud habent , quod agant ,

nisi ut disputent & probent. Illis contrà , quorum dogmata opiniones populares transcendunt, gemino labore opus est : primò ut intelligantur, quæ afferunt ; deinde ut probentur: Ita ut necessum habeat configere ad auxilia similitudinum & translatiōnum, quo se captui hominum insinuent. Videmus igitur sub infantia doctrinarum, sacerulis rudioribus, cùm Syllepses illæ , quæ jam factæ sunt vulgares & tritæ , novæ fuerant & inauditæ , omnia parabolis & similitudinibus plena fuisse. Alias evenisset, ut quæ proponebantur, aut absque nota seu attentione debita transmissa , aut pro paradoxis reiecta fuissent. Etenim Regula quædam est Traditivæ , quod Scientia omnis quæ Anticipationibus sive presuppositionibus non est consona , à similitudinibus & comparationibus suppetias petere debeat.

Atque de Methodorum diversis generibus , hæc di-  
cta sint; iis videlicet, quæ antehac ab aliis notata non fuerunt: Nam quantum ad cæteras illas Methodos, Analyticam, Systaticam, Diæreticam, etiam Crypticam, Homericam, & similes, rectè sunt eæ inventæ & distributæ; Neque causa videtur, cur illis immoremur.

At Methodi Genera hujusmodi sunt, Partes autem duæ; Altera de dispositione totius operis , vel argumenti libri alicujus ; Altera de limitatione propositionum. Et enim ad Architecturam spectat, non solum fabrica totius ædificii, sed etiam efformatio & figura columnarum, trabium, & similium. Methodus vero, veluti Scientiarum Architectura est. Atque hæc in parte melius meruit Ramus, in optimis illis Regulis (Κεφάλαια πρῶτον, κατὰ ταῦτα, καθ' αὐτὸν, &c. ) renovandis, quam in unicâ suâ Methodo & Dichotomia obtudendis. Veruntamē nescio quo Fato fit, ut humanis (sicut

sæpius

sepiùs fingunt Poetæ) rebus pretiosissimis semper adhibentur perniciōsissimi quique custodes. Certè conatus Rami, circa illam propositionum limam, conjecit eū in epitomas illas, & Scientiarum vada. Auspicatò enim & felicis cuiusdam Genii ductu procellerit oportet, qui Axiomata Scientiarum convertibilia facere attentaverit, & non simul ea reddiderit Circularia, aut in semet recurrentia. Conatum nihil seciūs Rami in hāc parte utilem fuisse non inficiamur.

Supersunt duæ adhuc Propositionum Limitationes, præter eam ut fiant Convertibiles; Altera de Extensione; altera de Productione ipsarum. Sanè habent Scientiæ, si quis rectè advertat, præter profunditatem, alias duas dimensiones; Latitudinem scilicet, ac Longitudinem suam. Ac profunditas quidem ad ipsarum Veritatem & Realitatem refertur: Hæ enim sunt, quæ soliditatem conferunt. Quantum ad reliquias duas, Latitudo accipi & computari potest de Scientiâ in Scientiam; Longitudo verò sumitur à summâ propositione ad imam in eâdem Scientiâ. Altera fines, & veros Scientiarum terminos complectitur, ut propositiones propriè, non promiscuè tractentur; & evitetur repetitio, excursio, confusio omnis: Altera normam præscribit, quo usque & ad quem particularitatis gradum, propositiones Scientiarum sint deducendæ. Sanè dubium est, quin aliquid exercitationi & Practicæ sit relinquendum; Oportet siquidem Antonini Pii vitium evitari, ne simus Cymini Sætores in Scientiis, neve divisiones ad infima quæque multiplicemus. Itaq; qualiter in hāc parte, nobis ipsi temperemus, inquisitione planè dignum est. Videmus enim nimium Generalia (nisi deducantur) parùm informare, quin potius hominum Practicorum ludi-

brio Scientias exponere, cùm nihilo magis ad Præciam faciant, quam Chorographia Ortelii universalis, ad viam monstrandam, quæ Londino dicit Eboracum. Certè Regulæ optimæ, speculis ex Metallo, non inscitè assimilantur, in quibus cernuntur utiq; imagines, sed non antequam expolita fuerint; Sic juvant demum Regulæ & Præcepta, postquam Exercitationis limam subierint. Quod si tamen, usque à principio, Regulæ illæ fieri possint nitidæ, & quasi Crystallinæ, id optimum factu foret, quandoquidem exercitatione assiduâ minùs indigebunt. Atque de *Scientia Methodi* (quam *Prudentiam Traditivæ* nominavimus) hæc dicta sint.

Neque tamen illud prætermittendum, quod non nulli, viri magis tumidi, quam docti, insudarunt circa *Methodum* quandam, legitimæ *Methodi* nomine haud dignam, cùm potius sit *Methodus Impostura*; quæ tamen quibusdam Ardelionibus acceptissima procul dubio fuerit. Hæc *Methodus* ita Scientiæ aliquujus guttulas aspergit, ut quis sciolus, specie nonnullâ Eruditionis ad ostentationem possit abuti. Talis fuit *Ars Lulii*; Talis *Typocosmia* à nonnullis exarata; quæ nihil aliud fuerunt, quam vocabulorum artis cuiusque massa & acervus; ad hoc, ut qui voces artis habeant in promptu, etiam artes ipsas perdidicisse existimantur. Hujus generis Collectanea officiam referunt veteramentariam, ubi præsemina multa reperiuntur, sed nihil quod alicujus sit pretii.

### C A P. III.

*De Fundamentis & Officio Rhetoricæ. Appendices tres Rheticæ, quæ ad Promptuarium tantummodo pertinent: Colores Boni & Mali, tam simplicis, quam Comparati: Antitheta Rerum, Formulæ minores Orationis.*

*Venimus jam ad Doctrinam de Illustratione Sermonis:*

Ea

Ea est, quæ Rhetoricæ dicitur, sive *Oratoria*. *Sciētia* certè & in se egregia, & egregiè à *Scriptoribus* exulta. Eloquentia autem, si quis verè rem aestimet, Sapientia procul dubio est inferior. Videmus enim quanto intervallo hæc illam post se relinquat, in verbis quibus allocutus est Mosem Deus, cùm ille munus sibi delatum, propter defectum Elocutionis recusasset, *Habes Aaronem, ille erit tibi Vice Oratoris, tu vero ei Vice Dei.* At fructu, & populari existimatione, Sapientia Eloquentiæ cedit. Ita enim Salomon, *Sapiens corde appellabitur prudens, sed dulcis eloquio majora reperiet.* Haud obscurè innuens, Sapientiam famam quandam, & admirationem cuiquam conciliare: at in tebus gerendis, & vita communi, Eloquentiam præcipue esse efficacem. Ad *Artis* verò hujus culturam quod attinet; Aristotelis erga Rethores sui temporis *Æmulatio*; atque Ciceronis studium acre & vehementis, illi nobilitandæ totis viribus incumbens, cum longo usu conjunctum; in caussa fuerunt, ut in libris suis de hâc *arte* conscriptis, scipios vicerint. Dein *Exempla* illa luculentissima hujuscce *artis*, quæ in *Orationibus Demosthenis & Ciceronis* habentur, Praeceptorum acuminis & diligentiarum addita, profectus ipsius geminârunt. Quare, quæ in hâc *Arte* desiderari invenimus, versabuntur potius in *Collectionibus* quibusdam, quæ tanquam Pedissequæ huic *Arti* præstò sint, quam in *Disciplinâ & usu Artis* ipsius. Nam etiam tum, cùm *Promptuariæ* cujusdam inter *Logica*, mentionem facetemus, uberiora ejus rei *Explain in Rheticis* polliciti sumus.

Veruntamen ut more nostro, circa radices hujus *Artis*, glebam paululum aperiamus & subigamus;

Rhetorica certè Phantasia, quemadmodum Dialectica Intellectui subseruit. Estque, si quis altius rem penetrat Officium & munus Rhetoricae non aliud, quam ut rationis dictamina phantasia applicet & commendet, ad excitandum appetitum & voluntatem. Regimen enim rationis, impeti & perturbari videmus tribus modis; Vel per illaqueationem sophismatum, quod ad Dialecticam pertinet; vel per præstigias verborum, quod ad Rhetoricam; vel per affectuum violentiam, quod ad Ethicam. Quemadmodum enim in negotiis, quæ cum aliis contrahimus, vinci quis & perduci solet, vel Astu, vel Importunitate, vel Vehementia; ita etiam in illâ negotiatione internâ, quam nobiscum exercemus, aut argumentorum fallacis subruimur, aut impressio-  
num & obversationum assiduitate sollicitamur & inquietamur, aut affectuum impetu concutimur & rapi-  
murus. Neque vero, tam infeliciter agitur cum naturâ humanâ, ut illæ artes & facultates ad rationem deturbandam valeant, neutquam vero ad eandem roborandam & stabilendam; Verum ad hanc rem longè magis. Finis enim Dialecticæ est, docere formam argumentorum, ad præsidia intellectus, non ad insidias. Finis itidem Ethice, affectus ita componere, ut rationi militent, non autem eam invadant. Finis de-  
nique Rhetoricae, Phantasiam implere obversationi-  
bus & simulachris, quæ rationi suppetias ferant, non autem eam opprimant. Abusus enim artis ex obli-  
quo tantum interveniunt, ad cavendum, non ad utendum.

Quapropter in Platone summa fuit iniqüitas (licet ex non immetito erga Rethores sui temporis odio ora-  
ta) cum Rheticam inter artes voluptarias collocavit;  
Eam similem esse dicens Coquinariae, quæ non minùs  
cibos

cibos salubres corrumperet, quām insalubres gratiōes redderet, condimentorum varietate & deliciis abutens. Absit autem, ut oratio non frequentius versetur, in rebus honestis ornandis, quām in turpibus oblinendis: Hoc enim ubique praeſtō est: Siquidem nemo est, qui honestiū loquatur, quam aut sentiat, aut faciat. Sanè à Thucydide optimè notatum est, tale quidpiam solitum fuisse obiici Cleoni; quod cum semper deteriorem partem tueretur, in hoc multus esset, ut eloquentiam & sermonis gratiam carperet; Probè quippe cùm sciret, de rebus fortidīs & indignis, non posse quempiam pulchrè loqui. At de rebus honestis, facillimè. Eleganter Plato (licet jam in Trivio decantetur) *Virtus si conspici daretur, ingentes sui amores concitaret: At Rhetorica virtutem & bonum depingit planè, & reddit quasi conspicuum.* Cùm enim corporeā effigie, illa sensui monstrari nequeant, superest ut per ornatū verborum, phantasiae, repræsentatione, quantum fieri potest, viuā, corām sistantur. Siquidem mos Stoicorum, in eritō derisus est à Cicerone; qui concisis & argutis sententiis & conclusionibus, virtutem animis hominū imponere satagebant; quæ res parvum habet cum phantasia & voluntate consensum.

Porro, si affeſtus ipſi in ordinem compulſi, & rationi prorsus morigeri eſſent; verum eſt, nullum magnoperē futurū, persuasionum & insinuationum, quæ adiutum ad mentem præbere poſſint, uſum; ſed ſatis fore, ſi reſ ipſa nudē & ſimpliciter proponantur, & probentur. Verum Affeſtus contrā, tantas ſecſſiones faciunt; quinetiam tantas turbas & ſeditiōnes movent, (ſequendum illud,

----- *Video meliora, proboque,  
Deteriora sequor)*

**U**t ratio prorsus in servitutem & captivitatem abrepta foret, nisi Eloquētiæ Suāda efficeret, quo minus Phantasia à partibus affectuum staret; sed potius opera ejus, fœdus ineatur inter rationem, & phantasiam, contra affectus. Notandum est enim, affectus ipsos ad bonum apparens semper ferri, atque hac ex parte aliquid habere cum ratione commune: verum illud interest; quod *Affectus intuentur præcipue bonum in presentia: Ratio prospiciens in longum, etiam futurum, & in summa.* Ideoque cùm quæ in præsentia obversentur, impleant Phantasiam fortius, succumbit plerunque ratio, & subjugatur. Sed postquam eloquentiæ, & suasionum vi effectum sit, ut futura & remota, constituantur & conspiciantur tanquam præsentia, tum demùm ab eunte in partes rationis phantasiam, ratio sit superior.

Concludamus igitur, non deberi magis vitio verti Rhetorice, quod deteriorem partem cohonestare sciāt; quam Dialectice, quod Sophismata concinnare doceat. Quis enim nescit, contrariorum eandem rationem esse, licet usu opponantur? Porro non eò tantum differt Dialectica à Rhetorica, quod (ut vulgo dicitur) altera instar pugni, altera instar palmæ sit; ( Altera scilicet pressè, altera fusè tractet;) verū multò magis, quod Dialectica rationem in suis Naturalibus; Rhetorica, qualis in opinionibus vulgi sita est, consideret. Prudenter igitur Aristoteles, Rhetoricam inter Dialecticam, & Ethicam cum Politica, collocat, cùm ex utrisque participet. Siquidem probationes & demonstrationes Dialectice, universis hominibus sunt communes; at probationes & suasiones Rhetoricae, pro

pro ratione auditorum variari debent; ut quis tan-  
quam Musicus, auribus diversis se accommodans, sit  
demum

*Orpheus in Sylvis, inter Delphinas Arion.*

Quæ quidem applicatio, & variatio orationis ( si quis ejus perfectionem & culmen desideret ) eò usq;  
extendi debet; ut si eadem ipsa apud diversos homi-  
nes sint dicenda, apud singulos tamen aliis atque aliis  
verbis sit utendum, Quanquam hâc parte eloquen-  
tiæ ( Politicâ scilicet & Negotiosâ, in privatis sermo-  
nibus ) maximos oratores plerunque destitui certum  
sit; dum ornatum & formulas elegantes orationis  
captantes, volubili illâ applicatione, & characteribus  
sermonum, quibus versus singulos uti consultius fo-  
ret, excidunt. Certè, non abs refuerit, circa hoc ipsū,  
de quo nunc dicimus, novam instituere inquisitio-  
nem, eamque nomine *Prudentia sermonis privati* indi-  
gitare, atque inter *Desiderata* reponere: Rem certè,  
quam quod attentiùs quis recogitet, eò pluris faciet.  
Utrum verò hæc inter *Rhetorica*, an *Politica* colloce-  
etur, haud magni refert.

Descendamus modò ad *desiderata* in hâc arte, quæ  
( ut antè diximus ) eius sunt generis, ut pro *appendici-  
bus* potius censeri debeant, quam pro *portionibus artis*  
ipius, & pertinent omnia ad *Promptuarium*. Primò  
igitur non invenimus, qui *Prudentiam* illam, simul  
& diligentia Aristotelis, benè persecutus sit, aut sup-  
pleverit. Hic nimirum cœpit colligere, *signa popula-  
ria*, sive *colores boni ac mali apparentis*: tam *simpliciis*,  
quam *comparati*, qui sunt verè *Sophismata Rhetorica*.  
Sunt autè eximii usus, præsertim ad negotia, & pru-  
dentiam sermonis privati. Labores verò Aristotelis  
circa *colores istos* in tribus claudicant; Primò, quod  
cum

cum multi sint, paucos admodum recenseat: Secundò, quod *Elenchos* suos non habeant adjunctos: Tertid, quod videtur ille usum eorum ex parte ignorasse: Usus enim eorum, non magis ad probandum, quam ad afficiendum & commovendum subseruit. Complures siquidem loquendi formulæ, quæ idem significant, variè tamen afficiunt. Nam longè fortius penetrat, quod acuminatum est, quam quod obtusum; licet in ipsâ percussione vires æqualiter intendantur. Nemo est certè, qui non magis afficiatur, audiens, *Inimici tui de hoc miros triumphos agent.*

*Hoc Ithacus velit, & magno mercentur Atride;*  
*Quam si simpliciter dicatur, Hoc rebus tuis incommo-*  
*dabit. Itaque mucrones isti, & aculei sermonum, mi-*  
*nimè sunt negligendi. Cum verò hanc rem, ut *Desi-**  
*deratam* proponamus, ex consuetudine nostrâ, illam  
*Exemplis* fulciemus; *Præcepta* enim minus rem illu-  
*straverint.*

*Exempla colorum boni & mali tām simplicis,*  
*quam comparati.*

*Sophisma.*

1. *Quod laudant homines & celebrant, Bonum, quod*  
*vituperant & reprehendunt, Malum.*

*Elenchus.*

Fallit *Sophisma* quatuor modis, scilicet, Aut propter ignorantiam; Aut propter malam fidem; Aut propter studia & factiones; Aut propter ingenia laudatorum & vituperatorum. Propter ignorantiam; Quid vulgi judicium ad examen boni & mali? Melius Phocion, qui, cum populus ei præter solitum applauderet, quæsivit, *Num forte deliquisset?* Propter malam fidem; Laudantes enim & vituperantes suam rem sæpius agunt, neque loquuntur ut sentiunt.

*Laudat venales, qui vult extrudere merces.*

Item, malum est, malum est (inquit Emptor) sed cum recesserit, tum gloriabitur. Propter factiones; Cuivis enim patet, consuescere homines, eos qui suarum partium sunt, immodicis efferre laudibus, qui autem contrariarum sunt, infra meritum deprimere. Propter ingenium; Alii enim naturâ facti sunt, & compo- siti, ad adulacionem servilem; Alii contrâ momi & tetrici; Ut laudando & vituperando, suis *Ingeniis* tantum obsecudent, parum de veritate solliciti.

*Sophisma.*

2. *Quod etiam ab inimicis laudatur, magnum bonum, quod vero etiam ab amicis reprehenditur, magnum malum.*

*Sophisma* fundamento hoc niti videtur, quod quæ ingratias, & contra animi nostri affectum, & propensionem loquimur, ea ipsa, vim veritatis à nobis extorquere, facile creditur.

*Elenchus.*

Fallit *Sophisma* propter astutiam, tam inimicorum, quam amicorum. Inimici enim laudes quandoque tribuunt, non invitè, nec à vi veritatis coacti, sed eas tamen diligentes, quæ inimicis suis invidiam & penacula conflare possint. Itaque apud Græcos, superstitionem quædam invaluit, ut crederent, si quis ab altero laudaretur, animo malevolo, & proposito nocendi, naribus ejus pustulam annasci solere. Fallit iterum, quia laudes interdum impertiunt inimici, tanquam præfatiunculas quasdam, ut poste à liberiùs, & malitiosus calumniarentur. Ex alterâ parte, fallit etiam hoc *Sophisma* propter astutiam amicorum. Solent enim & illi vitia amicorum interdum agnoscere, & prædicare, non quod aliqua vis Veritatis eos cogat, sed ea eligent.

eligentes, quæ minimum amicos suos laedere possint: ac si cætera quidem, viri optimi essent. Fallit iterum, quia Amici quoque reprehensionibus suis ( sicut de Inimici laudibus diximus ) tanquam præfatiunculis quibusdam utuntur , quod paulò post in laudes effusis excurrant.

### Sophisma.

3. *Cujus Privatio bona, id ipsum Malum: cuius Priva-*  
*tio mala, id ipsum Bonum.*

### Elenchus.

Fallit *Sophisma* duobus modis; Aut propter *comparationem boni & mali*: Aut propter *succeſſionem boni ad bonum, aut mali ad malum*. Propter *comparationem*: Si bonum fuerit generi humano, privari esu glandium, non sequitur, quod malus ille erat, sed *Dodona bona, Ceres melior*. Neque si malum fuit Populo Syracusano, Dionysio Seniore privari, sequitur quod Dionysius ille bonus fuerit, sed minus malus, quam Junior. Per *Succeſſionem*: Etenim privatio boni alicuius non semper dat locum malo, sed quandoque majori bono, ut cum flos decidit, fructus succedit: Nec privatio alicuius mali dat semper locum bono, sed interdum majori malo. Nam sublato inimico Clodio, Milo simul & segetem gloriae perdidit.

### Sophisma.

4. *Quod bono, aut malo vicinum est, id ipsum itidem bonum, aut malum: quod vero remorum est a bono, malum;*  
*quod a malo, bonum.*

Habet hoc ferè rerum natura, ut quæ naturâ suâ convenient, etiam locis convenient, quæ vero contrariæ naturæ sunt, etiam intervallis distent: Cum singula amicas sibi associare, inimica summovere gaudeant.

## Elenchus.

Sed fallit *sophisma* tribus modis : Primo propter *desstitutionem*, secundo propter *obscurationem*, tertio propter *protectionem*. Propter *desstitutionem*; Fit, ut quæ in suo genere amplissima sunt, & maximè excellunt, omnia, quantum fieri potest, ad se trahant, & in vicino quæque posita destituant, ac quasi inediâ conficiant. Itaque in propinquo arborum grandium virgulta nunquam lœta reperies. Recte etiam ille, *divitis servi maxime servi*. Nec male cavillatus est, qui inferiorius famulitum in Aulis Principum, *Festorum vigiliis* comparavit; quæ Festa sua in proximo attingunt, ipse autē jejuniis addicuntur. Propter *obscurationem*; Etenim & hoc habent, quæque, in suo genere, præstantissima, ut licet proxima nō extenuent, aut destituant, tamen obscurent, & obumbrant. Quod etiam de *Sole* notant Astronomi, quod sit scilicet aspectu bonus, conjunctione & approximatū malus. Propter *protectionem*; Nam non solum res coeunt & congregantur propter consortium, & naturæ similitudinem, sed etiam malum (præsertim in civilibus) configuit ad bonum, ut lateat, & protegatur. Itaque scelerati homines petunt Asyla Divorum, & vitium ipsum se in virtutis umbram recipit;

*Sapientia vitium proximitate boni.*

Contrà & bonum se aggregat ad malum, non propter consortium, sed ut illud convertat, & reformat in bonum. Itaque & medici magis accedunt ad ægrotos, quam ad sanos; & Servatori nostro objectum est, quod *Conversaretur cum publicanis & peccatoribus.*

*Sophisma.*

5: Cui ceteræ partes, vel sectæ, secundas unanimitate deferunt, (cùm singula Principatum sibi vendicent) melior reliquis

*De Augmentis Scientiarum,*  
reliquis videtur: Nam primas quæque ex Zelo videtur sumere, secundas autem ex vero & merito tribuere.

Ita Cicero argumehtatur sectam Academicorum, quæ Acatelepsiam tenuit, Philosophiam fuisse præstantissimam. Interroga enim (inquit) Stoicum, quæ secula sit potior; ille suam ceteris anteponet: Deinde quæ secundas teneat, Academicam fatebitur. Age similiter cum Epicureo (qui Stoici vix aspectum toleraverit) postquam suam Sectam collocarit in summo, collocabit Academicam in proximo. Similiter, vacante dignitate aliquâ, Princeps si competitores singulos interrogaret, quæ post se potissimum commendare vellent, verisimile est, secunda illorum vota, in eum qui præcipue dignus, & optimè meritus fuerit, concursura.

#### *Elenchus.*

Fallit Sophisma propter Invidiam. Solent enim homines, proximè post se, & factionem suam, in eos inclinare & propendere, qui reliquorum maximè sint enerves & imbelles, qui que eis minimum molestiae exhibuerunt, in odium illorum, qui illis plurimum insultarunt, aut incommodarunt.

#### *Sophisma.*

6. *Cujus Excellentia vel exuperantia melior, id toto genere melius.*

Huc pertinent formulæ illæ usitatæ; Ne pervagemur in generalibus: Conferamus particularem aliquem cum particuliari, &c.

#### *Elenchus.*

Videtur hoc Sophisma satis nervosum; & magis Dialecticum quiddam, quam Rhetoricum. Attamen interdum fallit. Primo, quia sunt res haud paucæ, periculo plurimum obnoxiae, quæ tamen, si evadant, cæteris antecellant. Ita ut genere sint deteriores, quia saepius

sæpius periclitantur & excidunt; Individuo autem nobiliores. In hoc numero est gemma Martia, de quâ Gallicum Adagium, Filius Parisiorum, & Gemma Mensis Martii, si ex illis evadat unus, erit instar decem aliorum. Adeò ut in genere, Gemma Maij Gemmæ Martii præster, sed tamen in individuo, Optima Gemma Martij optimæ Gemmæ Maij præferatur. Fallit, secundò; propter naturam rerum, in aliquibus generibus aut speciebus magis æqualem, in aliquibus magis inæqualem: Quemadmodum in observationem venit, clima-ta calidiora generaliter ingenia producere acutiora; at in frigidioribus, ingenia illa quæ eminent, etiā acutissimis calidarum regionum præstare. Similiter, in exercitibus compluribus, si res Duello inter singulo transigeretur, fortassè ad unam partem accederet Victoria; si copiis universis, in alteram. Etenim excellentiæ & exuperantiæ casum recipiunt; at genera naturæ, aut disciplinæ reguntur. Quinetiam in genere, metallum lapide pretiosius; Attamen Adamas præcellit auro.

## Sophisma.

7. *Quod rem integrum servat, bonum; Quod sine receptione est, malum: Nam se recipere non posse, impotentia genus est; Potentia autem bonum.*

Hinc confinxit Æsopus fabulam de duabus ranis; quæ in magna siccitate, cum aquæ ubique deficerent, deliberârunt, quid sibi demum agendum esset: Prior autem; *Descendamus (inquit) in puteum profundum, neque enim verisimile est ibi aquam defuturam.* Cui altera ita regerit; *Quin si forte ibi quoque aqua deficiet, quomodo exinde rursus ascendere poterimus?* Firmamentum autem hujus sophismatis est; *Quod actiones humanæ adeò sint incertæ, & periculis expositæ, ut illud opti-*

mum videatur, quod plurima habeat effugia. Hic  
spectant formulæ illæ, quæ in usu sunt; *Obligatum*  
*plane & obstrictum te redde: Non tantum quantum voles,*  
*sumes ex fortunâ, &c.*

*Elenchus.*

Fallit *sophisma* primò, quia in *actionibus* humanis,  
fortuna vrget, ut aliquid demùm decernatur. Etenim  
ut eleganter à quopiam dictum est; *Etiam non statuer-*  
*re, est aliquid statuere:* Adeò ut sæpenumerò consilii  
suspensio, pluribus nos implicet necessitatibus; quā  
si aliquid statuissemus. Videtur autem iste morbus  
quidam animi, similis ei, qui reperitur in avaris: Sed  
translatus à cupiditate retinendi opes, ad cupidita-  
tem retinendi arbitrium & potestatem. Siquidem  
avarus frui non vult, ne quid detrahatur de summâ; Ita  
& hujusmodi scepticus nil exequi vult, ut omnia ei  
sint integra. Fallit secundò, quia necessitas, & illud  
( quod aiunt ) *Iacta est alea, stimulos addit animis; sic*  
*ut inquit ille, Ceteris pares, necessitate certè superiores*  
*estis.*

*Sophisma.*

8. *Quod quis culpâ suâ contraxit, majus malum, quod*  
*ab externis imponitur, minus malum.*

Hujus rei caussa est, quod morsus conscientiæ ad-  
versa conduplicet: Contrà, conscientiæ sibi esse, quod  
culpâ quis vacet, magnum præbet in calamitate so-  
latium. Itaque Poetæ ea pathemata maximè exagge-  
rant, tanquam desperationi propiora, ubi quis sei-  
psum accuset, & discruciet;

*Seque unum clamat caussamque caputque malorum.*  
Contrà calamitates virorum insignium, elevat & di-  
luit innocentiae & meriti conscientia. Porro cùm  
malum ab aliis intentetur, habet quivis, quod libere  
conqueri possit; unde dolores sui exhalent, neq; cor  
suffo-

suffocent: Etenim iis, quæ ab injuriâ hominum profecta sunt, indignari solemus, aut ultionem meditari, aut denique Nemesim Divinam vel implorare, vel expectare: Quinetiam, si à fortunâ ipsâ inflatum quid sit, tamen datur quædam cum fatis ipsis expostulatio;

*Aet, Deus, atq; Afra vocat crudelia Mater.*

Contrà, ubi quis malum aliquod suâ culpâ contraxerit, stimuli doloris intrò vertuntur, animumque magis vulnerant, & confodiunt.

*Elenchus.*

Fallit istud *Sophisma*, primum propter spem; quæ maiorum magnū est Antidotum. Etenim culpæ emendatio, sœpè in nostrâ potestate sita est; Fortunæ vero minimè. Itaque Demosthenes, non semel cives suos hujusmodi verbis affatus est; *Quod ad preterita pestem, id ad futura optimum est. Quid hoc tandem sit? Hoc ipsum scilicet, quod vestrâ incuria & culpâ, res vestras male se habeant: Nam si vos officio vestro per omnia perfungi essetis, & nihilominus Status vester, ut nunc, labo-rasset, ne spes quidem reliqua esset, eum futurum aliquando meliorem. Cùm vero Errores vestri in causa potissimum fuerint; confidendum planè: Vos illis emendatus, pristinum statum vestrum recuperaturos.* Similiter Epictetus de gradiibus tranquillitatis animi verba faciens; Insimū locum illis attribuit, qui *alios accusant: Superiorem iis, qui seipso*; Supremum vero illis, qui nec alios, nec seipso. Fallit secundò, propter insitam animis humanis superbiā; quā ægrè adducuntur homines, ut errores proprios agnoscant. Hoc vero ut evitent, patientiam adhibent longè majorem, in iis malis, quæ culpâ suâ contraxerunt. Etenim, quem admodum fieri vide-mus, ut cùm culpa admissa sit, neque de Auctore

constiterit, supra modum excandescunt homines & tumultuantur: Quod si postea in notitiam pervenerit, culpam illam ad filium, aut uxorem, aut gratiosum aliquem pertinere, statim sedantur turbæ &cōfilescent: Eodem modo fit, cum res aliqua accidit, propter quam necessitas incubit, culpam in nos ipsos recipiendi. Id quod in mulieribus sēpissimè conspicitur, quæ si quid infeliciter egerunt, contra consensum parentum, aut amicorum, qualecunque infortunium sequatur, illud sedulò dissimulabunt.

### *Sophisma.*

9- *Gradus privationis major videtur, quam gradus diminutionis;* & rursus, *gradus inceptionis major videtur quam gradus incrementi.*

Canon est in Mathematicis; nullas esse rationes nihil ad aliquid. Itaque gradus nullitatis, & quidditatis, maiores videntur gradibus incrementi, & decrementi. Sicut monoculo durius est, unum perdere oculum, quam utrumque oculum habenti. Similiter, complures liberos habenti, gravius est, ultimum, qui superstes fuerit, filium amittere, quam reliquos priores. Itaque & Sibylla, cum duos priores libros combussisset, pretium tertii duplicavit: Siquidem illius amissio *gradus fuisset privationis*, non *diminutio-*  
*nis.*

### *Elenchus.*

Fallit *Sophisma* primò, propter eas res, quarum usus in sufficientiâ quadam, sive competentiâ; hoc est, Quantitate determinatâ, consistit. Si quis enim obligetur pœnaliter, ad solutionem certæ pecuniæ summae, ad diem certum; gravius ei fuerit, nummo unico aureo carere, quam si, posito quod ille unicus parari non potuerit, deessent etiam decem alii. Similiter

militer in decoctionibus fortunatim, damno fior videtur gradus obærationis, qui primus sortem minuit; quæm extremus, qui ad egestatem redigit. Huc spectant formulæ illæ usitatæ; Sera in fundo parsimonia: Parum interest, utrum nihil habeas, an quod nihil jupiter, &c. Fallit secundò, propter illud Principium in naturâ, Quod corruptio unius sit generatio alterius. Addeut gradus ipse privationis ultimæ, minus interdùm incommodet, quoniam ansam & stimulum præbet, novæ alicui rationi ineundæ. Unde etiam Demosthenes saepius conqueritur apud Cives suos; Conditiones minus utiles, & honorificas, quas à Philippo impositas subibant, nihil aliud esse, quam alimenta quedam ipsorum Ignaviae & socordiæ; ut multo iis fuisset satius illis omnino carere, propterea quod hoc pacto, industria illorum melius acui possit ad alia paranda remedia. Novimus certè Medicum quemdam, qui, mulieribus delicatis, querentibus se malè habere, sed tamen à medicamentis omnibus abhorrente, solebat dicere, non minus facete, quam morosè: Vobis omnino opus est, ut deterius valatis, quo medicamenta, etiam qualibet, libenter toleretis. Quinetiam ipse gradus privationis, sive indigentiae ultimæ, salutaris esse possit, non tantum ad excitandam industriam, verum etiam ad imperandam patientiæ.

Quod ad secundum membrum hujus Sophismatis, illud eodem, quo prius, fundamento, ( de gradibus quidditatis & nullitatis,) nititur. Hinc tanta usurpantur, de initius negotiorum, præconia.

*Dimidium facti, qui bene cœpit, habet, &c.*

Hinc Astrologorum superstitione, qui judicium faciunt, de dispositione, aut fortunâ hominis, ex momento sive articulo nativitatis, aut conceptus.

Fallit sophisma primò, quoniam in nonnullis, pri-  
mæ rerum inceptiones, nihil aliud sunt, quam quæ  
Epicurus, in Philosophia sua, appellat *rentamenta*; id  
est rudimenta quædam; quæ nihil sunt, nisi iteren-  
tur, aut provehantur. Itaque in hoc casu, gradus se-  
cundus dignior videtur & potentior, quam primus:  
Quemadmodum in plaustris, equus qui penultimus  
est, plus confert ad motum plaustri, quam primus.  
Etiam non ineptè dici solet; *Convitum regelsum, illud  
esse, quod pugnæ sit reum.* Prius enim fortalsè prætervo-  
laturum fuisset. Itaque prius malo principium dedit, sed  
posterior modum abstulit. Fallit Sophisma secundò, pro-  
pter dignitatem perseverantiæ; quæ in progressu,  
non in aggressu sita est. Etenim casus, aut natura,  
primum impetum progignere possunt; at affectus  
tantummodo maturus, & Judicium, constantiam.  
Fallit tertio in iis rebus, quarum natura & cursus or-  
dinarius in contrarium rei inceptæ fertur. Ita ut pri-  
ma inceptio perpetuò evanescatur, nisi vires continu-  
entur. Quemadmodum in formulis illis usitatis di-  
citur; *Non progredi, est regredi:* Et, *Qui non proficit, de-  
ficit:* Ut in cursu in adversum montis; Remigatione  
in adversum gurgitis: At contrà, si in declivi montis  
motus incipiat; aut secundo Flumine remigatio fiat;  
tum gradus inceptus longè potiores partes tenet. Por-  
rò iste color, non tantum extenditur ad gradum incep-  
tionis, qui sit à potentia ad actum, comparatum cum gra-  
du, qui sit ab actu ad incrementum: Verum etiam ad gra-  
dum qui sit ab Impotentia ad potentiam, comparatum cum  
gradu, qui sit à potentia ad actum. Etenim gradus, ab im-  
potentia ad potentiam, major videtur, quam à potentia ad  
actum.

## Sophisma.

10. Quod ad veritatem refertur, majus est, quam quod ad opinionem. Modus autem, & probatio ejus, quod ad opinionem pertinet, haec est, quod quis, si clam putaret fore, facturus non esset.

Ita pronunciant Epicurei, de felicitate Stoicorum, in virtute collata; quod similis sit felicitati Histrionis in Scenā, qui si à Spectatoribus, & plausu eorum destitueretur, animis statim concideret. Itaque virtutem per ignominiam, bonum theatrale vocant. Aliter fit in divitiis, de quibus ille,

*Populus me sibilat; At mihi plundo.*

Itidem Voluptate,

*Grata sub imo*

*Gaudia corde premens, vultu simulante pudorem.*

## Elenchus.

Fallacia hujus Sophismatis subtilior paulò est; licet responsio ad exemplum, quod adducitur, facilis. Neque enim virtus eligitur, propter auram popularem. Cùm etiam illud præceptum sit, *Vt quis maxime omnium seipsum revereatur.* Ita ut vir bonus, idem fuerit in solitudine, idem in theatro. Licet forte intendatur virtus nonnihil per laudes, quemadmodum calor augetur per reflexionem. Sed hoc suppositionem negat, non fallaciam redarguit. Elenchus vero talis est. Dato, quod virtus, (præsertim ea, quæ labores & conflictus subit) non eligeretur, nisi quod laudes & fama eam comitari soleant; haud inde sequitur, quod appetitus & motus ad virtutem, non sit præcipue propter se. Siquidem fama possit esse, causa tantum *impulsiva*, aut sine quā non; neutiquā efficiens, aut *constituens*. Exempli gratia: Si duo fuerint equi, quorum unus, calcaribus non admotis,

quævis haud segniter præstaret : At alter, calcaribus admotis, priorem longè superaret: Posterior iste ( arbitror ) palmam referet, & pro equo meliore judicabitur. Neque quenquam judicii sani commoverit formula illa; *Ap age istum equum, cuius spiritus sit in calcari bus.* Quandoquidem enim instrumentum ordinarium equitanti sit calcar, neque ullo modo oneri, aut impedimento ei sit; non minoris propterea estimandus est equus, qui calcare incitatur: Neque etiam ille alter, qui absque calcaribus mira præstet, eo ipso melior, sed delicatior tantum habendus est. Similitatione, gloria & honor, virtuti, pro stimulis & calcaribus, subserviunt: Ac licet virtus, sine illis, paulò futura esset languidior; tamen cum semper illa præstet sint ei, etiam non invitata; nil officit, quod minus virtus propter se quoque expetatur: Itaque rectè redarguitur illa positio; *Nota ejus rei, quod propter opinionem, & non propter veritatem eligitur, hæc est, quod quis si clam putaret fore, facturus non fuisset.*

### Sophisma.

II. *Quod operâ & virtute nostrâ partum est, maius bonum; Quod ab alieno beneficio, vel ab indulgentia fortune delatum est, minus bonum.*

Causæ hujus rei hæ sunt: Primo, propter spem de futuro. Siquidem in aliorum gratiâ, aut fortunæ ipsius ventis secundis, non multum inest certitudinis; Propria vero industria, aut virtus, semper domi adsunt. Adeò ut, postquam boni quid nobis hoc modo paratum fuerit, maneant etiam eadem instrumenta, in novos usus parata; quin & consuetudine, & successu redditâ validiora. Secundo, quia quod alieno beneficio adipiscimur, ejus etiam alii debitores sumus: cum, quæ per nos ipsi comparaverimus, nihil oneris secum trahant;

hant. Etiam si quid indulgentia Divina in nos cum

laverit, retributionem quandam erga Dei Bonitatem efflagitat, quod homines pravos & improbos mordet, ubi in priore genere illud Prophetæ usuveniat, Lætantur, & exultant, immolant plagiis suis, & sacrificant reti suo. Tertiò, quia ea, quæ à virtute nostrâ minime profecta sunt, nulla sequitur laus & existimatio. Quæ enim felicitatis sunt, admirationem quandam pariūt, laudem minimè. Sicut ait Cicero ad Cæsarem: *Quæ mirum habemus, quæ laudemus, expectamus.* Quartò, quia quæ industria propria acquiruntur, cum laboribus & contentione ferè conjuncta sunt, quod nonnullam habet in se suavitatē, uti Salomon, *Suavis cibus a venatu.*

*Elenchus.*

At quatuor inveniuntur *colores oppositi*, qui rem in contrariam partem inclinant, possintque esse prioribus instar Elenchorum. Primi, quia *felicitas* videtur esse signum quoddam, & character favoris Divini; & propterea, tum in nobis metis confidentiam & alacritatem generat, tum apud alios auctoritatem & reverentiam. Felicitas autem ista etiam fortuita complectitur, ad quæ virtus ægrè aspirat; Veluti cum Cæsar ad Navis Gubernatorem, animos addendo, dixit: *Cæsarem portas & fortunam ejus.* Quod si dixisset, *Cæsarem portas, & virtutem ejus,* frigidum prorsus fuisset solatium periclitanti in procellâ. Secundi, quia ea quæ virtute, aut industria procedunt, sunt imitabilia, & aliis patent; cum felicitas sit res inimitabilis, & prærogativa quædam hominis individui. Itaque, in genere videmus, res naturales artificialibus præponi, quia imitationem non recipiunt. Quod enim imitabile est, potentia vulgatum est. Tertiò, quæ ex felicitate proveniunt, bona videntur gratuita, nec laboribus empta:

At quæ virtute propria , pretio veluti acquisita. Itaque eleganter Plutarchus, de rebus Timoleontis, hominis longè Fortunatissimi , cum rebus Agesilai & Epaminondæ , qui uno ævo vixerunt , comparatis, dixit : *Illas Homeri Curminibus fuisse similes , quæ cum alias excellant , sponte etiam fluere videantur , & quasi Genius sapere.* Quartò quia quod preter spem , aut preter expectatum contingit : gratiūs , & majore cum voluntate in hominum animos influit . Illud verò neutram competit iis , quæ propriâ curâ , & ambitu comparantur.

*Sophisma.*

12. *Quod ex pluribus constat & divisibilibus , est maius , quam quod ex paucioribus , & magis unum : Nam omnia per partes considerata majora videntur : Quare & pluralitas partium , magnitudinem præse fert : Fortius autem operatur pluralitas partium , si ordo absit : Nam inducit similitudinem infiniti , & impedit comprehensionem.*

*Sophisma* istud videtur etiam primo intuitu fallax , & quasi palpabile: Siquidem non pluralitas partium tantum , sed majoritas earundem poterit constituere totum auctius. Attamen abripit hoc ipsum *Sophisma* sèpius phantasiam ; quinetiam insidiatur sensui. Et enim aspectui ipsi brevior videtur via , in planicie , ubi nihil intercurrat quod visum frangat , quam in tali tractu terræ , ubi simul conspiciuntur arbores , aut ædificia , aut aliud aliquod signum , quod spatium metiri & dividere possit. Sic homini bene nūmato , postquam arcas suas , & marsupia , divisorit , & digeserit , major etiam quam anteà subit divitiarum phantasia. Habet etiam vim in amplificationibus , si res in plures portiones dividatur , atque singulæ seorsum

seorsum tractentur. Hoc verò adhuc magisphantiam implet, si fiat promiscuè, & sine ordine. Confusio enim multitudinis opinionem generat. Siquidem quæ ordine ostenduntur, aut proponuntur, tum ipsa magis finita apparent, tum certum præbent argumentum, nihil esse prætermissam. At contrà, quæ confusè repræsentantur, non solum in se numerosa putantur, sed & suspicioni locum relinquunt, restare adhuc plura, quæ omittuntur.

*Elenchus.*

Fallit *Sophism.* primo, ubi quis ampliorem præcepit de re aliquâ opinionem, quam pro verâ rei ipsius magnitudine. Etenim cùm hoc sit, distributio falsam illam opinionem destruet, & rem in veritate suâ, non autem cum amplificatione, monstrabit. Itaque si quis morbo, aut dolore corripiatur, horæ longiores ei videbuntur, absque horologio, aut clepsydrâ, quam si iisdem mensurentur. Nam si tædium & vexatio morbi, tempus videri longius faciunt, quam revera est, at computatio temporis errorrem illum corrigit, & brevius facit, quam opinio illa falsa conceperat. Etiam in planitie, contrà quam superius dictum est, aliquandò evenit. Licet enim visus in principio viam ostentet breviorem sensui, quia indivisa est: tamen si ex eo obrepatur opinio, de longè minori intervallo, quā reperitur: opinionis ejus vanæ frustratio efficiet, ut videatur demū, etiam quam revera est, productior. Itaque si quis opinioni alicujus falsè, de magnitudine rei cuiuspiam, velificari cupiat, caveat à distributionibus, sed rem integrā utiq; extollat. Fallit *Sophism.* secundò si distributio ea distrahatur, non autem simul obversetur, aut uno aspectu visum feriat. Itaq; si flores in horto aliqua in plures torulos

torulos distinguantur, majoris quantitatis speciem præbebunt, quam si omnes in uno toro simul crescerent; Modò toruli illi, oculis simul subiiciantur; Alter enim unio distributioni distractæ prævalebit. Sic reditus eorum majores videntur, quibus prædia & latifundia sua vicina aut cōjuncta sunt. Nam si sparsim sita sint, non veniunt tam facilè sub aspectum. Fallit *Sophisma* tertio, propter dignitatem unitatis, supra multitudinem. Omnis enim compositio, indigentia in singulis, signum est certissimum; ubi illud usū venit,

*Et quæ non profunt singula, multa juvant:*

Itaque Mariæ partes potiores, *Martha, Martha*, atten-dis ad plurima, unum sufficit. Hinc illa fabula Æsopi de vulpe & feli. Jactabat enim vulpes, quantas artes haberet, & effugia, quibus se à canibus eriperet; Félis autem se unico tantùm confidere auxilio dixit, utpote quæ tenuem scandendi facultatem haberet: Quod tamen reliquis illis vulpinis longè præstantius præsidium fuit: unde Adagium; *Multa novit vulpes, sed felis unum magnum.* Quin etiam in hujus fabulæ significatione morali idem cernitur: Nam potenti & fido amico niti, plus præsidii habet, quam artes & astutiae complurimæ.

Atque hæc exempli loco sufficient. Superest autem nobis ejusmodi *colorum* numerus etiā magnus, quos olim adolescentes congregimus: attamen sine illustrationibus suis, atque *Elenchis*; Quos hoc tempore concinnare non vacat: Ideoque *colores* illos nudos, absque illustrationibus suis, (cum superiores isti vestiti prodeant,) proponere, minimè nobis consentaneum videtur. Illud interim monemus, rem istam, qualiscunque ea videri possit, haud parvi, judicio nostro,

stro, esse pretii: utpote quæ ex Philosophiâ primâ, & ex Politicâ, & ex Rhetoricâ, participet. Atque de signis popularibus, sive coloribus boni ac mali apparentis, tam simplicis, quam comparati, hactenus.

Secunda Collectio, quæ pertinet ad Promptuariam, & desideratur, ea est, quam Cicero (ut superius in Logica diximus) innuit; cum præcipit, ut in promptu habeantur Loci communes, in utramque partem, disputati & tractati. Quales sunt, Pro verbis legis, & Pro sententiâ legis, &c. Nos verò hoc præceptum, etiam ad alia extendimus, ut non solum ad genus judiciale, sed etiam ad deliberativum, & demonstrativum adhibeatur. Omnidò hoc volumus, Locos omnes, quorum frequens est usus, (sive ad probationes & refutationes, sive ad suasiones, & dissuasiones, sive ad laudes & vituperia spectent,) meditatos jam haberi, eosque ultimis ingenii viribus, & tanquam improbè, & prorsus præter veritatem attolli, & deprimi. Modum autem hujus Collectionis, tam ad usum, quam ad brevitatem, optimum fore censemus, si hujusmodi Locri contrahantur, in sententias quasdam acutas, & concisas, tanquam glomos quosdam, quorum fila in fusorem discursum, cum res postulat, explicari possint. Atque similem quandam diligentiam, in Senecâ reperimus, sed in hypothesisibus sive casibus. Ejus generis, cum plurima parata habeamus, aliqua ad exemplum proponere visum est. Ea autem Antitheta Rerum nominamus.

## Exempla Antithetorum.

## N O B I L I T A S I.

Pro.

Contra.

**Q**uibus virtus à Genere penitus insita est; ita non mali esse nolunt, sed nequeunt.

Nobilitas Laurea, quā semper homines coronat.

Antiquitatem etiam in monumentis mortuis veneramur; quanto magis in vivis?

Si Nobilitatem familiarium contemnas, querindem erit differentia, inter sibi & hominum, & brutorum?

Nobilitas virtutem invida subducit, gratia tradit.

**R**aro ex virtute Nobilitas; rarius ex Nobilitate Virtus.

Nobiles Maiorum depreciatione ad veniam sepius utuntur, quam suffragatione ad honores.

Tanta solet esse industria hominum novorum, ut Nobiles prae illis tanquam Statuæ videantur.

Nobiles in studio respectant nimis sepe; quod malis cursoris est.

## F O R M A I I.

Pro.

Con.

Deformes naturam ulcisci solent.

Et Virtus nil aliud, quam interna forma; & forma nil aliud, quam externa virtus.

Deformes se à contemptu, per malitiam atque suam vindicare cupiunt.

Forma virtutes splendore facit, vitia rubore.

Virtus, ut gemma nobilis, melius inseritur sine multo auro, & ornata.

Quod vestis lauta deformis, hoc forma improbo.

Similiter plerunque leves sunt, quos forma ornat, & quos movet.

JUVENTUS III.

Pro.

Prīmē cogitationes, &  
juvenum consilia, plus habet  
& Numine.

Senes sibi sapiunt magis,  
alius & Reip minus.

Si conspici daretur, magis  
deformat animos quam cor-  
pora senectus.

Senes omnia metuunt,  
præter Deos.

Con.

Juventus pñnitentia cam-  
pus.

Ingenitus est juvenibus  
senilis auctoritatis contem-  
ptus; ut quisque suo periculo  
sapiat.

Tempus, ad quæ consilia  
non advocatur, nec rata ha-  
bet.

Senibus veneres mutan-  
tur in gratias.

V A L E T U D O IIII.

Pro.

Cura valetudinis animum  
humilem facit, & corpori  
supplicem.

Corpus sanum, hospes a-  
nimæ est; ægrum, ergastu-  
larius.

Nil tñm summas actio-  
num promovet, quam pro-  
spera valetudo: ut contraria in-  
firma, feriatur nimis.

Con.

Sæpè convalescere est sæpè  
juvenescere.

Excusatio valetudinis po-  
lychresta; ad quam etiam sa-  
ni configimus.

Nimus arculo fædere corpus  
animæ jungit sanitatem.

Et lectus magna imperia  
administravit, & Lectica  
magnos exercitus.

UXOR & LIBERI. V.

Pro.

Charitas Reip. incipit à  
familia.

Vxor & Liberi disciplina  
quædam humanitatis, at  
cælibes terrici & severi.  
Cælibatus & Orbitalis ad nil

alius

Con.

Qui uxorem daxit & li-  
beros suscepit, obßides fortu-  
næ dedit.

Generare, & liberi, hu-  
mana sunt, creare, & opera  
Divina.

Bru-

aliud conferunt, quā ad fūgam.

Mortis sacrificat, qui liberos non procreat.

Cetera felices, in liberis fere infortunatis sunt: ne Divine Sorti nimium appropinquent homines.

Brutorum aeternitas sōboles, virorum fama, merita, & instituta.

Oeconomicæ rationes publicas plerunque evertunt.

Aliquibus fortuna Priami placuit, qui suis omnibus superstes fuit.

### DIVITIÆ VI.

Pro.

Divitias contemnunt, qui desperant.

Invidia divitiarum virtutem effecit Deam.

Dum Philosophi dubitant, utrum ad virtutem, an voluptatem omnia sint referenda, collige instrumenta utriusque.

Virtus per divitias vertitur in commune bonum.

Cetera bona provinciam habent administracionem, divitiae sola generalem.

Con.

Divitiarum magnarum, vel custodia est, vel dispensatio quedam, vel fama, at nullus usus.

Annon vides lapillis, & id genus deliciis, singi pretia, ut possit esse aliquis magnarum divitiarum usus?

Multa dum divitus suis omnia venalia fore crediderunt, ipsi in primis venerunt.

Non aliud divitias dixerim, quā impedimenta virtutis: Nam virtuti, & necessariæ sunt, & graves.

Divitiae bona ancilla, pessima domina.

### HONORES VII.

Pro.

Honores non Tyrannorum, (ut loquuntur) sed Providentiae Divinæ calculi sunt.

Hono-

Con.

Dum honores appetimus, libertatem eximus.

Honores dant ferè Potestatem earum Rerum; quas opima

Honores faciunt & virtutes, & vitia conspicua: Itaque illas provocant, hæc refrenant.

Non novit quispiam, quantum in virtutis cursu proficerit: nisi honores ei cam- pum præbeant apertum.

Virtutis, ut rerum aliarum, rapidus motus est ad locum, placidus in loco: Est autem virtutis locus honoris.

## IMPERIA VII.

Pro.

Felicitate frui, magnum bonum est, sed eam & aliis impetriri posse, adhuc majus.

Reges non hominū instar, sed astrorū sunt. Nam & in singulos, & in tempora ipsa, magnum habent influxum.

Qui Dei vices gerunt, ius resistere, non tantum læsa Majestatis Crimen est, sed Theomachia quædam.

## LAUS, EXISTIMATIO. IX.

Pro.

Virtutis radii reflexi laudes.

Laus Honoris est, ad quem liberis suffragiis pervenitur.

Honores a diversis Politiis conferuntur, sed laudes ubique

optima Conditio est Nolle, proxima non posse.

Honorum ascensus arduus, statio lubrica, regressus præceps.

Qui in Honore sunt, vulgi opinionem mutuentur oportet, ut seipso beatos putent.

VII.

Con.

Quam miserum habere, nil ferè quod appetas, infinita que metuas.

Qui in Imperiis sunt, similes sunt Corporibus Cœlestibus, quæ magnâ veneracionem habent, requiem nullā.

Nemo humanæ sortis ad Deorum convivia admittitur, nisi ad Ludibrium,

Con.

Fama deterior Iudex, quam Nuncia.

Quid viro bono cum salvâ vulgi?

Fama veluti fluvius, levia attollit, solida mergit.

X

Inſi-

ubique sunt libertatis.

Vox populi habet aliquid  
Divinum. Nam quomodo a-  
littere tot capita in unū con-  
spirare possint?

Nemireris, si vulgus verius  
loquatur, quam honoratio-  
res: quia etiam tuto loquitur.

In simarum virtutum apud  
vulgus laus est, mediaram  
admiratio, supremarum sen-  
sus nullus.

Laus magis ex ostenta-  
tione, quam ex merito: &  
verosis magis accedit, quam  
realibus.

## NATURA X.

Pro.

Consuetudinis progressus  
est Arithmeticus, Naturae  
Geometricus.

Vt in Rebus publicis, se ha-  
bent Leges communes erga  
consuetudines, eodem modo  
in singulis se habet Natura  
ad Consuetudinem.

Consuetudo contra naturam,  
quasi Tyrannis quedam est:  
& cito, aclevi occasione cor-  
ruit.

## FORTUNA XI.

Pro.

Virtutes aperte laudes  
pariunt, occultae fortunas.

Virtutes officiorum lau-  
des pariunt, facultatum  
fortunas.

Fortuna veluti galaxia,  
hoc est, nodus quarundam  
obscurarum virtutum, sine  
Nomine.

Fortuna saltem ob filias  
suis

Con.

Cogitamus secundum na-  
turam, Loquimur secundum  
Precepta: sed agimus secun-  
dum Consuetudinem.

Natura Pedantius qui-  
dam est, Consuetudo Magi-  
stratus.

Con.

Stultitia unius, fortuna  
alterius.

In Fortunam illa precipue  
laudaverim, quod cum non  
eligtat, non theatetur.

Viri Magni, dum invidiæ  
virtutum suarum declinâ-  
runt, inter fortunæ cultores  
reperti sunt.

Con.

suas honoranda est, cōfiden-  
tiā scilicet, & auctoritatem.

## VITA. XII.

Pro.

Absurdum est Accidentia  
Vita magis amare, quam vi-  
tam ipsam.

Prestat ad omnia, etiam  
ad virtutem curriculum lo-  
gum, quam breve.

Absq; spatiis vita majori-  
bus, nec perficere datur, nec  
perdiscere, nec poenitere.

Con.

Philosophi, dum tantum  
apparatum, adversus mor-  
tem colligunt, ipsam magis  
timendam effecerunt.

Mortē homines timēt, qui  
nesciunt, ut pueri tenebras.

Nōn invenias inter hu-  
manos, affectum tam pusil-  
lum, qui si intendatur paulo  
vehementius, non mortis  
metum superet.

Mori velle, non tantum  
fortis, aut miser, aut pru-  
dens, sed etiam fastidiosus  
potest.

## SUPERSTITIO. XIII

Pro.

Qui zelo peccant, nōn  
probandi, sed tamen aman-  
disunt.

Mediocritates moralibus  
debentur: extremitates Di-  
vinis.

Superstitiosus Religiosus  
Designatus.

Fabulosissima quaq; Por-  
tentā cuiusvis Religionis, ci-  
tius crediderim: quam hec  
omnia sine Numine fieri.

Pro:

Con.

Ut Simia, similitudo cum  
homine, deformitatem ad-  
dit: ita Superstitioni, simili-  
tudo cum Religione.

Quale odium est affecta-  
tionis in civilibus, tale su-  
perstitutionis in Divinis.

Prestat nullam habere de  
Divis opinionem, quam con-  
tumeliosam.

Non Epicuri Schola, sed  
Stoa, veteres Respublicas per-

X 2

tura

Nō cedit in mente humānā, ut sit merus Atheista Dogmate: sed magni Hypocrite, sunt viri Atheistæ: qui Sacra perpetuò contrectant, sed numquām verentur.

## SUPERBIA. XIV.

Pro.

*Superbia etiam vitiis insociabilis, atque ut venenum veneno, ita haud paucā virtutia superbiæ expelluntur.*

*Facilis, etiam alienis virtutis obnoxius est: Superbus tantum suis.*

*Superbia, si ab aliorum contemptu, ad sui contemptum ascendet, fiet demum Philosophia.*

## INGRATITUDO. XV.

Pro.

*Crimen ingrati animi, nil aliud est, quam perspicacia quadam, in causam beneficij collati.*

*Dum grati erga quosdam esse volumus: nec ceteris Iustitiam præstamus, nec nobis ipsis Libertatem.*

*Beneficii gratia eò minus reddenda est, quod de pretio non constat.*

Con.

*Hedera virtutum ac bonorum omnium superbia.*

*Cætera vicia virtutibus tantum contraria: Superbia sola contagiosa.*

*Superbia optimâ virtutum conditione caret, id est, latebris.*

*Superbus, cùm ceteros contemnit, se interim negligit.*

## Con.

*Crimen ingrati animi, non suppliciis coercetur, sed furii permittitar.*

*Arcliora sunt vincula beneficiorum, quam officiorū: quare, qui ingratus, injussum, & omnia.*

*Ea est conditio humana: Nemo tam publicâ fortunâ natus est, quin private & Gratiae, & Vindictæ, se omnino debeat.*

IN-

## INVIDIA. XVI.

Pro.

Naturale est exprobratio-  
nem fortunæ sue odisse.

Invidia in Rebus pub. tan-  
quam salubris ostracismus.

Con.

Invidia Festos dies non  
agit.

Nemo virtuti invidiam  
reconciliaverit præter mor-  
tem.

Invidia virtutes labori-  
bus exercet, ut Iuno Hercule.

## IMPUDICITIA. XVII.

Pro.

Zelotypie debetur, quod  
castitas sit facta virtus.

Multa trifitia opus est,  
ut quis Venerem rem seriam  
putet.

Quid vel Diæte partem,  
vel munditiæ speciem, vel  
superbie filiam, inter vir-  
tures collocas?

Amorum, ut avium syl-  
vestrium, nulla proprietas  
est, sed ius possessione trans-  
fertur.

## CRUDELITAS. XVIII.

Pro.

Nulla virtutum tam sepe  
rea est, quam Clementia.

Crudelitas, si à vindictâ  
est, Injustia est, si à periculo:  
prudentia.

Qui Misericordiam ini-  
mico impertit, sibi denegat.

Non

Con.

Pessima Circes transfor-  
matio impudicitia.

Impudicus prorsus reve-  
rentiam sui perdidit: quod  
frænum est omnium vitiorū.

Omnis ut Paris, qui for-  
mæ optionem faciunt, pru-  
dentia & potentia jacturam  
faciunt.

In Veritatem non vulga-  
rem incidit Alexander: cum  
Somnū & Venerem, Mortis  
Arrabones esse dixit.

Con.

Cædibus grassari, aut fe-  
re, aut Furia est.

Crudelitas viro bono sem-  
per fabulosa esse videtur, &  
sæcilio Tragica.

Non s̄epiū Phlebotomiae  
necessariae sunt in curationi-  
bus, quām c̄edes in civilibus.

## GLORIA VANA. XIX.

Pro.

*Qui suis laudes appetit,  
aliorum simul appetit utili-  
tates.*

*Qui tā sobrius est, ut nihil  
diēnum curet, vereor ne ē  
publica aliena putet.*

*Ingenia in quibus aliquid  
inane est, faciliūs curā Rei-  
pub. recipiunt.*

Con.

Gloriosi semper factiosi,  
mendaces, mobiles, nimii.

*Thraso Gnathonis preda;  
Turpe est proco sollicitare  
ancillam: est autem virus  
ancilla Lavis.*

## JUSTITIA XX.

Pro.

*Imperia & Politiae, Iu-  
sticie tantum additamenta  
sunt: Si enim Iustitia aliter  
possit exerceri, illis minimè  
fuerit opus.*

*Iustitia debetur, quod ho-  
mo homini sit Deus, non lu-  
pus.*

*Iustitia et si vitia tollere  
non posse, tamen hoc efficit,  
ut non lēdant.*

Con.

*Si hoc est justum esse; Que  
tibi fieri nolis, ea alteri non  
facere, Clementia demum  
Iustitia est.*

*Si suū cuīq; tribuendū est,  
certe & venia humanitati.*

*Quid mihi aequitatem  
narras, cū sapienti omnia  
inæqualia snt?*

*Considera qualis reorum  
conditio fuerit apud Roma-  
nos, & pronuncia Iustitiam  
ē Repub. non esse.*

*Vulgaris ista Iustitia Poli-  
tiarū, Philosophus in aula:  
hoc est, facit tantum ad Re-  
verentiam Imperantium.*

FOR-

## FORTITUDO. XXI.

Pro.

*Nil terribile nisi ipse timor.**Nil aut in voluptate solidum, aut in virtute munium, ubi timor infestat.**Qui pericula apertis oculis intuetur, ut excipiat, advertit & ut evitet.**Cæteræ virtutes nos à dominatu liberant vitiorum, fortitudo sola à dominatu fortuna.*

## TEMPERANTIA XXII.

Pro.

*Eadem ferè vis abstinenti & sustinendi.**Vniformitates, concordie, & mensuræ motuum, cœlestia sunt, & characteres æternitatis.**Temperantia, velut frigora salubria, animi vires colligit & firmat.**Exquisiti & vagi sensus, Narcoticis indiget: similiter & affectus.*

Con.

*Præclara virtus velle perire, ut perdas.**Præclara virtus quam etiā ebrietas inducit.**Vita sue prodigus, alienæ periculosus.**Virtus ferrea atatis fortitudo.*

Con.

*Negativæ istæ virtutes non placent: nam Innocentiam præstant, non meritum.**Langue mens, quæ excessibus caret.**Amo virtutes, quæ excellentiam actionis inducunt, non hebetudinem passionis.**Cùm consonantes animi motus ponis, paucos ponis: Nam pauperis est numerare pecus.**Ista (non uti, ut non appetas: Non appetere, ut non timeras) pusillanimi sunt & diffidentis.*

X 4

CON-

*De Augmentis Scientiarum,*  
**C O N S T A N T I A.** XXII.

Pro.

*Basis virtutum constantia.*  
*Miser est, qui qualis ipse futurus sit, non novit.*

*Imbecillitas humani iudicii, rebus ipsis constare non potest, quare si item sibi constet.*

*Etiam vitiis decus aspirat  
constantia.*

*Si ad fortunę Inconstam, accedat etiam inconstans mentis, in quantis tenebris vivitur?*

*Fortuna, tanquam Proteus, si perseveres: ad formam redit.*

**M A G N A N I M I T A S.** XXIV.

Pro.

*Si animus semel generosos fines optaverit, statim non modo virtutes circumstant, sed & Numinia.*

*Virtutes ex habitu, aut preceptis, gregales sunt: ex fine, Heroica.*

**S C I E N T I A, C O N T E M P L A T I O.** XXV.

Pro.

*Eadem voluntas est secundum Naturam, cuius non est satietas.*

*Dulcissimus prospectus in erro-*

*Constantia, ut janitrix morosa, multa utilia judicia abigit.*

*Aequum est, ut constantiares adversas bene toleret; nam ferè inducit.*

*Stultitia brevissima optima.*

*Magnanimitas est virtus poetica.*

*Contemplatio, speciosa inertia.*

*Bene cogitare, non multò melius est, quam bene somniare.*

errores aliorū subjacentes. niare.

Quām bonum est orbes  
mentis habere concentricos  
universo?

Omnis affectus pravi, fal-  
se estimationes sunt: atque  
eadē sunt bonitas & veritas.

## L I T E R A E. XXVI.

Pro.

Si de rebus minutis, li-  
bri scripti forent, vix ullus  
esset experientia usus.

Lectione est conversatio cum  
prudentibus: Actio fere cum  
stultis.

Non inutiles scientiae exi-  
stimandae sunt, quarum in se  
nullus est usus, si ingenia a-  
quant, & ordinent.

Orbem Numen curas, tu  
patriam.

Vir politicus etiam Con-  
templationes serit.

Con.

In Academiis discunt cre-  
dere.

Quæ unquam ars docuit,  
tempestivum artis usum?

Sapere ex regula, & ex  
experientia, planè contra-  
rie rationes sunt: ut qui al-  
teri assuefactus sit, ad alte-  
rum sit ineptus.

Artis sepiissime ineptus u-  
sus est, ne sit nullus.

Hoc fere omnes Academicci  
habet, ut ex qualibet re sole-  
at agnoscere, quod faciat, &  
nō addiscere, quod nesciant.

## P R O M P T I T U D O. XXVII.

Pro.

Opportuna prudentia non  
est, quæ celeris non est.

Qui citè errat, citè erro-  
rem emendat.

Qui ex composito, & non  
obiter prudens est, nil magni-  
facit.

Con.

Prudentia nō alte petitur,  
quæ præsto est.

Prudentia, ut vestis, levis  
quæ expedita.

Cujus consilia non matu-  
rat deliberatio, nec pruden-  
tiam etas.

Quæ ad breve tempus ex-  
cogitantur, ad breve tempus  
placent.

## Taciturnitas in Secretis. XXVIII.

Pro.

Taciturno nil reticetur,  
 quia omnia tuto communica-

ntur.  
 Qui facile loquitur, que

scit, loquitur & que nescit.

Secretis etiam mysteria  
 debentur.

## FACILITAS. XXXIX.

Pro.

Amo virum alieno affec-

tui obnoxium, sed tamen  
 judicium ab obsequio revo-

cantem.

Flexibilem esse, ad natu-

ram auri proxime accedit.

Varietas morum optimè  
 animum collocat in secreto.

Taciturnitas confessoris  
 virtus.

Taciturno omnia retice-

tur, quia silentium repeditur.

Tectus, ignoto proximus,

## Con.

Facilitas, Iudicii quedam  
 inepta privatio.

Faciliū beneficia, debitā vi-

dentur, negationes, injuria.

Sibi gratiam habet, qui à  
 facili aliquid impetrat.

Facilem omnes Difficulta-

tes premunt, nam omnibus

se implicat.

Facilis ferè se recipit cum

pudore.

## POPULARITAS. XXX.

Pro.

Prudētibus eadem ferè pla-

bent, at stultorum varietati

occurrere prudentia est.

Colere populum, est coli.

Qui ipsi magni viri sunt,

neminem unum ferè habet,

quem

Qui valde cum stultis con-

gruit, ipse suspectus esse po-

test.

Qui turbæ placet, ferè &

Turbas miscet.

Nil moderatum vulgo gra-

tum est.

## Con.

Infi-

quem vereantur, sed popu-  
lum. Infima assentatio est af-  
sentatio vulgi.

LOQUACITAS. XXXI.

Pro.

Qui silet, aut alios habet  
pro suspectis, aut suspectus est  
ipse sibi.

Custodie omnes infelices,  
miserrima silentii.

Silentium stultorum vir-  
tus: Itaq; recte illi silenti: si  
prudens es, stultus es, si stul-  
lus, prudens.

Silentium, veluti nox,  
insidiis opportunum.

Cogitationes in profluen-  
te sanissima.

Silentium solitudinis genus.  
Opinioni se veditat, qui silet  
Silentium, nec pravas cogi-  
tationes egerit, nec bonas  
distribuit.

DISSIMULATIO. XXXII.

Pro.

Dissimulatio compendia-  
ria sapientia.

Non idem dicere, sed idem  
spectare debemus.

Etiam in animo deformis  
nuditas.

Dissimulatio & docori  
est, & praesidio.

Sepes consiliorum dissi-  
mulatio.

Con.

Silentium verbis, & gra-  
tiā addit, & auctoritatem.

Silentium veluti somnus  
quidam, alit prudentiam.

Silentium fermentatio  
cognitionum.

Stilus prudentiae silentiū.

Silentium ambit verita-  
tem.

Con.

Cum cogitare secundum  
rerum veritatem non possi-  
mus, at loquamur secundū  
cognitionem.

Quibus artes civiles supra  
captum ingenii sunt, ius dis-  
simulatio pro prudentia erit.

Qui dissimulat, precipuo  
ad agendum instrumento se  
privat, Fide.

Dis-

*Aliqui bono suo falluntur.  
Qui indisimulanter omnia  
agit, & que decipit: nam plu-  
rimi, aut non capiunt, aut  
non credunt.*

*Indisimulatio nihil aliud,  
quam animi impotentia.*

## A U D A C I A. XXXIII.

Pro.

*Docet improbare, qui vere-  
cundatur.*

*Quod actio oratori, id  
audacia viro civili, pri-  
mum, secundum, tertium.*

*Consistentem verecundiam  
amo, accusantem odi.*

*Confidentia morum ani-  
mos promptius sociat.*

*Placet obscurus vultus, &  
perspicua oratio.*

Con.

*Audacia stultiæ viator,  
Inverecundia inutilis nisi  
ad imposturam.*

*Confidentia stultorum im-  
peratrix, prudentium scur-  
ra.*

*Audacia est stupor quidam  
sensu, cum malitia volun-  
tatis.*

## Ceremoniæ. Puncti. Affectatio. XXXIV.

Pro.

*Vultus & gestus decora  
moderatio, verum condi-  
mentum virtutis.*

*Si & in verbis vulgo pare-  
mus, quid ni in habitu, &  
gestu?*

*Qui in levibus, & quo-  
tidiana consuetudine, decus  
non retinet, sit licet vir ma-  
gnus, non istamen hunc tan-  
tum certis horis sapere.*

Con.

*Quid deformius, quam sce-  
nam in vitam transferre.*

*Ex ingenuitate decorum,  
ex arte odium.*

*Magis placent cerussatæ  
buccæ, & calamistrata co-  
ma, quam cerussati & ca-  
lamistrati mores.*

*Qui animum ad tam exi-  
les observationes applicat,  
magna cogitationis capax*

Vir-

non

*Virtus, & prudentia sine  
punctis, velut peregrinæ lin-  
gue sunt, nam vulgo non in-  
telliguntur.*

*Qui vulgi sensum, per con-  
gruitatem non novit, si nec  
per observationem noverit,  
omnium stultius est.*

*Puncti Translatio sunt vir-  
tutis in lingua vernacula.*

J o c i. X X X V .

Pro.

Con.

*Oratorum arajocus.*

*Qui in omnibus modestum  
leporum miscet, libertatem  
animi retinet.*

*Res est supra opinionem  
Politica, facile transire à jo-  
co ad serium, à serio ad jo-  
cum.*

*Veritatis alias non per-  
venturæ sèpè vehiculum jo-  
cūs.*

A M O R.

Pro.

*Annon vides omnes se quæ-  
rere? at amans solus se inve-  
nit.*

*Non est melior ordinatio  
animi, quam ex imperio  
affectionis alicujus insignis.*

Qui

*non est.*

*Affectatio, Ingenuitas  
putredo lucens.*

*Istos deformitatū ac con-  
cinnitatum aucupes, quis  
non contemnat?*

*Rerum magnitudinē eluere  
joco, improbus artificium est.  
Iocos tum considera, cum  
risu destituti sunt.*

*Faceti isti ferè non pene-  
trant ultra superficiem re-  
rum, ubi joci sedes est.*

*Vbi jocus ad seria momen-  
ti aliquid habet, ibi levitas  
puerilis est.*

X X X V I .

Con.

*Amori multum debet sce-  
na, nihil vita.*

*Nil tam varii nominis est,  
quam amor: Nam res, aut  
tam stulta est, ut se nesciat,  
aut tam turpis, ut se suco eö-  
dat.*

Odi

Qui sapit, Desiderium  
querat: nam qui nō aliquid  
insigniter appetit, ei omnia  
ingrata sūt, & tādia plena.  
Quid ni in Vnitate acqui-  
escat Vnus.

Odi istos mono-phrontes.  
Angusta admodūm con-  
templatio amor.

## AMICITIA. XXXVII.

Pro.

Eadem facit amicitia, quæ  
fortitudo, sed suavius.

Suave Condimentum o-  
mnium bonorum amicitia.

Pessima solitudo, non ve-  
ras habere amicitias.

Digna male fidei ultio,  
amicitiis privari.

Con.

Qui amicitias arctas copu-  
lat, novas necessitates sibi  
imponit.

Animi imbecilli est, pat-  
tiri fortunam.

## ADULATIO. XXXVIII.

Pro.

Adulatio magis ex more,  
quam ex malitia.

Laudando instituere sem-  
per formula fuit, debita po-  
tentioribus.

Con.

Adulatio stilus servorum.

Adulatio calx vitiorum.

Adulatio aucupii illud

genus, quod similitudine vo-

eis, Ayes fallit.

Adultationis deformitas

comica, vocumentum tra-

gicum.

Auribus mederi difficulti-  
mum.

## VINDICTA. XXXIX.

Pro.

Vindicta privata Iustitia  
agrestis.

Qui vim rependit, legem

tan-

Con.

Qui injuriā fecit, princi-  
pium malo dedit, qui reddi-

dit, modum abstulit.

Vin-

tantum violat, non hominem.

Vtilis metus ultionis private; Nam leges nimium sape dormiunt.

## INNOVATIO. X L.

Pro.

Omnis medicina innovatio.

*Qui nova remedia fugit,  
nova mala opperitur.*

Novator maximus tempus, quidni igitur tempus imitemur?

Exempla remota inepta sunt; Recentia corrupta & ambitiosa.

Imperitis & contentiosis permittere, ut ad exempla res agant.

Sicut qui nobilitatem, in familiam introducunt, digniores ferè sunt posteris: ita novationes rerum plerunque prestant ius, quæ ad exempla fiunt.

Morosa morum retentio, res turbulentia est, aequa ac novitas.

Cum per se res mutentur in deterius, si consilio in melius non mutentur, quis finis erit mali?

Moris servi, temporis ludibria.

Vindicta, quò magis naturalis, eò magis coercenda.

Qui facile injuriam reddit is fortasse tempore, non voluntate posterior erat.

## Con.

Novi partus deformes sunt.

Nullus auctor placet, præter tempus.

Nulla novitas absque injuriā; nam præsentia convellit.

*Quæ usu obtinuere, si non bona, at saltem apta inter se sunt.*

Quis novator tempus imitatur, quod novationes ita insinuat, ut sensus fallant?

Quod præter spem evenit. cui prodest, minus accipit, cui obest, magis molestum.

## MORA.

Pro.

*Fortuna multa festinanti vendidit, quibus morantem donat.*

*Dum initia rerum amplecti properamus, umbras prensamus.*

*Fluctuantibus rebus advertendum, inclinantibus agendum.*

*Prima actionum Argō mittenda sunt, extrema Briareo.*

## P R A E P A R A T I O . X L I I .

Pro.

*Qui parvis copiis rem magnam aggreditur, singit opportunitatem, ut speret.*

*Parvis apparatibus non fortuna, sed prudentia emitur.*

## P R I N C I P I I S O S T R A R E . X L I I I .

Pro.

*Plura pericula fallunt, quam vincunt.*

*Minus operis est periculo remedium adhibere, quam progressus ejus observare & custodire.*

Con.

*Occasio primum ansam vasis porrigit, deinde ventrem.*

*Occasio instar Sibyllae minuit oblatū, pretium auget. Celeritas orci galea.*

*Quæ mature fiunt, judicio fiunt, quæ serò, per ambitum.*

Con.

*Optimus terminus parans disprimat occasio agendi.*

*Nemo speret se fortunam apparatu ligare posse.*

*Alteratio apparatus & actionis, Politica sunt: Distincto tumida & infelix.*

*Magnus apparatus prodigus & temporis, & rerum.*

Con.

*Docet periculum progredi, qui accingitur, & periculum singit remedio.*

*Etiam in remediis pericillorum, levia pericula subsistunt.*

Pre-

Non jam leve est periculum, si leve videatur.

Praestat cum paucis remediis, quæ invaluerunt, rem habere: quam cum minus singulorunt.

CONSILIA VIOLENTA. XLIV.

Pro.

Qui lenem istam prudenter amplectuntur, iis augmenta mali salubria sunt. Necesitas, quæ violenta consulit, eadem exequitur.

Con.

Omnē remedium violētum, pregnans novi mali. Violenta consilia nemo dat, prater iram & metum.

SUSPICIO. XLV.

Pro.

Dissidentia nervi prudenter; at suspicio medicamentum arthriticum.

Merito ejus fides suspecta est, quam suspicio labefacit, suspicio fragilem fidem solvit, fortē intendit.

Con.

Suspicio fidem absoluit. Suspicionum intemperies est Mania quedam Civilis.

VERBA LÉGIS XLVI.

Pro.

Non est interpretatio, sed divinatio, quæ recedit à litera.

Cum receditur à litera judex transit in legislatorem.

Con.

Ex omnibus verbis eliciendus est sensus, qui interpretetur singula.

Pessima tyrannis lex inequaleo.

PRO TESTIBUS CONTRA ARGUMENTA. XLVII.

Pro.

Secundum Oratorem, non secundum causam pronuntiat, qui argumentis nititur. Qui argumentis potius credit,

Con.

Si testibus credendum sit contra argumenta, sufficit tantum judicē esse, non sursum.

dit, quam testibus etiam In-  
genio, magis debet fidere,  
quam sensui.

Tutum foret argumentis  
credere, si homines nihil ab-  
surdi ficerent.

Argumenta, cum sint con-  
tra testimonia, hoc præstāt;  
ut res mira videatur, non  
autem ut vera.

Argumenta antidotum  
contra venena testimoni-  
orum.

Iis probationibus tutissi-  
mò creditur, quæ rariissimè  
mentiuntur.

Atque hæc *Antitheta*, (quæ nunc proposuimus)  
fortassè tanti non fuerint, sed cum jam olim parata  
& collecta à nobis essent, noluimus diligentiaè no-  
stræ juvenilis fructum perire: Præsertim cum, (si  
quis acutius introspiciat) semina sint, nō flores. In illo  
autem adolescentiam planè spirant, quod sint in mo-  
rali, sive demonstrativo genere, uberiora; in deliberati-  
vo, & judiciali, per pauca.

Tertia Collectio, quæ pertinet ad promptuarium, atq;  
etiam desideratur, est ea, quam vocare placet, *Formula-  
rum Minorum*. Illæ autem sunt, veluti vestibula, po-  
sticæ, ante cameræ, re-cameræ, transitus, &c. *Oratio-  
nis*, quæ indiscriminatim omnibus subiectis compe-  
tere possint. Quales sunt *præfationes*, *conclusiones*, *de-  
gressiones*, *transitiones*, *promissiones*, *declinationes*, &  
plurima ejusmodi. Quemadmodum enim in ædifi-  
ciis, plurimum facit & ad voluptatem, & ad usum, ut  
frontispicia, gradus, ostia, fenestræ, aditus, transitus,  
& hujusmodi, commodè distribuantur; eodem mo-  
do etiam in oratione fit, ut additamenta & interposi-  
tiones istæ, (si decore, & peritè formentur & collo-  
centur) plurimum tum gratiæ, tum commoditatis,  
univer-

huius orationis structuræ adjiciant. Harum *Formularum* Exemplum unum aut alterum proponeamus, neque diutiùs iisdem immorabimur. Etsi enim sint res haud exigui usus, tamen cum nihil in his addamus de nostro, sed tantum *formulas* nudas, ex Demosthene, aut Cicerone, aut alio quopiam selecto Auctore, describamus, inferius quiddam videntur, quam ut in eo tempusteramus.

### Exempla Formularum Minorum.

#### Conclusio Deliberativæ.

*Sic & culpam prateritam, fas erit redimere, & futuri incommodis eadē operā prospicere.*

#### Partitionis accuratæ Corollarium.

*Vt omnes intelligant, nihil me & subterfugere voluisse reticendo, aut obscurare dicendo.*

#### Transitio cum Monito.

*Verūm hæc ita prætereamus, ut tamen intuentes & respectantes, relinquamus.*

*Præoccupatio contra opinionem inveteratam,*

*Faciam, ut intelligatis in totâ causâ, quid res ipsa tulerit, quid error affinxerit, quid invidia conslaverit.*

Hæc patica enumerasse, ad Exempla, satis fuerit: cum quibus, Appendices Rhetoricae, quæ ad Promptuarium spectant, concludimus.

## C A P. IIII.

*Appendices generales duæ Traditivæ, Critica, &c  
Pædagogica.*

**S**upersunt duæ appendices *Traditivæ* in genere; Altera *Critica*, Altera *Pædagogica*. Sicut enim pars *Traditivæ* præcipua in *Scriptione Librorum* consistit, ita pars ejus relativa in *Librorum* versatur *Lectione*. *Lectione* autem, vel Magistrorum ope regitur, vel industria

cujusque propriâ perficitur; Atque huic rei inserviunt *Doctrinae illæ*, quas diximus, duæ.

Ad *Criticam* spectant, primò *Authorum probatorum limata Correctio, & emendata Editio*; quibus & ipsorum *Authorum honor vindicatur*, & *Studiosis lumen præfertur*. Quâ tamen in re, studiis haud parùm detrimenti intulit, quorundam hominum diligentia temeraria. *Criticus* enim haud paucis mos est, ubi incidunt in quidpiam, quod non intelligunt, vitium statim in exemplari supponere, veluti in illo loco Taciti: Cùm quædam Colonia jus Asyli apud Senatum assereret, narrat Tacitus, non æquis admodum auribus, quæ ab iis proferebantur, fuisse ab Imperatore & Senatu audita: Itaque Legati causâ diffisi, bonam pecuniæ summam Tito Vinio dederunt, ut eis patrocinaretur, hoc itaque pacto res obtinuit: *Tum* (inquit Tacitus) *Dignitas & Antiquitas Coloniae valuit*: quasi Argumenta, quæ anteâ levia videbantur, accedente pretio novum tum pondus accepissent. At *Criticus* quidam, non ex insimis, verbum *Tum* expunxit, & *Tantum* reposuit. Atque hâc pravâ *Criticorum consuetudine* factum est, ut (*Quod non nemo prudenter notavit*) *Exemplaria maxime castigata sint saepè numerò minimè omnium casta*. Quinimò, ut verum dicamus, nisi *Critici* fuerint eruditæ in Scientiis illis, de quibus Libri ab ipsis editi tractant, periculo diligenzia eorum non vacat.

Secundò ad *Criticam* spectant, *Authorum Interpretatio & Explicatio, Commentarii, Scholia Notæ, Spicilegia, & Similia*. In istiusmodi autem laboribus, pessimus ille *Criticorum* nonnullos quasi morbus inualuit, ut multa ex obscurioribus transfiliant, in satis verò perspicuis ad fastidium usque immorentur, & expatiens-

tientur. Scilicet, non tam illud agitur, ut Author ipse illustretur, quam ut *Criticus* ille, multiplicem suam eruditionem, & variam lectionem, ubique arreptâ occasione, ostentet. Optandum in primis foret ( licet hæc res ad Traditivam principalem, non ad appendices pertineat) ut qui Argumenta obscuriora, & nobiliora pertractet Scriptor, suas ipse explicationes subiungat; ut & textus ipse digressionibus aut explicationibus non abrumpatur; & Notæ à Scriptoris mente non recedant. Cujusmodi quidpiam suspicuntur de Theone Euclidis.

Tertiò, ad *Criticam* spectat ( quod etiam nomen eidem indidit) de Authoribus, quos edunt, breve aliquot judicium interponere; Et illos cum cæteris Scriptoribus, qui eadem tractant, comparare; ut per hujusmodi censuram, studiosi, & de librorum delectu, moneantur, & ad ipsam lectionem eorum instructiores accedant. Atq; hoc ultimum, est *Criticorum* tanquam Cathedra, quā certè nostra ætate obliteraverunt Viri nonnulli magni maiores certè, nostro judicio, quam pro modulo *Criticorum*.

Ad *Pedagogicam* quod attinet, brevissimum foret dictu; Consule Scholas Jesuitarum: Nihil enim, quod in usum venit, his melius. Nos tamen pauca more nostro monebimus, tanquam spicas legentes. Omnidò institutionem pueritiae & juventutis collegiatam probamus; Non in ædibus privatis; Non sub Ludimagiſtristantum. Adeſt adolescentulis in Collegiis æmulatio major erga æquales; Adeſt quoque ipſe vultus & aspectus virorum gravium, quod facit ad verecundiam, & teneros animos etiam à principio conformat ad exemplar: Deniq; sunt quidem plurima educationis collegiate commoda. In ordine autem & modo

disciplinæ, illud in primis consuluerim; ut *caueatur* à compendio; & à præcocitate quâdam doctrina, quæ ingenia reddat audacula, & magnos profectus potius ostentet, quam faciat. Quin & favendum nonnihil ingeniorm libertati, ut si quis, quæ ex more disciplinæ sunt, faciat, & simul tempus ac alia, in quæ propensus est, suffuretur, ne utiq; cohibeatur. Porrò operæ pretium fuerit diligenter animadvertere (quod fortasse adhuc non fuerit notatum) esse duos assuecendi, & exercendi & preparandi ingenia modos, eosque tanquam antistrophos. Alter incipit à facilioribus, & ad magis ardua paulatim dedit; Alter ab initio, duriora imperat & urget, ut iis obtentis, facilioribus quis etiam suaviter perfungi possit. Alia enim est Methodus, incipere natare cum utribus, qui sublevent; Alia incipere saltare cum calceis ponderosis, qui aggravent. Neque facile est dictu, quantum Methodorum prudens intermixtio, conferat ad promovendas, tam animi, quam corporis, facultates. Item applicatio & delectus studiorum, pro naturâ ingeniorm quæ erudituntur, res est singularis & usus & judicii; quam etiam benè & verè notatam & perspectam Magistri parentibus adolescentium debent; ut de genere vitae, cui filios suos destinent, consulere possent. Verum & illud attentius paulò observandum, non tantum in iis, ad quæ naturâ quisque suâ fertur, longè maximos fieri profectus; sed etiam ad ea, ad quæ vitio naturæ quis maximè fuerit inhabilis, reperiri in studiis ad hoc propriò delectis, remedia & curationes. Exempli gratiâ; Si cuiquam ingenium tale sit, quale est avium, ut facilè abripiatut, nec per moram (qualem oportet) inventum esse sustineat; Remedium huic tui præbebunt Mathematica, in quibus si evagetur paulò

paulò mens, de integro renovanda est demonstratio.  
 Etiam exercitiorū, in erudiendo, partes liquet esse vel  
 maximas. At illud à paucis notatū est, quod exercitio-  
 rum debeat esse, nō solum prudens institutio, sed etiā  
 prudens intermissio. Optimè siquidem Cicero nota-  
 vit, quod in exercitiis, plerūq; exerceri contingat, non mi-  
 nus virtus, quam facultates; adeo ut malus habitus,  
 quandoque simul acquiratur, & se insinuet cum bo-  
 no. Itaque tutius est intermittere, exercitium, & sub-  
 inde repetere, quam assidue continuare & urgere.  
 Verū de his satis. Sunt certe hæ res primo aspectu,  
 minùs grandes & solennes, sed fructuose tamen &  
 efficaces. Quemadmodum enim in plantis, ad felici-  
 citatem vel infelicitatem ipsarum, plurimum faciunt  
 injuriæ, aut auxilia, quæ iisdem, cùm teneræ fuissent,  
 intervenerint; quemadmodum etiam incrementa il-  
 la immensa Imperii Romani, merito à quibusdam  
 attribuuntur, virtuti & prudentiæ sex illorum Re-  
 gū, qui eidem in pueritia suā, veluti Tutores fuerūt,  
 aut Nutriti: Sic certe, cultura & institutio annorum  
 puerilium, aut teneriorum, eas habet vires, licet la-  
 tentes, & minimè in cuiusvis observationem incur-  
 rentes, quas neque temporis diurnitas, neque  
 laborum assiduitas & contentio, postea, atate ma-  
 turiore, possint ullo modo æquiparare. Non abs re  
 fuerit etiam notare, facultates vel mediocres, si in  
 magnos Viros, aut res magnas inciderint, graves &  
 insignes interdum producere effectus. Eius rei pone-  
 mus exemplum memorabile; Quod eò magis addu-  
 cimus, quia Jesuitæ eandem disciplinam nō videntur  
 aspernari, sano (ut nobis videtur) judicio. Atq; res,  
 quæ si sit Professoria, infamis est: Verū disciplina-  
 ria facta, ex optimis est. Intelligimus autem Actionem,

*Theatralem.* Quippe quæ memoriam roborat; vocis & pronunciationis tonum atque efficaciam temperat; Vultum & gestum ad decorum componit, Fiduciam non parvam conciliat, denique oculis hominum juvenes assuefacit. Erit autem exemplum è Tacito desumptum, *Vibuleni* cuiusdam, olim Histrionis, tunc temporis autem Militantis, in Legionibus Pannonicis. Ille, sub excessu Augusti, seditionem moverat, ita ut Blæsus præfectus, aliquos ex seditionis in carcerem coniceret. Milites verò impressione facta, illos effractis carceribus liberarunt: At Vibulenus, apud Milites concionabundus, sic orsus est; *Vos* (inquit) *hius innocentibus & miserrimis lucem & spiritum reddidistis: Sed quis fratri meo vitam, quis fratrem mihi reddit?* quem missum ad vos à Germanico exercitu, de communibus commodis, nocte proxima jugulavit per gladiatores suos, quos in exitium Militum habet atque armat. Responde Blæse, ubi cadaver abjeceris? Ne hostes quidem sepulturam invident. Cum osculis, cum lachrymis dolorem meum implevero, me quoque trucidari jube, dum infectos, nullum ob scelus, sed quia utilitati Legionum consulebamus, hi sepeliant. Quibus verbis invidiae ac consternationis nimium quantum concivit. Adeò ut nisi brevi postea innotuisset, nihil horum fuisse, quin etiam fratrem eum nunquam habuisse, vix à Præfecto Milites manus abstinuissent: Ille verò rem totam, tanquam fabulam, in scenâ peregit.

Nunc verò, ad Colophonem pervenimus, tractatus nostri, de *doctrinis rationalibus*. In quibus licet à partitionibus receptis interdum recesserimus; nemo tamen existimet, nos illas omnes improbare partitiones, quibus usi non sumus. Duplex enim nobis impunitur necessitas partitiones mutandi: Una, quia hæc duo,

duo, nimirum, res naturâ proximas, in unam classem redigere, & res ad usum promendas, conjicere in unum cumulum, fine ipso, & intentione, sunt omnino diversa. Exempli gratia, Secretarius aliquis Regis, aut Reip. in Museo, chartas suas ita procul dubio distribuit, ut quæ similis sint Naturæ, simul componat, veluti fœdera seorsum, seorsum mandata, literas ab Exteris, literas domesticas, & similia, seorsum omnia. Contrà, in scrinio aliquo particulari, illas simul componit, quas, licet diversi generis sunt, simul tamen usu fore existimet: Sic nimirum in hoc universalis Scientiæ Repertorio, nobis pro natura rerum ipsarum, partitiones erant instituendæ: cùm tamen, si particularis aliqua Scientia fuisset pertractanda, Partitiones fuissimus secuti, usui & praxi potius accommodatas, Altera necessitas partitiones mutandi est, quia Desideratorum ad Scientias adjectio, & eorum cù reliquis in integrum corpus redactio, etiam, per consequentiam, Scientiarum ipsarum partitiones transtulit. Nam (demonstrationis gratia) esto quod artes, quæ habentur, rationem habeant Numeri 15. adjectis autem Desideratis Numeri 20. Dico quod partes Numeri 15. non sunt eadem partes, quæ Numeri 20. Nam Partes Numeri 15. sunt 3. & 5. Partes vero Numeri 20. sunt 2. 4. 5. & 10. Itaque patet quod hæc aliter fieri non potuerint.

Atque de Scientiis Logicis  
hæc dicta sint.



FRANCISCI

BARONIS DE  
VERULAMIO,VICE-COMITIS SANCTI  
ALBANI,*De Dignitate & Augmentis Scientiarum,*

LIBER SEPTIMUS,

AD REGEM SVVM.

C A P. I.

*Partitio Ethicæ, in Doctrinam de Exemplari ; & Georgica animi,  
Partitio Exemplaris, ( scilicet Boni ) in Bonum Simplex ; & Bonum  
Comparatum. Partitio Boni Simplicis, in Bonum Indivi-  
duale : & Bonum Communionis.*

**P**eruentum est ( Rex optime ) ad Ethicam , quæ Voluntatem humanam intuetur & tractat . Voluntatem gubernat recta ratio , seducit bonum apparens ; Voluntatis stimuli affectus , ministri organa & motus voluntarii . De hâc Salomon , *Ante omnia ( inquit ) custodi , Fili , cor tuum , nam inde procedunt actiones vita .* In hujus Scientie pertractione , qui de eâ scripserunt , perinde mihi fecisse videntur , ac si quis scribendi artem tradere pollicitus , pulchra tantum exhibeat exemplaria , literatum tamen simplicium quam copulatarum ; de calamo vero ducendo , aut modis characteres efformandi , nihil præcipiat : Ita & isti proposuerunt nobis exemplaria bella , & luculenta , atque descriptiones sive imagines accuratas , *boni , virtutis , officiorum , felicitatis , tanquam vera objecta , & scopos*

scopos voluntatis & appetitus humani: Verum quomodo quis possit optimè, ad hos scopos, (excellentes sanè, & benè ab illis positos) collimare, hoc est, quibus & institutis animus ad illa assequenda subigi & componi possit, aut nihil præcipiunt, aut perfunctoriè, & minùs utiliter. Differamus, quantum libuerit, virtutes morales in animo humano esse habitualliter, non naturaliter: Distinguamus solenniter, inter spiritus generosos, & vulgus ignobile, quod illi rationum momentis, hi præmio aut pœnâ, ducantur: Præcipiamus ingeniosè, animum humanum, ut reetificetur, instar bacilli, in contrarium partem inclinationis suæ flecti oportere: Aliaque insuper hujusmodi hinc inde spargamus: Longè tamen abest, ut hæc & alia id genus, absentiam rei excusent, quam modo requirimus.

Hujuscem neglectus causam, haud aliam esse reor, quam latentem illum scopulum, ad quem tot Scientiæ naviculæ impingentes, naufragia passæ sunt: Nimirum, quod fastidiani Scriptores versari in rebus vulgatis, & plebeiis, quæ nec satis subtilest sint, d disputandum, nec satis illustres ad ornandum. Sanè haud facile quis verbis assequatur, quantam calamitatem attulerit hoc ipsum, quod dicimus: quod homines ingenia superbiâ, & gloria vana, eas materias tractationum, eosque modos tractandi sibi delegent, quæ ingenia ipsorum potius cōmendent, quam Lectorum utilitatibus inserviant. Optimè Seneca, Nocet illis eloquentia, quibus non rerum facit cupiditatem, sed sui: Siquidem Scripta talia esse debent, ut amores documentorum ipsorum, non doctorum existent. Ita igitur rectâ incedunt viâ, qui consiliis suis id prædicare possint, quod fecit Demosthenes, atque

atque hâc clausulâ ea concludere, *Quæ si feceritis, non Oratorem duntaxat in præsentia laudabit, sed vosmetipos etiam non ita multò post, statu rerum vestiarum meliore.* Ego certè, (Rex optime) ut de meipso, quod res est, loquar, & in iis quæ nunc edo, & in iis, quæ in posterum meditor, Dignitatē ingenii & nominis mei, (si qua sit) sæpius sciens & volens projicio, dum commodis humanis inserviam: *Quique Architectus fortassè in Philosophiâ & Scientiis esse debeam, et jam Operarius & Bajulus, & quidvis demùm fio;* cum haud pauca, quæ omnino fieri necesse sit; alii autem ob innatam superbiam subterfugiāt, ipse sustineam, & exequar. Verùm (ut ad rem redeamus) quod cœpimus dicere, delegerunt sibi Philosophi in *Ethica*, massam quandam materiae splendidae & nitentem, in quâ potissimum, vel ingenii acumen, vel eloquentiæ vigorem venditare possint. Quæ verò Practicam maximè instruunt, quandoquidem tām belle ornari non possint, maximā ex parte omiserunt.

Neq; tamen debuerant, Viri tam eximii, desperasse de fortunâ, simili ei, quam Poëta Virgilius, & sibi spondere ausus, & revera consequutus est; qui non minorem, eloquentiæ, ingenii, & eruditioñis, gloriam adeptus est, in explicando observationes agriculturæ, quām Æneæ res gestas Heroicas enarrando.

*Nec sum animi dubius, verbis ea vincere magnum,  
Quām sit & angustus his addere rebus honorem.*

Certè, si seriò hominibus cordi sit, non in otio scribere, quæ per otium legantur, sed revera vitam activam instruere & subornare; *Georgica* ista *animi humani*, non minore in pretio apud homines haberi debeant, quām Heroicæ illæ effigies *virtutis, boni, & felicitatis* in quibus tām operosè est insudatum.

Partie-

Partiemur igitur Ethicam, in doctrinas principales duas; Alteram de exemplari sive imagine boni; Alteram de regimine & cultura animi, quam etiam partem Georgica animi appellare consuevimus: Illa naturam boni describit, hæc regulas de animo ad illa conformando præscribit.

Doctrina de exemplari (quæ boni naturam intuetur & describit) bonum considerat, aut simplex; aut comparatum; aut genera (inquam) boni; aut gradus. In posteriore horum, disputationes illas infinitas, & speculations circa boni supremum gradum, quem felicitatem, beatitudinem, summum bonum vocitarunt (quæ Ethnicis instar Theologiae erant) Christiana tandem fidis sustulit, & missas fecit. Quemadmodum enim Aristoteles ait, Adolescentes posse etiam beatos esse, sed non aliter, quam spe; eodem modo, à Christianâ Fide edocti, debemus nos omnes minorum & adolescentium loco statuere, ut non aliam felicitatem cogitemus, quam qua in Spe sita est.

Liberati igitur, bonis avibus, ab hac doctrinâ, tanquam de cœlo Ethnicorum; Quâ in parte procul dubio elevationem naturæ humanæ, attribuerunt maiorem, quam cuius illa esset capax: Videmus enim quali Cothurno Seneca, Verè magnum, habere fragilitatem hominis, securitatem Dei) Reliqua certè ab illis, circa doctrinam exemplaris, tradita, minore aut veritatis, aut sobrietatis jacturâ, magnâ ex parte recipere possumus. Etenim, quod ad naturam boni positivi & simplicius spectat, illâ certe pulcherrimè, & ad vivum, veluti in tabulis eximiis depinxerunt; Virtutum & officiorum figuræ, posituras, genera, affinitates, partes, subjecta, provincias, actiones, disputationes, diligentissimè sub oculos repræsentantes. Neque hic finis: Nam hæc omnia

omnia animo humano, magno quoque argumento-  
rum acumine & vivacitate, & suasionum dulcedi-  
ne, commendarunt atque insinuarunt: Quinetiam  
(quantum verbis præstari possit) eadem contra pra-  
vos & populares Errores, & insultus, fidelissimè mu-  
niverunt. Quatenus vero ad naturam boni comparati,  
huic rei etiam nullo modo defuerunt; In constituendis  
trinis illis ordinibus bonorum, in collatione vita contempla-  
tiva cum activa, in discriminatione virtutis cum relucta-  
tione, & virtutis jam securitatem nactæ, & confirmatae, in  
conflictu & pugna honesti & utilis, in virtutum inter se li-  
bramine, nimirum cui quæque præponderet, & similibus.  
Adeò ut hanc partem de exemplari, insigniter excul-  
tam jam esse, & Antiquos, in eâ re, mirabiles se viros  
præstissem, reperiam: Ita tamen, ut Philosophos lon-  
go post se intervallo reliquerit, quia & strenua Theo-  
logorum diligentia; in officiis, & virtutibus moralibus,  
& casibus conscientiae, & peccati circumscriptiōnibus pen-  
sitandis & determinandis, exercitata.

Nihilo secius (ut ad Philosophos redeamus) si illi  
(antequam ad populares & receptas notiones, virtu-  
tis, vitii, doloris, voluptatis, & cæterorum, se applica-  
sent) supersedissent paulisper, & radices ipsas boni &  
mali, & radicum illarum fibras indagassent; ingen-  
tem, meo judicio, lucem illis omnibus, quæ postea in  
inquisitionem ventura fuissent, affudissent: Ante o-  
mnia, si naturam rerum non minus quam axiomata  
moralia, consuluisserint, doctrinas suas minus prolixas,  
magis autem profundas reddidissent. Quod cum ab  
illis, aut omnino omissem, aut confusè admodum  
tractatum fuerit, nos breviter retractabimus; & fon-  
tes ipsos rerum moralium aperire, & purgare conabi-  
mur,

mur, antequam ad doctrinam decultura animi, quam ponimus, ut Desideratam, perveniamus. Hoc enim (ut arbitramur) doctrinam de exemplari, novis quodammodo viribus donabit.

Inditus est atque impressus, unicuique rei appetitus, ad duplē naturam boni; Alteram, quia res totum quiddam est in seipsā: Alteram, quā est pars totius alicujus majoris. Atque posterior hæc illā alterā dignior est, & potentior, cùm tendat ad conservatiōnem formæ amplioris. Nominetur prima, bonum individuale, sive suitatis posterior, bonum communionis. Ferrum Sympathiā particuliari fertur ad magnetem: at si paulò ponderosius fuerit, Amores illos deserit, & tanquam Bonus civis & amator patriæ, terram petit, regionem scilicet connaturalium suorum. Ulterius paulò pergamus; Corpora densa & gravia terram petunt, congregationem magnam corporum densorum: Attamen, potiū quām natura rerum divulsionem patiatur, & detur (ut loquuntur) vacuum, corpora hujusmodi in sursum ferentur, & cessabunt ab officio suo erga terram, ut præstent Officium suum Mundo ipsi debitum: Ita quasi perpetuò obtinet, ut Conservatio Formæ magis Communis minores Appetitus in ordinem redigat. At Prærogativa ista Bonis Communionis signatur præcipue in homine, si non degeneraverit, juxta memorabile illud Pompeii Magni dictum, Qui, quo tempore Romam famæ premeret, annonæ importandæ Præpositus, vehementissimè autem ab amicis interpellatus, ne Mari, atroce tempestate ingruente, se committeret, illud tantum respondit, Necesse est, ut eam, non, ut vivam: Adeò ut vitæ desiderium, (quod in individuo maximum est) amore & fide in Rempub. apud eum non præ-

præponderaret. Sed quid moramur? Nulla, omnibus seculis, reperta est vel Philosophia, vel Secta, vel Religio, vel Lex, aut Disciplina, quæ in tantum communionis bonum exaltavit; Bonum verò Individualē depresso, quantum *Sancta Fides Christiana*: unde liquid pateat, unum eundemq; Deum fuisse, qui creaturis Leges illas naturæ; hominibus vero Legē Christianam dedisset. Propterea legimus nonnullos ex Electis, & Sanctis Viris, optasse se potius eratos ex Libro Vitæ, quam ut salus ad fratres suos non perveniret; Ecstasi quadam charitatis, & impotenti desiderio boni communionis incitati.

Hoc posatum; ita ut immotum maneat & inconcussum, nonnullis ex gravissimis in *Morali Philosophia* controversiis, finem imponit. Primò enim Quæstionem illam determinat; dē vita contemplativa activa & preferenda; idq; contra sententiam Aristotelis. Omnes siquidem rationes, quæ ab illo pro contemplativa afferuntur, bonum privatum respiciunt, atque individui tantum ipsius voluptatem, aut dignitatem, quibus in rebus contemplativa palmam haud dubiè reportat. Etenim contemplativa non absimilis est comparationi, qua usus est Pythagoras, ut Philosophiæ & contemplationi honorem ac decus assereret. Qui ab Hierone, quisnam esset, interrogatus, respondit; Hieronem non latere (si forte unquam Olympicis certaminibus interfuisset) id ibi loci coniungere, ut veniant eò; Alii fortunæ suæ in agoniis periculum facturi: Alii verò ut mercatores, ad merces distrahendas: Alii ut amicos undique confluentes convenirent, & epulis ac hilaritati indulgerent: Alii denique ut ceterorum essent spectatores: Se autem unum esse ex illis, qui spectandi gratia venerit. Verum homines nosse debent, in hoc humanæ vitæ theatro, Deo & Ange-

Angelis solum convenire, ut *Spectatores* sint. Neque sanè fieri potuit, ut hâc de re dubitatio in Ecclesia unquam suscitaretur: (utcunque plurimis in ore fuerit dictum illud, *preciosa in oculis Domini mors Sanctorum ejus*: Ex quo loco, mortem illam civilem, & instituta vita monasticæ & regularis attollere soleant:) nisi illud etiam unà subesset, quod vita illa monastica merè contemplativa non sit: verùm planè in officiis Ecclesiasticis versetur; Qualia sunt jugis oratio, & votorum sacrificia, Deo oblata: Librorum item Theologorum, multo in otio, conscriptio, ad Legis Divinæ doctrinam propagandam: quemadmodum & Moses fecit, cum per tot dies, in montis secessu moratus esset. Quinetiam Henoch, ab Adamo *Septimus*, qui videtur fuisse princeps *Vitæ contemplativæ* (etenim cum Deo ambulasse perhibetur) nihilominus Ecclesiam, *Prophetæ Libro* (qui etiam à Sancto Judâ citatur) do-tavit. *Contemplativam* verò quod attinet meram, & in seipsâ terminatam: quæque radios nullos sive caloris sive luminis, in societatem humanam diffundat: nescit eam certè Theologia.

Determinat etiam quæstionem, tantâ contentione agitatam, inter Scholas Zenonis & Socratis ex unâ parte, qui felicitatem in virtute, aut solâ, aut adornata (cujus semper in officiis vitæ partes potissimæ) collocârunt: & reliquas complures Sectas & Scholas, ex altera parte: veluti *Scholas Cirenaicorum & Epicuri*, qui etiam in voluptate constituerunt: Virtutem autem (sicut fit in Comœdiis aliquibus, ubi Hera cum famulâ vestem mutet) planè ancillam statuerunt: ut pote sine quâ voluptati commodè ministrari nō posset: Nec minus illam alteram *Epicuri Scholam*, quasi reformatam; quæ felicitatem nihil aliud esse prædicabat,

bat, quam animi tranquillitatem & serenitatem, à perturbationibus liberi, & vacui ; Ac si Jovem de sole deturbare vellent, & Saturnum cum aureo seculo, reducere : quandò neque æstas, nec bruma fuissent, non ver, nec autumnus, sed una & æquabilis aëris tempesties. Denique & illam explosam Pyrrhonis & Herilli Scholam, qui sitam autumaverunt felicitatem, in scrupulis quibusque animi prorsus eliminandis, nullam statuentes fixam & constantem boni, aut mali naturam, sed actiones pro bonis, aut malis habentes, prout ex animo, motu puro & irrefracto : aut contrà, cum aversatione & relutatione, prodirent : Quæ tamen opinio in Hæresi Anabaptistarum revixit, qui cuncta metiebantur juxta motus & instinctus Spiritus, & constantiam vel vacillationem fidei. Liquet autem ista, quæ recensuimus, omnia, ad privatam animorū tranquillitatem, & complacentiam; nullo modo autē ad *bonum communionis*, spectare.

Porro redarguit etiam Philosophiā Epicteti, qui hoc utitur præsupposito : Felicitatem, in iis ponit debere, quæ in potestate nostrâ sunt, ne scilicet fortunæ & casibus simus obnoxii : quasi verò, non multò fuerit felicius, in rectis & generosis intentionibus, & finibus, qui publicum bonum amplectantur, successu destitui, & frustrari, quam in omnibus, quæ ad privatam tantum fortunam nostram referuntur, Voti perpetuò compotes fieri. Sicut Consalvus, Neapolim digito Militibus indicans, generosâ voce testatus est, Multo sibi optatius fore, unum pedem promovendo, ad interitum certum ruere, quam unius pedis recessu, vitam in multos annos producere. Cui etiam concinit Coelestis Dux & Imperator, qui pronunciavit *Conscientiam bonam juge esse Convivium*; Quibus verbis aperte signifi-

gnificat, mentem bonarum intentionū sibi conscientiā, utcunq; successu careat, verius & purius, & naturae magis consentaneum præbere gaudiū; quām universum illum apparatū, quo instrui possit homo, vel ut desideriis suis fruatur, vel ut animo conquiescat.

Redarguit itidem Philosophie abusum illum, circa Epicteti tempora grassari cœptum : Nempe quod Philosophia versa fuerit in genus quoddam vitæ Professorum, & tanquam in Artem; Quasi scilicet institutum Philosophiæ esset, non ut perturbationes compescerentur & extinguerentur; sed ut causæ & occasiones ipsarum evitarentur & sumoverentur: Ideoque particularis quædam vitæ ratio, ad hoc obtineendum ineunda esset: Introducendo sanè, tale genus sanitatis in animum, quale fuit Herodici in corpore, cuius meminit Aristoteles; Illum scilicet nihil aliud per totam vitam egisse, quam ut valetudinem curaret; & proinde ab infinitis rebus abstineret, corporis interim usu quasi multatus: Ubi si hominibus officia societatis consecrari cordi sit, illa demum valetudo maximè est expetenda, quæ quaslibet mutaciones, & impetus quoscunque ferre & vincere queat: Eodem modo & animus ille demum verè & propriè sanus & validus cēsendus est, qui per plurimas, & maximas tentationes & perturbationes pertumpere potest. Ita ut optimè Diogenes dixisse visus sit; qui eas vires animi laudarit quæ non ad cautè abstinendum, sed ad fortiter sustinendum valerent: Quæque animi impetu, etiam in maximis præcipitiis cohibere possint: Quæque (id quod in equis bene subactis laudatur) præstent, ut brevissimo spatio, & sistere se, & verte-re possint.

Postremo redarguit idem teneritudinem quandam,

& ineptitudinem ad morigerandum, in nonnullis ex antiquissimis Philosophis, & maximè in veneratione habitis, notatam: Qui nimis facile se à rebus civilibus subduxerint, ut indignitatibus & perturbationibus se exuerent, atque magis, suâ opinione, illibati, & tanquam Sacrołancti viverent: Ubi consentaneum esset, constantiam hominis verè Moralis, talem fore, qualem idem Consalvus in homine militari requirebat: Nimirūm ut honor ejus contexeretur tanquam è telā crassiore: minimeque tām tenui, ut quidvis illud vellicare & lacerare possit.

## C A P. II.

*Partitio Boni Individualis, vel Suitatis, in Bonum Activum, & Bonum Passivum. Partitio Boni Passivi, in Bonum Conservativum, & Bonum perfectivum. Partitio Boni Communionis, in Officia Generalia, & Respectiva.*

**R**eptamus igitur jam, & persequamur primūm bonum individuale, & suitatis. Illud partiemur, in bonum activum, & bonum passivum. Etenim hæc quoq; differentia boni (non absimilis certè illis appellatio-nibus, quæ Romanis in Oeconomicis erant familiares, Promi scilicet, & Condi) in universā rerum naturā impressa reperitur: Præcipue autem se prodit, in dupli-cī rerum creatarum appetitu: Altero se conservandi & muniendi, Altero se multiplicandi & propagandi: Atque hic posterior, qui *activus* est, & veluti *Promus*, potentior videtur & dignior: Ille autem prior, qui *passivus* est, & veluti *Condus*, inferior censi potest. Etenim in universitate rerum natura cœlestis præci-pue agens est; At natura terrestris, *Patiens*. Etiam in delectationibus animantium, major voluptas est ge-nerandi, quam pascendi. In oraculis quoque Divinis pronunciatur, *Beatus esse dare, quam accipere*. Quin & in vita

in vita communi, nemo invenitur ingenio tam molli & effeminato, quin pluris faciat aliquid, quod ei in votis erat, perficere, & ad exitum perducere, quam sensualitatem aliquam, aut delectamentum. Atque ista quidem *boni adivi* præminentia, in immensum exaltatur ex intuitu conditionis humanæ, quod sit & mortalis, & fortunæ iustibus exposita. Nam si in voluptatibus hominum, posset obtineri perpetuitas atque certitudo, magnum pretium eis accederet, propter securitatem & moram. Quandoquidem autem videmus huc recidere; *Magni astimamus mori tardius:*  
*& ne glorieris de crastino, nescis partum diei:* mirum minime est, si omni cõtentione feramur ad ea qua temporis injurias non reformident. Ea vero nulla esse possunt, præter opera nostra: sicut dicitur, *Opera eorum sequuntur eos.* Est & altera præminentia *boni adivi* haud exigua, induita & sustentata ex eo affectu, qui humanæ naturæ, ut comes individuus, lateri adhæret: Amor scilicet novitatis, aut varietatis. Ille verò in sensuum voluptatibus (quæ *boni passivi* pars sunt vel maxima) angustus admodum est, nec latitudinem habet aliquam insignem: *Cogita quamdiu eadem feceris;* *Cibus, somnus, ludus;* per hunc circulum curritur; *Mori velle, non tantum fortis, aut miser, aut prudens,* sed etiam fastidiosus potest. At in actis vitae nostræ, & institutis, & ambitionibus, insignis est varietas; Eaque multâ cum voluptate percipitur, dum inchoamus, progredimur, interquiescimus, regredimur, ut vires augementus, appropinquamus, denique obtainemus, & hujusmodi; Ut verè admodum dictum sit, *Vita sine proposito, languida & vaga est.* Quod simul & prudentibus & stultissimis competit, ut ait Salomon; *Pro desiderio querit cerebrosus, omnibus immiscet se.* *Quinetiam*

yidemus Reges potentissimos, ad quorum nutum, quæcunq; sensibus grata sunt, parari possent, nihilominus procurasse sibi interdum desideria humilia & inania ( quemadmodum Cithara fuit Neroni, Gladiatoria Commodo, Antonino Aurigatio, & alia aliis) Quæ tamen ipsis fuerint, omni affluentia voluptatum sensualium potiora. Tantò voluptatem majorem affert, ut aliquid agamus, quam ut fruamur,

Illud interim paulò attentiùs notandum est, *bonum activum, Individualē, à bono communionis, proflus differe*, quanquam nonnunquam ambo concidant. Quamvis enim *bonum istud individualē, activum, sāpē opera beneficīa*, ( quæ ex *virtutibus communionis* est) pariat & producat; illud tamen interest, quod illa opera ab hominib⁹ plurimis fiant, non animo alias juvandi, aut beandi, sed planè propter se atque potentiam & amplitudinem propriam. Id quod optimè cernitur, quando *bonum activum* in aliquid impingit, quod sit *bono communionis* contrarium. Siquidem Gigantea illa animi cōditio, quā abripiuntur magni isti orbis terrarum perturbatores (qualis fuit L. Sylla, & plurimi alii, licet in modulo longè minore, qui videntur ad hoc anhelare, ut omnes felices & ærumnosi sint, prout sibi fuerint amici, vel inimici: atque ut mundus tanquam ipsorum præferat imaginem, quæ vera est *Theomachia*, hæc inquam ipsa aspirat ad *bonum activum, individualē*, saltem *apparens*, et si à *bono communionis*, omnium maximè recedat.

At *Bonum Passivum* partiemur, in *Bonū Conservativum, & Bonum Perfectivum*. Etenim inditus est unicuique rei triplex appetitus, quatenus ad *Bonum Suitatis, sive individualis*. Primus, ut se conservet: Secundus, ut se perficiat. Tertius, ut se multiplicet, sive diffundat. Atq; hic

hic postremus appetitus, ad bonum activum refertur, de quo jam modò diximus. Supersunt igitur reliqua tantum duo, quæ diximus, bona: Ex quibus præcelit perfectivum. Minus enim quiddam est, conservare rem in suo statu: Majus verò, eandem ad naturam sublimiorem evehere. Reperiuntur siquidem persones universas, naturæ aliquæ nobiliores, ad quarum dignitatem & excellentiam, naturæ inferiores aspirant, veluti ad origines & fontes suos. Sic de hominibus, non male cecinit ille:

*Igneus est ollis vigor, & cœlestis origo.*

Homini enim, assumptio, aut approximatio ad Divinam, aut Angelicam naturam, est formæ suæ perfectio. Cujus quidem boni perfectivi, prava & præpostera imitatio, pestis est ipsa vitæ humanæ, & Turbo quidam rapidus, qui omnia abripit, & subvertit. Nimirum, dum homines exaltationis vice formalis atque essentialis, cœcâ ambitione aduolent, ad exaltationem tantummodo localem. Quemadmodum enim ægri, remedium mali sui non invenientes, de loco in locum, corpus agitant & volvunt; quasi ex mutatione loci, à seipsis abscedere, & internum malum effugere possint: Eodem modo evenit in ambitione, ut homines, simulachro quodam falso, naturæ suæ exaltandæ, abrepti nihil aliud adipiscantur, quam loci quandam celsitudinem & fastigium.

Bonum verò conservativum, nihil aliud est, quam receptio & fruitio rerum naturæ nostræ congruentium. Hoc verò bonum, licet maximè sit simplex, & nativum; tamen ex Bonis videtur molissimum atque infimum. Quin & hoc ipsum Bonum recipit differentiam nonnullam, circa quam partim vacillavit judicium hominū, partim omissa est inquisitio. Boni siquidem

fruitionis, sive, quod vulgo dicitur, jucundi dignitas, & commendatio, aut in sinceritate fruitionis sita est; aut in ejusdem vigore: Quorum alterum inducit & præstat equalitas, alterum autem varietas & vicissitudo: Alterum minorem habet mixturam mali, alterum impressionem magis fortem, & vividam boni. Cæterum, horum utrum melius, Ambigitur: Dein, num natura humana utrumque simul apud se retinere possit, non inquiritur.

Atque quantum ad id, de quo Ambigitur, ventilari cœpit illa controversia, inter Socratem & Sophistam quendam. Ac Socrates quidem asserebat, felicitatem sitam esse, in animi pace constante, & tranquillitate, Sophista vero in hoc, Ut quis multum appetat, & multum fruatur. Quin & ab argumentis delapsi sunt ad convitia; Dicente Sophistâ, Felicitatem Socratis, stipitis, vel lapidis esse felicitatem; è contrâ Socrate, Sophistæ felicitatem, felicitatem esse scabiosi, qui perpetuo pruriret, & scalperet. Neque tamen desunt utrique sententiæ sua firmamenta. Nam Socrati assentitur vel Epicuri Schola ipsa, quæ virtutis, ad felicitatem, partes esse maximas, non diffiteatur. Quod si ita sit, certo certius est, virtutis majorem esse usum, in perturbationibus sedan-dis, quam in rebus cupitis adipiscendis. Sophistæ autem nonnihil suffragari videtur assertio illa, cuius à nobis mentio modo facta est, Iquod videlicet, bonum perfectivum, bono conservativo sit superius; Quippe quia cupidarum rerum adeptiones naturam videatur sensim perficere: Quod licet verè non faciant: tamen & motus ipse in circulo, speciem nonnullam præ se fert virtus progressivi.

At Secunda quæstio ( Num, scilicet, natura humana, non possit & animi tranquillitatem, & fruendi vigorem, simul

*simul retinere) ritè diffinita, priorem illam reddit otiosam & supervacaneam. Annon enim videmus haud ratò, animos nonnullorum, ita factos & compositos, ut voluptatibus afficiantur vel maximè cum adsint, & tamen earum jacturam non gravatè ferant? Ita ut series illa Philosophica. Non uti, ut non appetas; Non appetere, ut non metuas, videatur esse pusilli cuiusdam animi, & dissidentis, Sanè, *Doctrina plerisque Philosophorum*, videntur esse paulò timidiiores, & cavere hominibus, plusquam natura rerum postulat. Veluti, cùm mortis formidinem medēdo augent. Etenim, cùm nihil aliud ferè vitam hūmanam faciant, quām mortis quandā præparationem & disciplinam, quomodo fieri possit, ut ille hostis mirum in modum nō videatur terribilis, contra quam muniendi nullus sit finis; Melijs Poeta, (inter Ethnicos; )*

*Qui finem vitæ extremum, inter munera ponat  
Nature.*

Similiter & in omnibus annisi sunt Philosophi, animum humanū reddere nimis uniformem & harmonicum: Eum motibus contrariis & extremis minime affuefaciendo. Cujus causam arbitror fuisse, quod ipsi vitæ se privatæ dedicarunt, à negotiis & aliorum obsequiis, immuni & liberæ. Quin potius imitentur homines prudentiam gemmariorum; qui si fortè in gemmâ inveniatur nubecula aliqua, aut glaciecula, quæ ita posset eximi, ut magnitudini lapidis nō nimium detrahatur, eā tollunt: Aliter verò intactam eam relinquunt: Pari ratione, serenitati animalium ita consulendum est, ut non destruatur magnanimitas. Atque de bono individuali, hactenus.

Postquam igitur de bono suitate (quod etiam particolare, privatum, individuale, appellare solemus) jam

dixerimus, repetamus bonum communionis, quod societatem intuetur. Istud nomine officii vocari consuevit; Siquidem vocabulum officii magis propriè attribuitur animo benè disposito erga alios; Vocabulum virtutis animo intra se rectè formato & composito. Verum ista pars, primo intuitu, Scientiæ civili deberi videtur: Attamen, si diligentius attendas, non ita: Siquidem tractat regimen & imperium uniuscujusq; in seipsum, neutiquam verò in alios. Atque sicut in architectura, alia res est, postes, trabes, & cæteras ædificii partes efformare, & ad ædificandi usum præparare, alia autem easdem ad invicem aptare & compaginare: Sicut etiam in mechanicis, instrumentum aut machinam fabricare & conficere, non idem est, quod fabricatum erigere, movere, & in opere ponere: Sic doctrina de conjugatione ipsa hominum in civitate, sive societate, differt ab ea, quæ eos reddit ad hujusmodi Societatis commoda conformes, & benè affectos.

Ista pars de officiis, etiam in duas portiones tribuitur; quarum altera tractat de officio hominis in communione: Altera de officiis speciæ libris & respectivis, pro singulorum professione; vocatione, statu, personâ, & gradu. Harum primam satis excultam, diligenterque à veteribus & aliis explicatâ, jam anteâ retulimus: Alteram, quoq; sparsim quidem tractatâ, licet non in corpus aliquod integrum Scientiæ digestam reperimus. Neque tamen hoc ipsum, quod sparsim tractetur, reprehendimus; quinimò de hoc argumeto, per partes scribi longè consultius existimamus. Quis enim tantâ fuerit, vel perspicacia, vel confidentiâ, ut de officiis peculiaribus & relativis, singulorum ordinum & conditionum, peritè, & ad viuum disceptare, & diffinire possit, aut sustineat? Tractatus autem, qui experientiam

tiam non sapient, sed ex notitiâ rerum generali, & Scholaſtica, tantummodo deprompti sunt, de rebus hujusmodi, inanes plerunque evadunt & inutiles. Quamvis enim aliquando contingat, spectatorem ea animadvertere, quæ lusorem fugiant; Atq; jaſtetur proverbium quoddam magis audaculū, quam sanum de censura vulgi circa actiones principum, stantem in valle optimè perlustrare montem; Optandum tamen in primis eſſet, ut nō niſi expertissimus & versatissimus quisque, ſe hujusmodi argumentis immiſceret. Hominum enim ſpeculatiorum, in materiis activis, lucubrations, iis, qui in agendo fuerint exercitati, nihil meliores videntur, quam diſertationes Phormionis de bellis æſtimatae ſunt ab Hannibale, qui eas habuit pro ſomniis & deliriis. Unum duntaxat vitium illos occupat, qui de rebus, ad ſuum munus, aut artem, pertinentibus, libros conſcribunt; quod ſcili- cet in illis ipſis ſpartis ſuis ornandis, atque attollen- dis, modum tenere neſciant.

In hoc genere Librorum, piaculum foret, non me- minisse (honoris causâ) excellentissimi illius operis, à Majestate tua elucubratī, *De Officio Regis*. Scriptum enim hoc plurimos intra ſe cumulavit ac recondidit Thesauros, tam conſpicuos, quam occultos, *Theologie*, *Ethice*, & *Politice*; inſigni cum alſperſione aliarum ar- tium; Eſtque, meo judicio, inter Scripta, quæ mihi perlegere contigerit, præcipue ſanum, & ſolidum. Non illud ullo loco, aut inventionis fervore æſtuat, aut in diligētiæ frigore torper aut dormitat: Nō ver- tigine aliquādō corripitur, unde in ordine ſuo ſervā- do cōfundatur aut excidat: Nō digreſſionibus distra- hitur, ut illa, qui nihil ad Rhombū ſunt, expatiatio- ne aliquā flexuosa complectatur: Non odoramento- rum,

rum, aut pigmentorum fucis adulteratur, qualibus illi utuntur, qui Lectorum potius delectationi, quam argumenti naturae inserviunt: Ante omnia verò, spiritu valet istud opus, non minus, quam corpore, ut pote, quod & cum veritate optimè consentiat, & ad usum sit accommodatissimum. Quinetiam vitio illo, de quo paulò ante diximus (quod si in alio quopiam, in Rege certè & Scripto de Majestate Regiâ, tolerandum fuerit) omnino caret: Nempe, quod culmen & fastigium Regium, non immodicè, aut invidiosè extollat. Siquidem Majestas tua, Regem non depinxit aliquem, *Affyriæ* aut *Perſie*, gloriâ, & extero fastu nintentem, & coruscantem: sed verè *Mosēm*, aut *Davidem*, Pastores scilicet Populi sui. Neque verò mihi unquam memoriâ excidet, dictum quoddâ verè regium, quod in lite gravissimâ terminandâ, Majestas tua, pro sacro illo, quo præditus es, Spiritu, ad populos regendos pronunciavit? Nimirum, Reges juxta Leges Regnorum suorum gubernacula tractare, quemadmodum & Deus juxta Leges Nature, & eque raro prærogativam illam suam, quæ Leges transcendit, ab illis usurpandam, ac à Deo videmus usurpari potestatem Miracula patrandi. Nihilò tamen seciùs, ex Libro illo altero, à Majestate tuâ conscripto, de *Liberâ Monarchiâ*, satis omnibus innotescit, non minus Majestati tuæ cognitam esse, & perspectam plenitudinem potestatis Regiæ, atque Ultimitates (ut Scholastici loquuntur) Jurium Regalium, quæ Officii, & Muneris Regii Limites & Cancellos Non dubitavi igitur in medium adducere, Librum illum, à Majestati tuæ calamo exaratum, tanquam exemplum primarium & maximè illustre, Tractatum de peculiaribus & respectivis officiis. Quo de Libro, quæ à me jam dicta sunt, dixissem profectò, si ante Annos mille

mille à Rege quopiam conscriptus fuisset. Neque verò me movet, Decorum illud, quod vulgo præscribitur, ne quis corām laudetur: modò Laudes illæ, nec modum excedant, nec intempestivè, aut nullā datā occasione, tribuantur. Cicero certè, in luculentissimā illā Oratione suā, pro M. Marcello, nihil aliud agit, quām ut exhibeat tabulam quandam, singulari artificio depictam, de Laudibus Cæsaris, licet corām ipso Oratio illa haberetur. Quod & Plinius secundus erga Trajanum. Itaque jam ad propositum revertamur.

Pertinet porrò ad hanc partem de officiis respectivis rationum, & professionum singularum, doctrina alia, tanquam priori relativa, sive opposita; nimis rūm de fraudibus, cautelis, imposturis, & virtutis ipsarum: Siquidem depravationes & vitia, officiis & virtutibus opponuntur. Neque omnino de his, in plurimis Scriptis & Tractatibus, filetur: sed sēpè ad illa notanda, saltem obiter excurritur. At quo tandem modo? Per Satyram scilicet, & Cynicè (more Luciani) potius quam seriò, & graviter. Etenim, plus operæ impenditur, ut pleraque in artibus, etiam utilia & sana, maligno dente vellicentur, & ad ludibrium hominibus expellantur, quām ut quæ, in iisdem corrupta sunt & vitiosa, secernantur à salubribus & incorruptis. Atoptimè Salomon: *Querenti derisor scientiam, ipsa se abscondit, sed studio fit olviam.* Quicunque enim ad scientiam accedat, animo irridendi & aspernandi, inveniet proculdubio quæ cavilletur plurima, ex quibus verò doctior fiat, perpaucā. Verūm, Tractatio hujus, de quo loquimur, argumenti, gravis & prudens, atque cum integritate quādam, & sinceritate conjuncta, inter munitionissima virtutis ac probitatis pugna-

pugnacula, videtur numeranda. Nam sicut fabulosè perhibetur de *Basilisco*, si primus quempiam consperxerit, illicò hominem perimit, si quis illum prior, *Basiliscus* perit: pari ratione, fraudes, imposturæ, & malæ artes, si quis eas prior detexerit, nocendi facultate privantur; quod si illæ prævenerint, tum verò, non aliàs, periculum creant. Est itaque quod gratias agamus ~~M~~agistri, & hujusmodi Scriptoribus, qui aperte & indissimulanter profertunt, quid homines facere soleant, non quid debéant. Fieri enim nullo modo potest, ut conjungatur *serpentina* illa *prudentia* cum *innocentia columbina*, nisi quis mali ipsius natum penitus pernoscat. Absque hoc enim, deerunt virtuti sua præsidia & munimenta. Imo, neque ulla modo possit vir bontis & probus, malos & improbos corrigere & emendare, nisi ipse priùs omnia malitiæ latibula & profunda exploraverit. Etenim, qui iudicio planè corrupto sunt, & depravato, hoc habent, ut præsupponant, Honestatem in hominibus, ab insciatiâ, & simplicitate quâdam morum ori : atque ab eo tantum, quod fides habeatur Concionatoribus, & Pædagogis, item libris, præceptis moralibus, & iis, qui vulgò prædicantur & decantantur, sermonibus. Ad eò ut, nisi planè perspiciant, opiniones suas pravas, ac corrupta & détorta principia, non minus illis, qui hortantur & admonent, quam sibi ipsis, esse explorata, & cognita: Probitatem omnem morum & consiliorum aspernentur: Juxta Oraculum illud Salomonis mirabile : Non recipit stultus verba prudentie, nisi ea dixeris, que versantur in cordé ejus. Hanc autem partem, de cautelis, & viis respectivis, intet Desiderata numeramus; eamque nomine *Satyræ serie*, sive *Tractatus de interioribus rerum*, appellabimus.

Etiam

Etiam ad doctrinam de officiis respectivis, pertinente officia mutua, inter maritum & uxorem, parentes & liberos, dominum & servum: Similiter leges amicitiae, & gratitudinis: Necnon civiles obligationes fraternitatem collegiorum, etiam vicinitatis; ac similiū: Verū intelligatur hoc semper, illa istic tractari, non quatenus sunt partes societatis civilis, (id enim ad Politicam refertur,) sed quatenus animi singulorum, ad illa societatis vincula tuenda, instrui & prædisponi debeant.

At doctrina de bono communionis ( quemadmodum & illa de individuali ) bonum tractat, non tantum simpliciter, sed & comparatè: Quò spectat officia perpendere, inter hominem & hominem; inter casum & casum; inter privata & publica; inter tempus præfens & futurum. Sicut videre est, in animadversione illà severā, & atroci L. Bruti, contra filios suos, illam à plerisque in cœlum laudibus efferri; At aliis quispiam dixit;

*Infelix, utcunq; ferent ea fatā minores.*

Id ipsum licet intueri, in cœnâ illâ, ad quam invitati sunt M. Brutus, C. Cassius, & alii. Illic enim, cùm ad animos explorandos, circa conspirationem in caput Cæsaris intentatam, Quæstio astutè mota esset, (num licitum fore Tyrannum occidere?) Ibant Convivæ in opiniones diversas; Dum alii dicerent, planè licere, *Quod Servitus ultimum esset malorum: Alii minimè, Quod Tyrannis minus exitialis esset, quam bellum civile.* Tertium autem genus, veluti ex Scholâ Epicuri asserebat, *Indignum esse prudentes periclitari prostultis.* Verū plurimi sunt casus de officiis comparatis, inter quos frequenter ille intervenit: *Vrrum, à Iustitia deflectendum sit, propter salutem Patriæ, aut hujusmodi aliquod*

quod insigne bonum in futuro? Circa quem Jason Thesalus dicere solebat: Aliqua sunt iustitiae facienda, ut multa iustitiae fieri possint: Verum replicatio in promptu est: Authorem presentis iustitiae habes: Sponsorem futura non habes. Sequuntur homines, quæ in præsentia bona & iusta sunt, futura divinæ Providentiae remittentes. Atque circa doctrinam de exemplari, sive de bono, hæc dicta sint.

## C A P. III.

*Partitio Doctrinæ de Culturâ Animi, in Doctrinam de Characteribus Animorum: De Affectionibus; & De Remediis sive Curationibus. Appendix Doctrinæ ejusdem de Congruitate inter Bonum Animi, & Bonum Corporis.*

**N**uncigitur, postquam de fructu vita, (sensu intellegimus Philosophico) verba fecerimus; superest, ut de Culturâ Animi, quæ ei debetur, dicamus: Sine qua, pars prior, nihil aliud videtur, quam imago quædam, aut statua, pulchra quidem aspectu, sed motu & vita destituta. Cui sententiæ Aristoteles ipse disertis verbis suffragatur: *Necesse est igitur de virtute dicere, & quid sit, & ex quibus dignatur. Inutilē enim ferè fuerit, virtutem quidem nosse, acquirendæ autem ejus modos & vias ignorare. Non enim de virtute tantum, quæ specie sit, querendum est, sed & quomodo sui copiam faciat: utrumq; enim volumus, & rem ipsam nosse, & ejus compotes fieri: Hoc autem ex voto non succederet, nisi sciamus, & ex quibus, & quo modo. Verbis adeò expressis, atque etiam iteratō, hanc partem inculcat; quam tamen ipse non persequitur. Hoc similiter illud est, quod Cicero Catoni Juniori, velut laudem non vulgarem, attribuit; quod scilicet, Philosophiam amplexus esset, Non disputandi causa ut magna pars, sed ita vivendi: Quamvis autem, pro temporum, in quibus vivimus, socioria, paucis*

paucis curæ sit, ut animum sedulò colant, & compo-  
nunt; & vitæ rationem, ad normam aliquam insti-  
tuant (secundum illud Senecæ, de partibus vita quisque  
deliberat; de summa nemo: Adeò ut hæc pars censeri  
possit supervacua) illud tamen minimè nos moveret,  
ut eam intactam relinquamus, quin potius cum illo  
Hippocratis Aphorismo concludimus; *Qui gravi  
morbo correpti, dolores non sentiunt, iis mens ægrotat.* Me-  
dicinâ illis hominibus opus est, non solum ad curan-  
dū morbum, sed ad sensum expergefaciendū. *Quod*  
si quis obiiciat, animorum curationem, Theologiæ  
Sacra munus esse, verissimum est quod asserit; At ta-  
men *Philosophiam Moralem* in famulitium Theologiæ  
recipi, instar ancillæ prudentis, & pedissequæ fidelis,  
quæ ad omnes ejus nutus præstò sit, & ministret, quid  
prohibeat? Etenim quemadmodum in Psalmo habe-  
tur, quod *Oculi ancillæ perpetuò ad manus domine respi-  
ciunt: cùm tamen minimè dubium sit, quin haud pau-  
ca ancillæ judicio & curæ relinquantur: Eodem mo-  
do & *Ethica obsequium Theologiae* omnino præstare  
debet, ejusque præceptis morigera esse, ita tamen  
ut & ipsa, intra suos limites, haud pauca sana & uti-  
lia documenta continere possit.*

Hanc igitur partem, (quando præstantiam ejus in  
animo recolo) in *corpus doctrinæ* nondùm redactam,  
non possum non vehementer mirari. Eam igitur, ex  
more nostro, cùm inter *Desiderata* collocemus, aliquâ  
ex parte adumbrabimus.

Ante omnia igitur in hac re (sicut & in universis,  
quæ spectant ad Practicam) ratio nobis est subducen-  
da, quid in nostrâ sit potestate, quid non. In altero  
enim datur alteratio, in altero vero applicatio tâtum.  
Agricolæ nullum est imperium, aut in naturam soli,

aut in aëris Temperies; Itidem nec Medico, aut in crasis & constitutionem naturalem ægti, aut in accidentium varietatem. At in cultura animi, & morbis ejus personandis, tria in consideratione veniunt; Characteres diversi dispositionum; Affectus, & Remedia: Quem admodum & in corporibus medicandis propoununtur illa tria; Complectio, sive constitutio ægri, morbus, & curatio. Ex illis autem tribus, postremum tantum in nostrâ potestate situm est; priora duo non item. Verum & in illis ipsis, quæ in potestate nostrâ nō sunt, non minùs diligens facienda est inquisitio, quam in illis, quæ potestati nostræ subjiciuntur. Etenim illorum perspicax, & accurata cognitio, substernenda est doctrinæ de remedis, ut eadem commodius & felicius applicentur. Neq; enim vestis corpori aptari possit, nisi mensura corporis antè excipiatur.

Primus igitur articulus, doctrinæ de cultura animi, versabitur circa diversos characteres ingeniorum sive dispositionum. Neque tamen loquimur de vulgatis illis propensityibus in virtutes & vitia; aut etiam in perturbationes, & affectus: sed de magis intrinsecis, & radicalibus. Sanè subiit animum, etiam in hac parte, nonnunquam admiratio, quod à Scriptoribus, tam Ethicis, quam Politici, ut plurimum neglecta, aut prætermissa sit; cum utriq; scientiæ, clarissimum lumen jubar affundere possit. In Traditionibus Astrologie, non inscitè omnino distincta sunt ingenia, & dispositiones hominum, ex prædominantibus Planetarum; quod alii à Naturâ facti sint ad contemplationes: Alii ad res civiles, Alii ad Militiam: Alii ad ambitum: Alii ad amores, Alii ad artes: Alii ad genus vitæ varium, item apud Poetas (Heroicos, Satyricos, Tragicos, Comicos) sparguntur ubiq; simulachra ingeniorum, li-

vet ferè cum excessu, & præter modum veritatis. Quin & hoc ipsum argumentum, de diversis characteribus ingeniорum, est ex iis rebus, in quibus sermones hominum communes (quod valdè raro, interdùm tamen contingit) libris ipsis sunt prudentiores. At longè optima hujus Tractatus supplex & sylva, peti debet ab *Historicis* prudentioribus: Neque tamen ab Elogiis tantum, quæ sub obitum personæ alicujus illustris, subnectere solent, sed multò magis ex corpore integro *Historie*, quoties hujusmodi persona, veluti Scenam descendat. Illa enim intertexta imago, potiùs videtur descriptio, quam Elogii Celsura: Qualis habetur apud T. Livium, *Africani*, & *Catonis Majoris*: Apud Tacitum, *Tiberii*, *Claudi*, & *Neronis*: Apud Herodianum, *Septimi Severi*: Apud Philippum Comineum, *Lodovici undecimi Gallorum Regis*: Apud Franciscum Guicciardinum, *Ferdinandi Hispani*, *Maximiani Caesaris*, & *Leonis*, & *Clementis*, Pontificum. Iste enim Scriptores, harum Personarum, quas sibi depingendas deligerunt, Effigies, quasi perpetuè intuentes, nunquam ferè Rerum Gestarum ab ipsis mentionem faciunt, quin & aliquid insuper de Naturâ ipsorum inspergant. Etiam nonnullæ, in quas incidimus, *relationes de conclave Pontificum*, characteres de moribus Cardinalium bonos exhibuerunt: sicut & Literæ Legatorum, de Consiliariis Principum. Fiat itaque ex eâ, quam diximus, materia, (quæ certè fertilis est & copiosa) Tractatus diligens, & plenus. Neque vero volumus, ut characteres isti in Ethicis (ut fit apud *Historicos*, & Poëtas, & in sermonibus communibus,) excipientur, tanquam imagines Civiles integræ; sed potius ut imaginum ipsarum linea, & ductus magis simplices; quæ

372 *De Augmentis Scientiarum*,  
inter se compositæ & commixtæ quascunque effi-  
gies constituunt; Quot & quales eæ sint, & quomo-  
do inter se connexæ, & subordinatæ; ut fiat tanquā  
artificiosa & accurata ingeniorum & animorum dis-  
sectio, atque ut dispositionum, in hominibus indivi-  
duis, secreta prodantur, atque ex eorum notitiâ, cu-  
rationum animi præcepta rectius instituantur.

Neque verò characteres ingeniorum, ex naturâ im-  
pressi, recipi tantum in hunc Tractatum debent; sed  
& illi, qui alias animo imponuntur, ex sexu, etate, pa-  
tria, valetudine, formâ, & similibus: Atque insuper il-  
li, qui ex fortuna, veluti Principum, Nobilium, ignobiliū,  
divitum, pauperum, Magistratum, idiotarum, felicium,  
ærumnosorum, & hujusmodi. Videmus enim Plautū,  
miraculi loco habere, quod Senex quis sit Beneficus;  
Benignitas hujus, ut Adolescentuli est. D. autem Paulus,  
severitatem disciplinæ erga Cretenses præcipiens (*In-  
crepae eos dure*) ingenium Gentis ex Poëtâ accusat, *Cre-  
tenses semper mendaces, malæ Bestiæ, Ventres pigri*. Salu-  
stius, id in Regum Ingeniis notat, quod apud eos fre-  
quens sit, Contradictoria appetere, plerumque Regiæ  
voluntates, ut vehementes sunt, sic mobiles, saepe ipsæ si-  
bi adversæ. Tacitus observat honores & dignitates in-  
genia hominum in deterius saepius flectere, quam in  
melius; *Solus Vespasianus mutatus est in melius*. Pindarus  
illud animadvertisit; Fortunam subitam & indulgen-  
tem, animos plerunque enervare, & solvere; Sunt, qui  
*magni in felicitatem concoquere non possunt*. Psalmus in-  
nuit, facilius esse modum adhibere & temperamen-  
tum, in fortunæ statu, quam in incremento: *Divitiae  
si affluant, nolite cor apponere*. De similibus quibusdam  
observationibus, ab Aristotele in *Rhetorics*, mentio-  
nem obiter factam, non inficior; Necnon in aliorum  
Scriptis

Scriptis nonnullis sparsim : Verum nunquam adhuc incorporatae fuerunt in Moralem Philosophiam : Ad quam principaliter pertinent. Non minus certe quam ad Agriculturam, Tractatus de diversitate soli & glebae : Aut ad Medicinam, Tractatus de complexionibus aut habitibus corporum diversis. Id autem nunc tandem fieri oportet, nisi forte imitari velimus temeritatem Empiricorum, qui iisdem utuntur medicamentis, ad ægrotos omnes, cujuscunque sint constitutions.

Sequitur doctrinam de characteribus, doctrinam de affectibus, & perturbationibus, qui loco morbotum animi sunt, ut jam dictum est. Quemadmodum enim Politici prisci, de Democratiis dicere solebant ; Quod populus esset mari ipsi similis, Oratores autem ventus : Quia sicut Mare per se placidum foret & tranquillum, nisi a Vento agitaretur & turbaretur ; sic & Populus esset Naturam suam pacatus & tractabilis, nisi a seditionis Oratoribus impelleretur, & incitaretur : Similiter verè affirmari possit, naturam mentis humanae, sedatam fore, & sibi constantem ; si affectus tanquam venti, non tumultarentur, ac omnia miscerent. Et hinc rursus subiit nova admiratio, Aristotelem, qui tot Libros de Ethicis conscripsit, *Affectus*, ut membrum Ethicæ Principale, in illis non tractasse ; In Rheticis autem, ubi tractandi interveniunt secundariò ( quatenus scilicet Oratione cieri aut commoveri possint ) locū illis reperisse : ( In quo tamen loco, de iis, quantum tam paucis fieri potuit, acutè & bene differuit ) Nam disceptationes ejus de voluptate & dolore, huic Tractatu nullo modo satisfaciunt : Non magis, quam qui de luce & lumine tantum scriberet, de particuliariū colorum naturā scripsisse diceretur : Siquidem voluptas

& dolor erga affectus particulares ita se habent, ut lux erga Colores. Meliorem certè in hoc argumento ( quatenus ex his, quæ nunc extant coniicere liceat ) diligentiam adhibuerunt Stoici ; attamen talem, quæ potius in diffinitionem subtilitate, quam in tractatu aliquo pleno, & falso, consisteret. Evidem reperio etiam libellos, quosdam elegantes, de nonnullis ex affectibus; veluti de ira, de inutili veretundia, & aliis per paucis. Sed si verum omnino dicendum sit, Doctores hujus Scientie præcipui sunt Poëta & Historici, in quibus ad vivum depingi & dilecari solet, Quomodo Affectus excitandi sunt & accendendi? Quomodo leniendi & sopiendi? Quomodo rursus cōtinendi ac refrænandi, ne in actus erumpant? Quomodo itidem se, licet compressi & occultati, prodant? Quas operationes edant? Quas vices subeant? Qualiter sibi multò implicentur? Qualiter inter se digradientur & opponantur? & innumera hujus generis. Inter quæ hoc ultimum plurimi est usus in moralibus & civilibus; Qualiter ( inquam ) affectus affectum in ordinem cogat; & alterius auxilio, ad alterum subjugandum, utiliceat? Venatorum & aucupum more, qui bestiæ operâ ad bestias, volucris alicujus ad volucres capiendas, utuntur: Quod fortassis aliter ex sese, absque Brutorum auxilio, homo tam facile præstare non possit. Quin & hoc fundamento nititur, excellens ille, & per omnia patens, usus in Civilibus, premii & pœna; quæ Rerum pub. columen sunt; cum affectus illi prædominantes, formidinus & spei, alios omnes affectus noxiros coerceant & supprimant. Etiam, sicut in regimine Statūs, non raro fit ut factio factione in officio cōtineatur, similiter fit & in regimine mētis interno.

Pervenimus nunc ad illa, quæ in nostrâ sunt potestate;

state; quæque operantur in animum; voluntatemq;  
& appetitum afficiunt, & circumagunt, ideoq; ad im-  
mutandos mores plurimū valent. Quā in parte de-  
buerant Philosophi strenuē & gnaviter inquirere, De  
viribus & energia consuetudinis, exercitationis, habitus, e-  
ducationis, imitationis, emulationis, convictionis, amicitiae,  
laudis, reprehensionis, exhortationis, famæ, legum, libro-  
rum, studiorum, & si quæ sunt alia. Hæc enim sunt  
illa, quæ regnant in Moralibus; Ab istis agentibus ani-  
mus patitur & disponitur; Ab istis veluti ingredien-  
tibus, conficiuntur pharmaca, quæ ad cōservāndam,  
& recuperandam animi sanitatem conducant, qua-  
temus remediis humanis id præstare possit. Ex quo-  
rum numero unum aut alterum seligemus, in quibus  
paululum immoremur, ut reliquis sint exemplo. De  
consuetudine igitur, & Habitū, pauca delibabimus.

Opinio illa Aristotelis, planè mibi videtur, angu-  
stias quasdam contemplationis, & negligentia sapere:  
cūm asserit, in illas actiones, quæ naturales sunt, Con-  
suetudinem nihil posse: Exemplo usus; *Quod si lapis*  
*nullius projiciatur in altum, ne inclinationē quidem sponte*  
*ascendēdi acquirit: Quinetiam, quod səpiùs videndo aut*  
*audiēdo, nihil melius aut videmus, aut audiimus. Quam-*  
*vis enim hoc teneat in aliquibus, ubi Natura est pe-*  
*remptoria (cujus rei causas reddere in præsentia non*  
*vacat) aliter tamē in illis sit, in quibus natura, secun-  
dum latitudinem quandam, patitur intentionem &*  
*remissionem. Sanè videre potuit, Chirothecam paulò*  
*arctiorem, manū səpiùs inducendo, laxiorem red-  
di; Baculum usu & mora in contrarium flexus sui na-  
turalis incuruari, & in eodem statu paulò post durare;*  
*Vocem exercitando, magis fieri robustam & sonoram;*  
*Frigore, Aëstumque consuetudine tolerari; & ejusdem*

generis cōmplura. Quæ quidem posteriora duo exempla propriūs accedunt ad rem, quām quæ ab ipso ad ducta sunt. Attamen, utcunque hoc se habeat, quod magis verum fuerit, Tam virtutes, quam vitia, in habitu consistere; eò magis ei contendendum fuerat, ut normas præscriberet, quomodo hujusmodi habitus fuerint acquirendi, aut amovendi. Plurima siquidem confici possint præcepta, de prudenti institutione exercitationum animi, non minùs quam corporis. Illorum paucula recensemus.

Primum erit, ut jam à principio caveamus, à pensis, vel magis arduis, vel magis pusillis, quām res postulat: Nam si oneris nimium imponatur, apud ingenium mediocre, benè sperandi alacritatem obtundes; apud ingenium fiduciæ plenum, opinionem concitabis, quā plus sibi polliceatur, quām præstare possit; Quod secum trahit socordiam. In utroque autem ingenii temperamento, fiet ut experimentum expectationi non satisficiat: Id quod animum semper deiicit, & confundit. Quod si pensa leviora fuerint, magna inducit, in progressionis summâ, jactura.

Secundum erit, ut ad exercendam facultatem aliquā, quod habitus comparetur, duo in primis tempora observentur: Alterum, quando animus optimè fuerit ad rem dispositus; Alterum, quando pessimè: Ut ex priore, plurimum in via moveamus; ex posteriore, nodos obicesq; animi contentionē strenua deteramus, unde tempora media facilè & placidè labentur.

Tertium erit illud præceptum, cuius Aristoteles obiter meminit; *Vt totis viribus* (citra tamen vitium) *nitamur in contrarium illius, ad quod naturā maximè impellimur;* Sicut cùm in adversum gurgitis remigamus; Aut Baculum incurvum, ut rectum fiat, in contrariū flectimus.

Quar-

Quartum Præceptum ex illo Axiomate pendet, quod verissimum est; *Animum ad quæcunque felicius trahi & suavius, si illud, quo tendimus, in intentione operantur, non sit principale, sed tanquam aliud agendo supererit; quoniam ita fert natura, ut necessitatem & imperium dñrum fermè oderit.* Sunt & alia multa, quæ utiliter præcipi possint, de Regimine Consuetudinis: *Consuetudo enim, si prudenter & peritè inducatur, fit reverà (ut vulgò dicitur) altera natura: Quod si impietè, & fortuitò administretur, erit tantùm simia naturæ; quæ nihil ad vivum imitetur, sed inscitè tantum, & deformiter.*

Similiter, si de *Libris & Studiis*, eorumque ad *Mores* virtute & influentiâ, verba facere vellemus; numnam desunt plurima præcepta, & consilia fructuosa, eò spectantia? An non unus ex patribus, magnâ cum indignatione, *Poësim appellavit vinum demonum: cùm revera progignat plurimas tentationes, cupiditates, & opiniones vanas?* An non prudens admodum, & digna, quæ benè perpendatur, est Sententia Aristote lis, *Juvenes non esse idoneos moralis philosophia auditores:* quia in illis perturbationum æfluatio nondum sedata est, nec tempore & rerum experientiâ consopita? Atque ut verum dicamus, An non ideo sit, ut Scriptorum priscorū præstantissimi libri, & sermones (quibus ad virtutem homines efficacissimè invitati sunt: tam augustam ejus Majestatem omnium oculis repræsentando, quam opiniones populares, in virtutis ignominiam, tanquam *Habitu Parasitorum* indutas, derisi propinando) tam parùm prosint, ad vitæ honestatem, & mores pravos corrigendos, quia perlegi & revolvi non consueverunt, à viris ætate & judicio maturis, sed pueris tantum & tyronibus relinquuntur?

tur? Annon & hoc verum est, Juvenes multò minùs *Politica*, quām *Ethicae*, auditores idoneos esse, antequā religione, & *doctrina de moribus & officiis*, planè imbuātur: ne fortè judicio depravati & corrupti, in eam opinionem veniant, non esse retum differentias morales veras & solidas: sed omnia ex utilitate, aut successu metiendæ, sicut Poëta canit;

*Prospereum & felix scelus virtus vocatur.*

Et rursus,

*Ille crucem pretium sceleris tulit hic Diadema.*

Ac Poëtæ quidem hæc Satyricè, & per indignationē loqui videntur. At *Libri nonnulli politici*, idem seriō & positivè supponunt. Sic enim Macciavello dicere placet, *Quod si contigisset Cæsarem Bello superatum fuisse, Catilinā ipso fuisse odiosior*: Quasi verò nihil interfuerit, præter fortunam solam, inter Furiam quandam, ex libidine & sanguine conflatam, atque animum excelsum, & inter homines naturales, maximè omnium ( si ambitio abfuerit) suscipiendum. Videamus etiam, ex hoc ipso; quām necessarium sit, homines, *doctrinas pias & Ethicas*, antequām *Politicam* degustent, plenis faucibus haurire: Nimirūm, quod qui in aulis Principum, & negotiis civilibus, à teneris (ut aiunt) unguiculis innutriti sunt, nunquam ferè sinceram & internam morum probitatem assequantur: quantò minùs si accesserit etiam librorum disciplina? Porro, & in documentis ipsis moralibus, vel saltem aliquibus eorum, annon cautio pariter est adhibenda, ne inde fiant homines pertinaces, arrogantes, & insociabiles, juxta illud Ciceronis de M. Catone: *Hec bona, que videmus, divina & egregia, ipsius scitore esse propria: que nonnunquam requirimus, Ea sunt omnia, non à natura, sed à Magistris: Sunt &*

axio-

axiomata alia complura , de iis, quæ à studiis & libris, hominum animis ingenerantur. Verum est enim quod dicit ille , Abeunt studia in mores : Quod pariter affirmandum , de cæteris illis rebus , convictu , fama , legibus patriis , & reliquis, quas paulò ante recensuimus.

Cæterum animi quædam est *cultura* , quæ adhuc magis accurata, & elaborata videtur, quam reliquæ. Nititur autem hoc fundamento: *Quod omnium mortaliū animi certis temporibus , repertiantur in statu perfe-  
ctiore, aliis, in statu magis depravato.* Hujus igitur cultu-  
ræ intentio fuerit & institutum , ut *boni* illa tempora  
foveantur; *Prava* verò, tanquam ex Kalendario de-  
leantur, & expungantur. Ac *bonorum* quidem tempo-  
rum fixatio duobus modis procuratur: *Votis*, aut saltē  
*constantissimis animi decrevis*, & *observantius* atque *exer-  
citationibus*; quæ non tantum in se valent, quantum  
in hoc, quod animum in officio, & obedientiā jugi-  
ter contineant. *Malorum* temporum obliteratio, dupli-  
citer ratione perfici potest: *Redemptione aliqua*, vel  
*expiatione præteriorum, & novo Vitæ instituto*, véluti de  
*integro*. Verùm hæc pars, ad religionem planè specta-  
re videtur; Nec mirum , cùm *Moralis Philosophia* vera  
& genuina ( sicut ante dictum est ) ancillæ tantum  
vices erga Theologiam suppleat.

Quamobrem , concludemus hanc partem de *cul-  
tura Animi*, cum eo *Remedio*, quod omnium est maxi-  
mè compendiosum , & summarium , & rursus ma-  
ximè nobile & efficax, quo animus ad virtutem ef-  
formetur, & in statu collocetur perfectioni proxi-  
mo. Hoc autem est, *Vt fines vita actionumque deligamus,*  
*& nobis ipsis proponamus, rectos, & virtuti congruos, qui*  
*qui tamen tales sint, ut eos assequendi nobis aliquatenus*  
*suppe-*

suppetat facultas. Si enim hæc duo supponantur: ut & fines actionum sint honesti, & boni, & decretum animi de suis assequendis, & obtainendis, fixum sit & constans, sequetur, ut continuò vertat & efformet se animus, una opera operâ, in virtutes omnes. Atque hæc certè illa est operatio, quæ *Natura ipsius opus* referat, cùm reliquæ, quæ diximus, videantur esse solummodo sicut *opera manus*. Quemadmodum enim *Statuarius* quando simulachrum aliquod sculpit aut incidit, illius solummodo pannis figuram effingit, circa quam manus occupata est, non autem cæterarum: ( veluti si faciem efformet, corpus reliquum rude permanet & informe faxum, donec ad illud quoque pervenerit ) Econtrà verò *Natura*, quando florem molitur, aut animal, rudimenta partium omnium simul parit, & producit: Eodem modo, quando virtutes habitu acquiruntur, dum temperantiae incumbimus, ad fortitudinem, aut reliquas parùm proficimas, quando autem *Reellis* & *honestis Finibus* nos dedicaverimus penitus, & devoverimus, quæcunque fuerit virtus, quam animo nostro commendaverint, & imperaverint fines illi, reperiemus nos jamdudum imbutos, & prædispositos habilitate & propensione nonnullâ, ad eam assequendam & exprimendam. Atque hic possit esse status ille animi, qui egregiè ab Aristotele describitur: & ab eo, non *virtutis*, sed *divinitatis* cuiusdam charactere insignitur. Ipsa ejus verba hæc sunt: *Immanitati autem consentaneum est, opponere eam, quæ supra humanitatem est, heroicam sive divinam Virtutem.* Et paulò post, *Nam ut fera, neque vitium, neque virtus est, sic neque Dei.* Sed hic quidem status, altius quiddam virtute est: ille aliud quidam à vitio. Plinius certè Secundus, ex licentiâ magniloquentiæ ethnicae, Traiani virtutem, divine, non tanquam

tanquam imitamentum, sed tanquam exemplar, proponit, cùm ait: *Opus non esse hominibus, alias ad Deos praesfundere, quam ut benignos aequē & propitiosse Dominos mortaliis præstarent, ac Trajanus præstitisset.* Verū hæc profanam Ethnicorum Jactantiam sapiunt, qui umbras quasdam corpore maiores prensabant. At Religio vera, & sancta fides Christiana, rem ipsam petit: Imprimendo animis hominum charitatem, quæ appositissimè vinculum perfectionis appellatur, quia virtutes omnes simul colligat, & revincit. Sànè elegantissimè dictum est à Menandro, de *amore sensuali*, qui Divinum illum perperām imitatuit: *Amor, melior Sophistā Lævo, ad humanam vitam.* Quibus innuit, morum decus melius ab amore efformari, quām à Sophistā & præceptore inepto, quem Lævum appellat. Si quidem universis suis operosis Regulis & Præceptiis, hominem tam dextrè & expedite effingere nequeat, ut seipsum & in pretio habeat, & se bellè in omnibus componat, quām amor facit. Sic proculdubio, si animus cuiuspiam, fervore *Charitatis veræ*, incendatur, ad majorem perfectionem evehetur, quam per universam *Ethicam Doctrinam*; Quæ Sophistæ profectò habet rationem, si cum altera illa conferatur. Quinetiam, sicut Xenophon rectè observavit; Ceteros affectus, licet animam attollant, eum tamen distorquere & discomponere, per ecstases & excessus suos: Amorem vero solum, eum simul & dilatare, & componere: Sic omnes alii humanæ, quas admiramus, dotes, dum naturam in majus exaltant; Excessui interim sunt obnoxiae: Soli autem *Charitatis* non admittit excessum. Angeli, dum ad potentiam, divinæ parem, aspirarent, prævaricati sunt & ceciderunt: *Ascendam & ero similis Altissimi.* Homo dum ad Scientiam, Divinæ parem aspiraret,

prævaricatus est, & lapsus: Eritis sicut Dii, scientes bonum & malum. Verum ad similitudinem, Divinæ Bonitatis, aut Charitatis, aspirando, nec Angelus, nechomo, unquam in periculum venit, aut veniet. Imò ad hanc ipsam Imitationem etiam invitamus: Diligite inimicos vestros, benefacite his, qui oderunt vos, & orate pro persequentibus, & calumniantibus vos, ut sitis filii patris vestri, qui in cœlo est, qui solem suum oriri facit super bonos & malos, & pluit super iustos & Injustos. Quin & in pso Archetypo Naturæ Divinae, verba sic collocat Religio Ethnica (*Optimus Maximus,*) Scriptura autem Sacra pronunciat; Misericordia ejus super omnia opera ejus.

Hanc itaque moralis doctrinæ partem, de Georgicu animi, jam absolvimus. In quâ, si ex intuitu portiū ejus, quas perstrinximus, quis existimet, operā nostram in hoc tantummodo sitam esse, ut ea in artem seu doctrinam redigeremus, quæ ab aliis scriptoribus prætermissa sint, tanquam vulgata & obvia, & per se satis clara & perspicua; suo judicio liberè utatur. Interim illud meminerit, quod ab initio monuimus, propositum à nobis esse, non rerum pulchritudinem, sed usum & veritatem sectari. Recordetur etiam paulisper commentum illud Parabolæ antiquæ, degeminis somni portis.

*Sunt gemini e Somni portæ, quarum altera fertur  
Cornæa, qua veris fæulis datur exitus umbris;  
Altera candenti perfecta nitens Elephanto  
Sed falsa lidi cælum mittunt insomnia Manes.*

Insignis sanè magnificentia P. rta Eburnea; tamen somnia vera per corneam commeant.

Additamenti vice ponî possit circa Doctrinam Ethicam observatio illa, inveniri nimirum relationem &

con-

& congruitatem quandam, inter bonum animi, & bonum corporis. Nam sicut bonum corporis, constare diximus, ex sanitate, pulchritudine, robore, ac voluptate; sic animi bonum, si juxta moralis doctrinæ scita illud contemplemur, huc tendere perspiciemus; ut animum reddat sanum, & à perturbationibus immunem; Pulchrum; verique decoris ornamenti excultum; Fortem, ac agilem ad omnia vitae munia obeunda; Denique non stupidum, sed voluptatis & solatii honesti sensum vividè retinentem. Hæc autem, sicut in corpore, ita & in animo, raro simul omnia conjunguntur. Facile enim videre est, multos, ingenii viribus, & fortitudine animi pollentes, quos infestant tamen perturbationes; quorumque etiam moribus vix aliquid elegantiae aut venustatis aspergitur: Alios, quibus abunde est in moribus elegantiae & venustatis, illis tamen non suppetit, aut probitas animi, ut velint, aut vires, ut possint recte agere: Alios, animo præditos honesto, atque à vitiorum labore repurgato, qui tamen nec sibi ipsis ornamen to sunt, nec Reip. utiles: Alios, qui istorum fortassis trium compotes sunt, sed tamen Stoicæ quâdam tristitia, & stupiditate prædicti, virtutis quidem actiones exercent, gaudiis non perfuruuntur. Quod si contingat, ex quatuor ipsis, duo aut tria aliquando concurrere, rarissimè tamen sit, quemadmodum diximus, ut omnia. Jam vero Principale istud membrum philosophie humanae, quæ hominem contemplatur, quatenus ex corpore consistit atque anima, sed tamen segregatum, & citra societatem, à nobis pertractatum est.

FRANCISCI  
**BARONIS DE**  
**VERULAMIO,**  
**VICE-COMITIS SANCTI**  
**ALBANI,**  
*De Dignitate & Augmentis Scientiarum;*  
**LIBER OCTAVUS,**  
**AD REGEM SVVM.**  
**C A P. I.**

*Partitio Doctrinæ Civilis, in Doctrinam de Conversatione: Doctrinam de Negotiis: & Doctrinam de Imperio,  
 sive Repub.*

**V**etus est narratio (Rex Optime) convenisse complures Philosophos solenniter, coram Legato Regis exteri, atque singulos pro virili parte, Sapientiam suam ostentasse, ut haberet Legatus, quæ referret, de mirabili sapientiâ Græcorum. Unus tamen ex eorum numero silebat, & nihil adducebat in medium: adeò ut Legatus ad eum conversus diceret: *Tu vero quid habes, quod referam? Cui ille: Refer (inquit) Regi tuo, te invenisse apud Græcos aliquem, qui tacere sciret.* Et quidem oblitus eram, in hac artiū Synopsi, artem tacendi interferere: *Quam tamē (quoniam plerunque desideretur) Exemplo jam proprio docebo.* Etenim, cùm me tandem ordo rerum ad illud deduxerit, ut paulò post de arte Imperii tractandū sit, cumque ad tantum regem scribam, qui perfectus adeò in eā arte sit Magister, ipsamque ab incunabulis suis

ſuis hauserit : Nec omnino immemor esse possim,  
qualem apud Majestatem tuam locum sustinuerim :  
consentaneum magis existimavi , meipsum tacendo  
de hâc re , apud Majestatem tuam , quam scribendo ,  
probare. Cicero verò , non solum artis , verùm etiam  
eloquentiæ cuiusdam , quæ in tacendo reperiatur , me-  
minit . Cùm enim , sermones nonnullos suos , cum  
ālio quodam , ultrò citroque habitos , in epistola qua-  
dam ad Atticum commemorasset , sic scribit : *Hoc loco ,*  
*sumpsi aliquid de tua eloquentia , nam tacui .* Piridarus  
verò , ( cui illud peculiare est , animos hominum in-  
opinato , sententiolâ aliquâ mirabili , veluti virgulâ  
Divina , percutere ) hujusmodi quidpiam ejaculatur :  
Interdum magis afficiunt non dicta , quam dicta . In hac  
parte igitur , tacere , aut quod silentio proximum est ,  
brevis admodùm esse decrevi . Verùm , antequam ad  
artes imperii perveniam , haud pauca , de aliis doctrine  
civilis portionibus sunt præmittenda .

Scientia civilis , versatur circa subiectum , quod cæ-  
terorum omnium , maximè est Materiæ immersum :  
ideoque difficillimè ad axiomata reducitur . Sunt ta-  
men nonnulla , quæ hanc difficultatem levant . Pri-  
mò enim , quemadmodùm Cato ille Censorius , de Ro-  
manis suis dicere solitus est : *Ovibus eos similes esse , qua-*  
*rum gregem integrum , minore quis molestiâ ageret , quam*  
*unam aliquam : quoniā si paucas ex grege , ut rectam in-*  
*tant viam propellere posse , ceteræ ultrò sequentur :* Simi-  
liter , hoc quidem respectu , Ethicæ munus , est quo-  
dammodo illo politicæ , difficilius . Secundò , propo-  
nit sibi Ethica , ut animus bonitate internâ imbuatur ,  
& cumuletur : At civilis scientia , nihil amplius postu-  
lat , præter bonitatem externam : Hæc enim ad socie-  
tatem sufficit . Itaque non raro accidit , ut regimen

Sit bonum, tempora mala: Siquidem in Sacra Historia, illud non semel occurrit ( cum de Regibus bonis & piis narretur ) Sed adhuc populus non direxerat consuum ad Dominum Deum Patrum suorum. Itaque, & hoc quoque respectu, duriores partes sunt Ethica. Tertiò, hoc habent Respub. ut tanquam machinae grandiores, tardius moveantur, nec sine magno motilime, unde haud tam citè labefactantur: Sicut enim in Aegypto, septem anni fertiles, steriles septem sustentarunt: ita in Rebus publ. priorum temporum bona institutio, efficit, ut sequentium errores non statim perniciem inferant: At singulorum hominum decreta, & mores, magis subito subverti solent. Hoc denique Ethicam gravat, Politice succurrit.

*Scientia civilis*, tres habet partes, juxta tres societas actiones summarias: *Doctrinam de conversatione*; *Doctrinam de negotiis*; & *doctrinam de Imperio* sive *Republ.* Tria siquidem sunt bona, quæ ex societate civili, homines sibi parare expetunt: *Solamen contra solidinem*, *adjumentum in negotiis*, & *protectio contra injurias*. Suntque istæ tres prudentiæ, planè inter se diversæ, & sæpenumerò disjunctæ; *Prudentia in conversando*, *prudentia in negotiando*, & *prudentia in gubernando*.

Enimverò, quod ad *conversationem* attinet, Illa certè affectata esse non debet, at multò minus neglecta: Cum prudentia in ejus moderamine, & decus quoddam morum in se ipsa præ se ferat, & ad negotia, tam publica, quam privata, commode administranda, plurimum juvet. Etenim sicut actio oratori, tanti habetur, ( licet sit externum quiddam ) ut etiam illis alteris partibus, quæ graviores, & interiores videntur, ante-

anteponatur; eodem ferè modo, in viro cívili, conver-  
fatio, ejusque regimen (ut cunque in exterioribus oc-  
cupetur) si non summum, at certè eximum locum  
invenit. Quale enim pondus habet, vultus ipse, ejusq;  
compositio? Rectè Poëta;

- - - - Nec vultu destrue verba tuo.

Poterit enim quis vim orationis, vultu labefactare,  
& planè prodere. Quin & facta, non minùs quam  
verba, vultu pariter destrui possint, si Ciceroni cre-  
damus, Qui, cùm fratri affabilitatem commenda-  
ret erga Provinciales, non in hoc eam potissimum  
sitam dixit, ut aditus præberet ad se faciles, nisi  
etiam vultu ipso comiter accedentes exciperet, Nil  
interest habere ostium apertum, vultum clausum. Vi-  
demus quoque Atticum, sub primum Ciceronis  
cum Cæsare congressum, bello adhuc fervente, dili-  
genter & seriò Ciceronem per Epistolam monuif-  
fe, de vultu & gestu, ad dignitatem & gravitatem  
componendis. Quod si tantum possit, oris & vultus  
solius moderatio, quantò magis sermo familiaris, &  
alia, quæ ad conversationem pertinent? Atque san-  
cta summa, & compendium decori, & elegantiæ mo-  
rum, in hoc ferè sita sunt, ut quasi aquâ lance, & pro-  
priam Dignitatem, & aliorum metiamur & tuea-  
mur: Quod etiam, non malè expressit T. Livius, (li-  
cet aliij rei intentus) eo personæ charactere; Ne (in-  
quit) aut arrogans videar, aut obnoxius, quorum alterum  
est, alienæ libertatis obliti, alterum, sua. Ex contraria  
vero parte, si urbanitati, & elegantiæ morum exter-  
næ, impensiūs studeamus, transeunt illæ in affectatio-  
nem quandam Deformem, & Adulterinam, Quid  
Quid enim deformius, quam Scenam in Vitam transferret?

Quinetiam, licet in excessum illum vitiosum minime prolabantur; temporis tamen nimium in iusmodi leviculis absumitur, animusque ad curam ipsarum, magis quam oportet, deprimitur. Ideoque sicut in Academiis, adolescentes literarum studiosi, at sodalium congressibus plus satis indulgentes, moneri soleant a præceptoribus: *Amicos esse fures temporis.* Sic certè assidua ista, in *conversationibus decorum, animi intentio, magnum gravioribus meditationibus furtum* facit. Deinde, qui primas adeò in *urbanitate* obtinent, & ad hanc rem unam quasi nati videntur, hoc ferè habent, ut si ipsis in illa sola complacent, & ad virtutes solidiores, & celsiores, vix unquam aspirent: Quando econtrà, qui sibi in hac parte defecutus sunt consciì, decus ex bonâ existimatione quærunt: Ubi enim adest bona existimatio, omnia ferè decent, ubi verò illa deficit, tum demùm à commoditate morum, atq; *urbanitate*, subsidium petendum est. Porrò, ad res gerendas, vix gravius, aut frequenter reperias impedimentum, quam hujuscē decori externi curiosam nimis observationem, atque illud alterum, quod huic ipsi inservit, nimirūm, anxiam temporis atque opportunitatum electionem. Egregie enim Salomon: *Qui respicit ad ventos, non seminat, qui respicit ad nubes, non metit.* Creanda siquidem nobis est opportunitas, saepius quam opperienda. Ut verbo dicamus, *urbana ista morum compositio, veluti vestis animi est, & proinde vestis commoditates referre debet.* Primum enim, talis esse debet, ut sit in usu communi: Rutsus, ut non sit nimis delicata aut sumptuosa: Deinde, ita conficienda, ut si qua sit in animo virtus, eam exhibeat maximè conspicuam, si qua deformitas, eandem suppleat, & occultet: Postremò,

stremò, & super omnia, ne sit nimis arcta, atque ita  
animum angustiet, ut ejusdem motus in rebus ge-  
rendis, cohibeat & impedit. Verum hæc pars scien-  
tiae civilis de conversatione eleganter profectò à non-  
nullis tractata est, neque ullo modo tanquam deside-  
rata reponi debet.

## C A P. II.

*Partitio Doctrinæ de Negotiis; in Doctrinam de Occasionibus Spar-  
sis, & Doctrinam de Ambitu Vitæ. Exemplum Doctrinæ,  
de Occasionibus Sparsis, ex Parabolis aliquibus  
Salomonis, Precepta, de Ambitu Vitæ.*

**D**octrinam de negotiis, partiemur in doctrinam de oc-  
casionibus sparsis, & doctrinam de ambitu vita: Qua-  
rum altera, universam negotiorum varietatem com-  
plectitur, & vita communis tanquam Amanuensis  
est; Altera, ea tantum, quæ ad proprium cuiusque for-  
tunam amplificandam spectant, excerptit, & fuggerit,  
quæ singulis, pro intimis quibusdam rerum suarum  
tabellis, aut codicillis esse possint. Verum antequam ad  
species descendamus, aliquid, circa doctrinam de ne-  
gotiis in genere, præfabimur. *Doctrinam de negotiis,*  
pro rei momento, tractavit adhuc nemo, cum ma-  
gna, tam literarum, quam literatorum, existimatio-  
nis jacturâ. Ab hac enim radice pullulat illud ma-  
lum, quod notam eruditis inussit; Nimirum, erudi-  
tionem & prudentiam civilem raro admodum conjungi.  
Etenim si quis rectè advertat, ex prudentiis illis tri-  
bus, quas modò diximus ad vitam civilem spectare: Illa  
conversationis ab eruditis ferè contemnitur, tanquam  
servile quiddam, atque insuper meditationibus ini-  
micum. Quod vero ad illam de Repub. administrandâ,  
sanè si quandò rerum gubernaculis admoveantur  
eruditi, munus suum incommodè sustinent; Verum

ea promotio contingit paucis. De prudentia autem negotiandi (quā de nunc loquimur) in qua vita humana plurimum versatur, nulli omnino libri conscripti habentur: præter pauca quædam monita civilia, in fasciculum unum aut alterum collecta, quæ amplitudini hujus subjecti, nullo modo respondent. Etenim si libri aliqui extarēt, de hoc argumento, sicut de cæteris, minimè dubitaverim, quin viri eruditæ, aliquo experientiæ manipulo instructi, ineruditos, licet diutinæ experientiæ edoctos, longè superarent, & proprio illorum (quod dicitur) arcu usi, magis è longinquo ferirent.

Neq; verò est cur vereamur, ne scientiæ hujus, tam varia sit materia, ut sub præceptionibus non cadat: Multò siquidem angustior est, quam illa *Reip. administranda scientia*; quam tamen apprimè videmus ex cultam. Hujus generis prudentiæ, apud Romanos, optimis temporibus, extitisse videntur nonnulli professores. Testatur enim Cicero, moris fuisse, paulò ante sua secula, ut Senatores, prudentiæ, & rerum usi maximè celebres (*Coruncanii, Curi, Lelii, & alii,*) statis horis, in foro deambularent; ubi civibus copiam sui facerent, & consulenterentur, non de jure, sed de negotiis omnigenis: Veluti de *filia elocandâ*, sive de *filio educando*, sive de *prædio coemendo*, de *contractu*, *accusatione*, *defensione*, aut aliâ quacunque re, quæ in vitâ communis interveniat. Ex quo liquet, prudentiam quandam esse, *confilium dandi*, etiam in negotiis privatis: ex universalis rerum civilium cognitione & experientiâ promanantem, quæ exerceatur quidem in casibus particularibus, extrahatur autem ex generali casuum consimilium observatione. Sic enim videmus, in eo libro, quem ad fratrem conscripsit, Q. Cicero,

*de pe-*

de petitione consulatus (quem unicum à veteribus habemus, quantum memini, tractatum, de negotio aliquo particulari) quanquam ad consilium dandum, de retum præsenti, potissimum spectaret, plurima tamen contineri axiomata politica, quæ non usum solum temporarium, sed normam quandam perpetuā, circa electiones populates præscribant. In hoc genere autem, nihil invenitur, quod ullo modo comparandum sit, cum aphorismis illis, quos edidit Rex Salomon: De quo testatur Scriptura, Cor illi fuisse instar arenæ marii: Sicut enim arenæ maris universas orbis oras circundant, ita & Sapientia ejus omnia humana, non minus quam divina, complexa est. In aphorismis vero illis, præter alia magis Theologica, reperies liquidò, haud pauca præcepta, & monita civilia præstansissima: ex profundis quidem sapientiæ penetrabilibus scaturientia, atque in amplissimum varietatis campum excurrentia. Quoniam vero, doctrinam de occasionibus sparsis (quæ, doctrinæ de negotiis, portio est prior) inter desiderata reponemus, ex more nostro, paulisper in illâ immorabimur: Atque exemplum ejusdem, ex aphorismis sive parabolis illis Salomonis, desumptum proponemus. Neque vero quis, ut arbitramur, nos meritò sugillare possit, quod ex Scriptis Sacrae Scripturæ aliquem, ad sensum politicum trahamus: Evidem existimo, si extarent commentarii illi, Salomonis ejusdem, de naturâ rerum, (in quibus de omni vegetabili, à musco super murum, ad cedrum libani, itemq; de animalibus conscripsit) non illicitum esse, eos secundum sensum naturalem, interpretari: Quod idem nobis liceat in Politicus.

Parabola.

1. *Mollis Responso frangit iram.*

Explicatio.

Si incendatur *ira* Principis, vel Superioris adversus te, & tuæ jam sint loquendi partes, duo præcipit Salomon: Alterum, ut *fiat responso*; Alterum, ut *eam sit mollis*, Prius continet tria præcepta. Primo, ut *caveas à silentio tristi & contumaci*: Illud enim, aut culpam totam in te recipit, ac si nihil habeas, quod respondere possis; aut Dominum occultè iniquitatis insimulat, ac si aures ejus, defensioni, licet justæ, non paterent. Secundo, ut *caveas à re comperendinanda*, neque tempus aliud ad defensionem postules; Hoc enim, aut eandem notam inurit, quam prius, nimirum Dominum tuum nimiâ mentis perturbatione efferri; Aut planè significat, te artificiosam quandam defensionem meditari, cum in promptu nihil habeas: Adeò ut optimum semper fuerit, aliquid in præsentia, & è re natâ, in excusatione tui adducere. Tertio, ut *fiat prorsus responso*: *Responso* (inquâ) non mera *confessio*, aut mera *submissio*, sed aliquid *apologiae*, & excusationis inspergatur: Neque enim aliter tutum est facere, nisi apud ingenia valdè generosa & magnanima; quæ rara admodum sunt. Sequitur posteriore loco, ut *Responso sit mollis*, minimè præfracta, aut aspera.

Parabola.

2. *Servus prudens dominabitur in filium stultum;  
Et partietur hereditatem inter fratres.*

Explicatio.

In omni familiâ, turbatâ & discordi, semper exurgit

git aliquis servus , aut humilis amicus , præpotens , qui pro arbitrio se gerat , ad lites familiæ componendas , cuique , eo nomine , & familia tota , & dominus ipse , sunt obnoxii . Ille , si suam rem agat , familiæ mala foveat , & aggravat ; sin fidelis revera fuerit & integer , plurimum certe meretur : Adeò ut etiam tanquam inter fratres haberi debeat , aut saltem *procurationem hereditatis accipere fiduciariam.*

Parabola.

3. *Vir Sapiens , si cum stulto contenderit , sive irascatur , sive rideat , non inveniet requiem.*

Explicatio.

Monemur sapientius , ut congressum imparem fugiamus , eo sensu , Ne cum posterioribus decertemus . At haud minus utile est monitum , quod hic exhibet Salomon , Ne cum indigno contendamus . Iniqua enim prorsus sorte , hæc res transigitur . Siquidem , si superiores simus , nulla sequitur victoria , si superemur , magna indignitas . Neque invitat etiam , in hujusmodi contentione exercendâ , si interdum veluti per jocum agamus , interdum cum fastu & contemptu . Nam quounque nos vertamus , leviores inde efficiemur , neque commodè nos explicabimus . Pessimè autem fit , si hujusmodi persona , quâ cum contendimus , ( ut Salomon loquitur , ) aliquid affine habeat cum stulto , hoc est , si sit audaculus , & temerarius .

Parabola.

4. *Sed & cunctis sermonibus , qui dicuntur , ne accommodes aurem tuam , ne forte audias servum tuum maledicentem tibi.*

Explicatio.

Vix credi possit , vitam quantum perturbet , iniurias curiositas , circa illas res , quæ nostrâ intersunt : Ni-

mirum, quandū secreta illa rimari sat agimus, quæ dicta & inventa, ægritudinem quidem animo inferat, ad consilia autem expedienda nihil juvent. Primò enim sequitur *animi vexatio & inquietudo*, cùm humana omnia, perfidae & ingratitudinis plena sint. Adeò ut, si comparari possit speculum aliquod magicum, in quo odia, & quæcunque contra nos ullibi commoventur, intueri possemus, melius nobis foret, si protinus proiiceretur & collideretur. Hujusmodi enim res, veluti foliorū murmura sunt, & brevi evanescent. Secundò curiositas illa animum suspicionibus nimis onerat, quod consiliis inimicissimum est, eaque reddit inconstantia, & complicata. Tertiò eadem, mala ipsa sapissimè sigit, alias prætervolatura: Grave enim est conscientias hominum irritare; qui, si latere se patent, facile mutantur in melius, si deprehensos se sentiant, malum malo pellunt. Merito igitur summae prudentiae tribuebatur Pompeio Magno, quod Sertorii chartas universas, nec à se perlectas, nec aliis permissas, igni protinus dedisset.

## Parabola.

5. Advenit veluti viator pauperies, & egestas quasi vir armatus.

## Explicatio.

Eleganter describitur in parabolâ, quomodo prodigis, & circa rem familiarem incuriosis, superveniāt naufragia fortanarum. A principio enim pedetentim, & passibus lentis, instar viatoris, advenit obaratio, & sortis diminutio, neque serè sentitur: At non multò post, invadit egestas, tanquam vir armatus, manu scilicet tam forti, & potente, ut ei amplius resisti non possit, cùm apud Antiquos rectè dictum sit, *necessitatem*

ex omnibus rebus esse fortissimam. Itaque viatori occur-  
rendum, contra armatum muniendum.

Parabola.

6. Qui erudit derisorem, ipse sibi injuriam facit, & qui arguit impium, sibi maculam generat.

Explicatio.

Congruit cum præcepto Salvatoris, Ut non mittamus marcas nostras ante porcos: Distinguuntur autem in hâc parabolâ, actiones præceptionis, & reprehensionis; Distinguuntur itidem personæ derisoris, & impiorum: Distinguuntur postremò, id quod rependitur. In priore enim, rependitur opera lusa; in posteriore, etiam & macula. Cum enim quis erudit, & instituit derisorem, jaœtura primùm sit temporis; Deinde & alii constitutum irrident, tanquam rem vanam, & operam male collacatam; Postremò, derisor ipse, scientiam, quam didicit, fastidio habet. At majore cum periculo, transigitur res in reprehensione impiorum; qui non solùm impius non auscultat, sed & cornua obvertit, & reprehensorem, odiosum sibi jam factum, aut cœfestum convitiis proscindit, aut saltem postea apud alios criminatur.

Parabola.

7. Filius sapiens latifaciat patrem: Filius verò stultus inœstia est matris sua.

Explicatio.

Distinguuntur solatia atque ægritudines economicæ, patris videlicet & matris, circa liberos suos. Et enim filius prudens & frugi, præcipuo solatio est patri, qui virtutis pretiū melius novit, quam mater; ac propterea filii sui indoli, ad virtutem propensæ, magis gratulatur: Quinetiam gaudium illi fortassè affert institutum suum, quod filium tam probè educarit, illique honestatem morum, præceptis & exemplo, impressa.

presserit. Econtra, mater calamitati filii plus compatitur & indolet, tum ob affectum maternum magis mollem, & tenerum; tum fortassis indulgentiae suæ conscientia, quâ eum corruperit, & depravaverit.

Parabola.

8. *Memoria justicium laudibus; at nomen impiorum putrescat.*

Explicatio.

Distinguitur inter famam virorum bonorum, & malorum, qualis esse soleat post obitum. Virus enim bonis extinctâ invidiâ (quæ famam eorum, dum vixerant, carpebat) nomen continuò efflorescit, & laudes magis indies invalescunt: At virus malis, (licet fama eorum, per gratiam amicorum, & factionis suæ hominum, ad breve tempus manserit) paulò post fastidium non minus oboritur, & postremò laudes illæ evanida, in infamiam, & veluti in odorem gravem & teturum, desinunt.

Parabola.

9. *Qui conturbat domum suam, possidebit ventos.*

Explicatio.

Utile admodum monitum, de discordiis, & turbis domesticis. Plurimi enim, ex dissidio uxorum, aut ex hereditationibus filiorum, aut mutationibus frequentibus familie, magna sibi spondent; ac si inde, vel animi tranquillitas, vel rerum suarum administratio felicior, sibi obventura foret. Sed plerunque abeunt spes suæ in ventos. Etenim, tum mutationes illæ, ut plurimum, non cedunt in melius; tum etiam, perturbatores isti familie suæ, molestias varias, & ingratitudinem eorum, quos, aliis præteritis, adoptant & diligunt, sæpenumerò experiuntur; Quin & hoc pacto, rumores sibi progignunt, non optimos, & famas ambi-

āmbiguas : Neque enim malē à Cicerone notatum est ; *Omnem famam à domesticis manare.* Utrunque autem malum, per ventorum possessionem eleganter à Salomonē exprimitur : Nam & expectationis frustratio, & rumorū suscitatio, ventis recte comparantur.

## Parabola.

10. *Melior est finis orationis, quam principium.*

## Explicatio.

Corrigit *parabola* errorem frequentissimum, non solum apud eos, qui verbis præcipue student, verū etiam apud prudentiores. Is est, quod homines de sermonum suorum aditu atque ingressu, magis sint solliciti, quam de exitu ; & accuratius exordia & præfatiunculas meditetur, quam extrema orationum. Debuerant autem, nec illa negligere, & ista, ut longè potiora, præparata & digesta apud se habere ; revolentes secum ; & quantum fieri potest, animo prospicientes, quis tandem exitus sermonis sit futurus, & quomodo negotia inde promoveri, & maturari possint. Neque hic finis. Quinimò non epilogos tantum, & sermonum, qui ad ipsa negotia spectant, egressus, mediari oportet ; verū etiam & illorum sermonum cura suscipienda, quos sub ipsum distessum, commode & urbanè iniicere possint, licet à negotio prorsus alienos. Evidem cognovi Consiliarios duos, viros certe magnos, & prudentes, & quibus onus rerum tunc præcipue incumbebat ; quibus illud fuit perpetuum, & proprium, ut quotiescum Principibus suis, de negotiis ipsorum communicarent, colloquia, in rebus ad ipsa negotia spectantibus, nunquam terminarent, verū semper, aut adjocum, aut aliud aliquid, quod audire erat volupe, diverticula quererent : Atque ut adagio dicitur, *sermones marinos aquā fluviatili sub extremum*

*De Augmentis Scientiarum,*  
*tremum abluerent. Neque hoc illis inter artes posticu-*  
*mum erat.*

Parabola.

II. *Sicut muscae mortuae fatere faciunt unguentum o-*  
*ptimum, sic hominem pretiosum sapientiam, & gloriam, par-*  
*va stultitia.*

Explicatio.

Iniqua admodum, & misera est conditio, *hominum*  
*virtute praeclentium* (ut optimè notat *parabolam*) quia  
*erroribus eorum, quantumvis levissimis, nullo modo*  
*ignoscitur:* Verum, quemadmodum in gemmâ, val-  
dè nitidâ, minimum quodque granulum, aut nube-  
cula, oculos ferit, & molestiâ quâdam afficit: quod  
tamen si in gemmâ vitiosiore repertum foret, vix no-  
tam subiret: Similiter, in *virus singulari virtute prædi-*  
*tiis, minima quæque vitia, statim in oculos, & sermo-*  
*nes hominum incurunt, & censurâ perstringuntur*  
*graviore: quæ in hominibus mediocribus, aut omnino*  
*laterent; aut veniam facile reperi rent. Itaque viro*  
*valdè prudenti, parva stultitia; valdè probo, parvum*  
*peccatum; urbano, & moribus eleganti; paululum*  
*indecori; de famâ & existimatione multum detra-*  
*hit. Adeò ut, non pessimum foret, *virus egregius*, si non*  
*nulla absurdâ (quod citra vitium fieri possit) actio-*  
*nibus suis immiscerent; ut libertatem quandam si-*  
*bi retineant, & parvorum defectuum notas con-*  
*fundant.*

Parabola.

12. *Homines derisores civitatem perdunt, sapientes ve-*  
*ro avertunt calamitatem.*

Explicatio.

Mirum videri possit, quod in descriptione homi-  
num, qui ad Respubl. labefactandas & perdendas,  
*veluti*

Veluti Naturā comparati & facti sunt, delegerit Salomon Characterem; Non hominis superbi & insolentis; Non tyrannici & crudelis; Non temerarii & violenti: Non impii & scelerati: Non injusti & oppressoris: Non seditiosi & turbulenti: Non libidinosi & voluptuarii: Non denique insipientis & inhabilis: Sed *derisoris*. Verūm hoc sapientiā ejus Regis, qui Rerum publ. conservationes & eversiones optimè nōrat, dignissimum est. Neque enim similis ferē est pestis Regnis & Rebus publ. quam si Consiliarii Regum, aut Senatores, qui que gubernaculis rerum admoventur, sint ingenio *derisores*. Hujusmodi enim homines, periculorum magnitudinem, ut fortis videantur Senatores, semper extenuant; iisque qui pericula prout par est, ponderant, veluti timidis insultant: Consultandi & deliberandi maturas mo ras, & meditatas disceptationes, veluti rem oratoria, & tædii plenam, & ad summas rerum nihil facientem, subsannant: Famam ad quam Principum Consilia præcipue sunt componenda, ut *salivam vulgi*, & rem citò prætervolaturam, contemnunt: Legum vim & auctoritatem, ut reticula quædam, quibus res majores minimè cohiberi debeant, nil morantur: Consilia & præcautiones, in longum prospicientes, ut somnia quædam, & apprehensiones melancholicas, reiiciunt: Viris reverà prudentibus, & rerum peritis, atque magni animi, & consilii, dæteriis & facetiis illudunt: Denique fundamenta omnia regiminis politici simul labefactant. Quod magis attendendum est, quia cuniculis, & non impetu aperto, hæc res agitur: Neque cœpit esse inter homines (prout moretur) suspecta.

13. Princeps, qui libenter præbet aures verbis mendacii, omnes servos habet improbos.

## Explicatio.

Cùm Princeps talis fuerit, ut susurronibus, & sycophantis, absque judicio, faciles & cedulae aures præbeat, spirat omnino, tanquam à parte Regis, aura pestilens, quæ omnes servos ejus corrumpit, & inficit. Alii metus Principis rimantur, eosque narrationibus fictitiis exaggerant: Alii invidiæ furias conicitant, præsertim in optimos quosque: Alii criminationibus aliorum, proprias sordes, & conscientias malas, eluunt: Alii amicorum suorum honoribus & desideriis velificant, competitores eorum calumniando, & mordendo: Alii fabularum argumenta, contra inimicos suos, tanquam in scenâ, componunt: & innumera hujusmodi. Atque hæc illi, qui ex servis Principis ingenio sunt magis improbo. At illi etiam, qui Naturâ probiores sunt, & melius morati, postquam in innocétiâ suâ, parvum præsidii esse lenserint, (quoniam Princeps vera à falsis distingue're non novit) morum suorum probitatem exuunt, & ventos aulicos captant, iisque servilem in modum circumferuntur. Nihil enim (ut ait Tacitus de Claudio) tutum est apud Principem, cuius animo omnia sunt tanquam indita & jussa. Atque bene Comineus; Præstat servum esse Principis, cuius suspicionum non est finis, quam ejus, cuius credulitatis non est modus.

## Parabola.

14. Iustus miseretur animæjumenti sui; sed misericordiae impiorum crudeles.

## Explicatio.

Inditus est, ab ipsâ Naturâ, homini, misericordia affectus

fectus nobilis, & excellens; qui etiam ad *animalia  
bruta* extenditur; quæ ex ordinatione divina, ejus  
imperio subiiciuntur. Itaque habet ista *misericordia*,  
analogiam quandam, cum illâ Principis erga subdi-  
tos. Quinetiam illud certissimum est, quod quò di-  
gnior est anima, eò pluribus compatiatur. Etenim a-  
nimæ angustæ & degeneres, hujusmodi res, ad se ni-  
hil pertinere putant: At illa, quæ nobiliores est portio  
universi, ex communione afficitur. Quare videmus,  
sub veteri lege, haud pauca fuisse præcepta, non tam  
merè *ceremonialia*, quæ misericordia institutiva: Qua-  
le fuit illud, de nō comedendo carnem cum sanguine ejus;  
& similia. Etiam in sectis Essæorum, & Pythagoræo-  
rum, ab esu animalium, omniò abstinebant. Quod  
etiam hodiè obtinet (superstitione inviolatâ) apud  
incolas nonnullos Imperii Mogollensis. Quin &  
Turcæ, (Gens licet, & stirpe & disciplinâ, crudelis, &  
sanguinaria) Brutis tamen eleemosynas largiri so-  
lent; neque animalium vexationes & torturas fieri  
sufficiunt. Verùm, ne fortè hæc quæ diximus, omnis  
generis misericordia, patrocinari videantur, salubriter  
subjungit Salomon, *impiorum misericordias esse crude-  
tes*. Ex sunt, quandò hominibus sceleratis & facino-  
rosis parcitur, iustitiæ gladio feriendis: Crudelior e-  
näm hujusmodi *misericordia*, quam crudelitas ipsa.  
Nam crudelitas exercetur in singulos, at misericor-  
dia illa, universum facinorosorum exercitum, con-  
cessâ impunitate, in homines innocentes, armat &  
immittit.

## Parabola.

15. Totum spiritum suum profert stultus; at sapiens re-  
servat aliquid in posterum.

Corrigit parabola præcipuè ( ut videtur ) non hō. minum vanorum futilitatem, qui, dicenda, tacenda, facilè proferunt : Non Parrhesiam illam, quā absque discrimine & judicio, in omnes & omnia involant ; Non garrulitatem, quā ad nauseam usque , aliis ob. strepunt; sed vitium aliud magis occultum ; Nempe sermonis regimen, minimè omnium prudens, & politicum : Hoc est, cùm quis ita sermonem , ( in collo. quiis privatis ) instituit, ut quæcunque in animo habeat, quæ ad rem pertinere putet, simul, & tanquam uno spiritu ; & oratione continuatâ , proferat : Hoc enim plurimū negotiis officit. Siquidem primo, *oratio intercisa*, & per partes infusa, longè magis penetrat, quām continuata ; quoniam in continuatâ pondus rerum, non distinctè & sigillatim excipitur, nec per moram nonnullam insidet, sed ratio rationem, antequam penitus insederit, expellit. Secundò, nemo tam potenti, & felici eloquentiâ valet, ut primo sermonis impetu, eum, quem alloquitur , mutum & elinguem planè reddat, quin & alter aliquid vicissim respondebit, & fortassè obiiciet : Tum verò accedit, ut quæ in refutationem, aut replicationem reservanda fuissent, præmissa jam, & anteà delibata , vites suas & gratiam, amiserint. Tertiò, si quis ea, quæ dicenda sunt, nō simul effundat, sed per partes eloquatur, aliud primò, aliud subinde iniiciens ; sentiet ex ejus, quém alloquitur, vultu, & responso, quomodo singula illum affecerint, quā in partem accepta fuerint; ut quæ adhuc restant dicenda, cautiùs aut supprimat, aut excerptat.

Parabola.

16. *Si Spiritus potestatem habentis, ascenderit super te, locum*

*locum tuum ne dimiseris, quia curatio faciet cessare magna peccata.*

*Explicatio.*

Præcipit *parabola*, quomodo se quis gerere debeat; cùm iram; atque indignationem *Principis* incurrerit. Præceptum duplex: Primò, ut non dimittat locum suū: Secundò, ut *curationi*, tanquam in morbo aliquo gravi, diligenter & cautè, attendat. Consueverunt enim homines, postquam commotos contra se *Principes* suos senserint, partim ex dedecoris impatientiā, partim, ne vulnus obversando refricent, partim ut tristitiam & humilitatem eorum *Principes* sui perspiciāt, se, à munericib. & functionibus suis, subducere. Quinetiam interdū, ipsos Magistratus, & Dignitates quas gerunt, in *Principum* manus restituere. At Salomon, hanc medendi viam, veluti noxiā, improbat; idque summā profectō ratione. Primò enim, *dederūt ipsūtum* nūmis illa publicat; unde tum inimici, atque invidi, audacieores fiunt ad lēdendum; tum amici timidiōres ad subveniendum. Secundò, hoc pacto fit, ut *Principis* *ira*, quæ fortassē, si non evulgaretur, sponte concideret, magis sigatur; & veluti principio jam factō hominis deturbandi, in præcipitium illius, feratur. Postremò, *Secessus iste, aliquid sapit ex malevolo, & tempore* ribus infenso; Id quod malum indignationis, malo suspicionis cumulat. Ad *curationem* autem pertinent ista. Primò, caveat ante omnia, ne stupiditate quādam, aut etiam animi elatione, indignationem *Principis* minime sentire, aut inde, prout debeat, affici, videatur: Hoc est, ut & vultum, non ad tristitiam contumacem, sed ad mœstitudinem gravem atque modestam componat: & in rebus quibuscumque agendis, seminūs solito hilarem & lātum, ostendat: Quin & in rem suam

erit, amici alicujus operâ, & sermone, apud Principem, uti, qui, quanto doloris sensu, in intimis excrucietus, tempestivè insinuet. Secundò, occasiones omnes, vel minimas, sedulò evitet, per quas aut res ipsa, que in indignationi causam præbuit, refricetur, aut Princeps denuò excandescendi, & ipsum, quaçunque de causâ, coram aliis, objurgandi, ansam arripiat. Tertio, perquirat etiam diligenter occasiones omnes, in quibus opera ejus principi grata esse posse; ut & voluntatem promptam redimendi culpā præteritam ostendat; & Princeps suus sentiat, quali tandem servo, si eum dimittat, privari se contigerit. Quartò, Culpm ipsam, aut sagaciter in alios transferat; aut animo illati non malo commissam esse insinuet; aut etiam malitiam illorum, quæ ipsum Regi detulerunt, vel rem supra modum aggravarunt, indicet. Denique in omnibus evigilet, & curationi sit intentus.

### Parabola.

17. *Primus in causa sua justus: tum venit altera pars, & inquirit in eum.*

### Explicatio.

Prima in unaquaque *causa informatio*, si paulisper animo judicis insederit, altas radices agit, eumq; imbut, & occupat; adeò ut ægrè elui possit, nisi aut manifesta aliqua falsitas, in materiâ informationis; aut artificium aliquod, in eadem exhibenda, deprehendatur. Etenim nuda &c simplex defensio, licet justa sit & præponderans, vix præjudicium informationis primæ, compensare, aut libram justitiae semel præpendentem, ad æquilibrium reducere, per se valet. Itaque & judici tutissimum, ut nihil, quod ad meritâ causæ spectat, prælibetur, priusquam utraque pars simul audiantur, & defensori optimum, si judicem sens-

senserit præoccupatum, in hoc potissimum, (quantum dat causa) incumbere, ut versutiam aliquam, & dolum malum, ab adversa parte, in judicis abusum, adhibitum, detegat.

## Parabola.

18. *Qui delicate à pueritia nutrit servum suum, postea sentiet eum contumacem.*

## Explicatio.

Servandus est, *Principibus & Dominis*, ex consilio Salomonis, in gratia & favore suo, erga servos, modus. Iste triplex est. Primo, ut promoveantur per gradus, non persaltus: Secundo, ut interdum assuefiant repulse: Tertio, (quod benè præcipit Macchiavellus) ut habcant præuersus suis semper aliquid, quo ulterius aspirare possint. Nisi enim hæc fiant, reportabunt proculdubio Principes, in fine, à servis suis, loco animi grati, & officiosi, fastidium & contumaciam. Etenim, ex promotione subita, oritur insolentia; ex perpetua desideratorum adeptione, impatiens repulse; Denique, si vota desint, deerit itidem alacritas & industria.

## Parabola.

19. *Vidisti virum velocem in opere suo, coram Regibus stabit, nec erit inter ignobiles.*

## Explicatio.

Inter virtutes, quas Reges, in delectu servorum, potissimum spectant & requirunt, gratissima est præcunctis celeritas, & in negotiis expediendis strenuitas. Virtus profundâ prudentia, Regibus suspecti, utpote, qui nimirum sint inspectores, & dominos suos, inscos & invitatos, ingenii sui viribus, (tanquam machinâ) circumagere possint. Populares, invisi, utpote qui Regum Luminibus officiunt, & oculos populi in se convertunt. Animosi, pro turbulentis sœpè habentur, &

ultrà, quām par est, ausuris. Probi, & vitæ integræ, tanquam difficiles existimantur, nec ad omnes nutus heriles apti. Denique non est virtus alia, quæ non habeat aliquam quasi umbram, quā Regum animi offendatur; Sola velocitas ad mandata, nihil habet, quod non placeat. Insuper, motus animorum regiorum celeres sunt, & moræ minùs patientes. Putant enim se quidvis efficere posse; Illud tantum deesse, ut citè fiat. Itaque ante omnia iis grata est celeritas.

## Parabola.

20. Vidi cunctos viventes, qui ambulant sub sole, cum adolescenti secundo, qui consurgit pro eo.

## Explicatio.

Notat *parabola* vanitatem hominum, qui se agglomerare solent ad *successores designatos principum*. Radix autem hujus rei est, *insania illa*, hominum animis penitus à naturâ insita; Nimirū ut spes suas nimiū adament. Vix enim reperitur, qui non delectatur magis iis, quæ sperat, quām iis, quæ fruitur. *Quinetiam novitas* humanæ naturæ grata est, & avidè expetitur. In *successore autem Principis* ista duo concurrunt; *Spes* & *Novitas*. Innuit autem *parabola* idem, quod olim dictum erat; primò à Pompeio ad Syllam; postea à Tiberio de Macrone; *Plures adorare solem orientem, quām occidentem*. Neque tamen imperantes, multūm hâc re commoventur, aut eam magni faciunt, sicut nec Sylla, nec Tiberius fecit, sed rident potius hominum levitatem, nec pugnant cum somniis: *Est autem (ut ajebat ille) spes vigilantis insomnium.*

## Parabola.

21. Erat *Civitas parva*, & pauci in eâ viri; Venit contra eam Rex magnus, & vadavit eam, instruxitque munitio[n]es per gyrum, & perfecta est ob[sta]cio; inventusque est in eâ

in eā vir pauper & sapiens, & liberavit eam per sapientiam suam; & nullus deinceps recordatus est, hominis illius pauperis.

## Explicatio.

Describit *parabola* ingenium hominum pravum & malevolum. Ii in rebus duris, & angustis, confugiunt se-rè ad viros prudentes, & strenuos, licet anteà contemptui habitos. Quamprimum autem tempestas transferit, ingrati demùm erga conservatores suos reperiuntur. Macciavellus verò, non sine causâ, instituit quæstionem; Vter ingratiōr esset erga benemeritos, Princeps, aut populus? Sed interūn utrunque ingratiudinis arguit. Attramen hoc, non solum ex ingratis-dine Princeps, aut populi oritur, sed accedit plerunque his, invidia procerum, qui secretò indolent eventui, licet felici & prospero, quia ab ipsis profectus non sit: Itaque & meritum hominis extenuant, & ipsum deprimunt.

## Parabola.

## 22. Iter pigrorum, quasi sep̄ spinarum.

## Explicatio.

Elegantissimè ostendit *parabola*, pigritiam in fine laboriosam esse. Diligentia enim, & sedula præpara-tio, id præstant, ut pes in aliquod offendiculum non impingat; sed ut complanetur via, antequam ineatur: At qui piger est, & omnia in extremum momen-tum executionis differt, necesse est, ut perpetuò, & singulis passibus, quasi per rubos & sentes incedat, qui eum subindè detineant, & impedian. Idem ob-servari possit etiam in familiâ regendâ; in quâ, si ad-hibeatur cura & providentia, omnia placidè, & veluti sponte procedunt, absque strepitu & tumultu: Sin hæc desint, ubi major aliquis motus intervenerit,

*De Augmentis Scientiarum,*  
omnia simul agenda turmatim occurunt; tumultu-  
antur servi; ædes personant.

Parabola.

23. *Qui cognoscit in judicio faciem, non bene facit; Iste,  
& pro buccella panis, deseret veritatem.*

Explicatio.

Prudentissimè notat Parabola, in *judice* magis per-  
niciosa esse, *facilitatem morum*, quam corruptelam  
*munerum*. *Munera enim*, haudquaquam ab omnibus  
deferuntur, at vix ulla est causa, in quâ non invenia-  
tur aliquid, quod flectat judicis animum, si *personas*  
*respiciat*. Alius enim respicietur, ut *popularis*; Alius,  
ut *maledicus*; Alius, ut *dives*; Alius, ut *gratus*; Alius,  
ut ab amico commendatus; Denique omnia plena  
sunt iniquitatis, ubi dominatur *respectus personarum*;  
& levi omnino de causâ, veluti pro *buccella panis*, *judi-*  
*cium* pervertetur.

Parabola.

24. *Vix pauper calumnians pauperes, similis est imbi-*  
*vehementi, in quo paratur famæ.*

Explicatio.

Parabola ista antiquitus expressa & depicta fuit, sub  
fabula Hirudinis utriusq; nimirum, plenæ, & vacuæ.  
*Pauperis enim & famelici oppressio*, longè gravior est,  
quam *oppressio*, per divitem & repletum; quippe quæ  
omnes exactiōnum technas, & omnes nutrīmorū  
angulos, perquirit. Solebat hoc ipsum etiam spongiis  
assimilari, quæ aridæ fortiter sugunt, madidæ, non  
item. Monitum autem utile continet, tum erga Prin-  
cipes, ne præfecturas provinciarum, aut Magistratus  
vitis indigentibus, & obæratis, committant, tum erga  
populos, ne Reges suos, cum nimiâ egestate con-  
flictari, permittant.

Para-

Parabola.

25. *Fans turbatus pede, & vena corrupta, est justus cādens coram impio.*

Explicatio.

Præcipit *parabola*, rebus pub. ante omnia cavendū esse, de iniquo & infami judicio, in causā aliquā celebri & gravi, præsertim ubi non absolvitur noxius, sed condemnatur in sons. Etenim injuriæ inter privatos grassantes, turbant quidem & polluunt *latices justitiae*, sed tanquam in *rivilis*: Verūm judicia iniqua, quālia diximus, à quibus exempla petuntur, fontes ipsos *justitiae* inficiunt, & inquinant. Postquam enim tribunal cesserit in partes *injustitiae*, status rerum vertitur, tanquam in latrocinium publicum: Fitque planè, ut *homo homini sit lupus*.

Parabola.

26. *Noli esse amicus homini iracundo, nec ambulare cum homine furioso.*

Explicatio.

Quantò Religiosius amicitiae jura inter bonos servanda, & colenda sunt, tantò magis cavendum est, ja usque à principio, de prudente amicorum delectu. Atq; amicorum natura & mores, quantum ad nos ipsos spectant, omnino ferendi sunt: Cùm verò necessitatem nobis imponunt, qualem erga alios personam induamus, & geramus, dura admodum, & iniqua, amicitiae conditio est. Itaque interest in primis, ut præcipit Salomon, ad vitæ pacem, & præsidia, ne res nostras, cum *hominibus iracundis*, & qui facile lites & iuria provocant, aut suscipiunt, commisceamus. Istud enim genus amicorum, perpetuo nos cōtentionibus, & factionibus implicabit: ut aut amicitiam abrumperet, aut incolumenti propriet deesse, cogamur.

Parabola.

27. *Qui celat delictum, querit amicitiam, sed qui altero sermone repetit, separat fœderatos.*

Explicatio.

Duplex, concordiam tractandi, & animos reconciliandi, via. Altera, quæ incipit ab *amnestiâ*; Altera, quæ à *repetitione injuriarum*, subjungendo *apologias*, & *excusationes*. Evidem memini sententiam viri admodum prudentis & politici, *Qui pacem tractat, non repetitis conditionibus dissidii, is magis animos, dulcedine concordia fallit, quam aequitate componit.* Verum Salomon, illo scilicet prudentior, in contrariâ opinione est; & *amnestiam probat, repetitionem prohibet.* Etenim in *repetitione hæc insunt mala*; tum quod ea, sit veluti *unguis in ulcere*; tum quod *periculum impendat à novâ altercatione*, (siquidem de injuriarum rationibus, inter partes nunquam conveniet;) tum denique quod *deducat rem ad apologias*; At utraque pars, malit videri, potius offensam remisisse, quam admisisse *excusationem*.

Parabola.

28. *In omni opere bono erit abundantia; ubi autem verba sunt plurima, ibi frequenter egestas.*

Explicatio.

Separat Salomon, hæc *parabolâ*, fructum *laboris linguae, & laboris manuum*; quasi ex altero proveniat *egestas*, ex altero *abundantia*. Etenim sit ferè *perpetuò*, ut quimulta effutiant, iactent multa, multa promittat, egeni sint; nec emolumentum capiant, ex illis rebus, de quibus loquuntur. Quinetiam, ut plurimum, industrii minimè sunt, aut impigri ad opera; sed tantummodo, sermonibus se, tanquam vento, pascunt & satiant. Sanè, ut poëta loquitur; *Quis filet, est firmus.*

*Is qui*

Is qui conscientius est, se in opere proficere, sibi plaudit,  
& tacet: Qui vero econtra conscientius est, auras se ina-  
nes captare, multa & mira apud alios praedicat.

Parabola.

29. *Melior est correptio manifesta, quam amor occul-  
tus.*

Explicatio.

Reprehendit parabola, molitatem amicorum, qui ami-  
citiae privilegio non utuntur, in admonendo liberè  
& audacter amicos, tam de erroribus, quam de peri-  
culis suis. *Quid enim faciam (solet hujusmodi mollis a-  
amicus dicere) aut quo me vertam? Amo illum, quantum  
quis, maxime; meque, si quid illi adversi contigerit, ipsius  
loco libenter substituerim: Sed novi ingenium ejus; si liberè  
cum eo egero, unum illius offendam, saltē contristabo:  
Neque tamen proficiam: Atque cito in eum ab amicitia meā  
alienabo, quam ab iis, quae in animo fixa habet, abducam.  
Hujusmodi amicum, tanquam eneruem, & inutilem,  
redarguit Salomon; atque plus utilitatis, ab inimico  
manifesto, quam ab ejus generis amico, sumi posse pro-  
nunciat. Siquidem ea fortasse audire ei contigerit ab  
inimico per contumeliam, quae amicus mussat præ ni-  
miā indulgentiā.*

Parabola.

30. *Prudens advertit ad gressus suos; Stultus divertit  
ad dolos.*

Explicatio.

Duae sunt prudentiae species, Altera vera & sana;  
Altera degener & falsa, quam Salomon stultiæ no-  
mine appellare non dubitat. Qui priori se dederit,  
viis & vestigiis propriis cavet, periculis prospiciens,  
meditans remedia: Proborum operâ utens, contra  
improbos seipsum muniens; cautus inceptu, receptu  
noni.

non imparatus; In occasiones attentus, contra impedimenta strenuus; cum innumeris aliis, quæ ad sui impius actiones & gressus regendos spectant. At altera species, tota est consulta, ex fallaciis & astutiis, spemque ponit omnino, in aliis circumveniendis, iisdemque ad libitum effingendis. Hanc meritò reicit *parabola*, nō tantùm ut improbam, sed etiam, ut *stultam*. Primò enim, minimè est ex iis rebus, quæ in nostra sunt potestate, nec etiam aliquā constanti regula nititur: Sed nova quotidiè comminiscenda sunt stratagemata, proutibus fatiscentibus, & obsoletis Secundò, qui vafti & subdoli hominis famam & opinionem semel incurrit, præcipuo se, ad res gerendas instrumento, prorsus privavit, hoc est, *fide*: Itaque omnia, parum votis suis consentientia, experietur. Postremò, artes istae, ut unq' pulchre videantur, & complaceant; attamen saepius frustrantur, quod bene notavit Tacitus: *Consilia callida & audacia, expectatione leta, tractatu dura, eventu tristia.*

### Parabola.

31. *Noli esse justus nimium, nec sapientior, quam oportet, cur abripiare subito?*

### Explicatio.

*Sunt tempora* (ut inquit Tacitus) *in quibus magnis virtutibus certissimum est exitium.* Atque hoc, viris virtute & justitiæ egregiis, aliquando subito, aliquando diù antè prævisum, contingit. *Quod si adjungatur etiam prudentia, hoc est, ut cauti sint, & ad propriam incolumentem evigilent, tum hoc lucrantur, ut ruina eorum subito obveniat, ex occultis omnino & obscuris cōsiliis, quibus & evitetur invidia, & perniciēs ipsos imparatos adoriantur.* Quod verò ad illud *Nimium, quod in Parabola ponitur* (quandoquidem non

hō Periandri alicujus , sed Salomonis verba sunt ista;  
Qui mala in hominum vitā sēpiūs notat , nunquam  
præcipit ) intelligendum est, non de virtute ipsā , (in  
quā Nimiūm non est,) sed de vanā ejus atque invidio-  
sā affectatione, & ostentatione. Simile quiddam in-  
nuit Tacitus de Lepido, Miraculi loco ponens, quod  
nunquam servilis alicujus sententiæ auctor fuisset,  
& tamen tam sēvis temporibus incolumis mansisset:  
*Sabit (inquit) cogitatio, utrum hæc fatore regantur, an et-  
iam sit in nostrā potestate, cursum quendam tenere, inter-  
deforme obsequium, & abruptam contumaciam, medium,*  
*periculo simul, & indignitate vacuum?*

Parabola.

32. *Da sapienti occasionem, & addetur ei sapientia.*

Explicatio.

Distinguit Parabola, inter Sapientiam illam, quæ in  
verum habitum increverit, & maturuerit , & illam,  
quæ natat tantūm in cerebro & conceptu, aut sermo-  
ne jactatur , sed radices altas non egerit. Siquidem,  
prior, oblata occasione,in qua exerceatur, illico exci-  
tatur, accingitur , dilatatur , adēd ut seipsa major vi-  
deatur : Posterior verò , quæ ante occasionem alacris  
erat, occasione data, fit attonita & confusa , ut etiam  
ipſi, qui ea se præditum arbitrabatur , in dubium vo-  
cetur: Annon præceptiones de ea fuorint insomnia  
mera, & speculations inanes?

Parabola.

33. *Qui laudat amicum voce altâ, sugendo manè, erit  
illi loco maledictiōnus.*

Explicatio.

*Laudes moderatæ , & tempestivæ , & per occasio-  
nem prolatæ, famæ hominum atque etiam fortunæ,  
plurimūm conferunt; At immoderatæ , & streperatæ,*  
& im-

& impottunè effusæ, nihil profunt; imo potius, ex sententia Parabolæ, impensè nocent. Primo enim, manifestò se produnt, aut ex nimia benevolentia oriundas. Aut ex composito affectatas, quò collaudatum potius falsis præconiis demereantur, quām veris attributis ornent. Secundò, laudes paræ & modestæ, invitant ferè præsentes, ut ipsis etiam aliqui adiiciant; Profusæ cōtrà & immodicæ, ut aliquid demant & detrahant. Tertiò, (quod caput rei est) conflatur illi invidia, qui nimium laudatur; cùm laudes omnes nimia, videantur spectare ad contumeliam aliorum, qui non minus merentur.

### *Parabola.*

34. *Quomodo in aquis resplendent facies: sic corda habminum manifesta sunt prudentibus.*

### *Explicatio.*

Distinguit *Parabola* inter mentes prudentium, & ceterorum hominum; Illas aquis, aut speculis comparans, quæ species & imagines rerum recipiunt; cùm alteræ similes sint terræ, aut lapidi impolito, in quibus nihil reflectitur. Atque eos magis aptè comparatur *animus hominis prudentis* ad speculum; qui in speculo, image propria spectari possit, unâ cum imaginibus aliorū: Id quod oculis ipsis, sive speculo non conceditur. Quod si *animus prudentis*, adeò capax sit, ut innumerā ingenia, & mores observare & internoscere possit; superest, ut detur opera, quò reddatur non minus varius applicatione, quām representatione;

*Qui sapit, innumeris moribus aptus erit.*

**A**Tque his *Salomonis Parabolis*, diutiùs fortassè immorati sumus, quām pro modo exempli; dignitate, & rei ipsius, & auctoris, longius provecti.

*Neque*

Neque tantum in usu erat apud Hebræos, sed ali-  
bi etiam, Priscorum sapientibus frequentissimum;  
ut si cuiuspiam observatio, in aliquid incidisset, quod  
vitæ communi conducibile fuisset, id redigeret &  
contraheret in brevem aliquam sententiam, vel Para-  
bolam, vel etiam Fabulam. Verum, quod ad fabulas  
(sicut alias dictum est) illæ exemplorum vicarii, &  
supplementa, olim extiterunt. Nunc quando tempo-  
ra historiarum copiâ abundant, ad animatum scopum  
rectius & alacrius collimatur. At modus scribendi,  
qui optimè convenit argumento tam vario & mul-  
tiplici (quale est tractatus de negotiis & occasionibus spar-  
sis) aptissimus ille esset, ~~quaerendis~~ ~~ad leggendas~~ ~~ad leggendas~~  
ad tractandas res Politicas; nimirum per observa-  
tiones, sive discursus (ut loquuntur) super historiam & ex-  
empla; Nam scientia, quæ recenter, & quasi in con-  
spectu nostro, ex particularibus elicetur, viam opti-  
mè novit, particularia denud repetendi: Atque certè  
ad Practicam longè conduit magis, cum discursus  
sive disceptatio, sub exemplo militat, quam cum ex-  
emplum disceptationi subjungitur. Neque enim hic  
ordo tantum spectatur, sed res ipsa. Cum enim exem-  
plum statuitur tanquam disceptationis basis, univer-  
so cum circumstantiarum apparatu proponi solet;  
quæ discursum interdum corrigant, interdum sup-  
pleant; unde sit loco exemplaris ad imitationem, &  
practicam. Ubi econtrà, exempla in gratiam disce-  
ptationis adducta, succinctè, & nudè citantur, & tan-  
quam mancipia nutus tantum disceptationis obser-  
vant.

Hoc verò discriminis, operæ pretium fuerit ob-  
servasse; quod si eut *historia temporum*, optimam præ-  
bent materiam, ad *discurſus super Politici*, quales sunt  
illæ

illi Macciavelli, ita *historia & vitarum* optimè adhibentur ad *documenta de negotiis*; Quoniam omnem occasionum & negotiorum, tam grandium quam leviorum, varietatem complectuntur. Imò reperire est basin, ad *præceptiones de negotiis*, utrāque illā *historiā*, adhuc commodiorem: Ea est, ut discursus fiant super *epistolās*, sed prudentiores, & magis serias; quales sunt illae Ciceronis ad Atticum, & aliae. Siquidem *epistolāe* magis in proximo, & ad vivum, negotia solent representare, quam vel *Annales*, vel *vita*: Quarejam, & de materia, & de formā, portionis primae, *doctrinæ de negotiis*, quæ tractat *occasions sparsas*, diximus; eamque inter desiderata numeramus.

Est & alia portio ejusdem *doctrinæ*, quæ tantum differt ab illā alterā, de quā diximus, quantum *sapere*, & *sibi sapere*. Altera enim movere videtur, tanquam à centro ad circumferentiam; Altera, tanquam à circumferentiā ad centrum. Est enim *prudentia* quedam *consilii aliis impertiendi*; est verò & alia *suis rebus prospiciendi*: Atq; hæ nonnunquam conjunguntur, sæpius separantur. Multi siquidem, in suis ipsorum rationibus instituendis prudentissimi sunt; qui tamen in rebus pub. administrandis, aut etiam consiliis dandis, nihil valent: Formicæ similes, quæ creatura sapiens est ad sese tuendum, sed horto planè noxia. Hæc virtus *sibi sapiendi*, Romanis ipsis, licet patriæ optimis curatoribus, non ignota fuit: unde Comicus, *Nam pol sapiens singit fortunam sibi*. Quin & in Adagium apud ipsos versum est, *faber quisque fortunæ propria*. Et Livius hanc ipsam Catoni Majori tribuit: *In hoc viro, tanta vis animi, & ingenii inerat, ut quocunque loco natus esset, sibi ipse fortunam facturus videretur*.

Hoc genus *prudentia*, si quis ipsum profiteatur, &

*palam*

Hoc genus prudentiae, si quis ipsum profiteatur, & palam venditet, semper habitum est, non modò non Politicum, verum etiam infaustum quiddam, & inauspicatum: Sicut in Timotheo Atheniensi observatum est: Qui, postquam præclara multa facinora, in decus & commodum civitatis suæ, edidisset, atq; Administrationis suæ ( sicut tūm moris erat ) populo rationem redderet; singula conclusit hāc clausulā;  
*Atque in hac re fortunæ partes fuerunt nulla.* Contigit verò, ut post id temporis, nunquam ei quicquam feliciter cesserit. Sanè nimis elatum hoc, & altum sapiens, Eodem spectans, quò Ezechielis illud de Pharaone; *Dicis, fluvius est meus, & ego feci memet ipsum.* Aut illud Habacuc Prophetæ; *Exultant, & sacrificant reti suo.* Aut illud etiam Poëtæ, de contemptore Deum Mezentio:

*Dextra mihi Deus, & telum, quod missile libro,  
 Nunc adsint.* - - - -

Denique, Julius Cæsar, nunquam ( quod memini ) impotentiam cogitationum suarum arcanarum prodidit, nisi simili dicto: Cùm enim Aruspex ei referret, exta reperta fuisse non bona, admurmuravit submissè: Erunt lætiora cùm volo. Quod etiam dictum, mortis suæ infortunium, non diù præcessit. Verum excessus iste fiduciæ ( ut diximus ) res ut profana, ita semper infelix. Quapropter, Viris magnis, & verè sapientibus, visum, successus cuoslibet, felicitati suæ, non virtuti, aut industriæ, tribuere: Nam & Sylla, felicem se, non *Magnum* cognominavit; & Cæsar, ( melius quam suprà,) ad navis gubernatorem; *Cæsarem vehis,* & *Fortunam ejus.*

Attamen istæ sententiae; *Faber quisque fortunæ suæ;* *Sapiens dominabitur astris:* *In via virtuti nulla est via, ac*

D d simi-

similes, si intelligantur & adhibeantur, potius pro calcaribus ad industriam, quam pro stapedibus ad insolentiam: magisque ut prognant in hominibus decretorum constantiam & robur, quam arrogatiā & jactantiam, tanquam sanæ & salutares meritò habitæ sunt, ac procul dubio in pectoribus hominum magnanimorū sedem nonnullam occuparunt: eousque ut cogitationes tales quandoque ægrè dissimulent. Videamus enim Augustum Cæsarem (qui cum Avunculo suo comparatus, potius ab illo diversus quam inferior fuit, sed Vir certè paulò moderatior) sub finem vitæ, petiisse ab amicis, qui lectum ejus circumstabant, ut postquam expirasset, sibi Plauderent, quasi conscius sibi fuisset, minimum vitæ à se commode transactum. Hæc quoque doctrinæ portio inter desiderata numeranda est: Non quin in praxi, etiam nimio plus quam oportet, usurpata sit & frequenta: Verum quod libri de illa silent. Quamobrem ex more nostro, sicut in priore, nonnulla ejus capita recensebimus: Eamq, fabrum fortunæ, sive (ut diximus) doctrinam de ambitu vitæ nominabimus.

Ac primo quidem intuitu, novum quoddam, & insolitum argumentum tractare videbor: Docendo homines, quomodo fortune sue fabri fieri possint: Doctrinam certè, cui quivis libenter se discipulum addixerit, donec difficultatem ejusdem habuerit perspectam. Non enim leviora sunt, aut pauciora, aut minus ardua, quæ ad fortunam comparandam requiruntur, quam quæ ad virtutem: Resque est, & que difficilis ac severa, fieri verè Politicum, ac verè Moralem. At hujus doctrinæ retractatio; plurimum ad literarū, tūm decus, tūm pondus, pertinet. Interest enim in primis honoris literarū, ut homines isti pragmatici sciāt,

erudi-

eruditionem haudquaquam aviculæ, qualis est alauda, similem esse, quæ in sublime ferri, & cantillando se oblectare soleat; at nihil aliud: Quinimò ex accipitris potius genere elle, & qui in alto volare, ac subinde, cum visum fuerit, descendere, & prædam rapere novit. Deinde, & ad perfectionem literarum hoc ipsum spectat, quia legitimæ inquisitionis vera norma est, ut nihil inveniatur in globo materiae, quod non habeat parallelum, in globo crystallino sive intellectu. Hoc est, ut nihil veniat in Practicam, cuius non sit etiam Doctrina aliqua & Theoria. Neque tamen literæ, hanc ipsam fortunæ architecturam, aliter admirantur, aut aestimant, quam ut opus quoddam inferioris generis. Nemini enim, fortuna propria, pro dono esse sui, à Deo concessio, ullo modo digna retributio esse possit. Quin & non raro fit, ut viri virtutibus egregii, fortunæ suæ sponte renuncient, ut rebus sublimioribus vacent. Digna tamen est fortuna, quatenus virtutis ac benemerendi organum est, suâ quoque speculacione, & doctrinâ.

Ad hanc doctrinam pertinent præcepta, nonnulla summaria; nonnulla sparsa & varia. Præcepta summaria versantur, circa veram notitiam, & aliorum, & sui. Primum igitur præceptum (in quo cardo notitiae aliorum, vertitur) illud constituatur, ut procuremus nobis (quantum fieri possit) fenestram illam, quam olim requisivit Momus. Ille, cum in humani cordis fabricâ, tot angulos & recessus conspicatus esset, id reprehendit, quod defuisset *fenestra*, per quam in obscuros illos & tortuosos anfractus inspicere quis possit. Hanc autem *fenestram* obtinebimus, si omni sedulitate nobis informationem cōparemus, & procuremus de personis, quibuscum intercedunt negotia,

particularibus; Earumque ingeniosis, cupiditatibus, finibus moribus, auxiliis & adminiculis, quibus præcipue sufficiuntur & valent; Et rursus, defectibus & imbecillitatibus, quaque ex parte maximè pateat & obnoxii sunt; Amicis, factionibus, Patronis, clientelis; Rursusque inimicis, invidis, competitoribus; Etiam temporibus & aditibus:

( *Sola viri molles aditus, & tempora nōris;* )

Denique institutis, & normis, quas sibi præscripserunt, & similibus. Quinetiam, non solum informatio capienda est, de *personis*, sed insuper de *actionibus* particularibus, quæ de tempore in tempus in motu sunt, & tanquam sub incude; Quomodo regantur & succedant, quorum studiis foveantur, à quibus oppugnantur, cujusque sunt ponderis & momenti, & quid secum trahant, & hujusmodi. Etenim *actiones* præsentes nosse, & in se plurimum prodest, & illud insuper habet, quod absque hoc, etiam personarum notitia valde futura sit fallax & erronea. Mutantur enim homines simul cum actionibus: & alii sunt, dum actionibus ipsis implicentur & obsideantur: Alii, postquam redierint ad ingenium. Atque hæ de rebus particularibus informationes, quæ tam ad *personas*, quam ad *actiones* spectant, sunt tanquam propositiones minores in omni activo Syllogismo. Nulla enim observationum, aut axiomatum ( unde conficiuntur majores propositiones politicæ ) veritas, aut excellentia, ad conclusionis firmamentum sufficere possit, si in minore propositione fuerit erratum. Quod vero hujusmodi *notitia* comparari possit, fiducior nobis est Salomon, qui ait; *Consilium in corde viri, tanquam aqua profunda, sed vir prudens exhauriet illud.* Quamvis autem ipsa *notitia* non cadat sub præceptum,

ceptum, quoniam individuorum est; attamen man-  
data de eadem eliciendâ utiliter dari possunt.

*Notitia hominum* sex modis elici, & hauriri potest:  
per *vultus* & *ora* ipsorum, per *verba*, per *facta*, per *in-*  
*genia sua*; Per *sines* suos, Denique per *relationes* alio-  
rum. Quantum ad *vultus* attinet, minimè nos moveat  
vetus adagiu, *fronti nulla fides*: Licet enim hoc ipsum  
non perperam dictum sit, de *vultus*, & *gestus* composi-  
tione externâ & generali; Attamen subsunt subtilli-  
ores quidam motus, & labores oculorum, *oris*, *vultus*,  
& *gestus*: Ex quibus reseratur, & patet (ut eleganter  
ait Q. Cicero) veluti *lana* quædam *animi*. Quis Ti-  
berio Cæsare occultior? At Tacitus notans chara-  
cterem & modum loquendi diversum, quo usus est  
Tiberius, in laudando, apud Senatum, R̄es à Germa-  
nico, & à Druso, gestas, de laudibus Germanicis sic;  
Magis in speciem adornatis verbis, quam ut penitus sentire  
videretur. De laudibus Drusi sic; Paucioribus, sed inten-  
tior, & fida oratione. Iterum Tacitus, eundem Tibe-  
rium, alijs etiam ut nonnihil pellucidum, notans:  
*In alijs* (inquit) *erat veluti eluctantium verborum: solu-*  
*tius vero loquebatur, quando subveniret*. Sanè difficile  
reperiatur simulationis artifex aliquis, tam peritus  
& egregius: aut *vultus* aliquis ita coactus, &c, ut ille  
loquitur, *lussus*: qui à sermone artificiose & simula-  
torio possit istas notas sejungere, quin aut sermo sit  
solito solutior: Aut *comptior*: Aut magis *vagus* & *ober-*  
*rans*: Aut magis *aridus* & quasi *eluctans*.

Ad *verbū hominum* quod attinet, sunt quidem illa  
(ut de Urinis loquuntur Medici) merecricia. Sed isti  
merecricū suci optimè deprehenduntur duobus mo-  
dis: Cùm scilicet proferuntur *verba*, aut *ex improviso*:  
Aut in *perturbatione*. Sic Tiberius, cùm ex Agrippi-

næ verbis aculeatis, subitò commotus esset, & non nihil abreptus, extra innatæ simulationis terminos pedem protulit; *Audita hæc* ( inquit Tacitus ) raram occulti pectoris vocem eliciere, correptamque, Græco versu, admonuit, Ideò lædi, quia non regnaret. Quare Poëta perturbationes hujusmodi, non inscitè appellat *torturas* quod ab iis secreta sua prodere homines compellantur;

- - - - - *Vino tortus & irâ.*

Ipsa sanè testatur experientia, paucos admodum reperiri, qui erga arcana sua tam fidi sint, animumque gerant adeò obfirmatum; quin interdum ex iracundiâ; interdum ex jactantia; interdum ex intimâ erga amicum benevolentâ, interdum ex animi imbecillitate, qui se mole cogitationum onerari amplius non sustineat; interdum denique ex alio quopiam affectu; intimas animi cogitationes, revelent & communicent. Açante omnia sinus animi excutit, si simulatio simulationem impulerit; juxta Adagium illud Hispanorum; *Dic mendacum, & erues veritatem.*

Quin & factis ipsis, licet humani animi pignora sint certissima, non prorsùs tamen fidendum, nisi diligenter ac attentè pensitatis priùs, illorum & magnitudine, & proprietate. Illud enim verissimum; *François sibi in parvis fidem praestruit, ut majore emolumento fallat.* Italus verò seipsum, *In ipso stare lapide putat, ubi prece prodicat,* si melius solito tractetur, absque causâ manifestâ. Etenim, officia ista minora, homines redundunt oscitantes, & quasi consopitos, tam ad cautio nem, quam ad industriam: Atque rectè à Demosthenè appellantur, *alimenta societatis.* Porro proprietatem & naturam, nonnullorum factorum, etiam quæ beneficiorum

fiorum loco habentur, subdolam & ambiguam, luculentem cernere licet ex eo, quod Antonio Primo imposuit Mutianus: Qui post redditum cum eo in gratiam, sed fide pessimam, plurimos ex Antonii Amicis, ad dignitates evexit; simul amicis ejus praefecturas & tribunatus largitur. Hoc autem astu, Antonium non munivit, sed exarmavit penitus & desolavit, amicitias ejus ad se transferendo.

Certissima autem clavis, ad animos hominum referandos, vertitur, in rimandis & pernoscendis, vel ingenii & natura ipsorum; vel finibus & intentionibus. Atque imbecilliores certe & simpliciores, ex ingenio; Prudentiores autem, & tectiores, ex finibus suis optimè judicantur. Certe prudenter & facetè, (licet meo iudicio minus verè) dictum fuit à nuntio quopia Pontificis, sub reditu ejus à Legatione apud Nationem quandam, ubi tanquam Ordinarius resedebat Interrogatus, de delectu Successoris sui, consiliū dedit; Ut nullo modo mitteretur alquis, qui eximie Prudēs esset, sed potius mediocriter tantum, quoniam (inquit) ex prudentioribus nemo facile coniiciet, quid verisimile foret illius gentis homines facturos. Sanè, non raro intervenit ille error, & maximè familiaris est Viris Prudētibus, ut ex modulo ingenii proprii, alios metiātur, ac proinde ultra scopum sèpius jaculentur, supponendo quod homines majora quædam meditentur, & sibi destinent, & subtilioribus technis utantur, quā quæ illorum animos unquam subierint. Quod etiam eleganter innuit Adagium Italicum, quo notatur; Nummorum, prudentiae, fidei, semper minores inveniri rationes, quam quis putaret. Quare in levioris ingenii hominibus, quia multa absurdâ faciunt, capienda est conjectura, potius ex propensionibus ingeniorum, quam ex

destinationibus finium. Porrò, *Principes* quoque (sed longè aliam ob causam) ab *ingeniis* optimè judicantur: *Privati* autem ex finibus. *Principes* enim fastigium adepti humanorum desideriorum, nulos ferè sibi propositos fines habent, ad quos præsertim vehementer & constanter, aspirant: ex quorum finium situ & distantia, reliquarum suarum actionum, possit excipi & confici. *Directio* & *Scala*: Id quod inter alia, causa est vel præcipua, ut *corda eorum* (quod *Scriptura* pronunciat) sint inscrutabilia. At *privatorum* nullus est, qui non sit planè veluti viator, & proficiscatur intente ad aliquam itineris metam, ubi consistat, undē nō malè divinare quis poterit, quid facturus sit, aut non facturus. Si enim in ordine sit quidpiam ad finem suum, probabile est facturum: Sin sit in contrarium finis, minimè. Neque de finium, aut *ingeniorum*, in hominibus diversitate, informatio capienda est simpliciter tantum, sed & comparatè: Quid scilicet prædominetur, & reliqua in ordinem cogat? Sic, ut videamus, *Tigellinus*, cùm se *Petronio Turpiliano* inferorem sentiret, in voluptatibus *Neroni* ministrandis & prægustandis, *Metus* (ut ait *Tacitus*) *Neronis rimatus* est, & hoc pacto *Æmulum* evertit.

Ad notitiam quod attinet, de hominum animis, secundariam; nimirūm, quæ ab aliorum relatione desumitur, breviter dicere sufficiet. Defectus & vitia diceris optimè ab inimicis: Virtutes & facultates ab amicis: Mores & tempora à famulis: Opiniones & meditationes ab intimis familiaribus, cum quibus frequentius colloquia miscent. Fama popularis levis est, & superiorum judicia minus certa: Etenim coram illis testiores incedunt homines. Verior fama èdiles emanat.

Verum ad *inquisitionem* istam universam, via maxime compendiaria, in tribus consistit. Primum, ut amicitias multas comparemus, cum ejusmodi hominibus, qui multiplicem & variam habent, tam rerum, quam personarum, notitiam: In primis vero emendum, ut saltē singulos habeamus praestō, qui pro negotiorum atque hominum diversitate, nos de unaquaque recertiores facere, & solidè informare possint. Secundō, ut prudens temperamentum, & mediocritatem quandam persequamur, & in libertate sermonis, & in taciturnitate: Frequentius libertatem usurpantes: at, cum res postulat, silentium. Libertas siquidem in sermone, etiam alios invitat & provocat, ut pari libertate erga nos utantur: Et sic multa deducit ad notitiam nostram: At taciturnitas fidem conciliat, efficitque, ut ament homines secreta sua apud nos, tanquam in sinu, deponere. Tertiō, is nobis paulatim acquirendus est *habitus*, ut vigilante & praesente animo, in omnibus colloquiis & actionibus, simul, & rem, quae instat geramus, & alia, quae incident, observemus. Nam sicut Epictetus precipit, ut *Philosophus*, in singulis suis actionibus, ita secum loquatur: *Et hoc volo, & etiam institutum servare;* Sic *Politicus* in singulis negotiis, ita secum statuat; *Et hoc volo, atque etiam aliquid, quod in futurum usui esse posset, addicere.* Itaque, qui eo sunt ingenio, ut nimium hoc agant, & toti sint in praesente negotio, quod in manibus habent, de iis autem, quae interveniunt, nec cogitant quidem (Id quod in se agnoscit Montaneus,) Illi certe Ministri Regum, aut Rerum publ. sunt vel optimi, sed ad proprias fortunas claudicant. Interim, cautio ante omnia adhibenda, ut *impetum animi, & alacritatem* nimiam cohabeamus, ne multa sciendo, ad nos multis immiscendum,

feramur. Infelix enim quiddam est, & temerarium, *Polypragmosyne*. Itaque ista quam comparandam præcipimus, *notitia rerum & personarum* varietas, huc tandem redit, ut & *rerum*, quas suscipimus, & *hominum*, quorum operâ utimur, magis cum judicio delectum faciamus, unde cuncta, & magis dextrè, & magis tutò, disponere & administrare sciamus.

*Notitiam aliorum* sequitur *notitia sui*. Etenim non minor diligentia adhibenda est, sed major potius, ut nos de nobis ipsis, quam dealiis, verè & accurate informemus. Quippe cùm oraculum illud, *Nosce te ipsum*, non tantum sit canon prudentiæ universalis, sed & in *Politiciis*, præcipuum locum habeat. Optimè enim homines monet S. Jacobus: *Eum, qui vultum in speculum consideravit, oblivisci tamen illico, qualis fuerit:* Ut omnino frequenti inspectione sit opus. Idque tenet etiam in *Politiciis*: Sed *specula* scilicet sunt diversa; Nam *speculum Divinum*, in quo nos contueri debemus, est verbum Dei: *speculum autem Politicum*, non aliud est, quam Status Rerum, & Temporum, in quibus vivimus.

Examen igitur accuratum, nec quale esse solet, Sui nimirum Amantis, instituendum est *homini*, de propriis facultatibus, virtutibus & *adminiculis*, necnon de defectibus, inhabilitatibus, & *obstaculis*: Ita rationem subducendo, ut hæc perpetuò in majus: Illa autem, minoris potius, quam reverè sunt, æstimentur. Ex hujusmodi autem examine, in *considerationem* veniat, quæ sequuntur.

Prima *consideratio* sit, quomodo alicui homini, moribusque & naturæ suæ, cum temporibus conveniat; quæ si inventa fuerint congrua, omnibus in rebus, magis liberè & solutè agere, & suo ingenio utiliceat:

sin sit aliqua antipathia, tum demum in universo vi-  
tæ cursu, magis cautè & tectè est incedendum: mi-  
nusque in publico versandum. Sic Tiberius fecit, qui  
morum suorum sibi conscius, cum sæculo suo, non  
optime convenientium, ludos publicos nunquam  
spectavit: Quinetiam per duodecim continuos an-  
nos postremos, nunquam in Senatum venit: ubi con-  
tra, Augustus perpetuò in oculis hominū vixit: quod  
& Tacitus observat: *Alia Tiberio morum via. Eadem &*  
*Periclis ratio fuit.*

Secunda sit *consideratio*, quomodo alicui conve-  
niat, cum *professionibus & generibus vitæ*, quæ in usu &  
pretio sunt, quorumque sibi delectus sit faciens: ut  
si jam decretum non sit de genere vitæ, maximè aptū,  
& ingenio suo congruum sumat; si jam pridem id  
genus vitæ, ad quod minùs à naturâ factus est, fuerit  
ingressus, sub primâ occasione se subducat, & novam  
conditionem arripiat. Id quod à Valentino Borgiâ  
videmus factum, ad vitam sacerdotalem à patre in-  
nutrito, quam tamen postea ejuravit, suo obsecutus  
ingenio, & vitæ militari se applicuit: Quanquā Prin-  
cipatu & que ac Sacerdotio indignus, cùm utrumque  
homo pestilens de honestaverit.

Tertia sit *consideratio*, quomodo se habeat quis,  
*comparatus ad æquales & emulos suos*, quos verisimile  
sit eum habiturum in fortunâ suâ competitores: eū-  
que vitæ cursum teneat, in quo maxima inveniatur  
virorum egregiorum solitudo; atque in quo probabi-  
le sit, seipsum, inter cæteros, maximè possere enitere. Id  
quod à C. Cæsare factum est: qui ab initio Orator  
fuit, & causas egit: & in Togâ potissimum versaba-  
tur: Cum vero vidisset, Ciceronem, Hortensem, Catu-  
lum, eloquentiæ gloriâ excellere: Rebus vero Bellicis  
clarum

clarum admodum neminem, præter Pompeium; de-  
stitutus ab incepto, & Potentia illi Civili, multum va-  
ledicere jubens, transtulit se ad artes militares, &  
Imperatorias: Ex quibus summum rerum fastigium  
conscendit.

*Quarta sit consideratio*, ut naturæ suæ, & ingenii  
rationem habeat quis, in *diligendis amicis*, ac *necessariis*: Siquidem diversis diversum genus *amicorum*  
convenit; Aliis solenne, & taciturnum; Aliis audax,  
& jaetabundum; & complura id genus. Certè nota-  
tu dignum est, quales fuerint *amici* Julii Cæsaris (An-  
tonius, Hirtius, Pansa, Oppius, Balbus, Dolabella,  
Pollio, reliqui;) Illi scilicet jurare solebant: *Ita viven-*  
*te Cæsare moriar;* Infinitum studium erga Cæsarem  
præseferentes; Erga omnes alios arrogantes & con-  
temptores: Fueruntque homines, in negotiis geren-  
dis, impigri, famâ, & existimatione, mediocres.

*Quinta sit consideratio*, ut caveat quis sibi *ab exem-*  
*plis*: neque ad *imitationem* *aliorum* se ineptè compo-  
nat: quasi quod aliis fuerit pervium, etiam sibi pate-  
re necesse sit: neutquam secum reputans, quantum  
fortassè interfuerit, inter suum, & illorum, quos ad  
exemplum sibi delegit, ingenium & mores. In quem  
errorem manifestò incidit Pompejus, qui, ut Cicero,  
scriptum reliquit, toties solitus erat dicere: *Sylla po-*  
*tuit, ego non potero?* Quā in re, vehementer sibi im-  
posuit, cùm ingenium, & rationes agendi Syllæ, à  
Suis, *toro cælo* (ut ajunt) *distarent*: Cum alter ferox es-  
set, violentus, quique factum in omnibus urgeret:  
Alter gravis, legum memor, omniaque ad Majesta-  
tem & famam componens, unde longè minùs erat,  
ad perficienda quæ cogitārat, efficax & validus. Sunt  
& aliæ

& aliæ hujus generis præceptiones: verum hæ ad exemplum reliquarum sufficient.

Neque vero, *Nosse seipsum*, homini sufficit, sed in eunda etiam est ratio secum, quomodo se ostendare, declarare, denique ostendere se & effingere, commodè & prudenter, possit. Ad ostendandum se quod attinet, nihil videmus usū venire frequentius, quam ut qui virtutis habitu sit inferior, specie virtutis externā sit potior. Non parva igitur est prudentiæ prærogativa, si quis arte quādam, & decorè, specimen sui apud alios exhibere possit: *Virtutes suas, merita, atque fortunam* etiam, (quod sine arrogantiā, aut fastidio fieri possit) *commodè ostendendo;* Contrà, *vitia, defectus, infornia &c dedecora,* artificiosè occultando; Illis immorās, easque veluti ad lumen obvertens: His subterfugia quærrens, aut aptè ea interpretando eluens; & similia. Itaque, de Mutiano, viro sui temporis prudentissimo, & ad res gerendas impigerimo, Tacitus; *Omnium, quædixerat, feceratque, arte quādam Ostentator.* Indiget certè res hæc arte nonnulla, ne tedium, & contemptum pariat: Ita tamen, ut ostentatio quæpiam, licet usque ad vanitatis primum gradum, vitium sit potius in *Ethicis*, quam in *Politice*. Sicut enim dici solet de calumniā: *Audacter calumniare, semper aliquid hæret:* Sic dici possit de jactantiā, (nisi planè deformis fuerit & ridicula,) *Audacter te vendita, semper aliquid hæret.* Hærebit certè apud populum, licet prudentiores subrideant. Itaque existimatio parta apud plurimos, paucorum fastidium abundè cōpensabit. Quod si ista, de quā loquimur, sui ostentatio decenter, & cum judicio, regatur; Exempli gratiā; Si nativum quendam pectoris candorem, & ingenuitatem præ se ferat; Aut si illis temporibus adhibeatur, vel cum pericula.

ricula circunstent (ut apud viros militares in bellis:) vel cum alii invidiâ flagrent: Aut si verba, quæ ad laudes proprias pertinent, tanquam aliud agenti, excidisse videantur, minimeque vel seriò, vel prolixè nimis, iis insistatur: Aut si ita quis se laudibus honestet, ut simul etiam censuris & jocis erga se non abstineat: Aut si denique hoc facit, non sponte, sed tanquam lassitus, & aliorum insolentiis & contumeliis provocatus: non parvum certè hæc res existimationi hominis cùmulum adiicit. Neque sanè exiguis est eorum numerus, qui, cum natura sint magis solidi, & minimè ventosi, atque propterea hæc arte, honori suo velificandi, careant: Moderationis suæ, nonnullæ cum dignitatis jacturæ, dant pœnas.

Verum hujusmodi ostentationem virtutis, ut cunquequis infirmiore judicio, & nimium fortasse *Ethicus*, improbaverit: illud nemo negârit, dandam saltem esse operam, ut virtus per incuriâ, justo suo pretio non fraudetur, & minoris, quam reverâ est, aestimetur. Hæc verò, in virtute aestimandâ, pretii diminutio, tribusmodis solet contingere: Primo, quandò quis, in rebus gerendis, se, & operam suam, offert & obtrudit, non vocatus, aut accessitus: Hujusmodi enim officiis, remunerationis loco esse solet, si non repudientur. Secundo, quandò quis in principio rei gerendæ, viribus suis nimium abutitur; & quod sensim erat præstandum, uno impetu effundit; Id quod rebus bene administratis, præproperam conciliat gratiam, in fine autem satietatem inducit. Tertio, quandò quis virtutis suæ fructum, in laudibus, plausu, honore, gratiâ, sibi præbitis, nimis citò, & leviter sentit, atque in iis sibi complacet, de quo prudens habetur

betur monitum: *Cave ne insuetis rebus majoribus vi-  
dearis, si haec te res parva sicuti magna, delectat.*

*Defectum enim verò sedula occultatio , minoris  
haudquam momenti est , quam virtutum prudēs,  
& artificiosa ostentatio . Defectus autem occultantur,  
& latent maximè tripli quādam industriā , & quasi  
tribus latebris : Cautione, prætextu, & confidentia . Cau-  
tionem dicimus , quandō iis rebus prudenter abstine-  
mus, quibus pares non sumus: Ubi contra , ingenia  
audacula, & inquieta, se facilē ingerunt, sine judicio,  
rebus, quibus non infueverunt ; & proinde defectus  
suos proprios publicant, & quasi proclaimant. Præ-  
textum dicimus, cūm sagaciter , & prudenter , viam  
nobis sternimus & munimus , quā benigna & com-  
moda, de virtutis , & defectibus nostris, fiat interpretatio;  
quasi aliunde provenientibus, aut aliò tendentibus,  
quam vulgo existimat. Etenim , de latebris vicio-  
rum non malè Poëta :*

*Sapè latet vitium proximitate boni.*

Quare, si quem *defectum* , in nobis ipsis perceperimus, opera danda , ut personam & prætextum , vir-  
tutis finitima mutuemur, sub cuius umbrā lateat. Ver-  
bi gratiā, tardo gravitas prætexenda , ignavolenitas , &  
sic de cæteris. Illud etiam utile, probabilem aliquam  
causam obtendere, & in vulgus spargere , qua addu-  
cti , ultimas vires nostras , promere refugiamus ; ut  
quod non possumus, nolle videamur. Quod ad confiden-  
tiā attinet, impudens certè est remedium, sed tamē  
certissimum atque efficacissimum : Nempe, ut quis  
ea omnino contempnere, & vilipendere se profitea-  
tur, quæ reverà aīlēqui non possit : Mercatorum pru-  
dentium more, quibus solenne est , & proprium , ut  
pretium mercium suarum attollant , aliorum depri-  
mant

mant. Est tamen & aliud *confidentiae* Genus, hoc ipso impudentius; Nimirum, perficta fronte, *defectus* suos etiam opinioni obtrudere, & venditare, quasi in iis, quibus maximè destituitur, se eminere credat: Atque ut hoc facilius cæteris imponat, se in iis rebus, quibus revera plurimum pollet, fingat diffidentem: Quemadmodum fieri videmus in Poëtis: Poëta enim carmina sua recitante, si unum aliquem versiculum, non admodum dixeris probandum, audias illicet: Atque hic versus, pluris mihi constitit, quam reliquorum plurimi. Tum verò alium quicquam versum adducet, quasi sibi suspectum, & de eo, quid putas, sciscitabitur, quem satis nōrit, inter plurimos esse optimum, & censuræ minimè obnoxium. Ante omnia verò, ad hoc, quod nunc agitur, ut scilicet, specimen sui quis edat coram aliis illustre, & jus suum in omnibus retineat, nil magis interesse judico, quam ne quis per nimiam suam naturæ bonitatem, & suavitatem, se exarmet, & injuriis & contumeliis exponat: Quin potius in omnibus, aliquos animi liberi, & generosi, & non aculei minus, quam mellis, intra se gestantis, igniculos, subinde emitat. Quæ quidem munita vita ratio, una cum prompto & parato, ad se à contumeliis vindicandum, animo, aliquibus ex accidente imponitur, & necessitate quadam inevitabili, propter aliquid infixum, in persona, aut fortuna sua: veluti fit, in desornibus, & spuriis, & ignominia aliquā multatus. unde hujusmodi homines, si virtus non desit, felices plerunque evadunt.

Quod vero, ad se declarandum attinet; Id alia res omnino est, ab ostentatione sui, de qua diximus. Neque enim ad virtutes, aut *defectus* hominum, refertur: sed ad actiones vitæ particulares. Quia in parte, nihil invenitur

venitur magis Politicum, quām ut Mediocritas quē-  
dam servetur, prudens & sana, in sensa animi, circa a-  
ctiones particulares, aperiendo, aut recondendo. Li-  
cet enim, profunda taciturnitas, & consiliorum oc-  
cultatio, & is rerum gerendarum modus, qui omnia  
cœcis, & (ut modernæ lingue potius loquuntur) sur-  
dis artibus, & mediis, operatur, res sit & utilis, & mi-  
rabilis: tamen non raro evenit, ut (quod dicitur) Dis-  
simulatio errores parat, qui dissimulatorem ipsum illaqueant.  
Nam videmus viros politicos, maximè omnium in-  
signes, liberè & indissimulantèr, fines quos peterèt,  
palam proferre non dubitasse. Sic L. Sylla manifestò  
præ se tulit, se, omnes mortales, vel felices, vel infelices fieri  
cupere, prout sibi essent, vel amici, vel inimici. Sic Cæsar, cùm  
primùm profectus est in Gallias, nil veritus est pro-  
fiteri: se malle primum esse in ullâ obscurâ, quām secundū Ro-  
ma. Idem Cæsar, cæpto jam bello, dissimulatore minime egit, si audiamus quid Cicero de illo prædicet.  
Alter (Cæsarem innuens) non recusat, sed quodammodo  
postulat, ut (ut est,) sic appelletur Tyrannus. Similitèr vide-  
mus, in Epistolâ quādam Ciceronis ad Atticum, quā  
minimè fuerit Augustus Cæsar dissimulator, qui in  
ipso ingressu ad res gerendas, cùm adhuc Senatui es-  
set in deliciis, solitus tamen erat, in concionib. apud  
populum, jurare, illâ Formulâ: *Ita parentis honores con-  
sequi liceat.* Illud autem, nō minus quiddam erat, quā  
ipia Tyrannis. Verum est, ad invidiam paululùm le-  
niendam, solitum eum simul, ad statuam Julii Cæsa-  
ris, quæ in Rostris posita erat, manum protende-  
re. Homines autem ridebant, & plaudebant, & ad-  
mirabantur, & inter se ita loquebantur: *Quid hoc est?  
Qualis Adolescens?* Sed tamen nihil malitiæ in eo suspi-  
cabantur, qui tam candidè & ingenuè, quod senti-

ret, loqueretur. Et isti quidem, quos nominavimus, prospera omnia consecuti sunt: Pompejus contrà, qui ad eosdem tendebat fines, sed viis magis umbrosis & obscuris) sicut Tacitus de eo loquitur: *Ocultior, non melior*: Atque Salustius similiter idem insimulat: *Oreprobo, animo inverecundo*:) id prorsus agebat, & innumeris technis moliebatur, ut cupiditates suas, & ambitionem altè recondendo, iāterim Rēpublicam in Anarchiam & Confusionem redigeret, quo illa se necessariò in sinus ejus conjiceret; Atque hoc pacto, summa rerum ad eum deferetur, quasi invitum & renitentem. Cùm verò hoc se putaret consequitum, factus Consul solus (quod nunquam cuiquam contigisset) nihil plus ad fines suos proficiebat, eò quod, etiam illi, qui procul dubio eum fuissent adjuturi, quid vellet non perciperent. Adeò ut tandem coactus sit, tritam & vulgarem inire viam, ut scilicet, prætextu se Cæsari opponendi, arma & exercitum compararet. Adeò lenta, casibus obnoxia, & plerunque infelia solent esse ea consilia, quæ profundâ *dissimulatione* obtenguntur! Quâ de re, idem sensisse videtur Tacitus, cùm *simulationis* artificia, tanquam inferioris subsellii prudentiam, constituit, *præ artibus politicis*. Illam Tiberio, has verò Augusto Cæsari attribuens. Etenim, de Liviâ verba faciens, sic loquitur; *Quod fuisset illa, cum artibus mariti, & simulatione filij, bene composita.*

Quod ad animum flectendum, & effingendum attinet, Totis viribus certè incumbendum, ut animus reddatur, occasionibus & opportunitatibus obsequens, neque ullo modo, erga eas, durus aut renitens. Neque enim majus fuerit impedimentum, ad res

res gerendas, aut fortunas hominum constituendas, quam illud; Idem manebat, neque idem decebat, videlicet, cum homines iidem sint, & natura sua utantur, postquam occasiones se mutaverint. Benè itaq; Livius, cum Catonem majorem introducit, tanquam fortunæ suæ architectum peritissimum, illud subjunxit; quod ei fuerit *ingenium versatile*. Atque hinc fit, quod ingenia gravia & solennia, & mutare nescia, plus plerunque habeant dignitatis, quam felicitatis. Hoc vero vitium, in aliquibus à natura penitus insitum est, qui suopte ingenio sunt, *viscosi*, & *nodosi*, & ad versandū inepti. At in aliis *consuetudine* obtinuit (quæ est altera *natura*) atq; opinione quādam (quæ in animos hominum facile obrepit) ut minimè mutādam sibi putent rerum gerendarum rationem, quā prius bonam & prosperam sint experti. Prudenter enim observat Macciavellus in Fabio Maximo, quod *pristinum suum & inveteratum, cunctandi, & belli trahendi, morem, retinere mordicū voluerit, cum natura belli esset alia, & acriora postularet consilia*. In aliis porrò, idem vitium ex inopia Iudicii progignitur, cum homines periodos rerum & actionum, non tempestivè discernant; sed tum demum se vertant, postquam opportunitas jam elapsa sit: Tale quidpiam in Atheniensibus suis, redarguit Demosthenes, eos, aiens esse, *rusticos similes, qui in ludo Gladiatorio se probantes, semper post plagam acceptam, in eam partem muniendam scutum transferunt, quæ percussi sunt, non prius*. In aliis rursus, hoc ipsum contingit, quia operam, in viâ eâ, quam semel ingressi sunt, collocatam, perdere gravantur, nec receptui canere sciunt: Sed potius se occasionibus superiores fore, constantiam suam, confidunt. Verum ista animi viscositas, & renitentia, à quacunque illa tandem radice

pullularit, rebus gerendis, & fortunæ hominum, est  
damnosissima: Nihilque magis Politicum, quæm a-  
nimi rotas reddere, cum rotis fortunæ, concentri-  
cas, & simul volubiles. Atque de præceptis duobus sum-  
mariis, circa Fortunæ Architecturam, hactenus Præcepta  
autem sparsa haud pauca sunt; Nos tamen per pauca  
deligemus, pro modo exempli.

Primum præceptum est; *Faber fortunæ*, amusse suâ pe-  
ritè utatur, eamque ritè applicet; Hoc est, animum  
assuefaciat, ut rerum omnium pretium & valorem  
æstimet, prout ad fortunam & fines suos, magis aut  
minùs, conducant; Hocque curet sedulò, non per-  
functoriè. Mira enim res, sed verissima; Inveniuntur  
plurimi, quorum mentis pars Logica ( si ita loqui  
licet) est bona, Mathematica, pessima, videlicet, qui  
de rerum consequentiis satis firmitè judicant; de  
pretiis vero, imperitissimè. Hinc sit, ut alii, priva-  
ta & secreta cum Principibus colloquia, alii, auras  
populares, tanquam magna adepti, admirantur,  
cùm sit utrumque sæpenumerò res, & invidiâ & pe-  
riculo plena: Alii autem res metiuntur ex difficul-  
tate, atque operâ suâ in eis impensâ: Fieri oportere  
existimantes, ut quantùm moverint, tantùm etiam  
promoverint; Sicut Cæsar de Catone Uticensi, vel-  
uti per Ironiam, dixit; Narrando, quæm laboriosus  
fuerit & assiduus, & quasi indefatigabilis, neque ta-  
men multùm ad rem; *Omnia* (inquit) *magnō studio age-  
bat*: Hinc etiam illud accidit, ut homines sæpius  
seipso fallant; qui, si Magni alicujus, aut Honorati  
viri operâ utantur, sibi omnia prospera promittant;  
cùm illud verum sit, non grandissima quæque In-  
strumenta, sed aptissima, citius & felicius opus  
quodque perficere. Atque ad *Mathematicam* veram  
*animi*

animi informandam, operæ premium est, illud in pri-  
mis nosse, & descriptum habere ; quid ad cujusque  
fortunam constituendam & promovendam pri-  
mum statui debeat, quid secundum, & sic deinceps?  
Primo loco, emendationem animi pono; animi enim im-  
pedimenta, & nodos tollendo & complanando, citius  
viam fortunæ aperueris, quam fortunæ auxiliis,  
animi impedimenta sustuleris. Secundo loco, opes po-  
no, & pecuniam; Quam summo loco plurimi fortas-  
sè collocaverint, cum tanti sit ad omnia usûs. Ve-  
rûm, eam opinionem, similem ob caussam abjudi-  
co, atque Macciavellus fecit, in aliâ re, non multum  
ab eâ discrepante. Cùm enim vetus fuerit Senten-  
tia; Pecuniam esse nervos bellî; Ille contrà, non alios esse  
nervos belli asseruit, quam nervos virorum fortium &  
militarium; Eodem prorsùs modo, verè asseri possit;  
Nervos fortunæ, non esse pecuniam, sed potius animi vi-  
res; Ingenium, fortitudinem, audaciam, constatiam,  
moderationem, industriam, & similia. Tertio loco,  
colloco famam & existimationem; eò magis quod illa,  
æstus quosdam habeant, & tempora, quibus si non  
opportunè utaris, difficile erit rem, in integrum re-  
stituere. Ardua enim res, famam præcipitantem  
retrovertere. Postremo loco, pono honores, ad quos  
certè facilior aditus, per unumquodque ex illis tri-  
bus, multò magis per omnia conjuncta datur, quam  
si ab honoribus auspiceris, & deinde ad reliqua per-  
rexeris. Verûm, ut in ordine rerum servando, haud  
parum est momenti, ita non multò minùs, in ser-  
vando ordine temporis; Cujus perturbatione fre-  
quentissimè peccatur, dum ad fines tam propera-  
ter, quando initia essent curanda; Atq; dum ad ma-  
xima quæque subitò advolamus, quæ in medio po-

*De Augmentis Scientiarum,*  
sita sunt, temerè transilientes. At illud rectè præci-  
pitur; *Quod nunc instat, agamus.*

Secundum præceptum est, ut caveamus, ne animi  
quædam magnitudine, & præsidentiâ, ad magis ar-  
dua, quam par est, feramur, neve in adversum fluvii  
remigemus. Optimum enim consilium circa fortu-  
nas hominum.

----- *Fatis accede, Deisque.*

Circumspiciamus in omnes partes, & observemus  
qua res pateant, quæ clausæ & obstructæ sint, quæ  
proclives, quæ arduæ, neque viribus nostris, ubi non  
patet aditus commodus, abutamur. Hoc si feceri-  
mus, & à repulsâ nos immunes præstabimus; & in  
negotiis singulis nimis diù non hærebimus, & mo-  
derationis laudem reportabimus, & pauciores of-  
fendemus, & denique felicitatis opinionem acqui-  
remus: dum qua sponte fortassis eventura fuissent,  
nostræ industriae accepta ferentur.

Tertium præceptum, cum proximè præcedente  
nonnihil pugnare videre possit; Licet probè intelle-  
ctum, minimè. Illud hujusmodi est: Ut occasiones  
non semper expectemus, sed eas quandoq; provo-  
cemos, & ducamus. *Quod etiam innuit Demosthe-*  
*nes, magniloquentiâ quædam.* Et quemadmodum rece-  
ptum est, ut exercitum ducat Imperator, sic à cordatis viris,  
res ipsæ ducenda, ut quæ ipsis videntur, ea gerantur, & non ipsi  
persequi eventus tantum cogantur. Etenim, si diligenter  
attendamus, duas observabimus, easque discrepan-  
tes species, eorum, qui rebus gerendis, & Negotiis  
tractandis, pares habeantur. Alii siquidem occasio-  
nibus commodè sciunt uti, sed nihil ex se moliun-  
tur, aut excogitant; Alii toti sunt in machinando,  
qui occasiones, quæ opportunè incidunt, non arri-  
piunt.

piunt. Harum facultatum altera, alteri non conjuncta, manca omnino & imperfecta censenda est.

Quartum est preceptum, ut nihil suscipiamus, in quo necesse sit, temporis plurimum insumere, verum ut versiculus ille aurem semper vellicet;

*Sed fugit interea, fugit irreparabile tempus.*

Neque alia subest causa, cur iij, qui professionibus laboriosis, aut rebus similibus, se addixerunt, veluti Jureconsulti, Oratores, Theologi doctiores, Librorum Scriptores, & hujusmodi, in fortunam suam consti-tuenda, & promovendā, minùs sint solertes, quam quod tempore, ( alias scilicet insumpto, ) indigent ad particularia pernoscenda: Opportunitates capandas, & machinas, quae ad fortunam suam spe-ctent, comminiscendas, & meditandas. Quinetiam, in aulis Principum, & Rebus pub. eos reperias, & ad fortunam suam promovendam, & ad aliorum invadendam, maximè efficaces, qui nullo publico mune-re funguntur, sed in hoc, de quo loquimur, ambitu vī-te, perpetuò occupantur.

Quintum est preceptum: Ut naturam quodammodo imitemur, quæ nihil facit frustra. Id quod factu non erit admodum difficile, si negotia nostra omnium generum, peritè commisceamus & contexamus. In singulis enim actionibus, ita animus est instituen-dus & præparandus, atque intentiones nostræ aliæ aliis substernendæ, & subordinandæ: Ut si, in aliquâ re, voti compotes in summo gradu, fieri non possimus, in secundo tamen liceat consistere, imò vel in Tertio: Quod si nec in aliqua omnino parte rei hærcere aut consistere possimus, tum vero ad alium quempiam ( præter destinatum ) finem, operam impensam flectamus: Sin nec in præsenti, aliquem Fructum

demeterem queamus, saltēm aliquid ex eā extrahamus, quod in futurum prospicit: Si verò nihil solidi, nec in præsenti nec in Futuro inde elicere detur, satagamus saltēm, ut aliquid existimationi nostræ inde accrescat: & alia id genus: Rationes semper à nobis ipsis exigendo, quibus constet, nos fructūs aliquid, plus minus, ex singulis actionibus, & consiliis nostris percepisse: Neque ullo modo permittendo, ut tanquam confusi ac consternati animum illicè desponeamus, si fortè scopum principalem non licuerit attingere. Nihil enim minus convenit viro Politico, quam unius rei, unicè esse intentum. Qui enim hoc facit occasionum innumeratum jactura multabitur, quæ rebus agendis ex obliquo intervenire solent: Quæque fortassis magis fuerint propitiæ & commodæ ad alia, quæ postea usui futura sint, quam ad ea, quæ in manibus habeamus. Ideoque benè calleamus illam Regulam: *Hoc oportet facere, & illa non amittere.*

Sextum est præceptum, ut nos rei alicui nimis peremptoriè non astringamus: quanquam casui videatur, primo intuitu, minus obnoxia: Sed semper habeamus, vel fenestrām apertam ad evolandū: vel posticum aliquid secretum, ad redeundū.

Septimum præceptum, est antiquum illud Biantisi modò non ad perfidiam, sed ad cautionem, & moderationem, adhibetur: *Et ames tanquam inimicus futurus, & oderis tanquam amatus.* Nam utilitates quaque, mirum in modum, prodit & corruptit, si quis nimium se immerserit, amicitiis infelicibus, molestis & turbidis odiis, aut puerilibus & futilibus æmulationibus.

*Hoc exempli loco, circa doctrinam de ambitu vita suffi-*

sufficient: Illud enim hominibus in memoriam sub-  
inde reducendum est, longè abesse, ut adumbratio-  
nes istæ, quibus utimur in desideratis, loco justorum  
tractatuū ponantur: Sed sint solummodò tanquam  
shedæ aut Fimbriæ, ex quibus de telâ integrâ judi-  
cium fieri possit. Neque rursus ita despimus, ut for-  
tunam, absq; tanto, quantū diximus, molimine, mi-  
nimè parari afferamus. Probè enim novimus, eam  
tanquam sponte in gremium aliquorum defluere:  
Alii autem eam, diligentia solâ & assiduitate (cautio-  
ne nonnullâ asperâ) absque arte multâ aut operosâ,  
adipiscuntur: Verùm sicut Cicero, Oratorem per-  
fectum depingens, non id vult, ut causidici singuli-  
tales esse debeant, aut possint: Ac rursus, sicut in Prin-  
cipe aut Aulico describēdo (quod nonnulli tractan-  
dum susceperunt) modulus effingitur, prorsus se-  
cundum artis perfectionem, non autem secundum  
Practicam vulgatam: Idem & nos in *Politico* instruen-  
do præstitimus: *Politico* ( inquam) quoad *Fortunam*  
*propriam*.

Enim verò, illud utique monendum, præcepta, quæ  
circa hanc rem, delegimus & proposuimus, omnia,  
ex genere eorum esse, quæ *bonæ artes* vocantur. Quod  
enim ad *malas artes* attinet: Si quis Macciavello se  
dederit in disciplinam, qui præcipit: *Virtutem ipsam*  
*non magnopere curandam, sed tantum speciem ejus, in publi-*  
*cum versam: quia virtutis fama & opinio homini adjumento*  
*fit, virtus ipsa impedimento: Quiq; alio loco præcipit; Ut*  
*homo Politicus, illud tanquam fundamentū prudentiae sua sub-*  
*sternat, quod presupponat, homines non recte, nec tuto ad ea,*  
*qua volumus, flecti aut adduci posse, præterquam solo metu: ideo-*  
*que det operam, ut omnes, quantum in se est, obnoxij sint, atq; in*  
*periculis, & angustiis constituti: Ita ut Politicus suus, vi-*

E e s deatur

deatur esse, quod Itali dicunt, *seminator spinarum*: Aut si quis axiōma illud, quod à Cicerone citatur, amplecti velit: *Cadant amici, dummodo inimici intercidant*; Sicut Triumviri fecerunt, qui inimicorum interitum, amicissimorum exitio redimebant: Aut si quis L. Catilinæ imitator esse velit, ut Rerum publ. incendiarius fiat & perturbator, quod melius in aquis turbidis piscari, & fortunam suam expedire possit; Ego, (inquit) si in fortunis meis incendium sit excitatum, id non aquā, sed ruinā restinguam: Aut si quis illud Lysandri ad se transferat, qui dicere solebat, *Pueros placentis, viros perjuriis alliciendos*: Cum aliis ejusdem farinæ pravis, ac pernicioſis dogmatibus; Quorum (ut sit in cæteris rebus omnibus) major est numerus, quam rectorum & sanorum: Si quis (inquam) hujusmodi inquinatā prudentiā delegetur: non ierim inficias, eum (quandoquidem legibus charitatis & virtutis omnibus seipsum solutum, fortunæ solummodo manciparit) posse, majore compendio, & celerius, fortunam suam promovere: Sit verò in vita, quemadmodum & in via, ut iter brevius sit fœdius & cœnoscias; neque sanè, ut per viam meliorem quis incedat, multâ circuitione opus est.

Tantum verò abest, ut homines ad hujusmodi artes pravas se applicare oporteat, ut potius sanè, (si modò sint apud se, seque sustinere valeant, neque ambitionis turbine & procellâ in adversum rapiantur) ante oculos proponere debeant, non solum mundi chorographiam generalem illam, quod *omnia sint vanitas, & vexatio Spiritus*; verū etiam & illam magis specialem, videlicet quod ipsum esse, sejunctum à bene esse, maledictionis loco sit, & quod grandius sit esse, eo major sit maledictio: Quodque,

que, amplissimum virtutis præmium, sit ipsa virtus:  
Quemadmodum & ultimum vitij supplicium est  
vitium ipsum, sicut egregiè Poëta.

*Quæ vobis, quæ digna viri, pro laudibus istis.*

*Premia posse rear solvi? Pulcherrima primum  
Dij moresque dabunt vestri. -----*

Et econtra, non minus verè ille de sceleratis, atque  
eum ulciscenþur mores sui. Quinetiam, Mortales, dum  
in omnes partes, cogitationes suas agitant, & dif-  
fundunt, ut fortunis suis rectè prospectum atque  
consultum sit, interim in mediis illis animi trans-  
cursibus, ad divina judicia, & pròvidentiam æter-  
nam, oculos attollere debent, quæ sèpissimè im-  
piorum machinationes, & consilia prava, licet pro-  
funda, subvertit, & ad nihilum redigit: secundum  
illud Scripturæ, *Concepit iniquitatem & pariet vanitatem.*  
Imò, et si in injuryis, & malis artibus, abstineant: Atta-  
men hæc jugis, & irrequieta anhelatio ad ardua for-  
tunæ, absque cessatione, & quasi sine sabbato, tri-  
butū temporis nostri Deo debitum minimè solvit:  
*Qui, ut videre est, facultatum nostrarum decimas,*  
temporis autem septimas exigit, & sibi seponit.  
*Quorsum enim fuerit, os gerere in cœli sublimia*  
erèctum: *Mentem verdum humi prostratam, & pul-*  
*verem instar serpentis comedentem?* *Quod etiam*  
*Ethnicos non fugit;*

*Atque affigit humo Divinæ Particulam Auræ.*

*Quod si in hoc sibi quisquam ad blandiatur, quod*  
fortunâ suâ, ut cunque eam malis artibus obtinue-  
rit, rectè uti decreverit: sicut de Augusto Cæsare,  
& Septimio Severo, solitum erat dici, *Debuisse illos, aut*  
*nunquam nasci, aut nunquam mori:* Tanta in ambitu  
fortu-

fortunæ suæ patrârunt mala , tanta rursùs , summa  
adepti , contulerunt bona , intelligat nihilominus ,  
hanc malorum per bona compensationem , post fa-  
ctum probari : Consilium autem hujusmodi meritò  
damnari . Abs re postremò nobis non fuerit , in cursu  
isto incitato , & fervido , versus fortunam nostram ,  
frigidam paulisper aspergere , haustam è dictorio il-  
lo non inelegante , Caroli Quinti Imperatoris , in  
Institutionibus suis ad Filium : *Imitari fortunam mores*  
*mulierum , quæ procos plus nimio ambientes , plerunque super-*  
*bè aversantur . Verùm hoc ultimum remedium , perti-*  
*nnet ad eos , quibus gustus , ex morbo animi , corru-*  
*ptus est . Innitantur potius homines lapidi illi , qui*  
*Theologiae & Philosophiae est tanquam Angularis , quæ*  
*idem ferè afferunt de eo , quod primum queri debeat :*  
*Etenim Theologia edicit : Primum querite regnum Dei , &*  
*ista omnia adjicientur vobis , Philosophia autem simile*  
*quiddam jubet : Primum querite Bona animi , cetera aut*  
*aderunt , aut non Oberunt . Quamvis autem hoc funda-*  
*mentum , humanitùs jactum , interdùm locetur super*  
*arenas , quemadmodum videre est in M. Bruto , qui in*  
*eam vocem , sub exitum suum , prorupit ;*

*Te colui virtus ut rem , ast tu nomen inane es .*

At idem fundamentum , divinitùs locatum , firmatur  
sempèr in petrâ . Hic autem doctrinam de ambitu  
vite , & simul doctrinam genera' em de negotiis ,  
concludimus .

## C A P . III.

*Partitiones Doctrinæ de Imperio, sive Repub. omittuntur; Tantum Aditus sit, ad Desiderata duo Doctrinam de Preferendis Finibus Imperii,  
& Doctrinam de Iustitiâ Universali, sive de Fontibus Iuris.*

**V**Enio jam ad artem imperii, sive doctrinam de Re-  
pub. administrandâ: Sub quâ etiâm Oeconomica con-  
tinetur, ut familia sub civitate. In hâc parte, sicut jam  
anteâ dixi, silentium mihi imperavi. Neque tamen  
prosûs dissidere debui, quin possim de illâ fortassè  
non imperitè aut inutiliter disserere, utpote, qui  
longâ experientiâ edoctus, & per tot munera &  
honorum gradus, ad amplissimum Regni Magi-  
stratum, favore Majestatis tuæ indulgentissimo, nul-  
lo merito meo, enectus fuerim, eundemque Magi-  
stratum, per annos quatuor integros gesserim: &  
quod pluris est, Majestatis tuæ Mandatis, & Collo-  
quiis, per annos octodecim continuos assueverim;  
(Quod etiâm è stipite aliquo Politicum exculpere  
potuisset;) Quique etiam, inter omnes artes, pluri-  
mum temporis in Historiis, & legibus contriverim.  
Quæ omnia, non jactantiâ ad Posteros, refero, sed  
quia ad literarum dignitatem non nihil pertinere  
putem, quod homo quispiam, ad literas, potius  
quam ad aliud quicquam, natus, & ad res gerendas,  
nescio quo fato, contra Genium suum abreptus, ad  
civilia tamen munera, tam honorifica & ardua, sub  
Rege prudentissimo, assumptus fuerit. Verum, si  
quid circa Politicam posthac parturier otium meum,  
erit fortassè proles, aut abortiva, aut postuma. Interim,  
ne scientiis omnibus, jam veluti in subselliis suis  
collocatis, Sedes hæc tam excelsa omnino vacet, de-  
crevi duas tantum civilis scientiæ portiones, quæ ad

*De Augmentis Scientiarum,*  
*arcana imperij, non pertinent, sed sunt naturæ magis*  
*communis, ut desiderata, notare; Earumque, more*  
*nostro, exempla proponere.*

Cùm artes imperii, tria officia politica, complectantur;  
 Primo, ut imperium conservetur: Secundo, ut beatum  
 efficiatur & florens: Tertio, ut amplificetur, finesque ejus  
 longius proferantur: de ditibus primis officiis, maximâ  
 ex parte, egregiè à nonnullis tractatum est, de tertio  
 siletur. Illud itaq; inter desiderata reponemus, & mo-  
 re nostro, exemplum ejus proponemus. Eam doctrinæ  
 partem, consulem paludatum, sive doctrinam de proferendis  
 imperij finibus, nominantes.

*Exemplum tractatûs summarij de proferendis  
 finibus imperij.*

Dictum Themistoclis, sibi ipsi applicatum, inci-  
 vile certè fuit, & inflatum sin de alijs, atque in ge-  
 nere, prolatum fuisset, prudentem sanè observatio-  
 nem, & pergravem censuram, complecti videatur.  
 Rogatus in convivio, ut cytharam pulsaret, re-  
 spondit, fidibus se nescire, ceterum posse oppidum parvum  
 in magnam civitatem eychere. Ista certè verba, ad sen-  
 sum politicum translata, facultates duas, multùm  
 inter se discrepantes, in iis, qui rerum gubernacula  
 tractant, optimè describunt & distinguunt. Etenim,  
 si Regum consiliarios, senatores, aliosque ad ne-  
 gotia publica admotos, qui usquām fuerunt, attentè  
 intueamur, reperientur profecto (licet rarissimè)  
 nonnulli, qui regnum aut civitatem è parvis ampla  
 efficere possint. Fidicines tamen sint valde imperi-  
 ti: Econtrà autem, alijs quamplurimi, in cithara, aut  
 Lyra, (hoc est aulicis tricis) miri artifices, qui tantùm  
 abest, ut Rempub. amplificare possint ut potius à naturâ  
 comparati videantur, ad statum Reipub. beatum &  
 floren-

florentem, labefactandum, & evertendum. Sanè, artes illæ degeneres, & præstigiæ, quibus sæpe numerò Consiliarii, atque Rerum Potentes, & gratiam apud Principes suos, & famam in vulgus, reportant, haud aliud nomen merentur, quam *periti* cujusdam fidiculariæ, utpote cùm sint res, magis gratæ in præsens, & artificibus ipsis ornamento, quam ad Rerum pub. quarum sunt ministri, opes, & amplitudinem, utiles aut accommodæ. Occurrent proculdubio & alii Consiliarii, atque Reipub. Gubernatores, minimè spernendi, qui sint negotiis parés, possintque res commodè administrare, easque à manifestis præcipitis & incommodis conservare, à virtute tamen illâ Rerum pub. erectorice & amplificatrice, longo intervallo absunt.

Verū, qualescunque demùm fuerint operarij, conjiciamus oculos in opus ipsum. Qualis nimis censeri debeat vera Regnum & Rerum pub. Magnitudo, & quibus artibus obtineri possit: Dignum profectò argumentum, quod principes perpetuò in manibus habeant, & diligenter meditentur; Quod nec vires suas in majus æstimantes, incæptis se vanis & nimis arduis implicent; Nec rursùs easdem plus æquo despicientes, ad consilia pusillanima & meticuloſa, se demittant.

*Magnitudo Imperiorum*, quoad molem & territorium, mensuræ subjicitur, quoad redditus, calculis. Numerus civium, & capita, censu, Urbium & oppidorū multitudo & amplitudo, tabulis excipi possint. Attamen non reperitur inter civilia, res errori magis obnoxia, quam verū & intrinsecum, excipere valorem, circa vires & copias imperij alicujus. Assimilatur regnum calorū, non glandi, aut nuci alicui grandiori, sed

sed grano sinapis, quod inter grana est minimum, quod tamen habeat interim, intra se, proprietatem quandam, & spiritum innatum, quò se & citius attollat, & latius diffundat: Eodem modo, invenire est Regna & Status, ambitu quidem & regionum tractu, valde ampla, quæ tamen ad fines ulterius proferebant, aut latius imperandum, sunt minus apta; Alia contrà, dimensione satis exigua, quæ tamen bases, in quibus maximæ Monarchiæ inædificentur, esse possint.

I. Urbes munitæ, plena armamentaria, equorum propagines generosæ, currus armati, elephanti, machinæ atque tormenta bellica omnigena, & similia, sunt certè ista universa nihil aliud, quam ovis induita pelle leoninæ; Nisi gens ipsa, stirpe suâ, & inge-  
nio, sit fortis, & militaris. Imo, nec numerus ipse copiarum multùm juvat, ubi milites imbelles sunt & ignavi. Reclitè enim Virgilius; *Lupus numerum pe-  
corum non curat.* Exercitus Persarum in campis Ar-  
belæ, oculis Macedonum, tanquam vastum homi-  
num pelagus, subjeciebatur, adeò ut Duces Alexan-  
tri, non nihil ipso spectaculo perculti, Regem inter-  
pellarent, atque ut noctù prælium committeret, ei  
Auctores erant: Quibus ille, *Nolo* (inquit) suffurari  
*victoriam.* Ea autem etiàm opinione fuit facilior Triganes Armenius, castrametatus in quodā colle; cum exercitu quadringentorum millium, cùm spe-  
ctaret aciem Romanorum, quæ quatuordecim mil-  
lia non excessit, contra se tendente, in dictorio illo  
suo sibi complacuit; Ecce (inquit) hominū, pro Legione,  
nimiù plus quam oportet, pro pugnâ, longè minus. Eosdem ta-  
men, priusquam occubuisse sol, satis multos, ad il-  
lum infinità strage profligandum, expertus est. In-

numeris

numera sunt exempla, quām sit multitudinis cum fortitudine congressus impar. Primò igitur pro re certissimā & exploratissimā docernatur, & statuantur, quod Caput omnium, quæ ad magnitudinem Regni aut statū spectent, sit, ut *populus ipse* sit stirpe & ingenio bellicosus. Atque illud magis tritum quām verum, quod *nervi belli* sint pecuniae, si desint nervi lacerorum in gente molli & effeminata. Rectè enim Cresco ostentanti aurum respondit Solon : *At si quis (ð Rex) venerit, qui melius, quām tu ferrum gestet, illi profecto, totum hoc cedet aurum.* Quare, quicunque istamdem sit Princeps aut Status, cuius subditi nativi & indigenæ, non sint animosi & militares, potentiam suam admodum sobriè aestimet : Atque econtrà, Principes, qui dominantur in gentes animosas & martias, nōrint illi satis vires suas, si sibi alias non desint. Quod attinet ad *copias mercenarias* (quod solet adhiberi remedium cum *copiæ nativæ* desint) plena sunt omnia exemplis, quibus liquidò patet, quod quicunque *status* illis innitetur, poterit fortassè penas, ad tempus breve, nido maiores extendere, sed defluent illæ paulò post.

- 2. *Benedictio Iudeæ, & Issacharis*, in unum nunquam convenient: Nimirūm, ut eadem Tribus aut Gens, sit simul, & *Leonis Catulus, & Asinus procumbens* inter *Sarcinæ*. Neque unquam fiet, ut *populus tributis* oppressus, fortis existat & bellicosus. Verum est, collationes publico consensu factas, minùs animos subditorum dejicere, & deprimere, quām quæ ex imperio mero indicuntur. Id quod liquidò videre est, in *tributis Germanie inferioris*, quas *excisæ* vocant: Atque aliquà ex parte, in iis, quæ *subsidia* nominantur apud *Anglos*. Etenim notandum est, sermonem jam insti-

tui de animis hominū, non de opibus. Tributa autem, quæ ex consensu conferuntur, & quæ ex Imperio imponuntur, et si eadem res sint, quoad opes exhauiendas, variè tamen omnino animos subditorum afficiunt. Statuatur igitur & hoc, *populum tributis gravatum, idoneum ad imperandum, non esse.*

3. Aspirantibus ad magnitudinem Regnis & Statibus, prorsus cavendum, ne *Nobiles & Patricij*, atque (quos vocamus) *Generosi*, majorem in modum multiplicantur. Hoc enim è rem deducit, ut *plebs Regni* sit humilis & abjecta; & nihil aliud ferè quam *Nobilium mancipia & operarii*. Simile quiddam fieri videmus in sylvis cæduis, quibus, si major, quam par est, caudicum, sive arborum majorum relinquare numerus, non renascetur sylva sincera, & puta; sed major pars in vepres & dumos degenerabit: Eodem modo, in *nationibus*, ubi numerosior iusto est *nobilitas*, erit *plebs* vilos & ignava, atque èdem res redibit, ut nec centesimum quodque caput, sit ad galeam portandum, idoneum: Præsertim si peditatum spectes; qui exercitus plerunque est robur præcipuum; Unde succedet magna populatio, vires exiguae. Nusquam gentium, hoc quod dico, luctuenterius comprobatum est, quam exemplis Angliae & Galliae; Quarū Anglia, quamvis territorio, & numero incolarū, longè inferior, potiores tamen partes ferè temper in bellis obtinuit: Hanc ipsam obcaussam, quod apud Anglos, coloni, & inferioris ordinis homines, militiæ habiles sint, rustici Galliæ non item. Quā in re, mirabili quādam & profundâ prudentiâ excogitatū est, ab Henrico Septimo Angliae Rege (Id quod in *vita ejus Historia* susiūs tractavimus) ut prædia minora, atque domus agriculturæ institueretur, quæ habeant certum, cumq; medio-

crem agri modum annexum, qui distrahi non possit; eo fine, ut ad victum liberaliore sufficiat: Utq; agricultura ab iis exerceatur, qui domini fuerint fundi, aut saltē usufructuarij, non conductitii aut mercenarij. Nam ita demū characterē illū, quo Antiquam Italiam insignivit Virgilius, merebitur Regio aliqua:

*Terra potens armis, atque ubere gleba;*

Neq; prætereunda est illa pars populi (quæ Angliæ ferè est peculiaris, nec alibi (quod scio) in usu, nisi fortè apud Polonos) famuli scilicet nobilium: Hujus enim generis, etiā inferiores, quoad peditatū, agricultoris ipsis minimè cedunt. Quare certissimum est, quod magnificentia, & splendor ille hospitalis, atq; famulitia, & cveluti satellitia ampla, que in more sunt apud Nobiles & Generosos in Angliæ, ad potentiam militarem apprimè conducant, ubi contrà, Nobilium obscura, & magis privata, & in se reducta vitæ ratio, copias militares minuit.

4. Danda est omnino opera, ut *arbor* ista Monarchia, qualis fuit Nebuchadnezaris, Truncum habeat satis *amplum*, & *robustum*, ad *ramos* suos & *frondes* sustentandos: Hoc est, ut numerus *indigenarum*, ad *subditos* *extraneos* cohibendos, satis superque sufficiat. Illi igitur *status*, ad *imperij magnitudinem* benè comparati sunt, qui *jus civitatis*; facile & libenter largiuntur. Vana siquidem fuerit opinio, posse manipulum hominum, utcunque animis & consilio excellant, regiones nimis plus amplas & spatioas, imperii jugo cohibere & frænare. Id ad tempus fortasse facere possint, sed diuturnitatem hæc res non assequitur. *Spartani* parci fuerunt, & difficiles in cooptandis novis civibus. Unde, donec intra parvos limites dominati sunt, res eorū firmè fuerunt, & stabiles: At postquam

limites suos cœpissent proferre, & latius dominari, quām ut stirps Spartanorum, turbam Exterorum, imperio commode coērcere posset, potentia eorum subitō corruit. Nulla unquam Respub. sinus suos, ad novos cives recipiendos, tām profusè laxavit, quām Respub. Romana. Itaque par erat, instituto tām prudenti, fortuna, cūm in imperium toto Orbe amplissimum succreverint. Moris apud eos erat, *jus civitatis* prompte elargiri: Idq; in supremo gradu: Hoc est, non solum *jus commercij*, *jus connubij*, *jus hereditatis*, verū etiam *jus suffragij*, & *jus petitionis*, sive *honorum*: Hocque rursus, non singulis tantū personis, sed totis familiis, imo civitatibus, & nonnunquām integris nationibus communicarunt. Hūc adde consuetudinem deducendi colonias, quibus Romanæ stirpes in solum exterum transplatabantur. Quæ duo instituta, si simul componas, dices profectō, non Romanos se diffidisse super Universum orbem: sed contrā, orbem universum se diffidisse super Romanos: Quæ securissima proferendi imperij est ratio. Subit mirari sāpiūs imperium Hispanorum: quod tām paucis indigenis, tot Regna & Provincias amplexari & frānare possit. At certè, Hispaniæ ipsæ, pro arboris stemmate satis grandi haberi debent, cūm longè ampliorem contineant Regionum tractum, quam Romæ aut Spartæ, sub initiis suis, contigerat. Porrò, qnanquām *jus civitatis*, satis parcè soleant Hispani imperire, quod proximum tamen est, faciunt; Quippe, qui Cujuscunque nationis homines, ad militiam suam ordinariam, promiscuè admittant. Quinetiam, summum belli imperium, haud raro, ad duces natione non Hispanos defērunt. Attamen & illam ipsam, videntur, non ita pri-  
dem,

dem, *indigenarum* paucitatem sensisse, eiq; succurrere cupiisse, ut ex *pragmatica* *sancione*, hoc anno promulgata, cernere est.

5. Certissimum est, *artes mechanicas* *sedentarias*, quæ non sub Dio, sed sub tecto exercentur: Atque manu-facturas *delicatas* (quæ digitū potius, quam brachium requirunt) suā naturā militaribus animis esse contrarias. In universum, populi bellicosi feriari gaudent, & pericula quam labores minus exhorrent. Atque in hoc ingenio suo, non sunt admodum reprehendi, si animos ipsorum in vigore conservare, cordi nobis sit. Magno itaque adjumento, Spartæ, Athenis, Romæ, aliisq; Antiquis Rebus pub. fuit, quod habuerint non *iugenuos*, sed *servos* plerunque, quorū laboribus istiusmodi opicia expediebantur. Verum mancipiorum usus, post legem christianā receptam, maximā ex parte, abiit in desuetudinem. Huic verò rei proximum est, ut artes istæ, alienigenis tantum permittantur, qui propterea alliciendi, aut saltem facile recipiendi sunt. *Nativorum* autē *plebs*, ex tribus generibus hominū constare debet: Nempe, ex *agricolis*, *familis ingenuis*: & *artificibus*, quorum opera robur & lacertos viriles postulant: Cujusmodi sunt *fabri ferrarij*, *lapidarij*, *lignarij*, & similes: Non annumerando militiam def. riptam.

6. Ante omnia, ad *imperij magnitudinem*, confert, ut gens aliqua, *armorū studium* profiteatur, tanquam decus suum, & institutum vitæ primarium, & in præcipuo honore habitum. Quæ enim à nobis adhuc dicta sunt, ad habilitates tantum erga arma spectant: Quorsum autem habilitas, si non rei ipsi incumbitur, ut producatur in actum? *Romulus* (ut narrant, aut fingunt) postquam è vivis excesserat, illud civibus suis

legavit, ut ante omnia rem militare colerent, unde in caput orbis tertarum urbs eorum insurgeret: Imperii Spartani fabrica universa, (non nimis prudenter quidem, sed diligenter tamen) ad illam finem & scopum, cōposita est & constructa, ut cives sui belligatores essent. Persarum & Macedonum, idem erat institutum, sed non tam constans aut diuturnum. Britanni, Galli, Germani, Gothi, Saxones, Normanni, & nonnulli alii etiam ad tempus armis se præcipue dediderunt. Turcæ idem institutum, lege suâ haud paululū extimulati, hodiè retinet, sed magnâ cū militiæ suæ (ut nunc est) declinatione. In Europâ christianâ, gens quæ illud adhuc retinet & profitetur, soli sunt Hispani. Verum res est tam liquida, & manifesta, unumquemq; in eo proficere maximè, in quo plurimū impendit studij, ut verbis nō indigeat. Satis sit innuisse, desperadum omnino alicui nationi esse, quæ nō ex professo arma & militiâ colat, iisq; præcipue studeat & incumbat, sibi veluti ultrò obventurā, insignem aliquā imperij magnitudinē: Contrà autem, certissimum esse temporis oraculum, nationes illas, quæ in armorū professione & studii diutiū permanferint (Id quod Romani, Turcæq;, potissimum fecere) miros in imperio amplificando facere progressus. Quin & illæ, quæ bellicâ gloriâ, per unius tantummodò seculi spatiū floruerent; inde tamen, unico illo saeculo, eam imperij amplitudinem assecutæ sunt, quam longo post tempore, etiam remissâ illâ armorum disciplinâ, retinuerunt.

7. Præcepto præcedenti affine est: Ut *status* quis utatur ejusmodi *legibus* & *consuetudinibus*, quæ justas illi caussas, aut saltem prætextus, arma capessendi, tanquam in promptu ministrarent. Etenim, ea est insita animis

animis hominum justitiae apprehensio, ut bellum (quod tot sequuntur calamitates) nisi gravem ob causam, saltē speciosā, inferre abstineant. Turcis prēstō est semper, & ad nutū, belli caussa; Propagatio scilicet legis & sectæ suæ. Romani, quanquām pro magno decore Imperatoribus apud eos fuerit, si *fines imperij* ipsorum protulissent, tamen ob hanc solam causam, ut *fines* proferrentur, nunquām bella suscepserunt. Aspiranti igitur ad imperium nationi, illud in more sit: Ut *sensum* habeat *vividum & acrem, injuriæ* alicujus, vel subditis suis limitaneis, vel mercatoribus, vel publicis ministris, illatæ; neq; à primā provocatione diutiū torpeat, aut tardet. Item, *prompta* sit & *alacris*, ad *auxilia* mittenda *sociis suis, & fœderatis*: Id quod perpetuum erat apud Romanos: Adeò ut, si fortè in populum fœderatum, cui etiam cum aliis fœdus defensivum intercederet, hostilis impressio facta esset; atq; ille à plurimis suppetias peteret, Romani omnium primi semper adessent, beneficii decus, nemini præcipiendum relinquentes. Quod verò attinet ad *bella*, antiquis temporibus, propter *statuum conformitatem* quandam, aut *correspondentiam tacitam*, gesta, non video, in quo jure illa fundata siut. Talia fuerunt bella, quæ à Romanis suscepta erant, ad Græciam in Libertatem vindicandam: Talia à Lacedæmoniis & Atheniensibus, ad constituendas, aut evertendas Democracias, & Oligarchias: Talia quandoque illata sunt à Rebus pub. aut Principibus, sub prætextu, subditos alienos protegendi, & à Tyrannide liberandi. Ad rem præsentem sufficiat, ut illud decernatur: Non esse expectandam, statui alicui, *imperij amplitudinem*, nisi ad quamvis occasionem justam se armari, protinus expurgiscatur.

8. Nullum omnino corpus, siue sit illud naturale siue politicum, absque exercitatione, sanitatem suam tueri queat. Regno autem, aut Reipub. justum atque honorificum bellū loco salubris exercitationis est. Bellum civile profectō instar caloris febrilis est: At bellum externum instar caloris ex motu, qui valetudini in primis conducit. Ex pace enim desideatq; torpente, & emolliuntur animi, & corrumpuntur mores. Sed utcunque res se habeat quatenus ad alicujus statū felicitatē, magnitudinis proculdubiō interest, ut quasi semper in armis sit. Atque exercitus veteranus, perpetuō tanquam sub vexillis habitus, et si res sit, magni proculdubiō sumptūs & impensē: Attamen ejusmodi est, ut statui alicui, quasi arbitrium rerū inter vicinos, aut saltē plurimū existimationis ad omnia conferat. Id quod insigniter cernere est in Hispanis, qui iam per annos centum & Viginti, exercitum veteranum, ad aliquas partes, licet non semper ad easdem, alverunt.

9. *Maris dominium*, Monarchiæ quædam epitome est Cicero, de Pompeij contra Cæsarem apparatus, scribens ad Atticum: *Consiliū* (inquit) *Pompeij*, planè *Themistocleum* est: *putat enim, qui mari potitur, eum rerum potiri.* Atque Cæsarem Pompejus, proculdubiō de lassasset, & attrivisset, nisi inani fiduciâ inflatus, ab illo incœpto destitisset. *Prælia navalia*, quanti fuerint momenti, ex multis exemplis patet. *Pugna ad Actium* orbis imperium determinavit. *Pugna ad Insulas Cursolares*, circulum in naribus Turcæ posuit. Multoties certè evenit, ut victoriæ navales, finem summæ belli attulerint: Sed hoc factum est, cùm Alex hujusmodi præliorum, totius belli fortuna commissa est. Illud minimè dubium, quod qui *mari potitur*

tur Dominio, in magnâ libertate agit, & tantum, quantum velit, de bello sumere potest: Ubi contrâ, qui terrestribus copiis est superior, nihilominus plurimis angustiis conflictatur. At hodiè, atque apud nos Europæos, si unquam, aut uspiam, *potentia navalis* (quæ quidem huic Regno Britannæ, in dotem cessit) summi, ad rerum fastigia, momenti est, tum quia pleraque Europæ regna mediterranea simpli- citer non sunt, sed maxima ex parte mari cincta; tum etiam, quia utriusque Indiæ thesauri & opes, *imperio Marii*, veluti accessorium quiddam, existunt.

10. *Bella moderna*, veluti in tenebris gesta, censeri pos- sunt, præ gloriâ & decore vario, quæ in homines militares, priscis temporibus, à rebus bellicis, resili- re solebant. Habemus hodiè, fortassè ad animos faciendos, *ordines* quosdam honorificos militiæ, qui tamen jam facti sunt & armis & togæ communes: Etiam in scutis gentilitijs, stemmata nonnulla habemus: Insuper, hospitia quædam publica militibus emeritis & mutilatis destinata, & hujusmodi. Verùm, apud Veteres, in locis, ubi victoriæ partæ sunt, extorta *trophæa*; Laudationes funebres, & monumenta magnifica oc- cumbentium in bello; Coronae civicæ, militares, singulis con- cessæ; Nomen ipsum *Imperatoris*, quod postea Reges maximi à belli Ducibus mutuati sunt; Redeuntium Ducum, bellis prosperè confectis, celebres triumphi; *Donatiya*, atq; largitiones ingentes in milites, sub exerci- tuum dimissionem: Hæc (inquam) tot & tanta fue- runt, & tam insigni splendore coruscantia, ut pecto- ribus mortalium, etiam maximè conglaciatis, igni- culos subdere, eaque ad bellum inflammare potue- rint. Ante omnia verò, mos ille triumphandi, apud Ro-

manos, non res erat ex pompâ, aut spectaculū quod-dam inane, sed inter prudentissima planè nobilissi-maque instituta numerandus: Ut pote, qui in se hæc tria haberet, Ducum decus & gloriam; Aetarij ex spolijs locuplerationem, & donativa militum. Verùm honor trium-phi, fortassè Monarchijs non competit, præterquām in personis regis ipsius. aut filiorum Regis; Quod etiam, temporibus Imperatorum, Romæ obtinuit: Qui honorem ipsum triumphi, sibi & filiis suis, de bellis, quæ præsentes ipsi confecerant, tanquam peculia-xem reservarunt: Vestimenta autem solummodò, & in-signia triumphalia, aliis Ducibus induserunt.

Verùm, ut sermones hos claudamus; Nemo est (ut testatur Sacra Scriptura) qui sollicitè cogitando, potest ap-ponere ad staturam suam, cubitum unum: In pusillo scili-cet corporis humani modulo: Cæterùm, in magnâ Re-gnorum & Rerum pub. fabricâ, imperium amplificare & fines proferre, Reges penes & Dominantes est. Nam prudenter introducendo leges, instituta, & consue-tudines, quales jam proposuimus, & alias his simi-lles, posteris, & seculis futuris, magnitudinis fementem fecerint. Verùm ista consilia apud Principes raro tractantur, sed res fortunæ plerunque committitur.

Atque hæc habuimus, quæ de proferendis imperij fi-nibus, in præsentia occurrunt. Verùm quorsum ista commentatio, cum Monarchia Romana, futura sit inter mundanas (ut creditur) ultima? Nisi quod nobis in-stituto nostro fidis, neque uspiam de viâ declinantibus ( quandoquidem amplificatio imperij, fuerit in-ter officia tria Politices, tertium) illud omnino præter-mittere, non licuerit. Restat jam desideratum alterum, ex iis, quæ posuimus, duobus, nimirum, de Iustitiâ universali, sive de fontibus juris.

Qui

Qui de Legibus scripserunt, omnes vel tanquam Philosophi, vel tanquam Jurisconsulti, argumentum illud tractaverunt. Atque Philosophi propounding multa, dictu pulchra, sed ab usu remota. Jurisconsulti autem, sive quisque Patriæ Legum, vel etiam Romanarum, placitis obnoxii & addicti, judicio sincero non utuntur, sed tanquam è vinculis sermocinantur. Certè cognitio ista ad viros civiles propriè spectat, qui optimè nōrunt, quid ferat societas humana, quid salus populi, quid æquitas naturalis, quid gentium mores, quid Rerum pub. formæ diversæ: Ideoque possint de legibus, ex principiis & præceptis, tam æquitatis naturalis; quam politices, decernere. Quamobrem id nunc agatur, ut fontes justitiae & utilitatis publicæ, petantur, & in singulis juris partibus, character quidam & idea justi exhibeatur, ad quam particularium regnorum & Rerum pub. Leges, probare, atque inde emendationem moliri, quisque, cui hoc cordi erit & curæ, posfit. Hujus igitur rei, more nostro, exemplum, in titulo, proponemus.

---

Exemplum Tractatus de Iustitiâ Universalí, sive de  
Fontibus Juris, in uno Titulo, per  
Aphorismos,

### PRO O E M I U M.

#### APHORISMUS I.

**I**N societate civili, aut lex, aut vis valet. Est autem & vis quædam legem simulans: & lex nonnulla magis vim sapiens, quam æquitatem juris. Triplex est igitur in iustitiæ fons; vis mera; Illaqueatio malitiosa pratextu legis; & acerbitas ipsius legis.

APHO-

## APHORISMUS 2.

Firmamentum juris privati tale est. Qui injuriam facit, re, utilitatem, aut voluptatem, capit, exemplo, periculum. Ceteri, utilitatis aut voluptatis illius, participes non sunt, sed exemplum ad se pertinere putant. Itaque facile coēunt in consensum, ut caveatur sibi per leges; ne injuria per vices ad singulos redeant. Quod si ex ratione temporum, & communione culpa, id eveniat, ut pluribus & potentioribus, per legem aliquam, periculum creetur, quam caveatur, factio solvit legem; Quod & sèpè fit.

## APHORISMUS 3.

At jus privatum, sub tutela juris publici, latet. Lex enim cavet civibus, Magistratus Legibus. Magistratum autem auctoritas pendet ex majestate imperij, & fabricâ Politeia, & Legibus Fundamentalibus. Quare si ex illâ parte sanitas fuerit, & recta constitutio, Leges erunt in bono usu, sin minus, parum in ijs præsidij erit.

## APHORISMUS 4.

Neque tamen jus publicum ad hoc tantum spectat, ut addatur tanquam custos juri privato, ne illud violetur, atque ut cesserint injuria; Sed extenditur etiam ad religionem, & arma, & disciplinam, & ornamenta, & opes, deniq; ad omnia circa bene esse Civitatis.

## APHORISMUS 5.

Finis enim & scopus, quem leges intueri, atq; ad quem, fusiones & sanctiones suas, dirigere debent, non alius est, quam ut cives feliciter degant. Id siet, si pietate & religione recte instituti, Moribus honesti; Armis adversus hostes externos tuti; Legum auxilio adversus seditiones, & privatas injurias muniti; Imperio & magistratibus obsequentes; Copys & opibus locupletes & florentes fuerint. Harum autem rerum instrumenta & nervi sunt Leges,

## APHORISMUS 6.

Atque hunc finem optimæ leges assequuntur, plurimæ vero ipsarum aberrant. Leges enim, mirum in modum, & maximo intervallo, inter se differunt: Ut aliae excellant; Aliae mediocriter se habeant: Alia prorsus vitiolæ sint. Dictabimus igitur pro judicij nostri Modulo, quasdam tanquam legum leges; Ex quibus informatio peti possit, quid in singulis legibus, bene aut perperam positum aut constitutum sit.

## APHORISMUS 7.

Antequam vero ad corpus ipsum legum particulatum deveniamus: perstringemus paucis, virtutes & dignitates Legum in genere. Lex bona censeri possit, quæ sit intimatione certa; Præcepto justa; Executione comoda; Cum formâ politiæ congrua; & generans virtutem in subditis.

## TITULUS I.

De prima Dignitate Legum, ut sint certæ.

## APHORISMUS 8.

Legistantum interest, ut certa sit, ut absque hoc nec justa esse possit. Si enim incertam vocem det tuba, quis separabit ad Bellum? Similiter, si incertam vocem det Lex, quis separabit ad parendum? ut moneat igitur oportet, prius quam feriat. Etiam illud recte positum est: Optimam esse Legem, quæ minimum relinquat arbitrio Judicis: Id quod certitudo ejus præstat.

## APHORISMUS 9.

Duplex legum incertitudo: altera, ubi lex nulla præscribitur: altera ubi ambigua & obscura. Itaq; de casibus omissis à lege, primò dicendum est, ut in his etiam inventetur aliqua norma certitudinis.

De

APHORISMUS 10.

*Angustia prudentiæ humanæ, casus omnes, quos tem-  
pus reperit, non potest capere. Non raro itaque se ostendunt ca-  
sus omissi & novi. In hujusmodi casibus, triplex adhibe-  
tur remedium, sive supplementum, vel per processum ad si-  
milia, vel per usum exemplorum, licet in legem non  
coaluerint, vel per jurisdictiones, quæ statuunt ex ar-  
bitrio boni viri, & secundum discretionem sanam, sive illa  
curiæ fuerint Prætoriæ, sive Censoriæ.*

De processu ad similia, & extensio-  
nibus legum.

APHORISMUS 11.

*In casibus omissis, deducenda est norma legis à simili-  
bus: sed cautè, & cum Iudicio. Circa quod servanda Regula  
sequentes. Ratio prolifica, consuetudo sterilis esto,  
nec generet casus. Itaque quod contra rationem juris  
receptum est, vel etiam ubi Ratio ejus est obscura, non tra-  
bendum est ad consequentiam.*

APHORISMUS 12.

*Bonum publicum insigne, rapit ad se casus omis-  
sos. Quamobrem, quando Lex aliqua, Reipub. Commoda no-  
tabiliter, & majorem in modum intuetur, & procurat, inter-  
pretatio ejus extensiva esto, & amplians.*

APHORISMUS 13.

*Durum est torquere Leges, ad hoc, ut torqueant homines.  
Non placet igitur extēdi Leges pœnales, multò mi-  
nus Capitales, ad delicta nova. Quid si crimen vetus fue-  
rit, & legibus notum, sed prosecutio ejus incidat in casum no-  
rum, à Legibus non provisum, omnino recedatur à placitis ju-  
ris, potius quam delicta maneat impunita.*

APHORISMUS 14.

*In Statutis, quæ Jus Commune (præsertim circa ea, quo  
frequen-*

frequenter incident, & diu coaluerunt ) plane abrogant, non placet procedi per similitudinem ad casus omissos. Quando enim Respub. tota lege diu caruerit: idque in casibus expressis: parum periculi est, si casus omissi expectent remedium à Statuto novo.

## APHORISMUS 15.

Statuta, quæ manifestò temporis leges fuere, atque, ex occasionibus Reipub. tunc invalescentibus natæ, mutata ratione temporum, satis habent, si se in proprijs casibus sustinere possint: præpostorum autem esset, si ad casus omissos, ullo modo traherentur.

## APHORISMUS 16.

Consequentia non est Consequencia: sed sisti debet extensio intra casus proximos. Alioqui labetur paulatim ad dissimilia, & magis valebunt acumina ingeniorum, quam auctoritates legum.

## APHORISMUS 17.

In Legibus & Statutis brevioris stili, extensio facienda est liberius. At in illis, quæ sunt enumerativa casuum particularium, cautius. Nam ut exceptio firmat vim Legis, in casibus non exceptis: ita enumeratio infirmat eam, in casibus non enumeratis.

## APHORISMUS 18.

Statutum explanatorium claudit rivos statuti prioris, nec recipitur postea extensio in alterutro statuto. Neque facienda est super-extensio à Iudice, ubi semel cœpit fieri extensio à Lege.

## APHORISMUS 19.

Solennitas verborum, & actorum, non recipit extensionem ad similia. Perdit enim naturam solennis quod transit à more ad arbitrium: Et introductio novorum, corrumpt majestatem veterum.

*Proclivis est extensio Legis ad casus post-natos; qui in rerum natura non fuerunt tempore Legis late. Vbi enim casus exprimi non poterat, quia tunc nullus erat, casus omissus habetur pro expresso, si similis fuerit ratio.*

Atque de extensionibus Legum, in casibus omissis, haec dicta sint: Nunc de usu exemplorum dicendum.

### De exemplis, & usu eorum.

*De exemplis jam dicendum est, ex quibus Jus hauriendum sit, ubi Lex deficit. Atque de consuetudine, quae Legis species est, deque exemplis, que per frequentem usum, in consuetudinem transferunt, tanquam Legem tacitam, suo loco dicemus. Nunc autem de exemplis loquimur, que raro & sparsim interveniunt, nec in Legis vim coaluerunt, quando, & quam cautione, norma Juris ab ipsis petenda sit, cum Lex deficiat.*

*Exempla à temporibus bonis & moderatis petenda sunt, non tyrannicis, aut factiosis, aut dissolutis. Hujusmodi exempla temporis partus spurij sunt, & magis nocent, quam docent.*

*In exemplis, Recentiora habenda sunt pro tutioribus. Quod enim paulo ante factum est, unde nullum sit secutum incommodum, quid niterum repetatur? Sed tamen minus habent auctoritatis recentia. Et si forte res in melius restitui opus sit, recentia exempla magis seculum suum sapiunt, quam rectam rationem.*

*At vetustiora exempla, caute, & cum delectu recipienda: Decursus siquidem atatis multa mutat; ut quod tempore videatur.*

videatur antiquum, id perturbatione, & informitate ad praesentia, sit planè novum; Medii itaque temporis exempla sunt optima, vel etiam talis temporis, quod cum tempore currente plurimum conveniat: quod aliquando præstat tempus remotius, magis quam in proximo.

## APHORISMUS 25.

Intra fines exempli, vel citra potius, se cohibeto, nec illos ullo modo excedito. Vbi enim non adest norma Legis, omnia quasi pro suspectis habenda sunt. Itaque ut in obscuris, minimum sequitor.

## APHORISMUS 26.

Cavendum ab exemplorum fragmentis & compendiis: atque integrum exemplum, & universus ejus processus introspiciendus. Si enim incivile sit, nisi tota Lege perspecta, de parte ejus judicare, multò magis hoc valere debet in exemplis; Quae anticipitis sunt usus, nisi valde quadrent.

## APHORISMUS 27.

In exemplis plurimum interest, per quas manus transierint, & transacta sint. Si enim apud scribas tantum, & ministros justitiae, ex cursu curiae, absque notitiâ manifestâ Superiorum, obtinuerint; Aut etiam apud errorum magistrum populum, conculcanda sunt, & parvi facienda. Sin apud Senatores, aut Judices, aut curias principales, ita sub oculis posita fuerint, ut necesse fuerit illa, approbatione Iudicium, saltē tacita, munita fuisse, plus dignationis habent.

## APHORISMUS 28.

Exemplis, que publicata fuerint, utcunque minus fuerint in usu, cùm tamen sermonibus, & disceptationibus hominum, agitata & ventilata extiterint, plus auctoritatis tribuendum. Quae verò in scriniis & archiis manserunt, tanquam

*De Augmentis Scientiarum,  
sepulta, & palam in oblivionem transferunt, minus. Exempla  
enim, sicut aquae, in profluente sanissima.*

A PHORISMUS 29.

*Exempla, quae ad leges spectant, non placet ab Histori-  
cis peti; sed ab aetis publicis, & traditionibus diligen-  
tioribus. Versatur enim infelicitas quadam inter histori-  
cos vel optimos, ut legibus, & actis judicialibus, non sa-  
tis immorentr; Aut si forte diligentiam quandam adhibue-  
rint, tamen ab authenticis longe varient.*

A PHORISMUS 30.

*Exemplum, quod aetas contemporanea, aut proxi-  
ma respuit, cum casus subinde recurreret, non facile admit-  
tendum est. Neque enim tantum pro illo facit, quod homines  
illud quandoque usurparunt; quam contra, quod experti reli-  
querunt.*

A PHORISMUS 31.

*Exempla in consilium adhibentur, non utique ju-  
bent, aut imperant. Igitur ita regantur, ut auctoritas  
præteriti temporis fleatur ad usum præsentis.*

*Atque de informatione ab exemplis, ubi lex defi-  
cit, haec dicta sint. Jam dicendum de curiis prætoriis,  
& censoriis.*

*De curiis prætoriis & censoriis.*

A PHORISMUS 32.

*Curiæ sunt & jurisdictiones, quæ statuant ex arbitrio  
boni viri, & discretione sana, ubi legis norma deficit. Lex  
enim, (ut ante dictum est) non sufficit casibus; sed ad ea, qua-  
plerunque accidunt, aptatur. Sapientissima autem res tem-  
pus, (ut ab antiquis dictum est) & novorum casuum quoti-  
die auctor, & inventor.*

A PHORISMUS 33.

*Interveniunt autem novi casus, & in criminalibus: qui  
pœna*

pœna indigent, & in civilibus, qui auxilio. Curiæ, quæ ad priora illa respiciunt, censorias, quæ ad posteriora, pretorias appellamus.

## APHORISMUS 34.

Habent curiæ censoriæ jurisdictionem & potestatem, non tantum nova delicta puniendi, sed etiam pœnas à legibus constitutas pro delictis veteribus augendi, si causas fuerint odiosi, & enormes, modo non sint capitales. Enorme enim, tanquam novum est.

## APHORISMUS 35.

Habeant similiter curiæ prætoriæ potestatem, tam subveniendi contra rigorem legis, quam supplendi defectum legis. Si enim porrigi debet remedium ei, quem lex præterit, multò magis ei, quem vulneravit.

## APHORISMUS 36.

Curiæ istæ censoriæ, & prætoriæ omnino intra casus enormes & extraordinarios se continent, nec jurisdictiones ordinarias invadunt. Ne forte tendat res ad Sr p- plantationem legis, magis quam ad supplementum.

## APHORISMUS 37.

Jurisdictiones istæ, in supremis tantum curiis resident, nec ad inferiores communicantur. Parum enim abesse à potestate leges condendi, potestas eas supplendi, aut extendendi, aut moderandi.

## APHORISMUS 38.

At curiæ illæ uni viro ne committantur, sed ex pluribus constent. Nec Decreta exeat cum silentio; sed judices sententiæ suæ rationes adducant, idque palam, atque astante coronâ: ut quod ipsa potestate sit liberum, famam & existimatione sit circumscriptum.

## APHORISMUS 39.

Rubricæ sanguinis ne sunt; nec de capitalibus, in quibuscunque curiis, nisi ex lege nota & certa, pronun-

*De Augmentis Scientiarum,  
ciatio. Indixit enim mortem Deus ipse prius : postea inflxit.  
Nec vita eripienda nisi ei , qui se in suam vitam peccare prius  
nosset.*

### APHORISMUS 40.

*In Curiis Censoriis calculum tertium dato : ut Iudi-  
cibus non imponatur necessitas , aut absolvendi , aut con-  
demnandi : sed etiam ut non liquere pronunciare possint.  
Etiam censoria non tantum poena , sed & nota esto : Sci-  
licet , que non infligat supplicium , sed aut in admonitio-  
nem desinat , aut reos ignominâ levi , & tanquam rubore  
castiget.*

### APHORISMUS 41.

*In Curiis Censoriis , omnium magnorum crimi-  
num , & scelerum , actus inchoati , & medii , puniuntur ,  
licet non sequatur effectus consummatus : Isque sit earum  
curiarum usus vel maximus : Cum & severitatis interfit , ini-  
tia scelerum puniri , & clementiae , perpetrationem eorum ( pu-  
niendo actus medios ) intercipi .*

### APHORISMUS 42.

*Cavendum in primis , ne in Curiis Prætoriis , præbeatur  
auxilium in casibus , quos Lex , non tam omisit , quam pro-  
levibus contempnit , aut pro odio sis remedio indignos  
judicavit .*

### APHORISMUS 43.

*Maxime omnium interest certitudinis legum ( de qua  
nunc agimus , ) ne Curia Prætoria intumescant & exun-  
dent in tantum , ut prætextu rigoris legum mitigandi ,  
etiam robur , & nervos ijs incident , aut laxent ; omnia tra-  
hendo ad arbitrium .*

### APHORISMUS 44.

*Decernendi contra Statutum expressum , sub ullo æ-  
quitatis prætextu , curiis Prætoriis jus ne esto . Hoc enim si  
fieret ,*

sieret, iudex prorsus transiret in legislatorem, atque omnia ex arbitrio penderent.

## APHORISMUS 45.

Apud nonnullos receptum est, ut Jurisdictio, quæ decernit secundum æquum & bonum, atque illa altera, quæ procedit secundum jus strictum, iisdem curiis deputantur: apud alios autem, ut diversis omnino placet curiarum separatio. Neque enim servabitur distinctio casuum, si fiat commixtio jurisdictionum. Sed arbitrium legem tandem trahet.

## APHORISMUS 46.

Non sine causa in usum venerat apud Romanos, album prætoris, in quo prescrivit, & publicavit, quomodo ipse ius dicturus esset. Quo exemplo judices in curiis prætoriis, Regulas sibi certas, ( quantum fieri potest ) proponere, easque publice affigere debent. Etenim optima est lex, quæ minimum relinquit arbitrio judicis; optimus iudex, qui minimum sibi.

Verum de curiis istis fusi tractabimus, cum ad locum de judiciis veniemus; obiter tantum jam locuti de iis, quatenus expediant, & suppleant omissa à lege.

## De Retrospectione Legum.

## APHORISMUS 47.

Est & aliud genus supplementi casuum omissorum, cum lex legem supervenit, atque simul casus omissos trahit. Id sit in legibus, sive statutis, quæ retrospicunt, ut vulgo loquuntur. Cujus generis leges, raro, & magna cum cautione, sunt adhibenda, neque enim placet Janus in legibus.

## APHORISMUS 48.

Qui verba, aut sententiam legis, captione, & fraude cludit, & circumscribit, dignus est, qui etiam à lege sequente

470 De Augmentis Scientiarum,  
immodetur. Igitur in casibus fraudis, & evasionis dolo-  
sæ, justum est, ut leges retrospiciant, atque altera alteris in  
subsidis sint; ut qui dolos meditatur, & eversionem legum  
præsentium, saltem à futuris metuat.

A PHORISMUS 49.

Lèges quæ actorum, & instrumentorum veras inten-  
tiones, contra formularum aut solennitatum defectus ra-  
borant & confirmant, rectissimè præterita complectuntur. Lè-  
gis enim, quæ retrospicit, vitium vel precipuum est, quod  
perturbet. At hujusmodi leges confirmatoriæ, ad pa-  
cem & stabilitatem eorum, quæ transactæ sunt, spectant. Ca-  
yendum tamen est, ne convellantur res judicatae.

A PHORISMUS 50.

Diligenter attendendum, ne ex legestantum ad præ-  
terita respicere putentur, quæ anteacta infirmant: Sed &  
ea, quæ futura prohibent & restringunt, cum præteri-  
tis necessario connexa. Veluti, si quæ lex artificibus aliqui-  
bus interdicat, ne mercimonia sua in posterum vendant: Hoc  
sonat in posterum, sed operatur in præteritum: Neq; enim  
illis alia ratione videtur querere jam integrum est.

A PHORISMUS 51.

Lex declaratoria omnis, licet non habet verba de præ-  
terito, tamen ad præterita, ipsâ vi declarationis, omnino  
trahitur. Non enim tum incipit Interpretatio cum decla-  
ratur, sed efficitur tanquam contemporanea ipsi legi. Ita-  
que leges declaratorias ne ordinato, nisi in casibus, ubi le-  
ges cum justitia retrospicere possint.

Hic vero eam partem absolvimus, quæ tractat de  
incertitudine legum ubi invenitur lex nulla. Jam di-  
cendum est de altera illâ parte, ubi scilicet lex extat  
aliqua, sed perplexa, & obscura.

## De obscuritate legum.

## APHORISMUS 52.

Obscuritas legum, à quatuor rebus, originem dicit; vel ab accumulatione legum nimiâ, præsertim admixtis obsoletis. Vel à descriptione earum ambigua, aut minus perspicua, & dilucida: vel à modis enucleandi juris negligetis, aut non bene institutis: vel denique, à contradictione & vacillatione judiciorum.

## De accumulatione legum nimiâ.

## APHORISMUS 53.

Dicit Propheta; pluet super eos laqueos. Non sunt autem peiores laquei, quam laquei legum, præsertim pænaliū: Si numero immense, & temporis decursu inutiles, non lucernam pedibus præbeant, sed retia potius objiciant.

## APHORISMUS 54.

Duplex in usum venit statuti novi condendi ratio: Altera statuta priora circa idem subjectum confirmat & roborat, dein nonnulla addit aut mutat. Altera abrogat & delet cuncta, quæ antè ordinata sunt, & de integro legem novam & uniformem substituit. Placet posterior ratio. Nam ex priore ratione, ordinationes deveniunt complicata & perplexa: & quod instat agitur sanè, sed corpus legum interius redditur vitiosum. In posteriore autem, major certè est adhibenda diligentia, dum de lege ipsâ deliberatur; Et anteacta scilicet evolvenda, & pensitanda, antequam lex feratur: Sed optime procedit per hoc legum concordia in futurum.

## APHORISMUS 55.

Erat in more apud Athenienses, ut contrafia legum capita, ( quæ anti-nomias vocant ) quotannis à sex viris

Gg 4 exami-

examinarentur, & quæ reconciliari non poterant, proponerentur populo, ut de illis certum aliquid statueretur. Ad quorum exemplum, y, qui potestatem in singulis Politijs legum condendarum habent, per triennium, aut quinquennium, aut prout videbitur, anti-nomias retractanto. Ea autem à viris, ad hoc delegatis, prius inspiciantur, & preparantur, & demum Comitiis exhibeantur, ut quod placuerit, per suffragia stabiliatur, & sigatur.

## APHORISMUS 56.

Neque verò contraria legum capita reconciliandi, & omnia (ut loquuntur) salvandi, per distinctiones subtiles, & quæsitas, nimis sedula aut anxia cura esto. Ingenij enim hæc tela est: Atque utcunque modestiam quandam & reverentiam præferat, inter noxia tamen censenda est; utpote quæ reddat corpus universum legum varium, & male consumum. Melius est prorsus, ut succumbant deteriora, & meliora stent sola.

## APHORISMUS 57.

Obsoletæ leges, & quæ abierunt in desuetudinem, non minus quam anti-nomiæ, proponantur a delegatis ex officio tollendæ. Cùm enim statutum expreßum regulariter desuetudine non abrogetur, sit ut ex contemptu legum obsoletarum, fiat nonnulla auctoritatis jactura etiam in reliquis: Et sequitur tormenti illud genus Mezentii, ut Leges vivæ in complexu mortuarum perimantur. Atque omnino cœendum est à Gangrenâ in legibus.

## APHORISMUS 58.

Quin & in legibus & statutis obsoletis, nec noviter promulgatis, curiis prætoriis interim contra eas decernendi jus esto. Licet enim non male dictum sit, neminem oportere legibus esse sapientiorem, tamen intelligatur hoc de legibus, cùm evigilent, non cùm dormitent. Contra recentiora verò statuta (quæ juri publico nocere deprehendunt)

henduntur) non utique prætoribus, sed regibus & san-  
ctioribus consiliis, & supremis potestatibus auxilium  
præbendi jus esto: Earum executionem per edicta aut acta su-  
spendendo, donec redeant comitia, aut hujusmodi cœtus, qui po-  
testatem habeant eas abrogandi; ne salus populi interim pericli-  
tetur.

## De novis digestis legum.

## APHORISMUS 59.

Quod si leges aliæ super alias accumulatæ, in tam va-  
sta excreverint volumina, aut tanta confusione laboraverint,  
ut eas de integro retractare, & in corpus sanum, & habile redi-  
gere, ex usu sit; Id ante omnia agito, atque opus ejusmodi opus  
heroicum esto: Atque auctores talis operis, inter legislatores, &  
instauratores, rite & meritò numerantur.

## APHORISMUS 60.

Hujusmodi legum expurgatio, & digestum novum,  
quinque rebus absolvitur. Primo, emittantur obsoleta, quæ  
Justinianus antiquas fabulas vocat. Deinde ex antinoiis recipiantur probatissimæ, aboleantur con-  
trariæ. Tertio homoio-nomia, sive leges, quæ idem  
sonant, atque nil aliud sunt, quam iterationes ejusdem rei,  
expungantur; atque una quæpiam ex iis, quæ maxime  
est perfecta, retineatur vice omnium. Quartò, si quæ legum  
nihil determinent, sed questiones tantum proponant,  
easque relinquant indecisas, similiter faceant. Postremo, quæ  
verbosa inveniuntur, & nimis prolixæ, contrahantur  
magis in arctum.

## APHORISMUS 61.

Omnino verò ex usu fuerit, in novo digesto legum,  
leges pro jure communi receptas, quæ tanquam imme-  
moriales sunt in origine suâ, atque ex alterâ parte, statuta  
de tempore in tempus superaddita, seorsum digerere

& componere: Cum in plurimis rebus, non eadem sit, in jure dicendo, juris communis, & statutorum interpretatio, & Administratio. Id quod fecit Trebonianus in digesto & codice.

## APHORISMUS 62.

Verum, iubusmodi legum regeneratione, atque struaturā novā, veterum legum, atque librorum legis verba prorsū & textum retineto, licet per centones, & portiones exiguae eas excerpere necesse fuerit: Ea deinde ordine contexit. Etsi enim fortasse commodius, atque etiam, si ad rectam rationem respicias, melius hoc transigi posset per textum novum, quam per hujusmodi consarcinationem, tamen in legibus, non tam stilus, & descriptio, quam auctoritas, & hujus patronus antiquitas spectanda est. Alias videri posse hujusmodi opus scholasticum potius quoddam, & methodus, quam corpus legum imperantium.

## APHORISMUS 63.

Consultum fuerit in novo digesto legum, vetera volumina non prorsū deleri, & in oblivionem cedere, sed in Bibliothecis saltē manere; licet usus eorum vulgaris & promiscuus prohibeatur. Etenim in causis gravioribus, non abs re fuerit, legum præteriorum mutationes, & series, consulere & inspicere; ac certè solenne est antiquitatem præsentibus aspergere. Novum autem hujusmodi corpus legum, ab ijs, qui in politijs singulis habent potestatem legislatoriam, prorsū confirmandum est: ne fortè prætextu veteres leges digerendi, leges novæ imponantur occulto.

## APHORISMUS 64.

Optandum esset, ut hujusmodi legum instauratio, illis temporibus suscipiatur, quæ antiquioribus, quorum acta & opera retractant, literis & rerum cognitione praefliterint.

stiterint. Quod secūs in opere Justiniani evenit. Infelix res namque est, cū ex judicio & delectu etatis minus prudentis & eruditæ, antiquorum opera mutilentur, & recomponantur. Veruntamen sapè necessarium est, quod non optimum.

Atque de legum obscuritate, quæ à nimia, & confusa earum accumulatione fit, hæc dicta sint. Jam de descriptione earum, ambiguâ & obscurâ, dicendum.

### *De descriptione legum perplexâ, & obscurâ.*

#### A P H O R I S M U S 65.

Descriptio legum obscura oritur, aut ex loquacitate & verbositate earum; Aut rursus ex brevitate nimia; Aut ex prologo legis, cum ipso corpore legis, pugnante.

#### A P H O R I S M U S 66.

De obscuritate vero legum que ex earum descriptione pravâ oritur, jam dicendum est. Loquacitas, que in prescribendo leges in uatum venit, & prolixitas, non placet. Neque enim, quod vult & capta, ullo modo assequitur, sed contrarium potius. Cum enim casus singulos particulares, verbis appositis & proprijs, persequi & exprimere contendat, majorem inde sperans certitudinem; Econtra questiones multiplices parit de verbis; ut difficilius procedat interpretatio secundum sententiam legis, (que sanior est & verior) propter strepitum verborum.

#### A P H O R I S M U S 67.

Neque propterea nimis concisa & affecta brevitas, Majestatis gratia, & tamquam magis imperatoria, probanda est; prefertim his seculis, ne forte sit lex instar regulæ Lesbiae. Mediocritas ergo affectanda est; & verborum exigui-

De Augmentis Scientiarum,  
quirenda generalitas, bene terminata; quæ licet casus comprehensos non sedulo persequatur, attamen non comprehensos satis perspicue excludat.

## APHORISMUS 68.

In legibus, tamen, atque editis ordinariis & politi-  
cis, in quibus, ut plurimum, nemo Iuris consultum adhibet, sed  
suo sensui confidit, omnia fusiū explicari debent, & ad cap-  
tum vulgi, tanquam digito monstrari.

## APHORISMUS 69.

Neque nobis prologi legum, qui inepti olim habiti sunt,  
& leges introducunt disputationes, non jubentes, utique pla-  
cerent, si priscos mores ferre possemus. Sed prologi isti legum  
plerunque (ut nunc sunt tempora) necessario adhibentur, non  
tam ad explicationem legis, quam instar suaisionis, ad  
perferendam legem in comitiis, & rursus ad satisfa-  
ciendum populo. Quantum fieri potest tamen prologi  
evitentur, & lex incipiat a iustione.

## APHORISMUS 70.

Intentio & sententia legis, licet ex præfationibus,  
& præambulis (ut loquuntur) non male quandoque elicita-  
tur, attamen latitudo, aut extensio ejus, ex illis minimè peti-  
debet. Sæpe enim præambulum arripit nonnulla ex maxi-  
mè plausibilibus, & speciosis ad exemplum, cum lex tamen  
multò plura complectatur. Aut contrà, lex restringit, & limi-  
tat complura, cuius limitationis rationem, in præambulo in-  
seri, non fuerit opus. Quare dimensio & latitudo legis ex  
corpo legis petenda. Nam præambulum, sæpe aut ul-  
tra, aut citra cadit.

## APHORISMUS 71.

Est verò genus prescribendi leges valde vitiosum. Cum  
scilicet casus, ad quem lex collimat, fuse exprimitur in præ-  
ambulo: Deinde ex vi verbi (talis) aut hujusmodi relativi,  
corpus legis retrò vertitur in præambulum, unde præ-  
ambu-

ambulum inseritur, & incorporatur ipsi legi: Quod & obscurum est, & minus tutum, quia non eadem adhiberi consuevit diligentia, in ponderandis & examinandis verbis præambuli, quæ adhibetur in corpore ipsius legis.

Hanc partem de incertitudine legum, quæ ex malâ descriptione ipsarum ortum habet, fusius tractabimus, quando de interpretatione legum postea agemus. Atque de descriptione legum obscura hæc dicta sint: Jam de modis enucleandi juris dicendum.

### De modis enucleandi juris, & tollendi ambigua.

#### APHORISMUS 72.

Modi enucleandi juris, & tollendi dubia, quinque sunt. Hoc enim fit, aut per prescriptiones judiciorum: Aut per scriptores authenticos, aut per libros auxiliares, aut per prælectiones, aut per responsa, sive consulta prudentum. Hæc omnia, si bene instituantur, præstò erunt magna legum obscuritati subsidia.

### De prescriptione judiciorum.

#### APHORISMUS 73.

Ante omnia, judicia redditâ in curiis supremis & principalibus, atq; caussis gravioribus, præsertim dubiis, quæque aliquid habeant difficultatis, aut novitatis, diligenter, & cum fide excipiunto. Judicia enim anchoræ legum sunt, ut leges Reipub.

#### APHORISMUS 74.

Modus hujusmodi judicia excipiendi, & in scripta referendi, talis esto. Casus præcisè, judicia ipsa exactè prescribito: Rationes judiciorum, quas adduxerunt judices, adjicito: Casuum, ad exemplum adductorum, auctoritatem,

*De Augmentis Scientiarum,  
rem, cum casibus principalibus, ne commisceto: De advo-  
catorum perorationibus, nisi quidquam in ijs fuerit ad-  
modum eximium, sileto.*

**A PHORISMUS 75.**

*Personæ, quæ hujusmodi judicia excipiunt, ex advo-  
catis maxime doctis sunt, & honorarium liberale ex  
publico excipiunt. Judices ipsi ab hujusmodi prescri-  
ptionibus abstinent: ne forte opinionibus propriis addicti,  
& autoritate propria fregi, limites referendarii transcen-  
dant.*

**A PHORISMUS 76.**

*Judicia illa, in ordine, & serie temporis, digerito:  
non per methodum & titulos. Sunt enim scripta ejus-  
modi, tanquam historiæ, aut narrationes legum. Neque  
solum acta ipsa, sed & tempora ipsorum, judici prudenti,  
lacem prebent.*

**Descriptoribus authenticis.**

**A PHORISMUS 77.**

*Ex legibus ipsis, quæ jas commune constituunt: De-  
inde, ex constitutionibus sive statutis: Tertio loco, ex ju-  
diciis prescriptis, corpus juris tantummodo consti-  
tutor. Prater illa, alia authentica, aut nulla sunt, aut parce  
recipiuntur.*

**A PHORISMUS 78.**

*Nil tam interest certitudinis legum, (de qua nunc tra-  
ctamus) quam ut scripta authentica, intra fines mode-  
ratos coercentur, & faceat multitudo enormis, Au-  
ctorum & Doctorum in jure; unde laceratur sententia le-  
gum, judex fit attonitus, processus immortales, atque advoca-  
tus ipse, cum tot libros perlegere, & vincere non possit, compe-  
dia secessatur. Glossa fortasse aliqua bona, & ex scriptori-  
bus classicis pauci, vel potius scriptorum paucorum*

pau-

pauculæ portiones, recipi possint pro authenticis. Reliquorum nihilominus maneat usus nonnullus in Bibliothecis, ut eorum tractatus inspiciant judices, aut advocati, cum opus fuerit: Sed in causis agendis, in foro citare eos non permititur, nec in auctoritatem transeunt.

### De libris auxiliaribus.

#### APHORISMUS 79.

At scientiam juris, & practicam, auxiliaribus libris ne nudanto, sed potius instruunto. *Ii sex in genere sunt.* Institutiones. De verborum significatione. De regulis juris. Antiquitates legum. Summæ. Agendi formulæ.

#### APHORISMUS 80.

Præparandi sunt juvenes, & novitii, ad scientiam & ardua juris, altius & commodiùs haurienda, & imbibenda, per institutiones. Institutiones illas, ordine claro, & perspicuo componito. In illis ipsis, universum jus privatum percurrito: non alia omittendo, in alijs plus satis immorando, sed ex singulis quædam breviter delibando, ut ad corpus legum perlegendum accessuro, nil se ostendat prorsus novum, sed levè aliquà notione præceptum. Jus publicum in institutionibus ne attingito, verum illud ex fontibus ipsòs hauriatur.

#### APHORISMUS 81.

Commentarium devocabulis juris conficto. In explicatione ipsorum, & sensu reddendo, ne curiosè nimis, aut laboriosè versator. Neq; enim hoc agitur, ut definitiones verborum querantur exactè, sed explicationes tantum, quæ legendis juris libris viam aperiant faciliorem. Tractatum autem istum, per literas alphabeti ne digerito. Id indici aliqui relinquito: sed collocentur simul verba, quæ circa eandem

renz

## APHORISMUS 82.

Ad certitudinem legum facit, (*si quid aliud*) Tractatus bonus & diligens, de diversis Regulis Iuris. Is dignus est, qui maximus ingenius, & prudentissimus Iureconsultis, committatur. Neque enim placent, quae in hoc genere extant; Colligendae autem sunt regulæ, non tantum notæ, & vulgatae, sed & aliae magis subtile & reconditæ, quæ ex legum, & rerum judicatarum harmonia extrahi possint; quales in rubricis optimis quandoq; inveniuntur: suntq; dictamina generalia rationis, quæ per materias legis diversas percurrunt, & sunt tanquam Saburra iuris.

## APHORISMUS 83.

At singula juris, scita aut placita, non intelligantur pro regulis, ut fieri solet satis imperite. Hoc enim si recipetur, Quot leges, tot regulæ. Lex enim nil aliud, quam regula imperans. Verum eas pro regulis habeto, quæ in forma ipsa justitiae hærent: unde, ut plurimum, per jura civilia diversarum Rerumpubl. eadem regulæ ferè reperiuntur; nisi forte propter relationem ad formas politiarum varient.

## APHORISMUS 84.

Post regulam, brevi & solido verborum complexu enuntiatam, adjiciantur exempla, & decisiones casuum, maxime luculentæ ad explicationem; distinctiones, & exceptiones ad limitationem; cognata ad ampliationem ejusdem regulæ.

## APHORISMUS 85.

Rectè jubetur; ut non ex regulis jus sumatur, sed ex jure, quod est, regula fiat. Neque enim ex verbis regulæ petenda est probatio, ac si esset textus legis. Regula enim legem (*ut acus nautica polos*) indicat, non statuit.

## APHORISMUS 86.

Præter Corpus ipsum Juris, juxtabat etiam Antiquitates Legum invisiere; quibus licet evanuerit Auctoritas, manet tamen Reverentia. Pro Antiquitatibus autem Legum habeantur Scripta circa Leges & Judicia; sive illa fuerint edita, sive non, que ipsam Corpus Legum tempore præcesserunt. Earum siquidem jactura facienda non est. Itaque ex iis, utilissima quoque excerptio (multa enim invenientur inania & frivola) eaq; in unum volumen redigito: Ne Antiquæ Fabulæ, ut loquitur Trebonianus, cum Legibus ipsis misceantur.

## APHORISMUS 87.

Practicæ verò plurimum interest, ut Jus universum digeratur ordine, in Locos & Titulos; Ad quos subiù (prout dabitur occasio) recurrere quis posse, veluti in promptuarium paratum ad præsentes usus. Hujusmodi Libri Summarum, & ordinant sparsa, & abbreviant fusæ & prolixæ in Lege. Cavendum autem est, ne Summæ istæ, reddant homines promptos ad Practicam; Cessatores in scientiâ ipsa. Earum enim officium est tale, ut ex iis recolatur jus, non perdiscatur. Summæ autem omnino, magna diligentia, fide, & judicio, sunt conficiendæ, ne furtum faciant legibus.

## APHORISMUS 88.

Formulas agendi diversas, in unoquoque genere colligito. Nam & practicæ hoc interest; & certè pandunt illæ oracula & occulta Legum. Sunt enim non pauca, quæ latent in legibus: At in formulis agendi, melius & fusiū perspiciuntur; instar pugni, & palmæ.

## De Responsis &amp; Consultis.

## APHORISMUS 89.

Dubitaciones particulates, que de tempore in tempus

*De Augmentis Scientiarum,*  
*emergunt, dirimendi & solvendi, aliqua ratio iniri debet.*  
*Durum enim est, ut ii, qui ab errore cavere cupiant, ducem*  
*vie non inveniant; Verum ut actus ipsi periclitetur, neque*  
*sit aliquis ante rem peractam juris prænoscendi modus.*

### A PHORISMUS 90.

*Responsa prudentum, quæ petentibus dantur de jure*  
*sive ab Advocatis, sive à Doctoribus, tant' valere auto-*  
*ritate, ut ab eorum sententia judici recedere non sit licitū,*  
*non placet. Jura à juratis judicib' sumunt.*

### A PHORISMUS 91.

*Tentari judicia per causas & personas fictas, ut eo*  
*modo experiantur homines, qualis futura sit legis norma,*  
*non placet. Dedecorat enim Majestatem Legum, & pro*  
*prævaricatione quapiam censenda est. Judicia autem ali-*  
*quid habere ex scena deforme est.*

### A PHORISMUS 92.

*Judicum igitur solummodo, tam' judicia, quam respon-*  
*sa & consulta sunt. Illa de litibus pendentibus; hæc de*  
*arduis juris quæstionibus in thesi. Ea consulta, sive in*  
*privatis rebus, sive in publicis, à judicibus ipsis ne posci-*  
*to; ( Id enim si fiat, judex transeat in advocatum, ) sed à*  
*Principe, aut Statu. Ab illis, ad judices demandentur. Ju-*  
*dices vero, tali auctoritate freti, disceptationes advocato-*  
*rum, vel ab his, quorum interest, exhibitorum, vel à judici-  
 bus ipsis, si opus sit, assignatorum, & argumenta ex utrāq;  
 parte audiunto, & re deliberata jus expediunto, & decla-  
 ranto. Consulta hujusmodi inter judicia referunt &*  
*edunto, & paris auctoritatis sunt.*

### De Prælectionibus.

### A PHORISMUS 93.

*Prælectiones de jure atque exercitationes eorum,*  
*qui*

qui juris studiis incumbunt, & operam dant ita instituuntur, & ordinantur, ut omnia tendant ad quæstiones, & controversias de jure, sedandas potius, quam excitandas. Ludus enim (ut nunc sit) fere apud omnes instituitur, & aperitur, ad altercationes, & quæstiones de jure multiplicandas, tanquam ostendandi ingenii causâ. Atque hoc vetus est malum. Etenim etiam apud antiquos glorie fuit, tanquam per sectas & factiones, quæstiones complures de Jure, magis fovere, quam extinguere. Id ne fiat, prævideto.

### De Vacillatione Judiciorum

#### A PHORISMUS 94.

Vacillant judicia, vel propter immaturam & præfustinam sententiam: vel propter æmulationem curiarū; vel propter malam & imperitam perscriptionem judiciorū, vel propter viam præbitam ad rescissionem eorum nimis facilem & expeditam. Itaque providendum est, ut judicia emahent, maturâ deliberatione priùs habitâ, atque ut curiæ se invicem revereantur, atque ut judicia perscrivantur fideliter & prudenter: utique via ad rescindenda judicia, sit arcta, confragosa, & tanquam muricibus strata.

#### A PHORISMUS 95.

*S*i judicium redditum fuerit, de casu aliquo, in aliquâ curiâ Principali, & similis casus intervenerit, in alia curiâ, ne procedito ad judicium, antequam fiat consultatio, in Collegio aliquo judicium majore. Judicia enim reddita, si forte rescindi necesse sit, saltem sepeliuntur cum honore.

#### A PHORISMUS 96.

*V*t curiæ de jurisdictione digladientur, & conflictentur, humanum quiddam est, eoque magis, quod per ineptam

quandam sententiam ( quod boni & strenui sit iudicis ampliare jurisdictionem curiæ ) alatur plane ista intemperies, & calcar addatur, ubi fræno opus est. Ut vero, ex hac animorum contentione, curiæ judicia utroque redita ( quæ nil ad jurisdictionem pertinent ) libenter rescindant; intolerabile malum, & à regibus, aut Senatu, aut Politia, plane vindicandum. Pessimi enim exempli res est, ut Curiæ, quæ pacem subditis præstant, inter se duella exerceant.

### A PHORISMUS 97.

Non facilis esto, aut proclivis, ad iudicia rescindenda, aditus, per appellations, aut impetitiones de errore, aut revisus, & similia. Receptum apud nonnullos est, ut lis trahatur, ad forum superius, tanquam res integra: Judicio inde dato seposito, & plane suspenso. Apud alios vero, ut iudicium ipsum maneat in suo vigore, sed executio ejus tantum cesseret: Neutrum placet, nisi curiæ, in quibus iudicium redditum sit, fuerint humiles, & inferioris ordinis: Sed potius, ut & iudicium stet, & procedat ejus executio: modo cautio detur à defendantे, de damnis & expensis, si iudicium fuerit rescissum.

**A**TQUE hic titulus, de Certitudine Legum, ad exemplum digesti reliqui ( quod meditamur ) sufficiet. Jam vero doctrinam civilem ( quatenus eam nobis tractare visum est ) conclusimus. Atq; unà cum eâ Philosophiam humanam: Sicut etiam cum Philosophia humana, Philosophiam in genere. Tandem igitur paululum respirantes, atque ad ea, quæ prætervecti sumus, oculos retroflectentes: Hunc tractatum nostrum nō absimilem esse censemus, sonis illis & præludiis, quæ prætentant Musici, dum fides ad modulationem cōcinnant: Quæ ipsa quidem auribus ingratum quidam

dām & asperum exhibent: At in causā sunt, ut quæ sequuntur omnia, sint suaviora: Sic nimirūm nos in animū induximus, ut in citharā musarum concinnanda, & ad harmoniam veram redigendā, operam navaremus, quo ab aliis postea pulsētur chordæ, meliore digito, aut plectro. Sanè, cùm nobis ante oculos proponamus, temporum horum Statum, in quibus litteræ jam tertio, ad mortales videntur rediisse: Et una diligenter intueamur, quām variis jam nos inviserint instructæ præsidiis, & auxiliis: Quia sunt, ingeniōrum nostri temporis complurium acumē & sublimitas: Eximiā illa monumenta scriptorum veterum, quæ veluti tot faces nobis prælucent: Ars Typographica, Libros cujuscunque fortunæ hominibus, largā manu suppeditans; Oceani sinus laxati, & orbis ex omni parte peragratus, unde experimenta plurima Priscis ignota comparuerunt, & ingens accessit Naturali Historiæ cumulus: Otium, quo ingenia optima, in Regnis & Provinciis Europæ ubique abundant, cùm negotiis minūs his in locis implicentur homines, quām aut Græci, propter Populares Status, aut propter Ditionum Amplitudinem, Romanī solebant, Pax, quā fruitur hoc tempore Britannia, Hispania, Italia, etiam nunc Gallia, & aliae Regiones non paucæ; Consumptio & exinanitio omnium, quæ videntur excogitari aut dici posse, circa Controversias Religionis, quæ tot ingenia jam diu diverterunt, à cæterarum artium studiis: Summa & excellens Majestatistuæ eruditio, cui (tanquam Phœnici Volucres,) aggregant se undique Ingenia: Proprietas denique inseparabilis, quæ *tempus ipsum* sequitur, ut veritatem indies parturiat: Hæc (inquam) cùm cogitamus, non possumus non in eam spem ani-

mum erigere, ut existimemus, tertiam hanc literarum periodum, duas illas priores, apud *Grecos & Romanos*, longo intervallo superaturam: Modò saltem homines, & vires suas, atque defectus etiam virium suarū, probè & prudenter nosse velint: Atque alii ab aliis inventionis lampada, non contradictionis torres accipiunt, atque inquisitionem veritatis, pro incœpto nobili, non pro delectamento, aut ornamento putēt: Atque opes ac magnificentiam impendant, in res solidas & eximias, non in per vulgatas, & obvias. Ad labores mēos quod attinet, si cui libeat in eorum reprehensione, aut sibi, aut aliis placere, veterem certè, & ultimæ patientiæ petitionem exhibebunt illi: *Verbera, sed audi.* Reprehendant homines, quantum libuerit, modò attendant & perpendant, quæ dicuntur. Appellatio sanè legitima fuerit ( licet rē fortassis minùs eā indigebit ) si à primis cogitationibus hominū ad secundas provocetur, & ab ævo præsenti ad posteros. Veniamus nunc ad eam Scientiam, quā caruerunt duæ illæ prisæ temporum periodi, ( neq; enim tanta illis felicitas concessa est ) *Sacram dico & divinitus inspiratam Theologiam;* Cunctorum laborum, ac peregrinationum humanarum Sabatum, ac Portum Nobilissimum.

FRAN.

FRANCISCI  
BARONIS DE  
VERULAMIO,  
VICE-COMITIS SANCTI  
ALBANI,

*De Dignitate & Augmentis Scientiarum,*

LIBER NONUS,

AD REGEM SVVM.

CAP. I.

*Partitiones Theologiae inspiratae omittuntur: Tantum Aditio fit ad de-  
fiderata tria, Doctrinam de Legitimo Uso Rationis Humanae in Divi-  
nis: Doctrinam de Gradibus Uniratis in Civitate Dei,  
& Emanationes Scripturarum.*

Am verò (Rex optime) cum carina parva, qualis nostra esse potuit, universum ambitum, tamen veteris, quam novi Orbis, Scientiarum, circumnavigaverit, (quam secundis ventis, & cursu, posteriorum sit judicium) quid superest, nisi ut vota, tandem perfundi, persolvamus? At restat adhuc *Theologia Sacra*, sive *Inspirata*: Veruntamen si eam tractare pergamus, ex eundum nobis è *nauicularationis humanae*, & transendum in *Ecclesiæ Navem*; Quæ sola *Aeu Nautica Divinâ* pollet, ad cursum rectè dirigendum. Neque enim sufficient amplius *Stellæ Philosophie*, quæ hactenùs præcipue nobis affulserunt. Itaque par foret, silentium quoque in hac recolere. Quamobrem *partitiones legitimas* circa eam omittemus: Pauca tamen, pro tenuitate nostrâ, etiam in hanc conferemus, loco votorum. Id è magis facimus, qui in Corpore Theolo-

giæ, nullam prorsùs Regionem, aut Tractum, planè desertum, aut incultum, invenimus: Tanta fuit hominum diligentia, in seminandis, aut tritico, aut zizaniis.

Tres igitur proponemus, *Theologiae Appendices*, quæ non de materia, per *Theologiam*, informata, aut informanda, sed tantummodo de modo *informationis*, tractent. Neque tamen, circa eos *Tractatus*, (ut in reliquis consuevimus) vel exempla subjungemus, vel precepta dabimus. Id *Theologis* relinquemus. Sunt enim illa (ut diximus) instar votorum tantum.

I. *Prærogativa Dei* totum hominem complectitur: nec minus ad rationem, quam ad voluntatem humanam, extenditur: ut homo scilicet, in universum se abneget, & accedat Deo. Quare, sicut *Legi Divinae* obediens tenemur, licet reluetur voluntas, ita & *Verbo Dei* fidem habere, licet reluetur ratio. Etenim, si ea duntaxat credamus, quæ sunt rationi nostræ consentanea, rebus assentimur, non auctori: Quod etiam, suspectæ fidei testibus, præstare solemus. At *Fides* illa, quæ *Abrahamo imputabatur adjutitiam*, de hujusmodi re extitit, quam irrisui habebat *Sarah*: Quæ in hac parte *imago quædam erat rationis naturalis*. Quantò igitur, *Mysterium* aliquod *Divinum*, fuerit magis absolum, & incredibile, tantò plus in *Credendo* exhibetur honoris Deo, & sit *Victoria Fidei nobilior*. Etiam & peccatores, quò magis conscientiâ suâ gravantur, & nihilominus Fidem de salute sua, in Dei Misericordia, collocant, eò Deum majore afficiunt honore: omnis autem *Desperatio Deo pro cōtumelia est*. Quintam, si attentè rem perpendamus, dignius quiddam est *Credere*, quam *Scire*; qualiter nunc *Scimus*. In *Scientia* enim, Mens humana patitur à sensu, qui à rebus

mate-

materiatis resilit; in Fide autem, anima patitur ab anima, quæ est Agens dignius. Aliter se res habet in statu Gloræ. Tunc siquidem cessabit Fides, atque Cognoscimus, sicut & cogniti sumus.

Concludamus igitur Theologiam Sacram, ex Verba & Oraculis Dei, non ex lumine naturæ, aut rationis di-damine, hauriri debere. Scriptum est enim, Cœli enarrant Gloriam Dei: At nusquam Icriptum invenitur: Cœli enarrant Voluntatem Dei. De illa pronunciatur, Ad Legem, & Testimonia, si non fecerint secundum Verbum istud, &c. Neque hoc tenet tantum, in Grandibus illis Mysteriis, De Deitate, Creatione, Redemptione; Verum pertinet etiam ad interpretationem per sectiorem Legis Moralis, Diligite inimicos vestros; Benefacite his, qui oderunt vos &c. Ut sitis Filii Patris Vestri, qui in cœlis est, qui pluit super Iustos & Injustos. Quæ certè verba pausum illum merentur, Nec vox hominem sonat. Siquidem vox est, quæ lumen naturæ superat. Quinetiam vide-mus Poëtas Ethnici, præsertim cum pathetice loquantur, expostulare non raro cum legibus, & doctrinis moralibus (quæ tamen Legibus Divinis multò sunt indulgentiores & solutiores) ac si naturæ libertati cum malignitate quadam repugnant:

---- Et quod natura remittit

Invida lara negant. ----

Ita Dendamis Indus, ad Alexandri Nuntios: Se in audiisse quidem aliquid, de nomine Pythagoræ, & aliorum sapientum è Gracia; Et credere illos suisse Viros magnos; Virtutem tamen illo laborasse, quod scilicet nimia in reverentia & veneratione habitissent, rem quam piam phantasticam; quam Legem & Morem vocitabant. Quare, nec illud dubitandum, magnam partem Legis Moralis, sublimiorē esse, quam quod lumen naturæ ascēdere possit. Ve-

Hh 5 runta-

tuntamen, quod dicitur, habere homines, etiam ex lumine & lege naturae, notiones nonnullas, virtutis, vitiis, justitiae, injuriæ, boni, mali; id verissimum est. Notandum tamen, lumen naturae, duplice significatione accipi. Primo, quatenus oritur ex sensu, inductione, ratione, argumentis, secundum leges cœli ac terre: Secundo, quatenus animæ humanae interno affulget instinctu, secundum legem conscientiae, quæ scintilla quædam est, & tanquam reliquæ, pristinæ & primativæ puritatis. In quo posteriore sensu, præcipue particeps est anima, lucis nonnullæ, ad perfectionem intuendam & discernendam legis moralis; Quæ tamen lux, non prorsùs clara sit, sed ejusmodi, ut potius vitia quadam tenus redarguat, quam de officiis plenè informet. Quare, Religio, sive Mysteria spectes, sive mores, pendet ex revelatione Divina.

Attamen usus rationis humanae in spiritualibus, multiplex sane existit, ac latè admodum patet. Neque enim sine causa est, quod Apostolus Religionem appellaverit, Rationalem Cultum Dei. Recordetur quis cæremonias & typos veteris Legis; Fuerunt illæ Rationales, & significativæ, longè discrepantes à cæremoniis idolatriæ, & magiæ, quæ tanquam surdæ & mutæ erant, nihil docentes plerunque, imò ne invenientes quidem. Præcipue Christiana Fides, ut in omnibus, sic in hoc ipso eminet, quod auream servet mediocritatem, circa usum rationis, & disputationis (quæ rationis proles est) inter Leges Ethnicorum, & Mahometi, quæ extrema sectantur. Religio squide Ethnicorum, Fidei aut Confessionis constantis nihil habebat; Contrà in Religione Mahometi, omnis disputationis interdicta est: Ita ut altera, erroris vagi & multipliçis; Altera, yafræ cujusdam & cautæ impostræ,

sturæ, faciem præ se ferat; Cùm sancta Fides Christia-na, rationis usum, & disputationem ( sed secundum de-bitos fines ) & recipiat, & reiiciat.

Humanæ rationis usus, in rebus ad Religionem spe-ctantibus, duplex est; Alter, in explicatione Mysterii; Alter, in illationibus, quæ inde deducuntur. Quod ad Mysteriorum explicationem attinet, videmus non de-dignari Deum, ad infirmitatem captus nostri se de-mittere; Mysteria sua ita explicando, ut à nobis opti-mè ea possint percipi; Atque revelationes suas, in ra-tionis nostræ syllepses & notiones velutii inoculando; Atque inspirationes, ad intellectum nostrum aperten-dam sic accommodando, quemadmodum figura clavis aptatur figuræ seræ. Quā tamen in parte, nobis ipsis deesse minimè debemus: Cùm enim Deus ipse, operâ rationis nostræ, in illuminationibus suis utatur, etiam nos eandem in omnes partes versare debemus, quò magis capaces simus, ad Mysteria recipienda & imbibenda: Modò animus, ad amplitudinem Mysteriorum, pro modulo suo, dilatetur, non Mysteria ad an-gustias animi constringantur.

Quantum vero ad illationes, nosse debemus, relin-qui nobis usum rationis, & ratiocinationis ( quoad My-steria ) secundarium quendam & respectivum, non primitivum & absolutum. Postquam enim articuli, & principia Religionis, jam in sedibus suis fuerint lo-çata, ita ut à rationis examine penitus eximantur, tum demum conceditur ab illis illationes derivare, ac de-ducere, secundum analogiam ipsorum. In rebus qui-dem naturalibus hoc non tenet. Nam & ipsa prin-ci-pia examini subiiciuntur; Per inductionem ( inquam ) licet minimè per Syllogismum: Atque eadem illa mul-lam habent cum ratione repugnantiam, ut ab eodem fonte,

fonte, tum primæ propositiones, tum mediæ, deducantur. Aliter sit in Religione; Ubi & primæ propositiones Authypostatæ sunt, atque per se subsistentes; Et tursus, non reguntur ab illâ ratione, quæ propositiones consequentes deducit. Neque tamen hoc sit in Religione solâ, sed etiam in aliis Scientiis, tam gravioribus, quam levioribus, ubi scilicet propositiones primariæ placita sunt, non posita: Siquidem & in illis rationis usus absolutus esse non potest. Videmus enim in Ludi, puta Schaccorum, aut similibus, primas Ludi normas, & leges, merè positivas esse, & ad placitum; quas recipi, non in disputationem vocari, prorsus oporteat; Ut verò vincas, & peritè lusum instituas, id artificidsum est & rationale: Eodem modo sit & in Legibus Humanis: In quibus haud paucæ sunt Maxima (ut loquuntur) hoc est, Placita mera Iuris, quæ Auctoritate magis quam ratione nituntur; Neque in disputationem veniunt; Quid verò sit justissimum, non absolutè, sed relativè; (hoc est, ex analogiâ illarum Maximarum,) id demum rationale est, & latu disputationi campum præbet. Talis igitur est, secundaria illa ratio, quæ in Theologia Sacra, locum habet, quæ scilicet fundata est super Placita Dei.

Sicut verò rationis humanae in Divinis, usus est duplex, ita & in eodem usu, duplex excessus. Alter, cum in modum Mysterii, curiosus, quam par est, inquiritur; Alter, cum illationibus, equa tribuirur auctoritas, ac principiis ipsis. Nam & Nicodemi discipulus videri possit, qui pertinaciùs querat; Quomodo posset homo nasci, cum sit Senex? Et discipulus Pauli neutiquam censeri possit, qui non quandoque in doctrinis suis inserat; Ego, non Dominus: Aut illud, Secundum Consilium Meum. Siquidem illationibus plerisque stilus iste conveniet. Itaque nobis

nobis res salubris videtur, & in primis utilis, si tractatus instituatur sobrius & diligens, qui de *usu rationis humanae* in *Theologicis* utiliter præcipiat, tanquam *Divina quædam Dialectica*. Utpote, quæ futura sit, in star *Opiæ* cuiusdam *Medicina*, quæ non modò speculationum, quibus schola interdum laborat, inania consopiat; Verum etiam, controversiarum furores, quæ in Ecclesiâ tumultus cœnt, non nihil mitigeret. Eiusmodi tractatum, inter desiderata ponimus; & *Sophronem*, sive de *legitimo usu rationis humanae* in *Divinis* nominamus.

2. Interest admodum *Pacis Ecclesie*, ut fœdus Christianorum, à *Servatore* præscriptum, in duobus illis Capitibus, quæ non nihil videntur discrepantia, bene & clare explicetur: Quorum alterum sic diffinit; *Qui non est nobiscum, est contra nos*: Alterum autem sic; *Qui contra nos non est, nobiscum est*. Ex his liquidò patet, esse nonnullos articulos, in quibus, qui dissentit, extra fœdus statuendus sit: Alios verò, in quibus dissentire liceat, salvo fædere. *Vincula enim cōmuñionis Christianæ ponuntur, Vna Fides, Vna Baptisma, &c. Non unus ritus, una opinio*. Videamus quoque *tunicam Salvatoris*, inconsutilem extitisse; *Vestem autem Ecclesie*, versicolorem. *Paleæ* in aristâ separandæ sunt à frumento; *At zizania in agro*, non protinus evelenda. *Moses, cum certantem reperisset Ägyptium cū Israëlitâ, non dixit, Cur certatis?* Sed gladio evaginato Ägyptium interfecit: *At cum Israëlitas duos certantes vidisset, quamvis fieri non potuit, ut utrique causa iusta contingere, ita tamen eos alloquitur; Fratres estis, cur certatis?* His itaque perpensis, magni videatur res, & momenti, & usus esse, ut definiatur, qualia sint illa, & quantæ latitudinis, quæ ab Ecclesiæ corpore, homi-

*Exod. 2.  
v. 12.*

homines penitus divellant, & à Communione fideliū elminent. Quod si quis putet, hoc jam pridem factum esse, videat ille etiam atque etiam, quām sincerè & moderatè. Illud interim verisimile est, eum qui *Pax* mentionem fecerit, reportaturum responsum illud Jehu, ad Nuntium, (*Nunquid pax est tehu?*  
*Quid tibi & paci? transi, & sequere me:* Cūm non *Pax*, sed *partes*, plerisque cordi sint. Nobis nihilominus visum est, Tractatum de *Gradibus Unitatis in Civitate Dei*, ut salubrem & utilem, inter desiderata reponere.

3. Cūm Scripturarum Sacrarum, circa Theologiam informandam tantæ sint partes, de earum Interpretatione in primis videndum. Neque nunc de Auctoritate eas interpretandi loquimur, quæ in consensu Ecclesiæ firmatur, sed de modo Interpretandi. Is duplex est: *Methodicus*, & *Solutus*. Etenim Latices isti Divini, qui aquis illis, ex puteis Jacobi, in infinitum præstant, similibus ferè hauriuntur, & exhibentur modis, quibus aquæ naturales ex puteis solent: Hæ siquidem, aut sub primum haustu, in cisternas recipiuntur, unde per tubos complures, ad usum commodè diduci possunt; Aut statim in vasa infunduntur, subinde, prout opus est, utendæ. Atque modus ille prior methodicus, Theologiam nobis tandem peperit Scholasticam; per quam Doctrinam Theologica, in artem, tanquam in cisternam, collecta est; atque inde Axiomatum & Positionum rivuli, in omnes partes, sunt distributi. At in Interpretandi modo Soluto duo interveniunt excessus, alter, ejusmodi presupponit in Scripturis Perfectionem, ut etiam omnis Philosophia ex earum fontibus peti debeat, ac si Philosophia alia quævis, res profana esset & ethnica. Hæc intemperies in Scholâ Paracelsi præcipue,

cipuē, nec non apud alios invaluit: Initia autem ejus à Rabbinis & Cabalistis defluxerunt. Verūm istiusmodi homines, nō id affequuntur, quod volunt: Neque enim honorem, ut pūtant, Scripturis deferunt; sed easdem potius deprimunt & polluunt. Cœlum enim materiatum, & terram, qui in *Verbo Dei* quæsiverit de quo dictum est; *Cœlum & terra pertransibunt, Verbum autem meum non pertransibit*) is sanè, transitoria inter æterna temerè persequitur. Quemadmodū enim *Theologiam* in *Philosophia* quærere, perinde est, ac si vivos queras inter mortuos: Ita econtrà *Philosophiā* in *Theologiā* quærere, nō aliud est, quām mortuos quærere inter vivos. Alter autem *Interpretandi modus* (quæ pro excessu statuimus) videtur primo intuitu sobrius & castus; sed tamen & *Scripturas* ipsas dedecorat, & plurimo *Ecclesiam* afficit detimento. Is est (ut verbo dicamus) quandò *Scripturae divinitus inspiratae*, eodem, quo *Scripta humana*, explicantur modo. Meminisse autem oportet, Deo *Scripturarum Auctori*, duo illa patere, quæ humana ingenia fugiunt: *Secreta nimicū cordis, & successiones temporis*. Quamobrem, cùm *Scripturarum dictamina* talia sint, ut ad cor scribantur, & omnium *seculorum vicissitudines* complectantur; cum æternā & certā præscientiā omniam hætesium, contradictionum, & Status Ecclesiæ variis & mutabilis, tum in communi, tum in electis singulis: Interpretandæ non sunt solummodo, secundum latitudinem & obvium sensum loci: Aut respiciendo ad occasionem, ex quâ verba erant prolata: Aut præcisè ex contextu verborum præcedentium & sequentium: Aut contemplando scopum dicti principalem; Sed sic, ut intelligamus complecti eas, non solum totaliter; aut collectivè, sed distributivè, etiam in clausulis & vocabulis

cabulis singulis, innumeros doctrinæ rivulos & vales, ad Ecclesiæ singulas partes, & animas fidelium, irrigandas. Egregie enim observatū est, quod *Responſa Salvatoris nostri*, ad quæſtiones non paucas, ex iis, quæ proponebantur, non videntur ad rem, sed quasi impertinētia: Cujus rei causa duplex est: Altera, quod cùm cogitationes eorum, qui interrogabant, non ex verbiſ, ut nos homines solemus, sed immediate, & ex ſeſe cognovilſet, ad cogitationes eorum, non ad verbā reſpondit: Altera, quod nō ad eos ſolum locutus eſt, qui tunc aderant, ſed ad nos etiam, qui vivimus, & ad omnis evi ac loci homines, quibus Evangelium fuerit prædicandum. Quod etiam in aliis *Scripture Loci* obtinet.

His itaque prælibatis, veniamus ad *Tractatum eum*, quem desiderari statuimus. Inveniuntur profeſto in ter *Scripta Theologica*, *Libri controverſiarum* nimio plures; *Theologiae ejus*, quam diximus positivam, maſſa ingens; *Loci communes*; *Tractatus ſpeciales*; *Casus Conſcientiæ*; *Conciones & homiliae*: Denique prolixi plurimi in Libros *Scripturarum Commentarii*: Quod desideramus autem eſt hujusmodi. *Collectio ſcilicet succincta, ſana*, & cum judicio, annotationum, & observationum, ſuper *Textus Scripturæ Particulares*; nequitiam in Locos Communes excurrendo, aut controverſias persequendo, aut in artis Methodum eas redigendo, ſed quæ planè ſparsæ ſint, & nativæ. Res certè, in concionibus doctioribus, ſe quandoque oſtendens, quæ ut plurimum non perennant, ſed quæ in Libros adhuc non coaluit, qui ad posteros tranſeant. Certè, quemadmodum vina, quæ ſub primam calctionem molliter defluunt, ſunt ſuaviora, quam quæ à torculari exprimuntur; quoniam hæc ex acino & cute uvæ aliquid ſapiant: Similiter ſalubres admodum, ac ſua-

ves sunt doctrinæ, quæ, ex Scripturis leniter expressis, emanant; nec ad Controversias, aut Locos Communes, trahunt. Hujusmodi tractatum *Emanationes Scripturarum* nominabimus.

Jam itaque mihi videor confecisse globum exiguum orbis intellectualis, quam potui, fidelissimè; Unà cum designatione & descriptione earum partium, quas industria & laboribus hominum. aut non constanter occupatas, aut non satis excultas, invenio. Quo in opere, sicuti à Sententiâ veterum recesserim, intelligatur hoc factum esse, animo proficiendi in melius, non innovandi, aut migrandi in aliud. Neque enim mihi metipsi, aut argumento, quod in manibus habeo; constare potui nisi planè decretum mihi fuisset, aliorum inventis, quantum in me fuerit, addere: Cùm tamen non minus optaverim, etiam *inventa mea*, ab aliis, in posterum superari. Quam autem in hac re æquus fuerim, vel ex hoc appareat; quod opiniones meas proposuerim ubique nudas, & inermes, neque aliena Libertati, per confutationes pugnaces, præjudicare contenderim. Nam in iis, quæ rectè à me posita sunt, subest spes, id futurum, ut si in prima lectione emergat scrupulus, aut objectio: At in lectione iterata, responsum se ultrò sit exhibitum: In iis vero, in quibus mihi errare contigit, certus sum, nullam à me illatam esse vim veritati, per argumenta contentiosa: Quorum ea ferè est natura, ut erroribus auctoritatem concilient, rectè inventis derogent. Siquidem ex dubitatione error honorem acquirit; Veritas patitur repulsam. Interim, in mentem mihi venit responsum illud Themistoclis, qui, cùm ex oppido parvo Legatus quidam, magna nonnulla perorasset, hominem perstrinxit; amice, verba tua Civitatem desiderant;

rant. Certè obiici mihi rectissimè posse existimo,  
quod verba mea Seculum desiderent. Seculum fortè  
integrum, ad probandum, Complura autem Secula ad  
perficiendum. Attamen, quoniam etiam res quæque  
maximæ initiis suis debentur, mihi satis fuerit, sevis-  
se posteris, & Deo Immortali: Cujus Numen supplex  
precor, per Filium suum & Servatorem nostrum, ut  
has, & hisce similes, Intellectus humani viðimas, Reli-  
gione, tanquam Sale, respersas, & Gloriæ suæ immola-  
tas, propitius accipere dignetur.

## NOVUS ORBIS SCIEN- TIARUM, SIVE DE- SIDERATA.

### L I B. I I.

- E*ctores naturæ, sive Historia præter-generationum.
- V*incula naturæ, sive historia mechanica.
- H*istoria inductiva, sive historia naturalis in ordine ad condendam Philosophiam.
- O*culus Polyphemi, sive historia literarum.
- H*istoria ad Prophetias.
- P*hilosophia secundum parabolæ antiquas.

### L I B. I I I.

- P*hilosophia prima, sive de axiomatibus scientiarum com-  
munibus.
- A*stronomia viva.
- A*strologia sana.
- C*ontinuatio problematum naturalium.
- P*lacita antiquorum Philosophorum.
- P*ars Metaphysicæ de formis rerum.

*Magia naturalis, sive deductio formarum ad opera.  
Inventarium opum humanarum.  
Catalogus Polychrestorum.*

## LIB. IV.

*Triumphi hominis, sive de summatibus naturae humanae.*

*Physiognomia corporis in motu.*

*Narrationes Medicinales.*

*Anatomia comparata.*

*De curatione morborum habitorum pro insana bilib m.*

*De Euthanasia exteriore.*

*De medicinis authenticis.*

*Imitatio Thermarum naturalium.*

*Filum medicinale.*

*De prolongando curriculo vitae.*

*De substantia animae sensibili.*

*De nixibus spiritus in motu voluntario.*

*De differentia perceptionis & sensus.*

*Radix perspectivae, sive de forma lucis.*

## LIB. V.

*Experientia literata, sive venatio Panis.*

*Organum novum.*

*Topicæ particulares.*

*Elenchi idolorum.*

*De analogia demonstrationum.*

## LIB. VI.

*De notis rerum.*

*Grammatica philosophans;*

*Traditio lampadis, sive methodus ad filios.*

*De prudentia sermonis privati.*

*Colores boni & mali apparentis, tam simplicis, quam comparati.*

*Anthites a rerum.*

*Formule minores orationum.*

## L I B. VII.

*Satyra seria, sive de interioribus rerum.*

*Georgica animi, sive de culturâ morum.*

## L I B. VIII.

*Amanuensis vitæ, sive de occasionibus sparsis.*

*Faber fortunæ, sive de ambitu vitæ.*

*Consul paludatus, sive de proferendis imperii finibus.*

*Idea justitiae universalis, sive de fontibus juris.*

## L I B. IX.

*Sophron, sive de legitimo usu rationis humanæ in divinis.*

*Irenæus, sive de gradibus unitatis in civitate Dei.*

*Utres cœlestes, sive emanationes scripturarum.*



# INDEX RERUM ET VERBORUM.

p. notat paginæ principium, m. medium, f. finem.

A.

- Aron orator 295 p.  
Abel & Cain in mago du-  
arum vitarum 43 f.  
Academiarum artior con-  
junctio Gallo utilis 77 p.  
Academicus & Sceptici philo-  
sophi 236 f.  
Academicorum philosophia  
præstantissima iuxta Cice-  
ronem 304 p.  
Acatalopse opinio 237 p.  
Accentus verborum 278 f.  
Acroamaticum dicendi ge-  
nus de honestatum 289 p.  
Actiones theatrales maximè  
utiles 111 f.  
Actiōnum theatralium uti-  
litas 344 p.  
Actorum solennitatis 95 p.  
Acuminatum fortius pene-  
trat, quam obtusum. 300 p.  
Actus nauticae versoriū 242 p.  
Aditus facilis & vultus co-  
mis 387 p.  
Admiratio abrupta est si-  
tia 7 f.  
Admiratio Deū spectat, scie-  
tiæ creaturas 7 f.  
Admiratio semens sciëtia. 7 p.  
Adriamus diligens secreto-  
rum investerator 51 f.  
Adulatio literarum digni-  
tatis nocet 24 p.  
Aedifici pars efformare  
aliquid, aliud compaginare  
362 m.
- Aegyptii Hieroglyphicorum  
autores 373 m.  
Aegyptii plurime rtes de-  
bent iniuria 233 p.  
Aegypti & Etrusci S. docto-  
res 44 m.  
Aegyptius septem annos fer-  
tiles, totidem steriles ha-  
bet 306 m.  
amuli & aquales consideran-  
di 437 f.  
anigmate de honestata 289 p.  
eorum usus & fines. 289 p.  
equis & cationes sunt sophi-  
smata sophismatum. 262 p.  
Aesculapius soror Circæs qua-  
re a Poetis data 196 p.  
Affectiones & aera 26 p.  
de Affectionis excitandis ne-  
mo melius scripsit quam  
Poeta & historicus. 374 m.  
Affectiones etiam sepius resusci-  
tantur 134 f.  
Affectiones nunquam acquisi-  
scunt nec sicutantur 195 p.  
indomiti sunt i. star Tigris  
ibid deformes &  
inconditi ibid.m. quod ex-  
perientia repudavit, pe-  
tunt. ib.f. similes sunt be-  
dera 136 p. in religione 366  
luxuriatur ib.m. sunt ore-  
bus furor. ibd. i. quisito-  
nem & admiracionem nor-  
ferunt. 126. f. illorum co-

# INDEX RERUM

- mites sunt Muse 135.f  
 affectus quomodo differant  
     à ratione 298.m  
 affectus vehementiores am-  
     bitus sunt sexus 134.f  
 agens, patiens 356.f  
 Agesilaus de Pharnabazo di-  
     bum 19.m  
 agricola imperium 269.f  
 alacritas nimia cohibenda.  
     425.f  
 Album praetoris apud Roma-  
     nos 469.p  
 Alchymia multum phanta-  
     stică habet 33.m  
 Alchymista & Paracelsus re-  
     futantur 194.m  
 Alexander Achilli praeconem  
     Homerum incidit 53.p  
 Alexander Aristotelem, Cal-  
     listhenem aliosque prae-  
     ptores & comites habuit.  
     53.p.  
 Alexander Cassandrum per-  
     frinxit 54.f. Callisthenem  
     clamodio habuit 55.p  
 Antepatrum perfrinxit. 55.  
     m. & Parmenonem. ibi.f  
     assentatores irrisit. 54.m  
 Alexander Magnus 10.p  
 Alexander noluit suffurari  
     Victoriam 448.m  
 Alexander summus politicus  
     55.f. errorem consileariorū  
     redarguit 56.m  
 Alexandri Borgia dictum.  
     183.f  
 Alexandri expeditio in Asiam  
     36.m  
 Alexandri iudicium de Da-  
     rissi arcu 53.m. epistola
- objurgatoria ad Aristot.  
 missaribid. doctrina &  
     rudisseq. ibid. & seqq. apo-  
     phthegmatum Diogen. ibi.f  
     ansimamagnitudo 61.f  
 Alexandre Seferi imperium  
     consilio praeceptorum ad-  
     ministratum 11.f  
 Algebra 182.f  
 alphabetum vulgare occul-  
     tum 279.p  
 altercationes Vana 26.p  
 Amanuensis inscrita. 285.m  
 amare & sapere 78.f  
 ambigua quomodo tollenda.  
     477.m. & seqq.  
 ambitio pestis hominum 399.  
     m.  
 amici cadant, modo inimici  
     intercidant 442.p  
 amici fures temporis 388.p  
 amici moneant se invicem.  
     411.p  
 amici quales unicuique deli-  
     gendi 428.p  
 amicitiacumquibus contra-  
     henda ad inquisitionem a-  
     nimorum 425.p  
 amicorum delectus sit pru-  
     dens 409.m  
 amicorum mollities in ad-  
     monendo reprehenditur.  
     411.p  
 amnestie 410.p  
 amor mores format optimè.  
     381.m  
 de Analogia Cesaris libri.  
     275.p  
 Anabaptistarum hæresis 354.  
     m.  
 Analytica 260.p  
 Ana-

ET VERBORUM.

- Anatomia simplex & com-  
parata 201.m animi hominum qua clara  
Anatomia verorum 203.p referandi 423.p  
Anaxarchus patientissimus.  
187.m animi janua sunt oculi, os,  
vultus, gressus 421.p  
Animadivina aura partici-  
la 443.f animi impetum cohibere, ma-  
ximum quid 355.f  
anima facultates 219.f animi vexatio & inquietus-  
do 394.p  
anima sensitilis non est En-  
telechia 223. animus humanus instar spe-  
culi 5.p  
angeli ceciderunt 381.f animus humanus ne peditat,  
laborat 259.p  
Angelorum & spirituum na-  
tura nec infundibilis, nec  
interdicta 145.m. Venera-  
tio prohibita 146.p  
angelorum natura Deo pre-  
xima 42.m animus verè sanus & gal-  
dus 355.f  
angelorum ordines 42.m annales 96.m. 103.m. quomo-  
do differant a diariis ibi.  
Angeli bellicosi 450.f anomia 471.f  
anima brutorum est substâ-  
tia corpora 219.p Antropomorphitarum here-  
sis 264.f  
anima humana doctrina 217.  
pr. antiquitas quatenus reten-  
da 149.m  
anima humana praeellentia  
supra animas brutorum.  
217.f antiquitates quid sint? 94.m  
animarationalis substantia.  
218.m antiquitatis & novitatis  
studium 35.m  
animarum emanationes dua  
217.m antiquitatis reveretta. 35.m  
anima quo dignior, eò plus  
compatitur 401.p Antonini Pii Sitionum Gran-  
da 444.m dum 293.f  
de Animicatura 368.m Antoninus subtilis 51.f  
animi emendatione opus. 437.  
pr. Anytus Socratis accusator. 9  
animi hominum nunc in per-  
fectiore, nunc in statu de-  
teriori deprehenduntur.  
379.m apes 234.p  
aphorismi unde conficiende,  
289.f per

# INDEX RERUM

- per Aphorismos traditio 289  
     m.  
 appetitus triplex 358.f  
 appetituum duo genera 163.p  
 apophthegmata 198.f. secures  
     & muerones verborum.  
     ibid.  
 aportheosis apud Ethnicos. 49.  
     pr.  
 aqua in summo posita 241.f  
 aqua quam vinum plus pon-  
     deris 247.m  
 aqua salsa lucescit nocte 227.  
     pr.  
 arcana difficulter tegi pos-  
     sunt 422.p.  
 Archias poeta bonus 187.m  
 Archimedis evagna 247.m  
 architectura 362.m  
 argentum &c quando stu-  
     pefit 241.f  
 aristippus Dionysio ad pedes  
     procidit 24.f  
 Aristoteles affectus non no-  
     tae in Ethicis 373.f ejus  
     disceptationes de Voluptate  
     & dolore 187.m  
 Aristoteles Alexandri pre-  
     ceptor 53.p  
 Aristoteles Democritum du-  
     sugillat, laedat 291.f  
 Aristoteles improbatur quod  
     nostra artis vocabula fin-  
     ixerit 148.m. ingenium mira-  
     bit, sed ambo rosae 149.p  
 Aristoteles Ottomannis simi-  
     lis 166.m. commendatur.  
     167.p. 180.f. accusatur. 173.  
     fin.  
 Aristoteles refutatur. 250.f  
 Aristotelis dictum 300.m
- Aristotelis erga Rethores a-  
     mulatio 295.m  
 Aristotelis sententia de con-  
     suetudine resicitur. 375.m  
 Arithmetica 182.m  
 ars a natura & artificialia  
     a naturalibus quomodo  
     differant 82.f. & 83.p  
 ars indicii 238.p  
 ars naturae subministrat, non  
     imperat 199.m  
 ars sine usu parcer facienda  
     269.p. multa exempla af-  
     feruntur artium inutilium  
     ibid.  
 artes inventiendi adolescent.  
     253.m  
 artes liberales florent Rep.  
     in culmine posita 216.p  
 artes male damnantur. 441.  
     fin.  
 artes que ad &c. & Auditum  
     pertinent quare liberales.  
     215.f  
 artibus accedit quod plantis.  
     288.m  
 astris nulla inest fatalis ne-  
     cessitas 157.p  
 Astrologiamulta commentata.  
     refelluntur 154.f. videlicet  
     planetarum per certas  
     horas imperium ibid. the-  
     mata cœli, & distributio-  
     nes domorum 155.p. doctri-  
     na de nativitatibus &c.  
     155.p.m. & f.  
 ad Astrologium &c. perse-  
     nsends 161.p  
 Astrologia multis superstici-  
     onibus referta 154.m  
 Astrologia multis habet phâ-  
     tasia

# ET VERBORUM.

thasia	33. m	Aurasionensis principis im-
in Astrologia quid retinen-		tersector 187 m
dum & quid desideretur.		aurum aliquando excoqui-
156 p. & seqq.		turigne 83.
Astrologia sana desideratur		aurum imbibit argentum &
156 p. quomodo conficienda		Cum 242 m
157 m. ad quid aulibenda		aurum plus ponderis, minus
159. m		dimissionis quam vimam.
Astronomia comparatur cū		247 m
Prometheo 152 m. quid &		aurum produci potest multa
quantum in illa desiderer-		& saga, i molitione 178 f.
tur ibid 153. p		de Authentica scriptio &
Astronomia & Astrologia		scriptoribus 478 m
differunt 152 m		auxiliares libri 479 p
Atalanta malum 40 f		axiomata conservabilitas ace-
atheismum quid movent. 8. m		re felicis & genit. 193 p.
Athenenses culpantur a De-		axiomata varia 29 f. diver-
moothene 435 f		siss scientia applicatur ib.
Atenies in antinom 171 f		quilea aahu. nemo com-
Athletica 214. m		posuit 142 p
Atlantis fabula 259. m		B.
atoma 116. m		de B. istis si figmenta 366 p
Atomii Democrito non fuere		Bella moderna in tene-
principiarerum 246 f		bris geruntur 457 m
Atticus Ciceronem monet de		bella non iuste de causa susci-
vultu & gestu 387 m		pienda 127. m. quodnam
aucupum mos 374. m		belli genia eligendum. ibi.
Augustinus Donius 219 m		bella Romanorum quomodo
Augustus Cas. & Septimus		gesta 128. p
Severus summa patrarunt		belli causa 455. p. propagatio
mala summa etiam conser- uerunt bona 447 f		legis & sectae ibid. injuria
Augustus Casar moriturus ab		illarum & ibi. auxilia mitten-
Amicus quid petierit 418.		da facias ib m. alia ib f.
m.		Belli causa justa sit 129 p.
Augustus Cas. non fuit disse- mulator 433. f. ad statu m		belli nerua an pecunia 437.
Iulii Cas. manum proten- deret ibid.		m.
Augustus perpetuo vixit in		in Bello maximè prosunt Ce-
oculis hominum 427. p		leritas, Occultatio Consi-
		liorum, & Providentia
		129 f. & seq.
		bellum aduersus Brutum &
		Li s Cas.

# INDEX RERUM

- Cassiam vindicabat morte  
 Cesaris 129 m. Severi, Per-  
 tinacū mortem, Iunii Bru-  
 si, Lucretia vindicatur ib.  
**Bellum Britannicum** à Caro-  
 lo VIII. Gallia Rege gestum  
 128 m.  
 ad Bellum estimatio virium  
 necessaria 129 m.  
**Bellum Philippus** & Alex. in-  
 der diversa gesserūt. 127 f.  
**Bernardus Telesius** 219 m.  
**Bianus praeclarū dictū** 440 f.  
 i bliotheca 70 f.  
 bona animi & corporis raro  
 in homine omnia conve-  
 niunt 383 m.  
 boni exemplar sive imago 349 p.  
 boni possit ei natura optimè  
 descripta 349 f. etiam cō-  
 parati 350 p.  
 honorum animi & corporis  
 relatio 383 p.  
 bonum actuum differt à cō-  
 munionis 358 p.  
 Bonum commune quartum  
 prævaleat individuali 352.  
 pr.  
 bonum communionis sive of-  
 ficii 362 p.  
 bonum individuale 351 p.  
 bonum individuale vel acti-  
 sum. Vel passiuum 356 m.  
 bonum passiuum disceditur.  
 358 f.  
 bonum perfectiuum 359 p.  
 conservatiuum ib. f.  
 bonus contra bonum citius  
 Brmatuerit 242 f.  
 itannia regnum potentia  
 nivalis præcellit 457 p.  
 Brus animadversa in filios  
 367 m.  
 Brus dictum, quod sub exitu  
 profudit. 444 f.  
 C.  
**Ceremonie** & ceteris legis.  
 490 m.  
 Casarem laudat Cicero corā.  
 365 p.  
 Casarem portas & fortunam  
 ejus 313 f.  
 Casaris libri de Analogia 275  
 pr.  
 Casar maluit esse primus in  
 obscuro quam secundus Ro-  
 ma 433 m.  
**Calcearius** 251 p.  
**Calendarium dubitationum**  
 166 p. falsatum. m.  
 calidū fertur sursum 245 m.  
 calumniare audacter &  
 429 f.  
 capra animal scandens. 129.  
 m.  
 Carmen stile character 79 f.  
 Carninū & varia genera 278 p.  
 Carnes in nonnullis cellis ci-  
 sus purrescunt 247 m.  
 à Carrarium esa abstinuerunt  
 Esse & Pythagoras. & al-  
 li 401 m.  
 Caroli V Imp. dictoriū 444 p.  
 Caroli V III. Gall. Regis bel-  
 lum Britannicum & ex-  
 peditione Neapolitana. 128 m.  
 Carrs & Ascani scripta 26 f.  
 Cassis & Bruti imagines 18 m.  
 in Castellis & oppidis parvois  
 expugnandis non subinde-  
 herendum. 290 f.  
 casus onenes humana prude-  
 tia

ET VERBORUM.

tia non potest capere 462 p de Catena aurea fabula 145. pr.	Chinenissimum characteres rea- les 273. p
Catilina incendiarius Re- rum. 442. m	Chiromantia res Vana 190. p.
Cato Censorius Carneadem philosophum dimittendum cesset 9. m	Christus suamus Medicus 193. f
Cato Censorius senex Graciam ling didicist 15. p	chronica 95. m
Cato Major sua fortuna fa- ber 416. f	chronologia 95. p
Catonis ingenium Versatile 435. p.	Chymicorum dictum appro- batur. 146. f.
Catonis junioris laus à Cice- rone data 368. f	Chymicorum phalanx fan- tasticus 264. m
Caton Vicensis laboriosus, sed parum ad rem. 436 f	Ciceronis de M. Catone dictū 378. f
causa physica homines a Deo Ex providentia non abdu- cunt 175. m	Ciceronis de Socrate querela 185. m
causarum finaliū inquisitio sterilis. 175. f	Ciceronis oratio pro M. Mar- cello 365. p
de Causulis Ex virtutis respe- ctibus desiderantur. 366 f	Ciceronis studium Eloquen- tia 295. m
Celeritas in bello plurimum potest 10. p.	ciphrarym referatio 285. p
Celeritas in servis maximè spectatur 405. f	Ciphra 278. m suspicione ca- reat ib. f
Celsus medicus commēdatur. 232. m.	de Circulis perfectis mathe- maticorum commentum. 264. p
Centurio apud Tacitum 187 fin.	civilis sc̄ēta 385. m. ejus tres partes 386. m
Cepa semen 239 f	eritatis ius libenter largiri debet 451. f
cicendula 227. p	de Claudio iudicium Taciti 400. f
Characteres Chinenissimum 273. pr.	Cleone quid obiciebatur. 297. pr.
charitas antidotus sciētia 6.	Catena ad quam Brutus, Cas- sius, aliis in ditate 367. f
charitas vinculum perfectio- nis 381 p. non admittit ex- cessum ib. f	collocatio in oratione pluri- num gratia patit 338. f
	Colonias deducendis consue- tudo 452. m
	Columba navigatio 36. m
	cometa possunt pranuncari. 152. m. 6008.

# INDEX RERUM

- commentariis quid 94 f  
 comperendinanda re cāven-  
 dum 392. m  
 concordiam tractādi via du-  
 ples 410. p  
 confidentia valde efficax ad  
 occuleandos defētus 431. f  
 congressus impar fugiendus  
     393. m  
 Cosalvi generosè dictum 354  
     f alius 356 p  
 Conscientia lex 490. p  
 conscientias irritare grave.  
     394. m  
 conservatio rerū qualis 210. f  
 consilia callida expectatione  
     lata Et c. 412. m  
 cōsilia felicia, que profun-  
     da dissimulatione. 434. m  
 Consiliarii quidam fiducines  
     447. p. quidam negotiis  
     pares ibid.  
 consiliariis empyricis summa  
     rerum si mandatur, per-  
     eulosem est 11. p  
 consilii prudentia Et sanitá-  
     te opus ad literas 69 m  
 consiliorum propriorum oc-  
     cultatio, hostiliū explora-  
     tio in bello plurimum po-  
     test 130 m  
 cōsuetudinis magna Et 375 m  
 consuetudo altera natura.  
     435 m. Et 377. p  
 cōsuetudo legis species 464 m  
 de Consulatus petitione liber  
     Ciceronis 139. p  
 contemplatiōnem vitam ne-  
     sist Theologia 353. m  
 contemplatiōnem vita actiōne  
     präferenda 352 m  
 contendendum non cum in-  
     digno 393. m  
     contrariorum eadem ratiō.  
     298. f  
     in Contrarium nitendum.  
     376. f  
     in Conversando prudentia.  
     386. f  
 de Conversatione scientia de-  
     sideratur 389. p  
 Copernici sententia de ratio-  
     ne Terra refinci potest.  
     185. f  
 corporis partes interna tam  
     dissimiles sunt in homini-  
     bus, quā frontes Et 201. f  
 cor tanquam arena maris 2 p  
 corde 234. p  
 Cosmetica 213. f  
 creatonis histria 42. p  
 credulitas Ecclesiasticis hi-  
     storiis nocuit 32. m  
 credulus libēter decipit 32. p  
 Cretenses mendaces 372 m  
 Critica utilitas 340. p. Et quo  
     modo tractāda ib. f. Et seq.  
 criticorum quorundā teme-  
     raria. 340. m. moribus ib. f.  
 Croesus Soloni aurum ostendit  
     449. p  
 culpā admisiōi, cum nondum  
     de autore constat, Valde  
     homines tumultuantur.  
     307. f  
 cupiditatis origo, apparenſ  
     bonum 133. f. Vide affectus.  
 curia 466. f. censura 467. p.  
     pratoriae ibid.  
 curia jurisdictio ampliari  
     multa contentione non de-  
     bet 483 f  
 cursus in literatis damna-  
     tur. 25 f  
 curio-

ET VERBORUM.

curiositas inutilis	393 f. &	demonstrationum quatuor
seq.		genera 266 f
curiosus in aliena Republic.		Demosthenes cives suos affa-
98 p		tus 307 m
custodiendi art	267 m	Demosthenis dictum lauda-
Cydra	242 f	tur 348 p
cymini sectores.	293 f	Demosthenis diligētia 251 m
D.		Demosthenis querela. 309 m
<b>D</b> are beatius quam acci-		Demosthenis responsio ad Ae-
pere	356 f	schynem 14 f
Decima facultatum.	443 m	Dendamis Iuds responsum
deciprato	285 p	ad Alexandrum 489 f
declaratio sui. quam sit utilis		Deo secreta cordis & succes-
& quo modo exercenda.		siones temporis patet 495 m
429 p. & seqq.		in Depurationibus metallo-
decreta exeat palam.	467 f	rum error 240 f
defectus quomodo occultandi		derisor non erudiendus 325 p
431 p		derisores civitatem perdunt
deformes felices evadunt.		398 f
432 f		desideria quadam humilia:
defunctorum possessio bona		cithara Neronis, gladiato-
fama 101 m. negligitur hoc		ria Commodo, Aurigatio
ibid.		Antonino 358 p
Des judicia inscrutabilia 107		designatio publica virorum
m. & tamen majoribus		idoneorum ad inquirendas
characteribus descripta.		scientias instituenda 77 m
ibid f		desperatio, apud Deum est
Dei opera ostendunt ejus po-		consumpta 488 f
tentiam & sapientiam,		destillandi modus 242 p
non Imaginem.	144 m.	destillatio clausa possitne fie-
Dei opera per ambages sunt		rs 248 f
121 m		Deus ad infirmitatem captus
Dei potentis & sapientis duo		nostri se dirigit 491 p
maximi pracones Verbum		Deus captus humano se ac-
& mundisugo 122 m		commotat 236 p
Democratie.	373 m	Deus facultatum decimas.
Democriti dictum commen-		temporis septimas exigit
datur 140 f		443 m
Democriti philosophia soli-		Deus primò illiteratos ad fi-
as est Aristoteles & Pla-		dem disseminandam evo-
tonis.	173 m	cavit 46 f
		Deus

# INDEX RERUM

- Deus sanctus sanctus sanctus. 171.m  
 Deus Verbum celat, ut inde-  
 natur 46.m  
 Dialetica finis 296.m  
 Dialetica subseruit intelle-  
 ctus 295.p  
 diarsa differunt ab annuli-  
 bus 103.m, quomodo in usu  
 ibid.f  
 dichotomia 286.f  
 dies, quod Deus quietit ab o-  
 peribus, benedicta 43.p  
 diffidentia error in quibus-  
 dam literatis 36.p  
 in Digestione prime error.  
 236.f  
 digestum novum 473.m  
 dignitates ingenia hominum  
 corrupti 372.f  
 diligentie fructus 407.m  
 dimidium facti qui bene ca-  
 pet habet 309.f  
 Diogenis preclarè dictū 355.f  
 Dionysii fabula 132.f  
 Dionysius senior minus mar-  
 ius quam junior apud Sy-  
 racusanos 392.m  
 disciplina præsa revocata 19  
 pr.  
 discipuli qualem magistris  
 fidem debeant 35.p  
 discordia domestica incom-  
 moda 396.m  
 discursus super historiam C  
 exempli 415.m super epi-  
 stolas 416.p  
 dispositionum characteres  
 270.m C seq. unice selec-  
 gendi 371.p C seqq.  
 dissimulatio errores parit,  
 433.p
- Divinatio duplex 220.m  
 divinatio naturalis 221.p  
 doctrina de excellentiis hu-  
 mani generis desideratur.  
 186.f  
 doctrina de homine duplex.  
 185.f  
 doctrina omnis ad usum C  
 actionem referenda 71.f  
 Doctrina impedimenta 6.p  
 Doctrina partitio triplex. 79  
 f.  
 Doctrina sedes anima ratio-  
 nalis facultas 79.f  
 doctrinarum tres intempe-  
 ries 26.p  
 Domitiano in somnis usum  
 Gallinum 51.m  
 Dramatum maximus usus.  
 111.f  
 dubia quomodo tollēda 477  
 m. C seqq.  
 dubitationes solvendo C cer-  
 to terminanda 165.f  
 dubitationum Calendarum  
 desideratur 166.p
- E.
- Echo qua? 125.m  
 Ecclesia arca in dilatio,  
 ineremo, in Templo 106.m  
 Ecclesia eruditiorum genti-  
 lem conservavit 47.f  
 Educationis collegiale com-  
 moda 341.f  
 electiones quatuor retinen-  
 da 160.m  
 elenchi sophismatum 260.m.  
 C f. ab Aristotele tracta-  
 ta 260.f C a Platone ibid.  
 elenchi Hermeneia 261 ima-  
 ginum 262.m  
 Elen-

# ET VERBORUM.

Elenchorum doctrina	260. m	Eruditione non alanda simili elixir	419. p. sed accipitri	ibid.
eloquentia Auguste	2. m	Eruditio plus remedii afferat quam mali	12. m	
Eloquentia effectus	298. p	Eruditio polliciu non est im- pedimento	10. f	
Eloquentia & sapientia dif- ferentia	295. p	Eruditio notam quid maxi- mè inurat	389. m	
Eloquentia, sapientia infe- rior	295. p	Eruditum seculum à morte Domitiani usque ad Com- modum Imper.	51. m	
Emanationes scripturarum desiderantur	496. f	esse sequnctum à bone esse ma- ledictio	442. f	
emblema pars memor. artis pi- ctalis	270. p	Ethica duplex	342. p.	
Empyricorū temeritas	373. p	Ethica prius descendit quam polistica	378. m	
Endymion dormiens.	125. f	Ethica Theologia famula	269. m	
Epaminondas Thebanus	10. m	Ethica finis	295. f	
Epicetē philosophie	354. m	Ethica partitio	346. m	
Epicetē praeceprum de philo- sopho	425. m	etymologia originalis nomi- num reicienda	275. f	
Epicetē sententia sapiens	62. m.	Euclidis geometria	182. m	
Epicetēs gradus tranquilli- tatis facit	307. f	Euclydie Theon.	341. p.	
Epicurimors	204. m	euthanasia exterior deside- rasur	204. f	
Epicuris sententia defatis da- mnatur	118. m. alia ejus dem laudatur	excusatio crenata proferen- da	392. m	
Epicurum Dis human. figura trivuit	264. f	exempli quomodo in jure tra- dictanda	464. f. & seqq.	
Epistole	1. 8. m	exemplare recente rectam ra- tionem non sapiunt.	464. f	
Epistola Ciceronis ad Atticum	416. p	Secundiora caute recipien- da ibid. sicut aquæ	466. p	
Epistola Spartana	282. f	de Exemplari doctrina	351. p.	
epitoma historiarum teredi- nes reiciuntur	95. f	ab Exemplorum fragmentis abstinendum	465. p.	
Erasmi Echo	26. f	exercitia scholastica qualia esse debeant	76. p	
errores Varii, quibus litera impedirentur, recensentur	35. & seqq.	exercitaturius intermitte- re, quam subinde repetere	343. p	
erudit malunt latere	18. m	Experiencia litteraria. 236		
eruditimores emollit	61. p.			
morthus timore aufert.	62. p.			

# INDEX RERUM

- exercitus Persarum in cam-  
 pis Arbelae 448.m  
 exercitus prcipuum robur  
 peditatus 450.m  
 exercitus veteranus quid cō-  
 ducat 456.p  
 existimatio bona ubi est, ferē  
 decent omnia 388.m  
 Experientia literata 238.f  
 Experientia debentur in sen-  
 tia utilissima 124.f  
 experimenta licet nō semper  
 succedat, tamen informat  
 249.m  
 experimentis sortes 248.m  
 experimenti Variatio 239.f  
 productio 241.m. transla-  
 tio 242.f. compulsiō 246.p.  
 applicatio 247.m. copula-  
 tio 248.f
- F.
- F**abius Maximus reprehē-  
 ditur à Maccia & Cello  
 435.m  
 fabula Aesopi de muliere  
 241.p  
 fabula seditionē sedavit Me-  
 nenius Agrippa 112.f  
 facere hoc oportet, illa non o-  
 mittere 440.m  
 factus non prorsus fidendum.  
 422.m  
 falsitatum Calendarium de-  
 sideratur 166.m  
 fama bonorum & malorum  
 qualis post obtum. 396.m  
 fama & existimatio ullus  
 habent 437.m  
 fama omnis manat à dome-  
 sticis 397.p  
 fama opus ad bellum 132.m
- fama salivā Gul i 399.m  
 fama vixor è Domestico e-  
 manat 424.f  
 in familia discordi humili  
 quidam fit prap tens 393.p  
 famulitia & satellitia ad  
 militarem potentiam con-  
 ducent 451.m  
 famulitum inferius festo-  
 rum & vigilis comparatur.  
 303.m
- fascinatio 221.f  
 fasti 95.p  
 fatuorum 117.m  
 fatis accedendum 438.p  
 feles noctu cernunt 227.m  
 felicitas res inimitabilis 313.f  
 fenestra ad evolandum aper-  
 ta 440.f  
 ferrum fertur ad magnetem  
 nisi ponderosus fuerit. 351.  
 m.
- Fides Christiana 490.f  
 fides in statu gloria cessabit  
 489.p  
 fides quibus habenda 366.m.  
 fieducia excessus infelix 417.f  
 filius frugis 395.f. nauic 161.d.  
 Forma sunt scientia & serum  
 objectum 168.f  
 formica 234.p  
 formica se tuetur, at hortis  
 nocet 416.f  
 Formicarium Artium 271.f  
 formidinis & spes, ulos. ffe.  
 & usque coercent 374.f  
 formularum minorum colle-  
 ctio 338.m  
 fortitudinis & multitudinis  
 impares congressus 449.p  
 fortuna imitatur mulieres  
 444.p

ET VERBORUM.

- fortuna indulgens animos generalia animis, non in-  
enervat 372 f formant 293. f.  
fortuna sponte in gremium, Geometria 182. m.  
defluit 441. m Georgius Agricola 176. m.  
fortuna Culcifilia 118. p Gestus hieroglyphici 273. m.  
ad Fortuna ardua, irrequie- Gilbertus de Magnete exakte  
ta anhelatio 443. m scripsit 120. m.  
Fortuna doctrina Et specu- Gilbertus Philolaus dogmatæ  
latio 419. m -reposit 168 p.  
fortuna faber amissus shape- glacies Et nitrum maxime  
ritatur 436. p refrigerant 248. p.  
fortuna nervus vires animi. Globus plumbus 240. m.  
437. m Gorgones 126. f.  
in Fortuna statu quam incre- Graæ 126. f.  
mento modus facilius re- Græc artibus magis idoneis,  
netur 372 f 276. m.  
fortune sua quisq; faber 416  
f. Et 417. f. quomodo is esse  
possit 418. f.  
fortuna viri egregii sponte  
non raro renunciant. 419.  
m.  
ad fortunam comparandum  
qua requiruntur, non le-  
viora quam qua ad virtu-  
tem 418. f.  
Franciscus Rabelesius 271 f.  
frigidū feraturne deorsum.  
245. m.  
fronti nulla fides 421 p.  
fructus serotini quomodo co-  
parandi 247 f.  
fucanda facies non est 214 p.  
funambuli 214. f.  
furor sacer 221. f.
- G.  
Allus Aesopicus 67. m  
Gemma Martis 305. pr.  
Maii ibid.  
gemmariorum consuetudo.  
361. f.
- generalia animis, non in-  
formant 293. f.  
Geometria 182. m.  
Georgius Agricola 176. m.  
Gestus hieroglyphici 273. m.  
Gilbertus de Magnete exakte  
scripsit 120. m.  
Gilbertus Philolaus dogmatæ  
-reposit 168 p.  
glacies Et nitrum maxime  
refrigerant 248. p.  
Globus plumbus 240. m.  
Gorgones 126. f.  
Graæ 126. f.  
Græc artibus magis idoneis,  
276. m.  
Gracorum licentia in compo-  
sitione verborum 276. m.  
Grammatica duplex. 272. m.  
Grammaticanus exiguus in  
linguis vernacularis, maior  
in externis 275. p.  
Grammatica philosophans  
desideratur 277. p.  
Grammatica viator est erga  
reliquas scienias 274. m.  
bipartita 275. p.  
gravat terram petunt. 351. m.  
de Græc Et Legi inquisitio.  
253. f. Et seqq.  
Gre-oris primi incidentia.  
47. m.
- H.  
in H Abitu consistunt Vir-  
tus Et Virtutum 376.  
pr.  
ad Habitum comparandum  
duo obseruentur tempora.  
376. f.  
hæsiarcha quo delectentur  
imperio 64. m.
- Kk. Hare-

# INDEX RERUM

- Hareticorum collusores Bacchanalia Ethnicorum superat* 136. m  
*harmonia sapientiae divine & rationis humana.* 125. p.  
*de Hebraea lingua* 276 f  
*Hebrae gens Nazarea* 276 f  
*hemicranum* 245 f  
*Henoch Vita contemplative princeps* 353. m.  
*Henricus VII. Anglia Regis editum prudens* 450 f  
*Henricus dux Guisit* 56. m  
*Heraclit's parabola* 265 f  
*Hermetes quare Trismegistus* 3 m  
*Herodict Galetudinis curatio* 355. m  
*heroes qui* 49 m  
*Hieroglyphicorum usus & sensus & sacer* 273. m. apud Aegyptios ibid.  
*hirudinis fabula* 408 f  
*Hispani parcè impertinent ius Civitatis* 452 f. at paucitatem indigenarum jam sentiunt 455. p. bellis costis 454. m exercitum Veteratum alunt 456. m  
*Hispanorum imperium* 452 f  
*historia ad memoriam perire net* 80. p. quotuplex? 81 f  
*Historia ad Prophetias* 106 m  
*& f. desideratur* 107 p.  
*historia Cosmographica multiplex* 104 f  
*Historia Anglia, Scotia & galles* 98. m. & seqq.  
*historia appendices* 108 p  
*historia cyslis partitio pri-*  
*mugro. p. 94. p. 96. p. & seqq.*  
*secunda 104 m & seqq. dignitas & difficultas.* 92 f  
*Vita* 93. m  
*historia Ecclesiastica partitio* 106 m  
*historia generationum partes* 89 p  
*historia naturalis partitio prima* 82. p secunda 88. p  
*historiæ lectoris momenti plurimum derogant* 103 f  
*historia inductiva* 88. m. desideratur 90 p  
*historia justa* 94. p. ejus partitio 96 p. leges severissima 102. m. et non inferenda politica 104 f  
*historia legitima & absoluta rarissime inventur* 93 f  
*justæ quoque & quot generū?* 96 p  
*historia literarum* 90. m. desideratur ibid. f  
*historia mera & mixta* 104. m. ruminata ibid.  
*historia naturalis subjecto triplex* 81. f. suu duplex 88. p.  
*historia nemeseos seu prodigientia\** 107 m  
*historia temporis qua* 96. m.  
*& 97. m. universalis & particularis* 101. f. ejus partitio in Annales & Acta diurna 109. m  
*historicu Veritas decet.* 97 f.  
*homines domi celebres, in Metropolis Culures* 286 p  
*homines mutantur cum aliis* 101 b  
*onibus 420. m. illorum notitia*

E T V E R B O R I I M.

- etia non cadit sub prece-  
 ptum 420. f. sex modis elici  
 potest 421. p.  
 homines vident ut spectato-  
 res sint 353. p.  
 homo ad Dei Charitatem a-  
 spirare debet 382. p.  
 homo cecidit 381. f.  
 homo collocatur in Paradiso  
     43 p.  
 homo homini lupus 409. m.  
 homo ianomus 473. m.  
 Homo se abneget & accedat  
     Deo 488. m.  
 honoris summus apud Ethni-  
     cos gradus qui? 48 f.  
 hore longiores videntur e-  
 grotantibus absque horo-  
     logio, quam si hoc ipso men-  
     surerunt 315. m.  
 hostis quando securus est, in-  
     vadi debet 131 f.  
 humanum corpus multiplici-  
     ter compositeum 194. f.  
 hydraulica 215. f.  
 hypocondriaci 190. f.  
 I  
 Acobi V l. Angl. regis egre-  
     gi dictum 364. m.  
 Ianus bifrons 229. m.  
 Iasonis Thessal. dictu 368. p.  
 idola tribus 263. m. specus 265  
     p fore 265 f.  
 Iehu responsum ad nuncium  
     494 p.  
 Iesuitarum industria in in-  
     formanda iuventute 19. m.  
 Iesuita Romanam sedem sa-  
     biliunt 47 f.  
 Iesuitarum schola commen-  
     dantur 341. f.
- Iezabel facie pigmentis ob-  
     tinet 214. m.  
 ignominia multati aliquan-  
     do felices evadunt 432. f.  
 illationes in fide Christiana  
     quid? 491. m.  
 illiterati cætitas & miseria.  
     62. f.  
 imaginationes vana 26 p.  
 imaginum usus quid efficit.  
     222. fin.  
 imitatio aliorum non inepte  
     suscipienda 428. f.  
 imparitas in congressa fugi-  
     enda 323. m.  
 Imperandi ars tria comple-  
     titur officia 446. p.  
 Imperatores insigniter docti  
     & bellicosi 10. p.  
 Imperii fines quomodo profe-  
     rendi 446. m.  
 Imperiorum magnitudo quo-  
     modo obtainenda 447. m.  
 mensura, & calculus subit-  
     citur ibid. f.  
 imperorum varietas 63. m.  
 imperium scientia altis von-  
     ge celsius 64. p.  
 impetus animi cohendens  
     425. f.  
 impostura & credulitas quâ-  
     sum literis noceat 31 f. &  
     seqq.  
 de impressionibus 190 f.  
 imprudentium mens similis  
     lapidi impolito 414. m.  
 incubo laborantes 190. m.  
 India Occidentalis inventio-  
     nis causa 231. f.  
 India thesauri 457 p.  
 Kk 2 , Indi-

# INDEX RERUM

- indicis & directionis ars de-  
 sideratur 238 p  
 Individua sensum percellunt  
     80 f  
 induc̄io 258 m  
 inductionis forma 234 m  
 ineptum non Gracē dicitur.  
     276 m  
 Infantes quasvis mulieres  
     matres vocant 167 p  
 informatio prima in quā vis  
     causa judicem maxime oc-  
     cupat 404 m  
 ingenia audacula sine judi-  
     cio se insperunt 431 p  
 ad ingenia exercenda modo  
     duo 342 m  
 ingenia gracia plus dignit.  
     quam felicitatis habent.  
     435 p  
 ingenii pravi & malevoli  
     descrip̄io 407 p  
 ingenuo non omnes judican-  
     tur 423 f  
 ingeniorum characteres 270.  
     & seq. unde sc̄lēgendi 371.  
     p. & seqq.  
 ingeniorum libertatis sacer-  
     dum 342 p  
 ingenium irritatum tandem  
     noſcitur 87 m  
 ingratitudo erga bene meri-  
     tos 407 p  
 injuria justitiam pollunt.  
     409 p  
 iniuriarum repetitio 410 p  
 iniustitia fons triplex 459 f  
 inquisitionis legitima ver.  
     norma est 419.  
 infiſiones 239 m. infiſus trū-  
     co ſurculus ibid f
- per Institutiones juſenes ad  
     ardua iuriſ preparandi  
     diſagentius 479 m  
 Instrumenta non grandissi-  
     ma ſed aptissima opes per-  
     ficiunt 436 f  
 interrogatio prudens uini-  
     dium ſcienſe 252 m  
 inventarium opum humana-  
     rum 180 p  
 inventio artium deſideratur  
     231 f  
 de Inventione 249 f. non eſt  
     ib topsa 250 f. promptua-  
     ria abſ.  
 inventionis Logicae species.  
     231 m  
 inventores rerum & artium  
     49 m  
 individualia hominum 304 m  
 Ioannes Dux Saxonie 188 p  
 Iobs liber mysteriis naturalis  
     philosophia plenus 45 p  
 Iocularia ars 216 p  
 ira molli reſponſo frangitur  
     392 p  
 iracundis cum hominibus ne-  
     res noſtras miſceamus 409  
     fin.  
 iridum artificiosarum imita-  
     tio 242 p  
 Iude & Iſsacharis benedictio  
     non conueniunt 449 m  
 judex optimus 469 m  
 judex personas non respiciat  
     408 m  
 judex prime informatione  
     maxime occupatur 404 m  
 judicandi artis appendix 266  
     fin.  
 in iudice facilitas morum,  
     CORRU-

ET VERBORUM.

- |                                   |                                 |        |
|-----------------------------------|---------------------------------|--------|
| corruptela munerum per-           | jurisdictiones                  | 466. f |
| nisi se for                       | juris enucleandi modus          | 477.   |
| judicia anchora legum. 477.       | m.                              |        |
| seq.                              | juris privati firmamentum       |        |
| judicia Dei impiorum ma-          | 460. p. latet sub tutela, ius-  |        |
| echinas subvertant. 443. m        | rus publici                     | 460. m |
| judicia non facile sunt resein-   | jus ex quibus exemplis ha-      |        |
| denda                             | riendum                         | 464. p |
| judicia per causas & person.      | jus publicum privati custos     |        |
| litteras tentare non debent.      | 460. m                          |        |
| 482. m                            | justitiae manet memoria         | 396. p |
| judicari inopit                   | Institutio opus non state eru-  |        |
| de judiciorum vacillatione.       | ditia instauratum               | 475. p |
| 483. m                            | de Instituti universalis 459. m |        |
| de judicio si & arte judican-     | & seq.                          |        |
| de 258. m. de judicio per in-     | iudicenes non idonei ethices    |        |
| ductionem ibid. per syllo-        | Auditores 377. m. m. lto        |        |
| gesnum                            | minus politica                  | 378. p |
| judicium iniquum & infi-          | iudicentia instaurari potest.   | 179    |
| me vitandum in causa gra-         | p.                              |        |
| ci                                | Ixionis fabula                  | 178. p |
| Iuliani editum ad versus Chri-    | L.                              |        |
| stianos                           | Abores linguae & manuū          |        |
| Iulus Casaris amici               | separata                        | 410. f |
| Iulus Casaris educatione & eru-   | labor omnia vincit              | 233. f |
| ditio 56. f. & seqq. analogia     | lapidi angulari innitendum      |        |
| Iuber 57. p. Anti-Cato            | 444. m. quis sit Theologae      |        |
| ibid. apophthegmata ibid.         | & Philosophie lapis angu-       |        |
| Iulus Caesar                      | laris                           | ibid.  |
| Iulus Caesar ab initio orator     | laudari nemo coram debet.       |        |
| fuit                              | 365. p                          |        |
| Iulus Caesar arcana nunqua        | laudationes variorum varia      |        |
| prodicit, nisi similis dicto.     | 300. f. & seqq.                 |        |
| 417. m                            | laudes moderate & tempe-        |        |
| Iulus Caesar sedis secessos sedat | stria & multum profundunt 413   |        |
| 58. m. regis nomen affectat       | f. importuna impensis no-       |        |
| ibid. f. Metello respondet        | cent                            | ibid.  |
| 59. m. de Sylla Dictatura         | lectio ibus in publicis quid    |        |
| judicat                           | desideretur                     | 72. f  |
| ibid.                             | Leges plurimum differunt        |        |
| juniorum institutio literatis     | 461. p                          |        |
| committitur                       | Kk. 3                           | Lo:    |
| 18. f                             |                                 |        |

# INDEX RERUM

- Leges pœnales & Capitales      sententia autor      413.p  
     non extendenda      462.f      Lex Declaratoria 470.f. per-  
 Leges reip: anchora      477.f      plexa 475.m. & seq.  
 Leges sint certe      461.m      Lex optima      469.m  
 in Legibus a gangrana ca-  
     vendum      472.f      Lex regula Leslie      475.f  
 Legibus antiqua fabula non  
     miscende      481.p      Liberi auditi præcateris soli-  
 in Legibus multi casus omis-  
     se      462.p      citi sunt de futuris tempo-  
 Legibus nemo sapientior, qua-  
     tenus accipiendum      472.f      ribus      68.p  
 de Legibus obsoletis      472.m      Libertas in sermone      425.m  
 de Legibus scripserunt Phi-  
     losophi & Icti 459. p. sed  
     scribunt melius ceteri ibid.  
 Legis moralis sublimior, quā  
     quo Lumen natura possit  
     ascendere      489.f      libri ad naturalis philosophiā  
 Legulei in practica potius.  
     quam in libris iuris Versa-  
     zis      11.p      & Medicinam parum ad-  
 de Legum dignitate 461.m      jumenta adferunt      73.f  
     & seqq extensionibus 462  
     m. interpretatione      ib.  
 Legum expurgatio seu dige-  
     stum novum      473.m      libri Auxiliares      479.p  
 Legum finis & scopus 460.f      libri duo scripture & natu-  
 Legum incertitudo duplex.  
     461.f      ra      48.m  
 Legum obscuritas 475.m. pro-  
     logi citandi      476.m      libri nimio plures fabulosi  
     83.f      83.f  
 Legum regeneratio & in-  
     stauratio quomodo sit in-  
     situenda 473.m. & seqq.  
 de Legum retrospectione 469  
     p. obscuritate 471.p. accu-  
     mulatione nimia 471.m.  
     nosis digestis 473.p. de-  
     scripione  
 Lepidus nunquam servilis
- sententia autor      413.p  
 Lex Declaratoria 470.f. per-  
     plexa 475.m. & seq.  
 Lex optima      469.m  
 Lex regula Leslie      475.f  
 Liberi auditi præcateris soli-  
     citi sunt de futuris tempo-  
     ribus      68.p  
 Libertas in sermone      425.m  
 libri ad naturalis philosophiā  
     & Medicinam parum ad-  
     jumenta adferunt      73.f  
 libri Auxiliares      479.p  
 libri duo scripture & natu-  
     ra      48.m  
 libri nimio plures fabulosi  
     83.f  
 libri quibus & quomodo nū-  
     cupandi      24.p.  
 Libri Veterum scriptorum  
     quare parum profint? 377  
     fin.  
 libros de rebus ad suam artē  
     pertinentibus scribenium  
     cacoethes      363.m  
 Lingue antiqua, & moderna  
     differunt      277.p  
 lingua sunt vehiculum scien-  
     tia      46.f  
 linguarum confusio      44.p  
 linguarum eruditarum uti-  
     litas      274.p  
 Linguarum variarum pro-  
     prietas      277.f  
 de Linguis tractatus qui scri-  
     bendus      276.p  
 litera magis locupletant quā  
     regna      64.f  
 Litera non amica sunt desi-  
     dia 13.m. nec reverentiam  
     legum convellunt 15.p. sed  
     ans.

ET VERBORUM.

<i>animos molliunt &amp; sequaces reddunt</i>	15. p	<i>Logica &amp; Rhetorica non à pueris, sed prodecentioribus trattanda</i>	75. m
<i>literarumque operibus amplificantur</i>	70. p	<i>Logica quare minus grata</i>	230. m
<i>literarumque ad Mortales redditum &amp; dentur</i>	485. p	<i>Loquendum cum vulgo &amp;c.</i>	266. p
<i>literarum monumenta diutius durat quam quae manu facta sunt</i>	66. p	<i>Lucidorum siue lucentium quorundam (absque igne) exempla</i>	227. p. m
<i>Literarum periodus tertia (quonostro hoc seculo est)</i>		<i>Lucis forma non magnifica</i>	226. p
<i>Gracos &amp; Romanos longo intercallo superat.</i>	486. p	<i>Lucis origines inquirenda</i>	227. f
<i>literarum summa voluptas.</i>	65. p	<i>Lucius Commodus eruditus</i>	52. p.
<i>Literata experientia</i>	238. f	<i>Lucretii dictum, quo literarum voluptatem depingit</i>	65. f
<i>Literati ad potentes se debet applicare</i>	24. f. & temporis servire	<i>Lucri &amp; Vetus causa plerique scientiam appetunt</i>	40. p.
<i>Literati frequenter inopes</i>	17. p.	<i>Lullistarim postura</i>	294. f
<i>Literati non observant decorum</i>	22. f.	<i>Lupus numerum pecorum non curat</i>	448. m
<i>Literati occupationibus delectantur</i>	14. p	<i>Lutheri temporibus orationis luxuriae in calore</i>	26. p
<i>Literati quare non se facile accommodent</i>	22. p	<i>item odium &amp; contemptus erga scholasticos</i>	26. m
<i>Literatorum fortuna</i>	16. f.	<i>Lux prima formarum creatarum</i>	42. f
<i>Literatorum mores</i>	19. m	<i>Lysandri dictum perniciosum</i>	442. m
<i>Literis &amp; bello clari populi</i>	10. m	<i>M.</i>	
<i>Litoia qualis</i>	434. f	<i>Machiaevellus laudatur</i>	
<i>Loci communes desiderantur</i>	317. p	<i>366. p. 407. 405. 416. 435</i>	
<i>Loci communes requiruntur</i>	251. m	<i>Machiaevellus resscitur</i>	441. 437
<i>Locorum communium usus</i>	268. p	<i>f.</i>	
<i>Logica artes quatuor</i>	231. m	<i>machinam seu fabricam conficere, non idem est quod fabricatum erigere</i>	362. m
<i>Logicanuga</i>	219. p	<i>magia ceremonialis</i>	222. m
<i>Logica &amp; Ethica</i>	228. m	<i>kk. 4 magia</i>	

# INDEX RERUM

- magia Cœlestis* 162.p  
*Magia naturalis desideratur* 177.p  
*Magna naturalis multum habet phantasia* 33.m  
*Magia Persarum* 141.f  
*Magia quid?* 177.m  
*Magister loquendi qualis sit* 58.p  
*Magistres reges* 177.m  
*magnanimitas in moribus non destruenda* 361.f.  
*magnes ferrum attrahens* 242.p. de eo plura 246.p  
*magnetem exalte descripsit* *Gilbertus* 120.m  
*malacissatio* 213.m  
*malorum per bona compensatio* 444.p  
*manace* 214.f  
*Marcus Philosophus* 52.p. patiens erga mores uxoris 52.m  
*margarita non proicienda* 395.p.  
*Mars dominium monarchia epitome* 456.m. de eo quid senserit *Pompeius & Themistocles?* ibid.f  
*maryrum miracula multis fabulis scatent* 32.m  
*materia informis* 116.f  
*Mathematica aut pura aut mixta* 182.m. ejus maxima utilitas 183.p  
*Mathematica & Logica an cilla Physica* 182.p  
*mechanica* 85.f  
*Mechanica historia usus* 87.f  
*Mechanicæ artes temporis progressus supplevit* 34.m  
*mede dera ratione nimis compendiosa* 207.m  
*medicamenta soporifera* 178.p  
*medici egroros accedunt magis quam sanos* 303.f  
*Medici imperium* 270.p  
*Medici magis alieno studio quam arti propria intenti* 196.m  
*medici morbos complures male insanabiles determinunt* 203.f  
*Medici natura obsecram eant* 198.m  
*Medice officium* 204.p  
*medici similes episcopis* 206.p  
*medicina auctoritatem & possedit a desideratur* 206.f  
*Medicina deus Aesculapius quare?* 193.m  
*medicina partes tres* 198.f  
*Medicina & Musica quare a Poetis conjugatur* 195.m  
*Medicina multos impostores habet* 196.p  
*medicinale filum desideratur* 208.f  
*medicinales narrationes desiderantur* 200.f  
*medicorum negligenter perstringetur* 205.m  
*Medicus ab eventu honorem reportat* 195.f  
*Medusam monstrum Persicus obtruncat* 127.m  
*mel & balsamum cadaver conseruat* 243.f  
*membrorum corporis usus cum ventriculo* 71.f  
*memoria artificialis* 269.m  
*memo-*

# ET VERBORUM.

<i>memoria adminiculum</i>	267.	<i>tur</i>	10.f
<i>m.</i>			
<i>memoria localis</i>	242.m	<i>mirabilis &amp; prodigiosa.</i>	
<i>de Memoria confirmanda se-</i>			
<i>gniter inquisitum</i>	268.m	<i>84 m</i>	
<i>mendacium eruit Veritatem</i>		<i>miracula edita sunt non ad</i>	
<i>422.m</i>		<i>convictos Atheos, sed</i>	
<i>Menenius Agrippa sedicio-</i>		<i>superstitiones &amp; idolola-</i>	
<i>nem sed ad fabula</i>	112.f	<i>tras</i>	144.p
<i>mens humana in star speculi</i>		<i>miramur vel nova vel ma-</i>	
<i>incantans</i>	262.f	<i>gna</i>	61.m
<i>Mercursius nubes</i>	78.p	<i>misericordia precepta sub le-</i>	
<i>metallorum depuraciones er-</i>		<i>ge veteri</i>	401.m
<i>rorem habent</i>	240.f	<i>misericordia erga impios cru-</i>	
<i>Metaphysica describitur</i>	149.	<i>delis</i>	401.f
<i>f. a Physica distinguitur</i>		<i>misericordiam natura homi-</i>	
<i>150.p.m</i>		<i>nis in dicit</i>	400.f
<i>Metaphysica est inquisitio</i>		<i>Misericordus pedagogus Gordia-</i>	
<i>causarum formal. &amp; fi-</i>		<i>ni</i>	11.m
<i>nalium</i>	168.m	<i>moderationis nonnulli dane-</i>	
<i>Metaphysice pars qua desile-</i>		<i>panas</i>	430.m
<i>retur</i>	170.m	<i>momi &amp; terrici</i>	301.p
<i>Metaphysica producit Magia</i>		<i>momi fenestra</i>	419.f
<i>175.f</i>		<i>monastica vita, non vere con-</i>	
<i>methodi genera varia</i>	289.m	<i>templatio</i>	353.p
<i>&amp; seqq partes duæ</i>	292.f	<i>monoculo durius est unum</i>	
<i>methodi varia</i>	292.m	<i>perdere oculum &amp;c</i>	308.m
<i>per methodum traditio</i>	289.	<i>monodica multa in natura,</i>	
<i>m. &amp; 290.p</i>		<i>264.D</i>	
<i>methodus impostura</i>	294.m	<i>in Moribus quæ regnent.</i>	
<i>methodus scientiarum archi-</i>		<i>375.P</i>	
<i>lectura</i>	292.f	<i>morbo correpti qui dolorem</i>	
<i>methodus sermonis</i>	286.m	<i>non sentiunt, mente agro-</i>	
<i>Mezentius tormentum</i>	472.f	<i>tant</i>	269.p
<i>Mezentius Deum contem-</i>		<i>in morborum curatione tria</i>	
<i>ptor</i>	417.p	<i>obseruanda</i>	270.p
<i>militaris ars nascente Rep.</i>		<i>morborum curatio quomodo</i>	
<i>floreſ</i>	216.p	<i>inſtituenda</i>	200.m
<i>militaris literataque gloria,</i>		<i>mores efformantur melius</i>	
<i>sicut vigor corporis animi-</i>		<i>ab amore, quam a ſophista</i>	
<i>que proximè ſe conſequunt-</i>		<i>381.m</i>	
		<i>moribus innumeris moribus</i>	
		<i>aptus erit</i>	414.f
		<i>13093</i>	
		<i>X. k. 5</i>	

# INDEX RERUM

- mors lenis & placida 204.m  
 morte non plectendus , nisi  
     qui non est prius se in vitam  
     suam peccasse 468.p  
 mortis lenis exempla 204.m  
 morum serenitatis quomodo  
     consulendum 361.f  
**Morus** Anglia Cancellarius  
     188.m  
**Mos**is duos Aegyptios inter-  
     ficit 493.f  
**Moses** in monte secessu orans  
     353.m  
**Mos**es primus legislator. 44.  
     m.  
**Motus** simplex & compositus  
     163.m  
 motus terra diurnus falsus  
     est 153.p  
 motus Varii 163.m  
 motus Voluntarius 223.m  
 multitudinis cum fortitudi-  
     ne impar congressus 449.p  
 mundi omnia vanitas sunt  
     442.f  
 munditia corporis 213.f  
 mundus eremus 209.p  
 mundus imago Dei , homo  
     mundus habitus abEthnicus  
     144.m  
**Musa** cupiditatum comites  
     & pedissequa 135.f  
**Musarum** sedes 70.f  
**musica** Indica 227.p  
**musica** mortua 398.p  
**Musica** 215.m  
**Musica** duplex 125.p  
**Musica** inventores 44.p  
**Musicus** auribus diversis se  
     accommodat 299.p  
**Mutianus** imposuit Antonio  
     primo 423.p  
     Mutianus ostentator 429.m  
     mysteriorum explicatio 491.p  
     N.  
**N**ationes linguis discre-  
     pantes , gestibus exer-  
     cent commercia 272.f  
 natura affectibus turbatur,  
     scut mare ventis 373.m  
 natura artis speculum 243.m  
 natura cuiusque rei minimis  
     in portionib. maximè cer-  
     nitur 86.f  
 natura divina potent. & sa-  
     pientia alterum praconium  
     122.m  
 ex natura lumine habemus  
     notiones nonnullas virtutis ,  
     virtute , &c. 490.p  
 natura magnalia extra vias  
     tritias iacent 248.m  
 natura odit imperium , per-  
     suasionem admittit 377.p  
 naturalis actio motus & pro-  
     gressio est venatio 121.f  
 ex Naturali*n*s invenit fides  
     & eius mysteria non in-  
     quirenda 144.f  
 naturam citius fallere quam  
     premes 121.m  
 Naturam imitemur 439.f  
     qua nihil facit frustra.  
     ibid.  
 ad naturas nobiliores , infe-  
     riores aspirant 359.p  
**Na**vales Victoria finem belli  
     faciunt 456.f  
 naufragium effugientes vo-  
     ta solvent 263.f  
 navigationes hoc tempore  
     per universam terram 105.m  
     nati-

ET VERBORUM.

nautica acus	242. p	fectura non committenda
Neapolitana expeditio	128.	408. f
m.		Oblationes spontaneae & sa-
Negotiandi prudentia	389.	cificia
m. desideratur	390. p	1 m
negotiandi prudentia a Ro-		obliqua & a felicior est recta.
manis exercitata	390. m	121. m
de Negotiis doctrina	389. p	occasions aliquando provo-
eius partitio ibid. hanc ne-		cande magis quam expe-
mo tractabit	ibid. m	ctanda 438. f. quod si em-
Nerva vir doctus	51. f	faretur Demosthenes ibid.
nitrum & glacies maximè		occasiones & machina con-
refrigerant	248. p	jungenda
Notiles ne multiplicentur.		438. f
450. p.		occultatio. defectum necessa-
nobilium famulz	451. p	ria
Nobilium municipia & ope-		431. p
rari sunt plebs	450. p	oculi quorundam animalium
Nobilium multitudine in re-		lucent
gno comparatur sylva 450.		227. m
p.		officia mutua
noctua & feles noctu cernunt		367. p
227. m		de officiis specialibus & respe-
Nosce te ipsum	426. m	ctibus
Note rerum duplices	273. m	de Officio regis liber Iacobo
notiones generales quid in-		Angl. rege autore
commodi ferant	262. p	363. m
notiones Verborum anima.		officium hominis in communite
236. m		362. m
Notitia aliorum 424. f. no-		opera queque maxima quo-
titia sui	426. p	modo superentur
notitas natura humana gra-		69. m.
ta	406. m	operum inventa quomodo ve-
notitatis amor	357. m	nerint in hominem noti-
		tiam
O.		176. m
O Barationis gradus	309.	opiatum aliquod insigne quid
pr.		prefet
obaratis & indigentib. pre-		245. p
		opportunitas creanda
		388. f
		opportunitas clapsa
		435. f
		orationes
		108. m
		oratio intercessa, melior con-
		tinuata
		402. m
		oratio versatur in rebus ho-
		nestis ornandis
		297. p
		orationis finis melior quam
		principium, quomodo?
		397. p
		Orator Aaron
		295. p
		Ora-

# INDEX RERUM

- Orator diligens in pramedato habet, quicquid indeceptationem venit.* 251. m  
*orator & sophista differunt.* 261. m  
*orbis nostræ atate mirum in modum fenestratus & patens* 195. p  
*ordinum & graduum confusio nocet rebus ciuilibus* 163. m  
*ordo rerum & temporis quid prestet* 437. f  
*organum sermonis desideratur* 274. p  
*Orpheitheatrum* 50. p  
*Ossorius Lusitanus* 26. f  
*ostentatio decens existimationem hominis* Valde auget 429. f. & seq.  
*ostentatione quomodo opus sit* 429. p
- P.
- P**ace emolliuntur animi. 456. p  
*pedagogica quomodo instituenda* 3. i. f  
*pedagogi ludibrii* 19. p.  
*panicus terror* 123. m  
*Panis fabula* 114. m. generatio ibid. effigies ibid. f. postates & munera ibid. res gesta 115. p. amores ibi. m. filii ibid. f.  
*panis Genatio* 238. f  
*papyri confectio* 239. m  
*parabole Hebraicæ frequentes.* 415. p  
*parabolæ utilitas* 112. m
- & f
- parabolas scribendi modus.* 415. m  
*Paracelsus perstringitur.* 228. f  
*Paracelsus refutatur* 494. f  
*parasiti barbati* 23. f  
*Paris iudicium* 67. m  
*patientia exempla* 187. m  
*Patricius Venetus* 168. p  
*Paulus literatus solus inter Apostolos* 47. p  
*paupertas subita* 394. f. armato similis ibid.  
*paupertas generanda* 17. m  
*Pecunie nervus bellum, quando nervus Lacertorum in gente molli deest,* 449. p  
*pedistratus robur precipuum exercitus* 450. m  
*pensa, quanta quisbus vis in genio imponenda* 376. m  
*perceptione & sensu differunt* 224. m. *perceptione quid* 224. f. eius doctrina desideratur 225. f  
*Persander consultus de conservanda tyrannide* 273. fin.  
*persilia fidicularia quorundam consiliariorum* 447. p  
*Perseus fabula* 126. m. & seqq.  
*personarum respectus malus.* 498. m  
*Perspectiva non tractata.* 226. p.  
*perspicilla minuta multisplacent* 246. m  
*perturbatio meritis unde oriatur.* 7. m  
*pertur-*

# ET VERBORUM.

pervertibiones tortura	80	jecta	363. m
cantur	422 p	Physica à metaphysicā distin-	
phantasia & ratio differunt		guntur 150. m. eius partitio	
229 p. de phantasia zbid.		in tres doctrinas 152. p	
& seq.		Physica abstracta partitio	
Philippi & Alexandri di-		162 f	
versa belligerandi ratio-		Physica appendices 164. f	
nnes	127 f	Physica producit Mechanis-	
Philosophie abusus	355. p.	cam 175. f	
Philosophia circa animam		physiognomia 189. m	
partitio 216. f		pictoriaars 215. m	
Philosophia naturalis parti-		Pictoria comparatur poëse	
tio 146. m. in fidinā et for-		80. m	
nacem zb. f. in speculatiōnā		pictoriā memoriam reireno-	
& Operativam 147. p. sin-		sat 244. m	
gularum partium subde-		pigrisia in fine laborosā	
visiones 147 f. & seqq.		407. m	
Philosophia triplex obiectum		Pindarus laudat Hieronem	
138. m. & triplex radius. zb.		186. f	
Philosophia iuxta decipit 4.		Pindarus sententiosus 385.	
f. qu modo hoc dictum sit		m.	
intelligendum. 6. & seq.		placita philosophorum 166. m	
philosophia moralis pedisse-		Plato Hippam sophistam cū	
qua Theologie 269 m		socrate disputationem quam	
philosophia naturalis qua 87.		pulchre introducat 86. p	
p.		Platonis dictum de Virtute	
philosophia rationis opifi-		297. m	
cium 80 m		Plato rhetorican Coquina-	
Philosophorum quorundam		ri & similem facit, sed male	
Veterum teneritudo & in-		296. f	
epitudo ad morigeran-		Plinius Cardanus Albertus	
dum 356. p.		multa faulosa scripsérunt	
de Philosophis antiquis opus		32 f	
desideratur 167. m		Plinius historia naturalis	
Philosophus in aquam inci-		opimus autor 83 m	
dens, cum intueretur scel-		Plinius secundus Trojanum	
las 86. m		laudat 365. p	
Phocion, ad populum, num		Poëcos partitio 109. m. &	
forte deliquit? 300. f		110. m.	
Phormionis disputationes de		Poësis	
belli ab Hannibale re-			

# INDEX RERUM

- Poësis humanae natura largitur qua historia denegat 110 f. de initatis est participes 111. m. seculis etia ruidibus & apud Nationes barbaras honoris fuit ibid. plantæ similis 114. p. qualis desideretur 113. m. & f. Poësis ingenii lusus 230. m. Poësis phantasia 80. m. Poësis quid 109. m. & 278. m. duplice sensu sumitur 109. m. narrativa & herosca 210. m. dramatica 111. m. parabolica 112. p. poësis venum demonum 377. m. Poetæ cygni 100. m. Politicorum arrogans & philautia 21. m. Politicum fieri res difficultis. 418. f. Politicus unrei non sit unicè intentus 440. m. Polychresta 180. m. Polyphemus statua 90. m. Pompei Magni memorabile dictum 351. f. Pompeius occultior, non melior 434. p. ambitionem reconditam ib. consul solus factus 16. m. Pompeius propter morā dissipata studinam non potuit præstare, quod Sylla 428. f. Pompeius Sertori chartas nō legit 394. m. apolorum bellicosorum catalogus 454. p. aliis bellicosus firmat regnum 449. p. populus comparatur mari. 373. m. possibilia qua dicantur. 79. m. cum Potentibus non decertandum 393. m. Practica ab Ethicis omissa. 348 m. prædia vicina & conjuncta reditus maiores apparere faciunt quasi distracta 316. p. prædicamentorum usus 262. m. predictiones & electiones quatenus rerumenda 160. m. præfetur a non committenda oberrat 408. f. prejudicium informationis primæcivis potest eripi. 404 fin. prælationum quarundam stultissimarum exempla 67. m. de Praelectionibus 482. f. Praesia navalia quantum moments habeant 456. f. præludia Musicorum 484. f. Premiorum & panarum usus in cibilibus 374. f. prænatio 269. m. pars memoriae artificialis primas ibid. fin. Pratoris album 469. p. Pragmatica sanctio 455. p. princeps mendacissimis credens. 400. p. princeps susurronibus & sycophantis ne credat ibid. principes creduli. pessimè 400 fin. principes ingenio judicandi 424. p. prin.

E T V E R B O R U M.

principes viris obaratis ne committant praefecturas	408.f	prudentia inquinata 442.m prudentia sermonis preoato desideratur 299.m
principibus sub eruditis secu- lam axime fuerunt felicia	50.m	prudentium mens speculo E aquis similis 414.m
principis iram incurrens quomodo se gerat ? 403.p.		psalmi invitant ad contem- plationem operum Dei 48. p.
principium rerum unum 116. m.		pistaci xiiij 234.p pueri placentia utiliendi vi- ri persjuritis 442.m
privati judicandi sunt non ingenio sed fine 414.p		Pugna ad Altum 456 f ad insulas Cursolares ibid.
probatio per incommodum 260. p		pulmonaria 227.p
problemata Aristotelis com- mendantur 165.p		Putes Iacobi 494.m
problemata E placita 164.f		Pythagora ad Hieronem re- sponsio 352.f
prodigos nausfragia fortuna- rum perdunt 394.f		
prediciones bellorum sorores 151. p.		
prolongatio vita res operosa 210.m quomodo instituen- da 211.p. unde expectetur 212.f		
Prometheus 233.p		
promi condit 356.m		
Proteus 87.m		
providentia eterna E dissi- na judicia consideranda 443.m		
providentia in bello opus 130. f.		
prudentes praevident exitium quod virtutibus iuvinet 412.f		
prudentia species dua Vera E falsa 411.f		
prudentia impertiendi, item suis rebus prospiciendi 416. q.		R. Abbini naturalem E moralem sensum exce- remoniss Mosictis erue- runt 44 f
		radis solis per specula combu- runt 147.p
		radis solis super album deſte- lsunt 245.f
		Rami methodi que proben- tur, quarecciantur 292.f
		de Ranis Aesops fabula 305.f
		ratio in Verbo Des non audi- enda 488.m
		rationis E disputationis u- sus 490 f
		rationis regimen tribus mo- dis perturbatur 296.p
		Rationes

# INDEX RERUM

- Rationis humanae in diversis usus item excessus duplex 492. f.
- ratio quomodo ab affectibus differat 298. m.
- ratio sermonis anima 272. p.
- reconciliationis amicos via duplex 410. p.
- reconciliationis modus duplex 410. p.
- Rectorum consultatio & iustatio requiritur ad literarum incrementum 74. f.
- reductio per medicos terminos 259. f.
- regiae voluntares mobiles 372. m.
- Registrorum quid 95. p.
- regnorum magnitudo quibus artibus obsnenda 447. m.
- nimirum 1. gente bellicosa. 448. p. & seq. 2. quae non Tributus gravatur 449. m.
3. in qua nobiles & generosae non nimium multiplicantur 450. p. 4. numero indigenarum 451. m. s. agricultoris famulus ingenius & artificibus non mechanicis sedentarius 453. p. & m. 6. armorum studio 453. m. 7. justis causis armatur pessendi 554. f. 8. exercitu veterano seu milite perpetuo 456. p. 9. mari dominio 456. m. 10. pramissis 457. m.
- regnum celorum quare granum sinapis comparetur 447. f.
- regnum Des primo quarendum 449. m.
- regnum quid firmet 449. p.
- regum corda perscrutari nefas 22. f.
- relaciones 96. m. & 97. p. &
101. m.
- remuneratio literatos facit 71. p.
- renum morbis quid conve-niat 200. p.
- resplendentia sera exempla 435. f.
- respectus personarum damnatur in iudice 408. m.
- responsio molles frangit crani 392. p.
- de Responsis & Consultis 482. p.
- Respublica tardus moven-tur 386. p.
- Respubl. feliciter administratur a viris eruditiss vi. m.
- retinendi ars secessus ostendit 267. m.
- rex eruditus miraculum 3. p.
- de Rhetorica 294. f. Vide es-  
jam Eloquentia. Oratoria
- Rhetorica appendices 339 f.
- critica 340. p.
- \*Rhetorica finis 296. f.
- Rhetorica officium 296. p.
- Rhetorica inter dialect. &
- Politie. ab Aristotele pre-denter collatur 298. f.
- Rhetoricum & latomale collo-cavit inter Voluptriam 296. f.
- Rhetorica sophismata ab Ar-  
istot. collecta 299. f. in tri-  
bus claudicant ibid.
- Rhetorica subseruit plantar-  
sia

# ET VERBORUM.

- sia 296.p. Virtutem & bo-  
 num depingit 297.m  
 Romana Respubl. cives profu-  
 se recepit 452.p  
 Romanus ad tuendos socios  
 strenui & prompti 429.p  
 Romani Imperii incrementa  
 attribuuntur prudentia  
 sex regum 343.m  
 Romani oibis similes 385.f  
 Romani rebus gerendis ma-  
 gis idonei 276.m  
 Romanorum celebres trium-  
 phi & ingentes in milites  
 largitiones bello feliciter  
 gesto 457.m. & f  
 Romulus cibis legavit rem  
 militarem 453.f  
 rosa ferorina quomodo com-  
 paranda 247.f  
 rumor ventis comparatur  
 397.p  
 ruricola magis secundum na-  
 turam vivunt urbanis  
 222.p.
- 8.
- Saluatoris nostrae responsa  
 426.p  
 Samuel Igitur filius videns 235.  
 p.  
 sanitas quomodo tuenda 199.  
 m.  
 sapiens dominabitur astris  
 18.p.  
 sapiens fingit fortunam sibi  
 416.f.  
 sapientes avertunt calamiti-  
 tatem 398.f  
 sapientia habitualis a natura  
 te distinctio 413.m  
 sapientum aut praezellentium  
 erroribus quamvis levi-  
 mis hanc facile ignoscitur  
 398.p  
 Sararationis imago 488.m  
 scenam in terram transferre  
 387.f  
 sceptici philosophi 236.f  
 Schaccorum ludi 492.m  
 Scholæ Zenonis, Socratis, Epi-  
 curi 353.f. Pyrrhoni &  
 Herilli 354.q  
 scholarum publicarum com-  
 moda 341.f  
 Scholasticorum stiles tempo-  
 re Lutheri 26.m  
 Scholasticorum subtilitates,  
 & inanes questiuncula at  
 que altercationes quan-  
 tum literis noceant 29.p.  
 & seq.  
 Scientia aquarum similis  
 138.p  
 Scientia appetitus primum  
 peccatum 4.p  
 Et scienc-

# INDEX RERUM

- scientia dignitas in Archetype quarenda 41.f  
 Scientia partitio in Theolog. Et Philosophiam 137.f  
 scientia est reminiscens 2.p  
 scientia h. sursumtum ex Linguis eruditis 274.m  
 scientia inflat. 4.m. non inflat 5.m  
 scientia omnis iucunda 7.p  
 scientiarum Latitudo Et longitudo 293.m  
 scientiarum officium, abbreviare longa itinera 170.f  
 scientiarum per aphorismus sermone methodum tradendarum differentia 289.m. Et seqq.  
 scientia superba boni Et mali lapsim peperit 5. Et 43.m  
 scientia universalis qua 139.p desideratur ibid.m  
 scriptio administriculum memoria 267.m  
 de scriptoribus authenticis 478.m  
 scriptura interpretatio quomodo instituenda 494.m  
 scylla monstrum 30.f  
 Secretariorum imperitia 285.m.  
 secundis aut tertii etiam licet acquiescere 439.f  
 sedentaria artes mechanicae in regno alienigenis aut servis commendanda 453.m  
 semelis iobis pelle 132.f  
 semides 49.m  
 senatorer eruditissimeliores 2.lis 50.f  
 senatores ingenio derisores 22.m  
 seneca Padagogus Neronis per quinque administravit Imperium 11.m  
 Seneca quomodo Neronem in fluerit 20.p  
 senectus retardari potest 179.p  
 senex beneficus miraculum 372.m  
 sensibile fortius percutit memoriā 270.p  
 sensus Et sensibilis superior inquisitio 224.p  
 sensus resecant naturalem divina occludit 7.f  
 septima temporis 443.m  
 septimus Severus debuit aut nunquam nasci, aut nunquam more 443.f  
 sera in fundo parsimonias 302.p  
 sermo familiaris 387.m  
 sermones cuncti non audiendi 393.f  
 sermonis anima ratio 272.p  
 sermonis organum 272.m  
 de sermonis methodo 286.m  
 que duplex 287.m. iterum duplex 288.f  
 sermonis regimen minime prudens Et politicū 402.p  
 servi non delicate trattandi, 405.p. per gradus promovendi ibid.m  
 in servis quid potissimum defideretur 405.f  
 seruos prudens dominabitur Et c. 392.f  
 Severinus Danus 168.p  
 severitas cum clementia temperanda 468.m  
 Sibyl.

ET VERBORUM.

Sibylla	libros duos comburens	lect. m	406. m
	308. m	spes malorum	antidotum
sigillorum	practica in cera	307. p	spes vigilantis insomnium
	243. f typographia offendit	ibid.	406. f
a silencio	contumaci caeden-		spuracis doctrina
dum	392. p		spiritus in spiritum impressio
Socratis	cum sophista disce-		222. p
piatio	360. m	spuma maris lucefecit	227. p
Socratis elogium a Platone	23	spurii felices eadunt	432. f
m.		stans in valle optimè perlu-	
sol bonus & malus diverso		strat montem	363. p
respectu	303. m	statuarii mos insculpendo si-	
solem orientem plures ado-		mulacro	380. p
rant quam occid.	406. m	statuta temporis leges	463. p
solemnitas verborum &		statuta recentiora ad Comte-	
etorum	463. f	ri referantur	473. R
Solonis responsum Crasoda-		statutum explanatorium	
sum de auro	449. p	463. f	
Solen leges dedit optimas	20.	stilus genue concisum etiam in-	
p.		temperies literarum	28. m
somni gemina porte	382. f	stipendia sumptuosa reque-	
somniorum natural. inter-		runtur ad literarum &	
pretatio	189. m	scientiarum cognitionem	
Sophron in Theologia deside-		74. p	
ratur	493. p	stipendiorum tenutas quan-	
spartam qui non exornant		tum ob sit literis	73. P
363. m		studia in mores abeunt	379.
spartani cives habebant bel-		p.	
licosos	454. p	cum stulto non contenden-	
spartani parci in cooptandis		dum	393. m
nostris ceteris	451. f	sturmis opera in Cicerone &	
specilla ocularia	243. f	Hermog.	26. f
specula ex metallo qualia		subtilitas litigiosa	28. f
294. p		successus felicitate, non cir-	
speculum divinum, & politi-		tuti aut industria tribu-	
cum	426. m	ends	417. f
specus Platonis	265. p	succinum paleas trahit	240.
spec futurorum, quam presen-		p.	
tum fructione magis de-		sulphur chalybem facit flue-	
		re	240. m.

# INDEX RERUM

- de Summo bono Ethnorum  
 Christianus non disputandum 349 m  
 supersticio Culpi terror est  
     panicus 123. f  
 surculus in trunko insitus 239  
     f.  
 surdaster posse ne instruēto  
     judari 243. f  
 suspicio & diffidentia 36. p  
 sustinere majoris artis est  
     quam abstinere 355. f  
 Scopantis princeps ne cre-  
     dat 400. p  
 Sylla Gotum 433. p  
 Sylla orbis perturbator. 358.  
     m.  
 Syllogismus 236 p  
 sympathia veri & boni inti-  
     ma 228. m

## T.

- T**acendi ars 384. f  
 Taciturnitas fidem con-  
     ciliat 425. m  
 Tactus in Tiberio nosat mo-  
     dum loquendi diuersum.  
     421. m  
 Telesius Consentinus 168. p  
 tempora magni virtutibus  
     exitium 412. f  
 temporis non multum insu-  
     mendum 439. p  
 Tempus fluvio simile 37. p  
 Terra armis & ubera gleba  
     potens 451. p  
 terre globes cum universita-  
     te collatis 61. f  
 Terra pensilis 254. m

- terrores panici qui 123. m  
 Themistoclis dictum in civile  
     446. m  
 Themistoclis responsum 497.  
     f.  
 Theologiae cunctorum labo-  
     rum & peregrinationum  
     humanarum sabbathum  
     & portus 486. f. hauritus  
     ex verbo Dei, non ex natu-  
     ra 489. p. & 495. p.  
 Theologia tres appendices.  
     488. p.  
 Theologia naturalis 143. m.  
     conducit ad Artesimum  
     confutandum, non ada-  
     struēdam religionem 144.  
     p.  
 Theologia tribus constat par-  
     tibus 81. p.  
 Theologica scripta innumera  
     496. m  
 thermarum artificiis aliū con-  
     posito desideratur 207. m  
 Tiberius Caesar occultus 421.  
     m.  
 Tiberius quare ludos publi-  
     cos nūquam spectarit 427.  
     p.  
 Tigellinus metus Neronis ri-  
     matius 424. m  
 Tigranes Armenius à Roma-  
     nis, quorū vires contemne-  
     bar, profigatur 448. f  
 Timoleon homo fortunatissi-  
     mis 314. p. essus res compa-  
     rantur cum rebus Agesilaüs  
     & Epaminonda à Plutar-  
     cho, ibid.  
 Timotheus Atheniensis 417.  
     p.

titulus

# ET VERBORUM.

*tituli rerum & personarum*

95.p

*tonitrua & fulgura imitamur* 243.m. *illorum inventorum monachus* 243.p

*Topica inventio* 250.f. *generalis* 252.p. *particularis* ibid.f. *bac summe necessaria & fructuosa* ibid. & seq. at desideratur 253.f

*Traditio lampadis desideratur* 288.f

*Traditio methodica* 289.m

*Traditio per aphorismos* 289.m

*Traditio caparatio* 272.m. *ejusdem Organum* ibid.f

*Trajanis vita exemplar* 380.f

*Trajanus doctrina admirator* 51.f

*Transcendentes conditiones entium quae sunt* 142.p. *clarum inquisitio & doctrina desideratur* 143.p

*Trebonianus in codice* 474.p

*Tributa Belgarum, Excise vocantur: Anglorum subsidia* 449.f

*Tributis oppressus populus bellicosus non fit* 449.f

*Triumphi, trophea, largitiones, corona tauri, presagia in milites collata bello feliciter gesto* 457.m. & f.

*Tunica Salvatoris* 493.f

*Turca eleemosynas bruit dant* 401.m

*Typhon in rebus implicatus* 124.p

*Typocosmias* 294.f

*Tyrannum ne licet occidere* 367.f

V.

*Valentinus Borgia* è sacerdote miles. 427.m

*Vanitas sanitatum* 442.f

*Variatio experiments* 239.f

*Varietas facierum, soni, verborum* 197.m

*Velleius Epicureus* 264.f

*Vena frontis quando incidenda* 245.f

*Venatio Panis* 238.f

*Venatorum mos* 374.m

*Verba meretricia* 421.f. *quomodo deprehendantur* ib.

*Verba sunt imagines rerum,* 27.m

*Verbo Desides habenda, reluctanteratione* 488.m

*Verborum splendor non damandus* 27.f

*Veri & boni Sympathia* 228.m

*Verulamius regnum admistravit* 445.m. *multos honorum gradus sustinuit*

*ibid. regis colloquiis discusus* ibid. artibus, historiis

& legibus incubuit ibid.

*Vespasianus mutatus in me-* lius 372.f

*Vestis Ecclesia* 493.f

*Vibulenus ad milites concipiatur* 344.m

*Victoriana scyles* 456.f

*Victus durus barbarorum,* 214.f

*Vini spiritus* 241.m

*Vinum cupiditatum communia fomes* 135.p

*Vinum ex pomis conficitur.* 242.f

# INDEX RERUM


- Cires externae nihil praestant,  
     nisi gens fortis sit 448.m  
 Virgilis Georgica commen-  
     dantur 348.f  
 Virgilius causarum cognitio-  
     nem cum metu proflaga-  
     tione copulat 63.m. Augu-  
     sto assignat longè optimos  
     honores 63.f  
 Virgilius studia patriæ post-  
     habuit 9.m  
 Virtorum illustrium minima  
     quoq; virtus statim in ocu-  
     los incurrit 398.m  
 Virtus à latente affectu vix  
     potest distingui 137.f  
 Virtus non curanda secundū  
     Macciadellum 441.f  
 Virtus propter seipsum eligi-  
     tur, non propter auram  
     popularem 311.m  
 Virtus si consiperetur, in-  
     gentes sus amores concita-  
     ret 297.m  
 Virtutes intellectuales 1.f  
 Virtus niella via est in via.  
     418.p  
 Virtus diminutio quomodo  
     contingat 430.f  
 Virtus premiū virtus 443.  
     p.  
 Visc. si ē nodosī ē ad ver-  
     sandum inepti homines.  
     435.m  
 Vitta brevis, ars longa 170.f  
 Vitta 96.m. ē f. ē 100.p  
 Vitta genus eligendum inge-  
     nio congruum 427.m  
 Vitta prolongatio desideratur  
     in medicina 209.p
- Vitta similis 442.m  
 Vittis supplicium, ipsum Vittū  
     443.p  
 Vittum se sub virtutū umbrā  
     recipit 303.f. latet proxi-  
     mitate bone ibid.  
 umbra super album congre-  
     gantur 245.f  
 Voluptaria artes 215.m  
 de Vnitatis gradibus in ci-  
     tate Dei tractatus deside-  
     ratur 494.p  
 Voluptaria floret Rep. decli-  
     nante 216.p  
 urbanitas ē morum commo-  
     ditas quando in subsidū  
     petendum 388.m. Vests est  
     animi ibi f. qualis esse de-  
     beat ibid.  
 urbes munitæ, armamenta-  
     ria plena ē c. quid senz  
     absque gente forti. 448.m  
 urinatores 214.f  
 usus ē naturam ē artem  
     vincit 233.f  
 de Vulpe ē sele Aesops fa-  
     bula 336.m  
 Vultris compositio quid pre-  
     stet 387.p
- X.
- Xenophon Atheniensis 10.m  
 Xenophon cum Cyro ju-  
     niore proscitus 59.f. Fal-  
     no respondet 60.m. exerce-  
     tum in Graciam reduxit.  
     60.f
- Z.
- Zenois ē aliorum Scho-  
     le 353.f. ē seq.

Errata


Errata præcipua sic Lector emendabit.

p. 27. l. 1. in. 2. sacrificia ead. alacritate p. 17. l. 9. erga p. 28. l. 29. verborum. p. 35.  
l. 28. alacriter. p. 49. l. 8. humanos p. 51. l. 13. pro sex. ege. sex. ibid. l. 23. dolus.  
p. 63. l. 5. demetit. p. 81. l. 2. post emanationes. supple. historia. p. 115. l. 18. judi-  
cium. p. 116. l. 29. periodum sic lege: Adeo ut omnes de rerum principiis op-  
niones hue redantur. & ad illam &c. p. 125. l. 14. se ipso. p. 127. l. 13. de c. transfor-  
mit &. in sequenti linea insere. & sic lege: in Scutum Palladii transfigur-  
& inseruit. p. 141. l. 9. ingruente 152. l. ult. Epicycli p. 160. l. 5. dele a p. 172. l. 2.  
late. p. 179. l. 7. verissimiliss. p. 186. l. 27. certe p. 195. l. 5. simplicissima. p. 210. l. 26.  
debeant. p. 211. l. 3. utroq. p. 220. l. 3. origines. p. 226. l. 24. pauli per p. 227. l. 27. eli-  
tuerunt; p. 231. l. penult. nisi. p. 232. l. 21. imperito. p. 239. l. 20. insitio. p. 372. l. 7.  
complexio. p. 371. l. 29. delegerunt. p. 387. l. penult. dele Quid. p. 394. l. 1. & 2. i.e.  
ge detella.









Verbi  
Gloria

Augustine  
S.

Certitudine

60

20

3.719

